




C 1111
295



Fig: 3



O quā pulchra est Casta
generatio cū claritate Sap 4



Imprimatur,

Si videbitur Reuerendiss. P. Mag. Sac.
Pal. Apost.

A. Rinald. Vicesg.

Imprimatur,

Fr. Vincentius Fanus Mag. & Socius Re
uerendiss. P. Fr. Vincentij Candidi
Sac. Apost. Pal. Mag. Ord. Prædic.

*Gosuuinus NicKel Societatis Iesu
Præpositus Generalis.*

Cum Libram, qui inscribitur Clypeus
castitatis, à P. Io. Baptista Rossi nostræ
Societatis Sacerdote conscriptum, aliquot e
iusdem Societatis Theologi recognouerint, &
in lucem edi posse probauerint, facultatem
facimus, vt typis mandetur & ita ijs, ad quos
pertinet, videbitur. cuius rei gratia has litte
ras manu nostra subscriptas, Sigilloq; nostro
munitas damus Romæ 20. Februarij 1653.

Gosuuinus NicKel.



Cum

CVm Sanctissimus D.N. Vrbanus Papa. VII. in S. Congreg. S. R. & vniuersali Inquisit. Decretum ediderit quo inhibuit imprimi Libros hominum, qui sanctitate, seu Martyrij fama celebres à vita migrauerunt gesta, miracula, reuelationes, seu quæcunque beneficia, tanquam eorum intercessionibus à Deo accepta continentes, sine recognitione, atque approbatione Ordinarij, & quod ijs nulla adsit auctoritas ab Ecclesia Romana, sed fides sit penes Auctorem. Huic decreto ea reuerentia qua par est insistendo profiteor me non alio sensu, quæ refero in hoc libro accipere, aut accipi ab ullo velle, quam quo ea solent, quæ humana auctoritate, non autem diuina Catholicæ Rom. Eccl. aut S. Sedis Apostol. nituntur, ijs tantummodo exceptis, quos eadem S. Sedes Sanctorum, Beatorum, aut Martyrum Catalogo adscripsit.



LECTORI



APERIO tibi candidè, Lector beneuole, quæ me causa impulerit, ut reliquis meis opusculis spiritualibus pridem editis, hoc postremum adiungam. Nimirum contigit mihi, quàm frequenter in priuat. colloquijs cum externis, ad quæ vel necessitas, vel caritas, vel utraque descendere compellit, exempla narrare, quibus viri Nobiles, præsertim adolescentes suam castimoniam probauere Cælitibus, & ob insolentiam facinorum præclarissimorum admirabilem mortalibus reddidere. Porro cum nullo vnquam istiusmodi sermones serere memini, qui non vehementer commoueretur animo, & motum oculis, vultu, interdum etiam lacrymis proderet; & quod optabilius est fructum non caperet penitædinis, si cuiusquam sibi conscius esset turpitudi-

I. 31. Ciuit
c. 16.

Val. Max.
1. 6.

tudinis; aut non tangeretur desiderio
imitationis, si innocentia. Quippe, S.
Aug. teste, paucissimi tanta sunt felici-
tatis, ut ab ipsa ineunte adolescētia nulla
damnabilia peccata committant &c.
quia videlicet thesaurus est in vasis fi-
lilibus castitas, cui depraedando in-
hiant impuri spiritus, aduersus quos
pugna quotidiana iuuenibus est; &
rara, vel minimē constans victoria.
Veruntamen, ut cerei sunt, & ad v-
ttrumq; flexiles adolescentum animi,
cum adhuc in nequitia peregrinantur,
si in Xenocratem quempiam incurrant
de temperantia opportunē differentem
ingemunt infelicitatem suam, ac in-
totidem Polemones euadunt, eò fortu-
nationiores, quod expiare sacris mysterijs
totam profanitatem queunt, quæ à
nullo Philosophorum veterum sperare
Iuuentus poterat, ut resipisceret.

Qui verò ambulauerunt in Innocen-
tia, & primam stolam in Lauacro san-
cto acceptam non coinquinauere, cum
laudes, & bona pudicitiae cœlestis or-
namenti auscultant, leti de sua feli-
citate, ne de illa cadant, sedulò se Sa-
cramentis muniunt, & lubricum eta-
tis in solido timoris Domini, & horro-
re vitij obfirmant. Talia meditati
venie-

veniebat in mentem opinari Deo gra-
tum, & utile iuuentuti fore studium
colligendi exemplorum fasciculum ex
historiarū selectarum hortis, quorum
notio pareret fructus honoris, & ho-
nestatis. Constitui igitur partem
temporis theologicis studijs destina-
tam ad opella huius molitionē trans-
ferre, ut Iuuentutem per orbem
christianum, tam litteris vacantem,
quàm otio indulgentem, quoquo modo
iuuem; & antidotum efficacissimum
subministrem ad vitia illi infesta, vel
anteuertenda, vel resecanda. &

Quod si Sanctus Ignatius Loyola
ille Apostolicæ virtutis heres, cuius
cor diuini amoris flamma depascens in
Seraphinum verterat, compendium
fecisse rebatur totius vitæ laborum,
sudorumq; in animarum salutis procu-
ratione sudatorum, si vel vnus no-
ctis flagitia eorum pretio redimeret,
nunquam mei me consilij pœnitebit, si
vel vnum ex tota iuuenum turba libel-
lus hic Christo lucrifaciat, cum ta-
men quæstum longè vberiore per
plura sæcula, & loca illi audeam polli-
ceri.

Ceterum paucula te monitum velim
Lector, in præambulo. Primum est me

elogia mera haud texere, quia eò colli-
mo, ut voluntatem assiciam, & ad ho-
nestam, congruamque imitationem pro-
uocem: cui fini concinna laudatio, &
breuis, ac ingenij luminibus nitens
scriptio haud quaquam seruit. Neque
rursus ex historiae legibus narratio-
nem instituo; quod in ea multae diri-
mende lites temporum, locorum, per-
sonarum, negotiorum, quae mentem
ab affectu distrahunt, ac sterilem le-
ctionem reddunt. Tertiam igitur in
eundam mihi viam existimaui, ut ex
historijs probatorum scriptorum insi-
gniora quaedam decerperem, quae certa
sunt; & in ea mensura, quae satis sit
ad notitiam conditionis, virtutisque
virorum illustrium ingenerandam, &
pietatem in animo pariendam, vel fo-
uendam.

Alterum est pleraque in opusculi de-
cursu commemorari, quae miranda
sunt cunctis; atq; imitanda paucis du-
taxat, quos diuinus spiritus per semi-
tas altissimae perfectionis ducit, ac su-
pra communis sanctitatis excelsa eue-
bit. Puta cum S. Emericum Princi-
pem Hungariae leges, vix puberem,
Votum Virginitatis emisisset, Nolo te
statim eodem adstringere voto prope-
res,

res, ne que alio simili; sed consideratè;
ne dici possit stuita promissio, quæ Deo
displicet, & tibi non prodest; ideo cō-
sultò feceris si cum sapiente tuæ con-
scientiæ arbitro cogitata, & sensa ad
examen reuoces, an sana, an à Deo sint
& nihil illo inconsulto, & consentiente
aggrediare, ne sub boni specie malus
te spiritus decipiat, ac perdat. Et in
hoc Puta tibi dictum; Iudicium patris
audite filij, & facite, ut salui sitis.

Tertium est compagem, ac operis
structuram pia fictione nixam, Apos. 14.
festiuitatis Parthenicæ eorum, qui
canunt canticum, quod nemo cæ-
terorum cantare potest: Et quia eò
spectabat solemnitas, ut vniuersa-
lis Pax impetretur à Deo Regno-
rum datore, & conciliatore Prin-
cipum, inducebantur ij tanquam spe-
ctatores, non ut pars festum celebra-
ntium; Neque plures quam primores
pauci, qui mutuis regiarum familia-
rum coniugijs reuecturi videbantur
Pacem diu nimis ab Europa exulan-
tem. Ast mutare consiliū suasisit temporū
mutatio, ideoq; manenti eidem coronæ
illustrium Virginum abscissi lemnisci
sunt, & additamenta detracta, qui-
bus ratio constabat ordinis, dispositio-
nis,

nis, & munium singulis praescripto-
rum. Sed bene est, quod simplex ipsa
historia afferre potest Lectori fructum
quem intendimus ne gratis plura ab
auctore requirat ad ordinem, vel sty-
lum pertinentia.



Hieroglyphicum Virginitatis.

EXPLICATIO

HIEROGLYPHICI.

Pinge mihi Sermonem Virginitatis ; Hol. 9 de
Pænit. 10. 3
ait Sanctus Chrysoſtomus Si dixiſ-
ſet Pinge mihi Virginitatis imaginem , ha-
buiſſet promptum Apellem allquem qui ſuis
lineamentis , & coloribus expreſſiſſet Virgi-
nem Specioſiſſimam , oculis in Cœlum ere-
ctis , hilarem . vultu verecundam , caput Li-
lijs , roſiſque redimitam , corpus Stola candi-
diſſima obtectum , murem ponticum dexte-
ra mulcentem , planta teſtudinem calcan-
tem ; Et ſi quid amplius è Muſarum penu mu-
tuare ad eam repræſentandam , vel proprio
Marte comminiſci Pictorum ſolet induſtria :
At ſermonem , in quem non oculus , ſed au-
ris tendit , ac percipit , pingere , quis morta-
lium queat ? Et pinxit tamen Immortalis ,
cum Virginem inter Leonem , & libram in
grandi orbiculari tabula collocavit , & ge-
mino Septo incluſit , vt de Iuſtitia loquitur
S. Ambroſ. Hoc opus digitorum Dei , ſermo
eſt Virginitatis figurata conſtellatione demō-
ſtrantis mediam ſe inter fortitudinem , ac Iu-
ſtitiam incedere , & ſine ipſarum conſortio à
Creatore defixo , neque in Cœlo , neque in
terra conſiſtere poſſe . Fulcitur hinc Leone ,
qui typus eſt fortitudinis , quia Virgo à bel-
lis nunquam ceſſare poteſt , vt S. Chryſoſtom.
ibi-

Serm. 250
de temp.

ibidem, & nisi fortiter pugnet, succumbit.
Inter omnia Christianorum certamina, inquit
S. August. Sola duriora sunt praelia Castitatis,
vbi quotidiana est pugna, & rara Victoria.
Quia videlicet colluctandum cum graui ad-
uersario foris, & cum domestico inimico in-
tus, etiam sanctis infesto, etiam Apostolos
vexante: sentio aliam legem in membris
meis repugnantem legi mentis mee.

Rom. 7.

Fortitudine igitur opus est, & generositate
animi significata per Leonem, ad castitatem
tuendam: & constantia ad pertinaces carnis
impetus retundendos.

Leoni respondet ex altera parte libra, quia
fortitudo necessaria ad conflictus est cum
hostes impetunt, & ad pugnam prouocant;
sed & pacis tempore multa contingunt in vsu
vitæ, quæ cautionem, vigilantiamque poscunt,
vt virtus exerceatur, viteturque vitium ab eo
qui Virginem castam exhibere Christo statuit,
cum enim in ijs excessus, defectusq; culpæ sit
obnoxius, & in via morum cauendus, me-
diocritas, quæritur, & æquabilitas quedam,
inter vtrumq; siue agere oporteat, siue pati,
cui denotandæ æquabilitati, libræ deferuit
signum, quod ingrediens Sol, diei, noctisque
horas pares facit; indeque simile ducitur
ad virtutes, tam quæ circa medium ra-
tionis inuestigandum occupantur, vt seuent.
Quam quæ medium spectant rei, & æquali-
tatem, quærunt. Quod effatum vniuersim
prolatum non quadrat Virginitati, cuius ex-
celllentia naturæ, in impartibili puncto
splen-

apiens , nulla mediocritate contenta ; sed
cadit nihilominus in actiones ipsam comitan-
tes , atque ita cadit , vt si mediocritas ab illis
absit laudabiles esse desinant , & minimè ad
pulchritudinem , nitoremq; Virginitatis con-
seruandam idonee sint . Sensuum in primis
continentia opus est non ab illicitis duntaxat ;
sed & ab illecebrosis , quæ affinia illis sunt ac
libramentum quoddam disciplinæ interioris .
ac exterioris est , quo fulcitur Virgo à Leone
defensa , vt sit quidam veluti sermo illius ad
Syderum inspectores directus . HINC ME
LEO TVETVR ; INDE ME LIBRA CON-
SERVAT .

Neque verò factum est casu , vt contineat-
tur orbis Phœnicis rostro , & vnguibus , quia
auis hæc in sua specie singularis , & in mun-
do vnica , symbolum Virginitatis dicitur , eo
quod neque concepto fœtu , nec semine sur-
git , sed pater est , prolesque sui , nulloque
creante , emeritos artus fœcunda morte re-
format , vt loquitur Claudiæ , explicatque
S. Ambros. Hexamer l. 5. c. 2 3 .

Apes præterea hinc inde lilia delibantes
pinximus congrua Virginitatis symbola , quia
vt S. Ambros. ibidem , communis est om-
nibus generatio , integritas quoque corporis
virginalis omnibus communis , & partus ;
quoniam neque vlllo concubitu miscentur ,
nec libidine resoluuntur , nec partus quatiun-
tur doloribus , & subito maximum filiorum
examen emittunt è folijs , & herbis ore suo
prolem legeutes . Ideo S. Adhelnus Episco-
pus

In biblio
th. PP. 10.
alias 3.

pus lib. de laud. Virginit. c. 2. ait apes peculiaris castimonie priuilegio pudicissimæ Virginitatis typum, & Ecclesiæ portendere speciem, indubitata scripturarum auctoritate adstipulatur: Quæ florentes saltuum cespites inefabili præda depopulans natorum pignora, nesciens connubij illecebrosa consortia foetosa, quadam suauissimi succi de balsami concretionem producit.

Reliqua sunt lilia programma nostrum ambientia ad ornatum, & ad significatum. Quid per lilia (ait i. Greg. in illud Cant. 2. Qui pascitur inter lilia) nisi mundæ animæ designantur, quæ dum castitatis candorem retinent, per bonæ famæ opinionem proximis quibusque suauiter olent. Inter lilia sponsus ergo pascitur, quia procul dubio animarum castitate delectatur, quæ & in se munditiam carnis conseruant, & per nitidas cogitationes coram eo placent, & exempla proximis quasi odoris suauitatem donant, quibus similia habet S. Hier. eplst. 8. ad Demetriadem.

Leo igitur, & Libra sermo sunt Virginitatis in prælio fortitudinem, in pace virtutum reliquarum subsidium deposcentis; Phœnix, & apes coniugiorum, lilia candoris, & fragrantia fecunda sunt naturæ symbola, ingenijs ad eius extollegendam diuinitatem materiam ministrantia.

I N D E X

Hieroglyphicum Virginitatis.
Dominus noster Iesus Christus cum Bea-
tissima Virgine, & S. Ioseph.

S. Ioannes Baptista
S. Ioannes Euangelista
S. Clemens P. M.
S. Nicolaus Episc. Myr.
S. Ludouicus Episc. Tolos.
S. Gregorius Nazianz.
Iacobus Vlysip. Archiep. Card.
B. Petrus à Luxemb.
Robertus Bellarm. Archiep. Capuan.
Robertus Nobilius Card.
S. Franciscus Xauer.
S. Philippus Nerius
B. Aloysius Gonzaga
B. Stanislaus Kostka
Io. Brechmans
Antonius Maria Vbald.
S. Henricus Imperator
S. Eduardus Angliæ Rex
S. Venceslaus Boemiæ Rex
Malcholmus Scotorum Rex
S. Casimirus Poloniæ Princeps
S. Emericus Hungariæ Princeps
S. Robertus Dux Bingenfium
S. Sebaldus Peregrinus
S. Alexius
Eerdinardus Lusitaniæ Princeps
S. Elzearius Comes

S. Pe-

S. Pelagius M.
S. Nicolaus Peregrinus
Alexander Bertius

PLacuit in honorem Vitæ Christi Domini
tribus, & triginta annis circumscriptæ toti
de imaginibus Parthenicæ festiuitatis codice
conflare, ne fortè conquerare prætermis-
sios tam Virginitate, quàm nobilitate fa-
mosos heroas quales celebrantur Martianus
Imp. cum Pulcheriâ sorore Theodosij iunio-
ris, Alphonfus Castus Hispanus, Edmundus
Vxoratus Anglus, Boleslaus Pudicus Polonus,
Iosaphat Indus; omnes Reges, & plures re-
lati in Heteroclitis Eruditissimi P. Theophilus
Raynaudi nostri in Indiculo Sanctorum cu-
iusque conditionis, ac status.



FERDINANDO

Q V A R T O
ROMANORVM REGI
SEMPER AVGVSTO

Aeter. F.



ANCTISSIMVS Ecclesiæ

Doctor Augustinus didicit à

Christo Domino, & ab Aposto-

lo Paulo scribere, *Non tribua-*

mus dandi Regni, atque imperij potestatem,

nisi Deo vero. A Deo igitur datū tibi Ro-

manorum Regnum FERDINANDE

semper Auguste Hungariæ, ac Boemiæ

Regi. Gratulatur gloriosæ electioni à se

tibi destinatæ Cœlum: Gaudet recenti

splendore decorata Terra: exultat nouo

defensore munita Ecclesia Sancta: Nec

A

deside-

*lib. 5
Ciu.
cap.
21.*

desiderari patitur in tot gratulationum
cumulo suas partes addictissima Maiesta-
tis Austriacæ Domui, Iesu Societas. O ve-
ri, ò synceri, ò pij gaudiorum Sensus, qui-
bus propositus est Dei honor, & gloria ;
Religionis firmitas, & incrementum; Au-
striacæ familiæ decus, & ornamentum eò
illustrius, quòd initium trahit à pietate in
Venerabile Sacramētum, qua Rodolphus
posteritati reliquit argumentum celebrā-
di nomē suum, & diuina prodigia, factum
memorable insequētia, prædicādi. Trans-
missa est hæreditaria successione ad Ne-
potes pietas eadem, quos inter Ferdinan-
dus II. Auus tuus Rodulphi exemplum
renouandi occasionem libentissime sump-
sit, quando venationi in syluis intētus, ex
nolulæ sono agnouit sacrum panem ad
ægrotum deferri ; illic namque concita-
to cursu Sacerdotem gestantem assecutus,
equo desilit, flexo poplite adorat latentem
sub speciebus Christum : Comitatur re-
uerenter cum promiscua turba, & humi-
lem casam rustici iacentis ingressus, hu-
manissimis solatur verbis, & liberali elee-
mosyna donatum, recreatumq; relinquit,

Vidi

Vidi egomet eundem, cum vices Mat-
thiæ, Pragæ tum de gentis, suppleret, Vien-
næ anno sæculi currentis quartodecimo
in die feſto Corporis Domini publicè ſup-
plicationis ſua præſentia augere pompam,
& totum illud viarum, ac platearum iter,
quo ſolemniter Hoſtia Sacroſcãcta circũ-
ferebatur, deſecto capite emetiri, licet poſt
nocturnũ imbrẽ vegetior ſol æſtuaret, ac
aërem velut in canicula ſuccederet. Et au-
dire contigit mihi ab intimo domeſtico-
rum aulae, oppidò feſſum, & ſudore ma-
didum, vt ad Conclaue Palatii redijt, de-
cumbere coactum; ſed hilarem animo;
quòd labor ille; ac defatigatio in bonum
cederet Catholicæ Religionis, & ædifica-
tionem non modicã Catholicorum, aman-
tium imitari quod mirabantur in Princi-
pe. Et ij cur non ſperent à Nepote Roma-
norum Rege, quæ vidit ætas noſtra in-
auo, ſuſpexit antiquitas in atauis, ſi tam
fauſtè coelites vtriſque propitios experi-
tur? Quid minus Eccleſia Sancta à veſtris
expectet, quàm à præceſſorum auſpicijs,
qui ſartam tectam illius dignitatem, au-
toritatemque, ab alienis incurſibus quan-

tum valere, constanter voluere? Vestri
generositas animi ad sublimia nati; vestra
virtus, prudentia, temperantia, castimo-
nia, & reliqua excelsa decora, quæ Coeli-
tes in vobis plena collata manu, vt sua mu-
nera diligunt, plura pollicentur, quàm
lentus exaret stylus, vel brevis meus, vel
prolixus aliorum. Vt nihil interim is at-
tingat eorum, quæ voluntates deuinciunt
subditorum populorum, ac Exterorum,
Maiestas oris, suauitas morum, eloquij
amabilitas, temperata facilitate grauitas,
prompta ad benefaciendum humanitas,
quæ in specie imperio digna ceu in Cœ-
lo Sydera splendent, & tanquam alte-
rum in terris Solem comitantur.

Vt mirum proinde videri non debeat,
quòd Vobis Societas Iesu tam magnificis
obstricta beneficijs, quàm amore, & ob-
seruantia singulari diu Vobis additissi-
ma, Lætitiæ quoque suæ in communi
exultatione, plausuque prodere signa
gestiat; Et aduocato in auxilium Mu-
sarum fauore flores, fructusque ingenij
multiplices aræ appendat prouidentiae,
quibus merita vestra, tum nostra debita
decla-

declarentur. Et eorum quidem imitatione vocalis quoque mea Camæna cantum adiungeret laudum vestrarum, & per Austriacos campos excurrens messem colligeret Enconiorum, Cœlestibus dumtaxat inferiorum: Ast quæ conuentio humilibus myricis cum excelsitate Cedrorum, Libani? Aut quæ participatio anserini clangoris cum suauissimo modulamine, Olorum, qui vestram inaugurationem quâ soluta; quâ stricta oratione extollunt in sublime? Horum vice Clypeum castitatis Maiestatî tuæ offero; hinc ardore caritatis heroum in eo descriptorum, velut auro fulgidum; inde candore Virginitatis ceu argento splendidum: ac iccirco, vti reor, gratum futurum quod Imperatores, ac Reges Lectori obijciat, quorum præclarissima facinora imitari poteris; celsitatem Virginei pudoris satis admirari vix poteris. Si fronte serena, & amica manu Clypeum tuæ fortitudinis indicem, tuæ honestatis Symbolum accipias, non inuidebit Clypeo in Curia Romana totius Senatus consensu affixo in honorem Claudij vt primum Imperator salutatus est

est, Et redibit denuò in conspectum
Maiestatis tuæ noua inscriptus Epigra-
phe.

VIVAT FERDINANDVS
ROMANORVM REX sēper August⁹
Aeternum regnet.


Maiestatis V.

Humillimus seruus

Io. Baptista Rossi
S.I.



FERDINAND.⁹ IV ROMANOR³ REX
Domui, et throno eius sit pax 7. Reg. 2.



FERDINANDVM ROMANORVM REGEM

Inaugurandum Cometes nuper visus in
Cœlo portendit.



Horrificus fulsit ferali crine Cometes
Infaustus Regnis, Principibusq; minax
Fallor ego. Austriacis quoddã dedit omina Regni
Fausta, capillatum, quod nitet axe, iubar.
Non ego iam fallor, Romani nuncia Sceptri
FERDINANDE micans hac tibi stella venit.

IOANNES BAPTISTA
BORGHESIVS

Principis Borghesij è filio NEPOS.

*Si quis non amat Dominum nostrum
Iesum Christum, sit anathema,
Maranatha 1. Cor. 16.*




A L D E mihi amandus
est per quem sum, viuo,
& sapio &c. Sed est, quod
me plus mouet, plus vr-
get, plus accendit. Super
omnia, inquam, reddit
amabilem te mihi bone
Iesu calix quem bibisti, opus nostræ redem-
ptionis. Hoc omnino amorem nostrum,
facile vendicat totum sibi. Hoc, inquam,
est, quod nostram deuotionem, & blandius al-
licit, & iustius exigit, & arctius stringit. Mul-
tum quippe laborauit in eo Saluator, nec in
omni mundi fabrica tantum fatigationis au-
ctor assumpsit. At verò hoc & in dictis suis
sustinuit contradictores, & in factis observa-
tores, & in tormentis illusores, & in morte ex-
probratores. Ecce quomodo dilexit. S. Bern.

Serm. 30.
Cant.

M A R I A.

Non recedat ab ore, non recedat à corde,
& vt impetres eius orationis suffragia, non
deseras conuersationis exemplum. Ipsam se-
quens, non deuias, ipsam rogans non desperas,
ipsam, cogitans, non erras Ipsa tenente non
corruis, ipsa protegente non metuis, ipsa du-
ce non fatigaris, ipsa propitia peruenis. S. Ber.

Homil. 2. su-
per Missus.



FERDINANDVM ROMANORVM REGEM

Inaugurandum Cometes nuper visus in
Cœlo portendit.



HOrrificus fulsit ferali crino Cometes
Infustus Regnis, Principibusq; minax
Fallor ego. Austriacis quoddã dedit omina Regni
Fausta, capillatum, quod nitet axe, iubar.
Non ego iam fallor, Romani nuncia Sceptri
FERDINANDE micans hac tibi stella venit.

IOANNES BAPTISTA
BORGHESIVS

Principis Borghesij è filio NEPOS.

*Si quis non amat Dominum nostrum
Iesum Christum, sit anathema,
Maranatha 1. Cor. 16.*



ALDE mihi amandus
est per quem sum, viuo,
& sapio &c. Sed est, quod
me plus mouet, plus vr-
get, plus accendit. Super
omnia, inquam, reddit
amabilem te mihi bone
Iesu calix quem bibisti, opus nostræ redem-
ptionis. Hoc omnino amorem nostrum,
facile vendicat totum sibi. Hoc, inquam,
est, quod nostram deuotionem, & blandius al-
licit, & iustius exigit, & arctius stringit. Mul-
tum quippe laborauit in eo Saluator, nec in
omni mundi fabrica tantum fætigationis au-
ctor assumpsit. At verò hoc & in dictis suis
sustinuit contradictores, & in factis obserua-
tores, & in tormentis illusores, & in morte ex-
probratores. Ecce quomodo dilexit. S. Bern.

Serm. 10.
Cant.

MARIA.

Non recedat ab ore, non recedat à corde,
& vt impetres eius orationis suffragia, non
deseras conuersationis exemplum. Ipsam se-
quens, non deuias, ipsam rogans non desperas,
ipsam, cogitans, non erras Ipsa tenente non
corruis, ipsa protegente non metuis, ipsa du-
ce non fatigaris, ipsa propitia peruenis. S. Ber.

Homil. 2. su-
per Missus.



*Virginitas digna fuit Spiritus S.^{ti} sacrarium
fieri, et habitaculum Filij Dei S Bern.*

3

Iesus Christus Auctor, & amator
Virginitatis.

S. Fulgentius Epist. 3. c. 4.

Hic est Vnigenitus Dei filius vnigenitus
etiam Virginis filius, vnus omnium
sacrarum Virginum Sponsus, sancta Virgini-
tatis fructus, decus, & munus, quam cor-
poraliter sancta Virginitas peperit, cui spiri-
tualiter sancta Virginitas nubit, à quo sancta
Virginitas foecundatur, vt perseueret, inta-
cta; à quo decoratur, vt permaneat pulchra,
à quo coronatur, vt regnet perenniter glo-
riosa. Quapropter depositum custodi, & me-
ritum tanti boni, quod vt haberes, Deus de-
dit, & vt Deo voueres ipse fecit.

S. Ambros. l. 2. de Virg. p. 2.

Virginitatis auctorem quem possumus
constituere, nisi immaculatum Dei filium,
cuius caro non vidit corruptionem, Diuinitas
non est experta contagionem? Videte igitur
quanta Virginitatis merita sint. Christus an-
te Virginem, Christus ex Virgine. A patre
quidem natus ante saecula; sed ex Virgine na-
tus ob saecula. Illud naturæ suæ, hoc nostræ
utilitatis est: Illud erat semper, hoc voluit.
Spectate, aliud Virginitas meritum. Christus
Virginis Sponsus, & si dici potest, Christus
Virgineæ Castitatis. Virginitas enim Christi,
non Virginitatis est Christus. Virgo est ergo
quæ nupsit, virgo, quæ nos suo utero porta-

A 2 uit,

uit, virgo quæ genuit, virgo quæ proprio lacte nutriuit, vt mox, (Qualis est hæc Virgo quæ Trinitatis fontibus, irrigatur, cui de petra fluunt aquæ, non deficiunt vbera, mella funduntur? Petra autem est iuxta Apostolum Christus, ergo à Christo non deficiunt vbera, claritas à Deo, flumen à spiritu.)

Quo patrum Elogio origo, dignitas, diuinitas Virginitatis effertur; dominatus eius, ac meritum expandit se in florida campi latitudine, per quam ductura in triumphum est coronatos suos lento stylo mox indicandos: quibus præficitur, quidem regum, Rex Christus Iesus, sed vt adorandus, & excelsus super omnes principes, quorum recensemus gesta præcipua, & cui soli debetur historia qualem Sanctus Spiritus per Apostolorum calamum exarauit Ecclesiæ, & pij, ac docti viri notis illustrauere. Inter quos recentè R. P. Stephanus Menoch. vir inter nos consularis, qui libris suis Remp. litterariam ditauit, & vita Christi nuper edita decorauit.

Maria Deipara Signum Extulit Virginitatis.

S. Ambros. de Instit. Virginis c. 5.

Maria nobis non solum virginitatis incertium attulit, sed etiam Deum intulit. Vnde lætus, & exultans tanto munere, dicit Isaias: Ecce Virgo in utero accipiet, &

pa-

pariet filium , & vocabitur nomen eius Emmanuel , quod est interpretatum nobiscum Deus . Vnde hoc munus? Non de terra utiq; sed de cœlo vas sibi hoc , per quod descenderet Christus elegit , & sacrauit templum pudoris , per vnā descendit , sed multas vocauit, vna speciale Maria Domini hoc nomen inuenit , quod signat Deus ex genere meo .

Exod. 15.

Eodem cap. hæc addit .

Egregia igitur Maria , quæ signum sacræ virginitatis extulit , & intemeratæ integritatis pium Christo vexillum leuauit , & tamen cum omnes ad cultum Virginitatis Sanctæ Mariæ aduocentur exemplis etc.

Et l. 2. de Virg. paulo post init .

Hæc est imago virginitatis . Talis enim fuit Maria, vt vnus vita omnium disciplina sit . Si igitur auctor non displicet , opus probemus , vt quæcunq; sibi eius exoptat . præmium , imitetur exemplum . Quantæ in vna virtutum species emicant? Secretum , verecundiæ , vexillum fidei , deuotionis obsequium , Virgo intra domum, comes ad mysterium , mater ad templum . O quantis illa virginibus occurreret ? quantas complexa ad Dominum trahet dicens . Hæc thronum filij mei , hæc thalamos nuptiales immaculato seruauit pudore .

Quæ talia à S. Ambrosio , cæterisque pronuntiata Patribus , eatenus laudes Magnæ Virginis attingunt , vt laudetur Virginitas: In hoc vero eloquentiam exerit idem Doctor vt mores Sanctæ matris describat , quo Lectorem ad eorum imitationem prouocet , non qualemcumq; sed qui capere potest quid sit propter regnum cælorum spadonem , si detur optio, viuere malle , quam Regem. Ea propter eius verba referre huc operæ pretium est, vt quoniam vitam Reginæ Virginum à dextris filij sedentis redigere ad ordinem , classèque famulantium sibi reuerentia prohibet habeant saltem adolescentes incitamenta æmulationis è parænesi Ambrosij , quam haberent ex historiæ Deiparæ descriptione .

Sit igitur vobis (hortatur initio lib. 2. de Virginib.) tanquam in imaginem descripta virginitas, vitaq; Beatæ Mariæ , & quæ velut in speculo fulget species castitatis, & forma virtutis . Hinc licet sumatis exempla viuendi , vbi tanquam in exemplari magisteria expressa probitatis , quid corrigere , quid esugere , quid tenere debeatis , ostendunt. Primus discendi ardor nobilitas est magistri . Quid nobilius Dei matre? quid splendidius ea quæ corpus sine corporis contagione generauit . Nam de cæteris eius virtutibus , quid loquar Virgo erat non solum corpore , sed etiam mente ; quæ nullo doli ambitu sinitum adulteraret affectum . Corde humilis verbis grauis , animi prudens, loquendi parci-

tia-

tiarum , sed in prece pauperis spem reponēs:
intenta operi, verecunda sermone, arbitrium
mentis solita non hominem , sed Deum.
quærere nullum lædere, bene velle omnibus,
assurgere maioribus natu , æqualibus non in-
uideæ , fugere iactantiam , rationem sequi ,
amare virtutem . Quando ista vel vultu læ-
sit parentes , quando dissenfit propinquis ?
quando fastidiuit humilem ? quando derisit
debilem ? quando vitauit inopem ? eos solos
solita cœtus virorum inuisere , quos miseri-
cordia non erubesceret , neque præteriret
verecundia . Nihil toruum in oculis , nihil
in verbis procax , nihil in actu inuerecundū.
Non gestus fractior , non incessus solutior ,
non vox petulantior , vt ipsa corporis species
simulachrum fuerit mentis , figura probita-
tis .

*S: Ioseph Beatissima Virginis
Sponsus .*

Patria Sancti Ioseph fuit Nazareth pro-
uinciæ Galileæ in Palestina .

Parens fuit Iacob Matt. 1. Iacob autem
genuit Ioseph Virum Mariæ .

Nec dissentit S. Lucas vocans filium He-
li , nam S. Matth. loquitur de generatione
naturali , & ideo gignendi verbo vsus est, Lu-
cas verò de legali , & ideo tantum habet, qui
fuit Heli . hic fuit frater vterinus Iacob sic
Africanus epist. ad Aristidem , vt refert Eu-

feb. Cæsar. l. i. historiæ c. 6. (Vterini, inquit, erant fratres Heli, & Iacob. Heli absque prole decedente, Iacob illi semen suscitauit, & genuit Ioseph, qui natura filius eius erat; lege verò Heli &c.) sequitur S. Bonau. in c. 3. Lucæ, S. Hieronym. S. Ansel. Iustin. mart. & alij.

Cognatio significatur ab Angelo vocante illum filium Dauid Matth. i. & ex Matthæo longa serie numeratè Reges auos, abauos, &c. à quibus ortus est. S. Bern. hom. i. super Misus verè, inquit, de domo Dauid, verè ex regia stirpe descendit vir iste Ioseph nobili genere, mente nobilior, planè filius Dauid non degenerans à patre suo Dauid, plane, inquam, filius Dauid, non tantum Carne, sed fide, sed sanctitate.

Cætera, quæ de Beatissimo Sponso Evangelistæ narrant, vt sunt certissima; varietatem interpretationum habent; & suas lites; à quibus abstinere professus sum; nè lectoris animum à deuotione distraham. Huic fortè magis inseruiet, quæ olim S. Bonanenturæ Philomelæ inserta est Prosa simi-plex, ac plana; quam fas, licitumq; fuerit huic transferre non secus, quàm si anulum tuum de indice in anularem transferas.

Vernare iucundè potes Philomela dulcisona; vbi Cælum suas delitias, ac terra suas diuitias tuo modulamine decorandas obijcit; cum suæ Reginæ Sponsum, Nutritium, custodem, tutorem sui conditoris colendum proponit. Ex-
tolle

tolle vocem , & Angeli nomine crebrius repetito cantus imo , Summo , medio temperatus tono ; vndecumque circumsonet. Quid ni Angelum occinas , qui custos esse Angelorum Domini emeritus , supra illorum celsitatem euectus est . Mortalium singulis suus deputatur Angelus , cui cura corporis , animique incumbit . Immortalium Regem Christum ; neque necessarium , neque decessens fuit custodiæ committi Angelicæ , quippe qui Verbi sapientiæ , cui vnitus erat , directioni , ac tutelæ suberat . Nihilominus inter cætera Ioseph beatissimo munera cœlitus data , hoc vnum fuit egregium ; ac singulare , vt Dei filij prouidentiam gereret , & paterna sollicitudine eius commodis inuigilaret . Ideo custodiuit eum ab inimicis , & à manibus Herodis quærentis animam pueri tutatus est ; transtulit in Aegyptum , ibique aliquot annorum spatio suarum manuum labore aluit , inde reduxit in terram Israel , & quoad vixit omni caritate , diligentia , obsequio ministravit ; & ne quid ex necessarijs deesset bonorum terrenorum minimè egeno , pro familiæ suæ tenuitate diligentissimè curauit . Beatus cui datum est , quod multi Reges , & Prophetæ cum vellent videre non viderunt , audire , & non audiuerunt ; nec solum videre , & audire , sed etiam portare , deducere , amplecti , deosculari , nutrire , & cultudire ; exclamat , S. Bern.

Non vacat singillatim Angelorum choros lastrare , & quæ D. Iosepho cum illis similitudina

tudo intercessit, expendere; compendium fecero, si de suprema hyerarchia modicè aliquid attigero, & munerum ipsius partes communes esse Angelo nostro demonstraerò. Postremi in ea numerantur throni, qui ex eo quòd sedent, sic appellantur, & ex eo sedent, quod sedet in illis Deus, vt Ber. explicat. Neque enim sedere in eis qui non sederent, posset. Quæris quid illam sentiam sessionem? summam tranquillitatem, placidissimam serenitatem, pacem, quæ exuperat omnem intellectum. Talis est qui sedet in Thronis Dominus Sabaoth, iudicans omnia cum tranquillitate placidissimus, serenissimus, pacatissimus, & tales sibi constituit thronos simillimos sibi, &c. Addit S. Bonau. quòd iudicia sua Deus per illos determinat, & suæ æquitatis excellentiam benignè; ac sapienter indicat, vt fateantur homines, vnus est altissimus Creator, Omnipotens, & Metuendus nimis, sedens super thronum, & dominans Deus &c. An non Thronus fuit S. Ioseph; in cuius vlnis, sinu, humeris, genibus placidissimè conqueiuit Rex Regum, & Dominus dominantium, & per ipsum suæ iudicia æquitatis manifestari voluit, quæ sub fuga à patria domo in alias regiones, & ab ijs in illam regressionem delitescabant? quàm libens integer Thronorum Chorus comitem se, & adiutorem beato baiulo adiunxisset? quàm promptè in assumpta membrorum compage, cunabulorum vicem cælesti pucro præstitisset? Quàm arctè, quàm suauiter,

Serm. 19. in
Cant. & l. 5.
de confid.
non longe
ab imit.

In comp.
theol. ver.
p. 2. c. 14. t. 7

uiter, quàm reuerenter basiolis, & amplexibus deliniuisset? vt vel hinc illis inuidenda foelicissimi Nutririj fors, ac sedes quietissima videri potuerit, cum viderent vnigenitum, qui est in sinu Patris, in sinu Ioseph mollissimè recumbentem, brachiolis collum fouentis circumdantem; labella ori oscula fittienti admoventem, ocellos neniolis cantantis delinitos claudentem?

Thronis proximi sunt Cherubim ex ipso sapientiæ fonte ore altissimi haurientes, & refundentes fluentia sciētiae vniuersis ciuibus suis: & vide ne is sit, quem Propheta loquebatur fluminis impetus lætificans Ciuitatem Dei &c. ideoque Cherubim dicuntur à scientiæ plenitudine, quam efficit in ipsis singulari modo resplendens diuinorum vbertas radiorum in alios sub se positos redundans; ipsorum opera illuminationi cœterorum addita; Et ob hanc causam S. Ioseph Cherubinum ritè appellaueris, quod scientiæ, ac sapientiæ splendore coruscans reliquis mortalibus longè præcelluit, & speciali prærogatiua cœlestium Sacramentorum conscius à patre luminum factus est, & interpretem arcanorum consiliorum, cum beatissima coniuge agere iussus, in exequendis mandatis cœlitus datis promptissimum inuenit. Qui ab assidua familiaritate ipsius, ac Iesu filij plenigratiæ, & veritatis mirum quantum cœperit incrementum lumen intelligentiæ accensæ istius lampadis. Siquidem actiones, & verba eorum tanquam radij in purissimum speculum

S. Ber. ibid.
Pl. 41.

S. Bonau.
ibid. & d.
Eccl. Hier.
p. 1. c. 3. 1. ex
S. Dionys.

culum animæ Ioseph euibrati, splendentem in ea cognitionis lucem per dies, ac momenta geminabant. Si enim ad solam salutationis vocem repleta Spiritu sancto Elisabeth Mysterium Incarnationis, & salutantem Matrem esse Domini sui haud dubiè cognouit, quales putas fuisse theóphanias, & mentis illustrationes eius, qui lustris pluribus vitam cum Iesu egit, in quo sunt omnes thesauri sapientiæ, & scientiæ, & coniugem habuit matrem pulchræ dilectionis tam cœlitus eruditam, quàm promptam reconditarum veritatum eloquijs emittendis, & amantissimo Sponso propalandis?

His excelsiores putamus Seraphim spiritus totos diuino igne succensos, & succedentes yniuersos, vt S. Bern. ibid. Ab ardore enim nomen desumunt eò quod inflammati diuini amoris incendio aliorum sint inflammatiui, vt loquitur S. Bonau. O te foelicem Ioseph, & Seraphinis, si dici potest, beatiorem, cui concessum est ignem Deum in sinu fouere, & igne Deo inardescere. Quis tibi sensus, quæ animi colliquescentis delitiæ, quis cordis cōflagrantis ardor, cum Virgineos cœlestis pueri artus tractares manibus, & ipse sagittis pectus peteret, & flammis diuini incendiij ambureret? An non cor tuum ardens erat in via, in hospitio, in lectulo? An non fiebat, vt cera liquefscens in medio ventris tui, & in cor puelli fundebatur? O suauissimæ flaminæ, ò incendia dulcissima, ò plusquam Seraphicæ deliciarum profluvia, stillantia deinceps abundan-

dantiam suauitatis, odorem sapientiæ, saporem scientiæ cum deposita infantia, verba vitæ æternæ proferentem audiret, & mirabilia in momenta temporis videret ab Vnigenito Patris æterni fieri, dicique intra domesticos lares, quæ poterant etiam Cœlestis Hierusalem incolas ad ea contemplanda, ac suspicienda allicere, ac potenter trahere.

Ea propter pace vestra dixerim, o mentes supernæ quotquot estis beatissimæ, tanto ampliori honore Ioseph à Deo est cumulatus, quanto differentiùs præ omnibus vobis nomen hæreditauit. (Cui enim Angelorum dictum est aliquando; Pater Iesu tu es? Atqui à Beatissima Matre dictum audistis, Pater tuus, & ego dolentes quærebatumus te. Et rursus ab Euangelista scriptum diuinitus. Erant Pater eius, & Mater eius mirantes super ijs, quæ dicebantur. Conijce, monet Bernardus ex hac appellatione, qua licet dispensatoria meruit honorari, adeo vt Pater Dei, & dictus, & creditus sit: conijce, & ex proprio vocabulo, quod augmentum non dubitas interpretari, quis, & qualis fuerit iste homo Ioseph.)

Conijcio, & honore quantum possum, maximo præuenio, ac veneror intimo corde, quem Sanctissima Trinitas singulari dilectione præuenit, & honorari voluit. Cui Pater æternus nomen sibi proprium propter Verbi generationem, illi commune fecit ob veram cum Matre illibata matrimonij celebrationē, & supra vulgarem Patrum adoptiuorum cōditio-

Luc. 2.

Homil. 2.
sup. Miss.

ditionem paternitatis decore honestavit, quia vir, & Sponsus Virgini datus est, & caput familiæ constitutus, cuius illa, & benedictus fructus eius membra fuere. Cui ut nutritio, tutori, custodi filius regendus, & alendus commissus, & creditus est, Cui spiritus Sanctus ignis superni copiam, & larga fluente gratiarum largitus est; & si sapientibus Theologis pluribus credimus, antequam exiret de Utero materno, à labe originali purgavit, & sanctificavit. Quem Evangelista iustum nominavit, quod est præstâtissimū quoddā genus cano- nizationis. Quem sæpius Angelorum Voces Christo, ac Beatæ Parenti plaudentium audijisse, & colloquia cum ipsis amænissima mis- scuisse libentes opinamur. Qui vitam in alt- issima contemplatione, & honestissimis actio- nibus traductam inter brachia Salvatoris, & sponsæ dilectissimæ terminavit. Cuius animā purissimam Angelicarum legionum cohortes in egressu de corpore comitatæ sunt. Cuius corpus illis accensemus, quæ Domino re- surgente resurrexere, & eius triumpho ascendenti interfuere. Qui modo Regi sæculorum, Reginæque Angelorum glorio- sus comprehensor assidet in Cœlis, quibus cum ynum & idem habitaculum in terris Viator habuit. Qui suorum clientum curam gerit, preces benignus audit, nec irritas esse patitur; gratiosus quippe valde apud filium, & Matrem est, nec minus propitios experi- tur in Patria regnantes, quàm expertus olim fuerat humiles in exilio sibi subditos, & obe- dien-

Hi sunt,
Ioan Ger-
sou, Isco-
bus Chri-
stopolita-
nus Ville-
gas. Isi-
dorus in-
summa, &
alii apud
Hirtonym.
Gracianæ
in fine vi-
tæ s. Ioseph

Suar. de
Incarn. di-
sp. 21.

419
dientes . Ex ijs ergo qualis , & quantus vir
fuerit Ioseph , argumenta mihi conijciendi
paro , & motiua colendi colligo , quem coli
ab Angelis non ambigo, vt dilectum Deo, vt
parentem Iesu Christi , vt Virginis immacu-
latæ Sponsum, vt aulæ summi Imperatoris ,
& vniuersæ eius Curia decus , ac ornamen-
tum .

Hymnus ad S. Ioseph .

Pater superni filij .
Matrisque Sponsæ Virginis
Dilecte Ioseph plurimum
Regi Angelorum , & Angelis .
Mellita te per oscula .
Purissimis labelulis
Libata Iesu millibus
Amplexibus cum dulcibus ,
Ades benignus obsecro ,
Et osculandam porrige
Iesu ; tuamque dexteram ,
Cor osculantis accipe .
Iesu tibi sit gloria ,
Qui pascis inter lilia
Matris , Patrisque candida
In sæculorum sæcula .



B

Bonum est viro cum portauerit iugum ab adolescentia sua. Sedebit solitarius, & tacebit, quia leuauit se super se. Thren.3.

Gratias Domine IESV, qui abscondisti hæc à sapientibus, & prudentibus, & reuelasti ea paruulis istis, qui te secuti sunt, & reliquerunt omnia propter nomen tuum.
S. Bern. ferm. 1. in die Apost. Pet. & Paul.



S. Ioannes Baptista .
Stam mrem habuit, et tñ nec mentis affu vincebatur
 ut in domo parentis cum periculo viueret castitatis
 S. Hier.

S. Ioannes Baptista.

*In eodē quoq; Opusculo de S. Ioa. Bapt.
hoc ferme modo differebam.*

Quis, & quantus fuerit Præcursor Domini
assequi haud ambigua ratiocinatione
possumus si per titulos, & laudum præconia
è Sacris Scriptoribus, atque adeo ab eorum
Magistro Christo decantata excurramus.

Primò namque fuit à Deo electus ad præ-
parandam viam Domino, ad prædicandum
aduentum Messiae non iam venturi, sed nati:
ad testimonium perhibendum de diuinitate
Christi, & in tempore ad hoc missus.

Secundò modus mittendi fuit prorsus sin-
gularis, ac mirabilis. Nam in Elia, & alijs
Prophetis fuit adumbratus (prædictus, atque
promissus ab Angelo eodem, quo Christus;
pronunciata eius conceptio in sacratione par-
te templi hora incensi, verbis grauib, &
Magnificis. Nomen impositum, & nomini
respondentia munia, & gratia indicata, quæ
magnum illum reddidere.

Tertiò prædictiones omnes: Completae
sunt, & miracula multiplicata. Concipitur
in utero Sterilis anus: reuelatur conceptio
Virgini ab Archangelo: inuisitur ab eadem
in montanis Iudeæ: Sanctificatur ad eius, in-
gressum in domum Zacchariae; donatur ysu
rationis, & ad suauissimam salutationem exul-
tat in ventre matris, quæ & ipsa repletur
Spiritu sancto; cognoscit Mysterium Incar-
nationis, & prophetat in eius Natiuitate.

gaudium , & gratulatio multorum oritur cō-
 fitentium , quia magnificauit Dominus mise-
 ricordiam suam cum illo . Soluitur vinculum
 s. Bon. c. 5. de vita Christi. paternæ linguæ; scribitur nomen Ioannis; Za-
 charias erumpit in laudes Dei . Benedictus
 Dominus Dēus Israel. B. Virgo infantem am-
 plexu , & osculo dignatur .

Quartò ab Infantia secedit in Eremum
 Aegypti cum matre Elisabeth , eaque defun-
 cta , Angelus curam eius suscipit . Vitam du-
 cit Angelicam , non manducans , neque bi-
 bens , planè nec vestiens , addit Bern. Sicut
 enim non est locusta cibus , nisi aliquorum
 forte irrationabilium animalium , sic nec pi-
 lus Cameli hominum est indumentum. Cum
 Angelis sicut vnus ex ipsis dies noctesq; con-
 tinuas versans : non enim aliud agit , ante-
 quam prædicatione , & baptismo pœniten-
 tiæ se prodāt hominibus puer, adolescens, iu-
 uenis, vir Spiritu sancto plenus ex vtero Ma-
 tris suæ , quam ætatis supergressus infantiam
 soli vacat diuinitati, vt Patres loquuntur .

serm. de nat.
 s. Io. Bapt.

Quintò fuit Virgo , Doct̃or , Prophet̃a ,
 Præcur̃sor Christi, & prædicator Deitatis eius,
 quem & baptizare meruit in Iordane, marty-
 rij gloria clarus, quod mortem pro lege ve-
 ritatis , & iustitiæ subierit .

Sextò laudatores habuit Prophetas Gabrie-
 lem Archangelum , ipsum sui parentem Za-
 chariam , per cuius os .

Spiritus Sanctus laudes nat̃i infantis cèle-
 brauit : Euangelistas qui fusiùs eas prosecuti
 sũt præter morem in alijs seruatum , Deni-

que

que quò Christus attulerat , qui præconijs magnificentissimis eum supra mortales extulit , qualia sunt ; etiam dico vobis , & plusquam Prophetam . Ecce ego mitto Angelum meum ex Malach.& ex proprijs.Amen dico vobis non surrexit inter natos mulierum maior Ioanne Baptista . Quorum laudationibus hæserunt Patres , Ambrosius in primis , cuius est hoc elogium . (Præcellit cunctis, eminet vniuersis , antecedit Prophetas, supergreditur Patriarchas , & quisquis de muliere est , inferior est Ioanne &c.)

Matth.ii.

64.

Sed similibus auctoritatibus libenter abstinere , vt comparationes vitæ , & lites declinem vbi deuotioni sanctorum operari studeo .

Clausula esto pro adolescentum cautela .

S. Hieronymi sententia . S. Ioannes Baptista Sanctam Matrem habuit , & tamen nec matris affectu vincebatur , vt in domo parentis cum periculo viueret castitatis .





B

*Qui baptizatur à mortuo , & iterum
tāgit eum, quid proficit lauatio eius?
sic homo qui ieiunat in peccatis
suis , & iterum eadem faciens, quid
proficit humiliando? orationem illius
quis exaudiet ? Eccl. 34.*

Ille lauatur à mortuo , qui per pœnitentiam
mundatur à peccato : quem si contigerit
eadē quæ punierat, iterando peccata com-
mittere , nihil contulisse videtur adhibita
satisfactionis lauatio, quem maculauit in-
honestius iterata facinoris turpitude .
S. Greg. in ps. 4. Pœnit.



S. Ioannes Euangelista

Sic cum volo manere &c.

*Ostenditur Virginitatē non mori sed manere cum
Christo, et dormitiōnem eius transitū esse non mortē*

S. Hier.

S. Ioannes Euangelista.

Quæ Regum diademata , & Sacerdotum infulas ornauit aurea Virginitas , putas nè Apostolorum culmina suorum luce radiorum inornata pertransijt? Profecto si alibi in aulis Principum dominatum tenuit, & in omni humanitatis nostræ conditione, atque statu floruit, in Apostolico Cœtu primitias alumnorum suorum offerre Creatori non est cunctata, ne decus hoc cœleste deesset pusillo gregi, cui dare regnum, æterno Patri complacuit, & in supremo Ecclesiæ ordine collocauit. Non omnibus quidem Apostolis candidam istam induisse stolam concessum est, sed inter illos, quibus foelicissima fors hæc obtigit, refulget S. Ioannis castimonia, & proximè sequitur Principatum eius Triadis, quam Ducem, ac veluti Reginam, cui tota Virginitas submittit lilia, præmissimus cohorti canentium canticum à nulla alia concinendum.

Ab hoc fonte lucis, & pudoris manauere donorum riuus, qui profusa irrigatione animam, & corpus Diui foecundauere, quos nequid dissimulat ipse de se scribens, & latius à SS. Patribus sunt explicati. His si modicè libandis calamum ad mouero, indicasse me putabo capita laudum ineffabilium Apostoli, quæ imitandum iuuentuti propono, atque ut in patronum feligat suadere conctor.

Ordior à vulgata, & minimè vulgari prærogatiua castitatis, propter quam Dilectus Ie-

antonomastice dictus est ab alijs, & à seipso, non quia consanguineus eius esset, filius Zebedæi, sicut & Iacobus frater patriæ Bethsaidæ; aut quia ætate cæteris iunior, decorus aspectu, mitissimus, innocentissimus; sed quia à pueritia vsque tam sollicitus castitatis amator, vt ne cogitationis quidem puluisculo animum foedarit -

(Reor, inquit S. Adhelelmus, seu Addelmus Episcopus lib. de Virgin. quod Sacer peccatoris Dominici accubitor, & quartus Paradisi gurgis, qui potissimum septenas Ecclesias Asiæ inexhaustis dogmatum imbribus irrigauit, specialem diuinæ dilectionis prærogatiuam, ac priuatam amoris munificentiam ante cæteros Apostolos Christi præconio promeruerit, quia Christo, qui est cupidus castitatis amator, & Zelotypus sanctimoniam, in-formator; grata Virginitatis libamina oblationis spontanea deuotione litarat.)

Nitor hic pudicitiam mirifice splendidus causa fuit familiaritatis intimæ, ad quam à Christo Domino admissus est: Nam præter illa duobus alijs Apostolis beneuolentiam signa præsentiam Transfigurationis in Monte, Thabor: Orationis in colle Oliueti, operationis secretorum miraculorum, Hoc nulli datum est, vt recumberet super pectus Iesu, & illi verbo præ cunctis mortalibus propè hæreret, quod eructatum de corde Patris, & caro factum altius personare decreuerat per linguam & calamus eius, vt Rupert. loquitur. Inde hausit secreta sapientiam ignota mortalibus, vt

In illud Io.
13. cum recu-
basset su-
per pectus

per

per hoc, inquit S. August. significaret quia, tr. 18. in Io.
 secreta altiora de intimo pectore eius pota-
 bat: vt ea diceret de filio Dei quæ paruulo-
 rum mentes fortassis intentas excitare possint
 &c. (Imo verò superuolat, ait Orig. B. Ioann.
 Theologus non solum quæ intelligi, ac dici
 possunt, verum etiam quæ superant omnem
 intellectum, & significationem superuehi-
 tur, extraque omnia ineffabili mentis vola-
 tu, in arcana vnius omnium principij exalta-
 tur &c.) Iccircò comparatur Aquilæ, quæ so-
 la inter volatilia pennata in sublime conscen-
 dit, & obtutum in sole figit, ita enim Ioan.
 super omnia creata transcendens in Dei sinu
 penetrat. Erexit se (ait August. non solum, tr. 36. in Io.
 super terram, & super omnem etiam exerci-
 tum Angelorum. omnemque constitutionē
 inuisibilem potestatum, & peruenit ad eū per
 quem facta sunt omnia &c. vt merito Chry-
 sost. præf. in Euang. Ioan. edoctos etiam An-
 gelos Ioannis sapientia affirmet. (Ipsi enim, Ephes. 3.
 Angeli, Cherubim, & Seraphim nobiscum
 per Ioannis vocem didicerunt, quæ cognoui-
 mus. Vt innotescat Principibus, & Potesta-
 tibus in cœlestibus per Ecclesiam multiformis
 sapientia Dei.) Hunc porro volatum ad
 diuinitatis cacumen alis Virginitatis tribuunt
 patres, vigorem videlicet præbente gratia,
 quæ virginea roborat pectora, puras mentes
 splendidius illustrat, & in Angelicas transfor-
 mat: & D. Ioannem radijs talibus coruscan-
 tem altius euehere non poterat; nisi transfor-
 maret in Deum, non enim aliter ascendere
 potuit

potuit in Deum , nisi fieret Deus , vt Orig.
hom. 2. in diuers. quod sanè intelligūt theolog.

Huius sublimitatis Argumento est detre-
ctatio adorationis, quam exhiberi sibi à Ioan-
ne vetuit Angelus: vide ne feceris conseruus
tuus sum Apoc. 19. cuius vetiti cū plures
rationes afferantur , illa meo instituto con-
gruentissima est , quæ B. Petro Dam. arrisit
serm. 1. de S. Io. Bapt. (Refugit obsequium ab
eo Angelus suscipere , & noluit adoratorem ,
quem nouerat æqualem , fratrem recogno-
uit ; socium iudicauit , subiectionis obedi-
entiam non accepit , quia in omnibus sanctis
semper angelicæ munditiei contubernalis , &
cognata Virginitas .)

At qualis , quantiq; æstimandus fauor ille
fuit , quo Christus in cruce pendens Virgini
discipulo matrem , & Virginem discipulum
Virgini commendauit , & rursus dedit in fi-
lium non per simplicem adoptionem , sed
ciuili præcellentem , & efficacitate similem
generationi S. Paulino visam epist. ad Au-
gust. ab alijs comparatam verbis consecrato-
rijs , quæ conficiunt , quod enunciant , vt
merito nomines Ioannem Christi fratrem ;
quia matrem eandem cum Christo habet ;
qua maternitate , vt nulla maior esse potest ;
ita neque vlla hac filiatione honorabilior , ne-
que tali germanitate vlla excogitari illustrior
Si quid latet in hac adoptione excelsius fra-
ternitate Christi collata Ioanni , aperiat Orig.
diuinorum scrutator , cui præfat in Ioann. li-
buit lectoris animum eo prouehere , quo si
forte

forte abduci, inquit, (Mariæ filius præterquam Iesus Matri: Mulier ecce filius, & non ecce etiam hic est filius tuus, perinde est, ac si dixisset; Ecce hic est Iesus, quem genuisti, & ne scandalo sit hyperboles, statim subdit. Etenim quisquis perfectus est, non amplius viuit ipse, sed in ipso viuit Christus. Cumq; in ipso viuat Christus dicitur de eo Mariæ, ecce filius tuus Christus &c.) quia videlicet ob insignem animi puritatem similitudine refert filium tuum, & matrem meam, & dilectione singulari alter est filius tuus.

His instructus alis citius Petro præcucurrit ad monumentum, & eidem in mari ad piscationem intento indicauit Dominum esse, qui de littore ipsos alloquebatur, quia nimirum Prior Virginitas virginale corpus agnouit, vt s. Hieron. Epist. ad Pammach. loquitur.

s. Hier. l. 1.
in cath. 10a
circa mediū.

Huic eidem Virgineæ armaturæ inuiolabili tribuendum, quod impij Domitiani iussu in dolium feruentis olei immissus illæsus, ac vegetior, quàm cum immitteretur, exierit. Non secus tres pueros in fornace Babylonica ignis intactos reliquit, & Danieli corporum deuoratores Leones adblanditi sunt teste Damasceno in hæc verba (Danielis corpus Virginitate obduratum leonum dentes infringere nequierunt. Tres verò pueros id per Virginitatem adeptos, vt eorum corpora igne confici non potuerint.) Quibus miraculis; quis dubitet exequandum, quod ignis qui dolij feruentis oleum extorrefecit; pudicissimos Apostoli artus recreauit, & contra-

l. 4 de fid. c.
25.

vene-

De laud.
Virg.

venena Virginiras , ait s. Adhelelmus Episc.
loc.cit. (Cumq; furibunda paganorum feroci-
tate crudeliter cogeretur , vt mortiferum po-
culi haustum , in quo dirus , ac virulentus gra-
minum succus ; simulq; truculenta , & re-
gulorum , & aspidum venena , quadrupe-
dis rubetæ , & spalagi pestifera confectio hu-
manæ naturæ nocitura habebatur potando ,
consumeret , præmisso Christi labarò , totus
Christi Vexillo armatus , nec venenata draco-
num detrimenta tremebundus extimuit , nec
horrida mortis discrimina pallidus expauit.
Gemina quoque defunctorum cadanera , quos
lethalis visus mortis exitio perneciter prostra-
uerat , in pristinum vitæ statum restituit. Et
sic in castitare florens vsq; ad cigneam vetulæ
senectutis canitiæ feliciter permāsit.) Ast feris,
ac venenis immanior fuit ira , & obcæcati o
tyranni , quia non emoll iuit ignis clementia,
sed acerbauit magis , & Virginem quem agno-
uit elementum mutum crudelitas dominan-
tis ab illo inoffensum iustibus castigauit , & ad
ignominiam attonsum in Patmos insulam
relegauit ; vt nihil martyrio deesset præter
mortem , quæ tot prouocata tormentis non
est ausa accedere , quoad absoluta Apocalypsi,
& alijs libris , Euangeliorum potissimum , &
constitutis per Asiam Vniuersam Ecclesijs , &
lustratis Phrygiæ , ac Indiæ oris permessa est ,
vel iussa non opprimere , sed blande exoscu-
lari , & annos agentem 95. aut eo plures iux-
ta varias de hac ætate sententias , immortal-
itati animum transmisit , corpus in sepulchro

re-

reliquit in quo manasse proditum est pulvisculum mannae adsimilem, opportunum omni poene infirmitati remedium. Inde translatum esse corpus in Cœlum non defuere, qui opinati sunt aduersus eos, qui viuere adhuc illum cum Elia, & Enoch, & prædicaturum tempore Antichristi non temerè arbitrantur. Et habet opinio vtraque auctores graues cæterà varios, in hoc vnanimis, quæcumque mira rara in vita, ac obitu S. Ioannis euenerint, decora fuisse pudicitiae, præmia Virginitatis, partus eximiae dilectionis Christi.

Aggerant Encomia Patres, vocantq; Martyrem, cui neque animus martyrio defuit, neque poenæ quas memorauimus, & aliæ quas in Christi morte, & post illam in diuturna, fatigatione pro Christiana fide propaganda, passus est.

Prophetam nouæ legis præcellentem, vt indicat Apocalypsis, quæ plena reuelationū, & prædicationum est.

Apostolum, columnam, fundamentum Ecclesiæ, à Domino electum, qui doctrina, prædicatione, miraculorum operatione ei fundandæ, firmandæq; seipsum impenderit.

Euangelistam, & quidem cæteris eo præferendum, quod illi de Christi diuinitate pauca dixerunt, hic verò, quasi piguerit in terrâ ambulare ad apicem Trinitatis aduolauit, & Euangelium à tonitru illo incæpit (in principio erat Verbum) & de æterna generatione, de processione Spiritus Sancti, de tribus personis, de naturæ vnitæ, ea cructauit manifeste.

nifestè , quæ secretò de Domini pectore hau-
serat , fluentia: videlicet sapientiæ , cuius the-
sauri omnes in illo residebant .

Doctorem , quia omnis terra doctrina eius
repleta est , & non solum Asia , Phrygia , In-
dia ex eius ore audiuit altissima fidei myste-
ria , & didicit , sed ex eius scriptis vniuersa per
orbem Ecclesia erudita promptum fecit ar-
mamentarium ad hæreses expugnandas , &
mores formandos , corrigendosque , sic meritò
dicitur tonitruui filius , idest tonitru , tam-
propter grandiloquentiam ex S. Epiph. quàm
propter altitudinem secretorum reconditorũ ,
ad quorum intelligentiam excitati sunt mor-
taliũ animi , imo & Angelorum .

Verũ inter cætera laudum Encomia ca-
dit in ipsum Angeli appellatio non or-
dinis inferioris , sed supremorum Cheru-
bim ob scientiæ claritatem , ac profunditatẽ ;
& Seraphim ob eximiam caritatem , qua Je-
sum Dominum . & Virginem Sanctissimam
unicè dilexit , & fideles omnes in futurum ,
verbis ac sententijs amorem spirantibus hor-
tatus est ob id maximè , quod præceptum Do-
mini est , & solum sufficit , ipso testante , si
seruetur . Sed hanc illi prærogatiuam con-
tulit Virginitas , quæ soror est Angelorum , &
homines illis exæquat , suffragantibus sancto-
rum calculis , vt ex sententijs , quibus Icones
Virginum infra exornare meditamur , manife-
stum erit ,

Præbe fili mi cor tuum mihi Prou.23.

Quid metuis offerre cor tuum? Offer sacrificium, contritionem cordis Domino Deo tuo, & dic ei cum Propheta, Holocaustis non delectaberis: sacrificium Deo spiritus contribulatus, cor contritum, & humiliatum Deus non spernit.

*S. Aug. vel quis alius tract. de 4. virt.
Charitatis t. 9.*



S. CLEMENS P. M.

Principalis filia Dei, et domina Regum est anima Virginalis. S. Bernard.

S. Clemens Papa M.

Non est ambitiosa Virginitas, quæ con-
sortium amat Humilitatis, & gloriam
quærit à solo Deo. Ad palatia quidem, &
auratas fores interdum diuertit; at frequen-
tius priuatorum domos inhabitat, Et suo ubi-
que splendore fulgens cultores, imòs, sum-
mos ad fastigium humano sublimius euehit.
Nulla dignitas Pontificiam æquat; nulla se-
des Vaticana excelsior, quam Deus sanctitate,
potestate, sapientia firmavit, & ne villo ca-
reret ornamento, Martyrij gloria, & Virgi-
nitatis honore decorauit. Argumento est s.
Clemens M. qui tertius à D. Petro Christi Vi-
carius. acceperat (Verba sunt s. Bernardi) no-
bile genus, amplas possessiones, hæreditatem
multam, scienciam quoque quamplurimam;
ita vt optimus quidam illius temporis Philo-
sophus haberetur; Acceperat hæc vniuersa
à Domino, Dei enim dona sunt hæc. Fi-
delem ergo se præbuit ei qui dederat, cum
pro eo contēpsit, omnia detrimentum faciēs,
& arbitratus vt stercora, vt lucrifaceret Chri-
stum &c. Nimirum generis nobilitatem à
Faustino parente longa auorum serie hæredi-
tariam, diuitiarum affluentiam, sæculi ho-
nores, & totum eius fastum cruci Christi post
habuit, & liberalibus disciplinis, quibus af-
fatim erat imbutus, doctrinam à s. Petro
haustam longe anteposuit. Ab ipso designa-
tus sibi successor in Ecclesiæ Regimine spōte
cessit Lino, & Cleto, ac post illos vbi manū,

Surius to. 6
& alij apud
ipsum, &
Baron. in
martyr. 23.
Novemb.
Corn. à lap.
in c. 14. Apo-
cal. vbi re-
fert. testim.
S. Ignatij m.
vocantis cū
Virginem.

Serm. de S
Clemens.

clauo admonuit, curas intendit omnes ad gubernationem; & laxatis retibus ad capturam, quâ verbo, quâ exemplo copiosam illam fecit, & piscium multitudinem conclusit, ac fidelium coetum mirificè amplificauit. certabant tyranni cum ministris suis, ut eum minuerent, dissiparentque, ac in selecta Christi membra sœuiebant atrociter, quorum nomina in cœlis scripta, ne perirent in terris, septem vrbis regiones totidem Notarijs adscripsit, qui Martyrum Passiones, & Acta diligentissimè cōquisita scriptis manderent, & à Posteritatis obliuione tuerentur.

Et ne in Ecclesiæ campo, Rosarum, hoc est martyrum fœcundo, deesset liliorum, Virginum scilicet, copia, ad amplectenda Pauli consilia Virginitatem nuptijs præferentis passim viros, ac foeminas hortabatur. Testis est, vel vna Flauia Domitilla Domitiani Imperatoris ex sorore neptis, Aureliano nobilissimo iuuenum Romanorum desponsa, quæ Nereï, & Achillei Eunuchorum suasu maluit sacro operiri velamine, & Virginum sponso sacrari, quam profano coniugio copulari.

Atqui fructus hic culturæ Clementis fuit, qui in fide, ac Religione Magister erat Nereï, ac fratris, eorumque utebatur opera ad istiusmodi lucra faciendâ. Quo nomine contraxit multorum odia, vnde ortæ rixæ, & querimoniarum nobilium, ac plebeiorum, quæ ad aures Mamertini vrbis Præfecti, tum ad Imperatoris Traiani, peruenere, insontem Clementem calumniantium, & tanquam auitæ

reli-

religionis euerforem , & nouæ superstitionis institutorem ad pœnam , necemq; postulantium .

— Vocatur ergo in iudicium reus : adolere subetur thus Dijs patrijs , & si renuat anticipata sententia in exilium amandari . Negat audacter honorem illum Idolis deferre se velli qui Deo cœli conditori , & Christo eius filio debetur , cuius fidem veram esse , ac ad salutem necessariam speciosis , ac validis confirmat argumentis: exilium se haud reformidare , qui mori etiam pro Christo habeat in optatis . Nauigio imponitur , & ultra Euxinum Pontum relegatur . Lapidicinæ damnatur (proh scelus infandum) Petra Ecclesiæ , Christi Vicarius . Flagrabat | desiderio sequendi suum Pastorem numerosus grex, fidelium Romæ, à se conuersorum ad fidem ; indultum sequi pluribus , quot quot videlicet naui angustię capiebant . Hi velis generosæ spei in cœlum expansis , marinos fluctus secundo cursu fulcantes ad Chersonæ solitudinem incolumes perancere , quo duo Christianorum millia ab impio tyranno prædamnata , sub latomijs desudabant . Hi Clemente cum socijs conspecto , quibus incessere lætitijs , quanta enim hilaritate obuiam processere resonabat aer vocibus clamantis Benedictus, qui venit pro nomine Domini Pastor noster, gaudium , & consolatio nostra . Iam nobis exilium patria iucundius fuerit , & terra hæc deserta inuia , & inaquosa Romano solo , & septem collibus amœnior, in flo-

riferum viridarium conuertetur. Non ultra
 lapidicina grauis nobis videbitur, non durus
 labor, non amarus sudor, non acerba mors
 ipsa si cum ipso moriamur. Hæc & plura,
 exultantes in loco horroris, ac mæstitiæ,
 Christi exules: quos vice versa amantissimus
 Pastor osculo Sancto, ac benedictione pasto-
 rali impertitos solari institit significatione
 gaudij, & passionum participatione, quam
 non suis meritis, sed ipsorum precibus adscri-
 bendam à se fatebatur. Consecuta sunt gra-
 tulationis officia, cuncta quæ desiderari pos-
 sent in bono Pastore munera pastoralia erga
 gregem suum, verbi diuini pabula ministra-
 re, Sacramentis munire, ægris adesse consi-
 lijs iuuare, quæque alia leuamento corporum,
 ac animorum esse poterant, solerter obire.
 Quæ sibi grata fuisse cœleste numen miracu-
 lis multis, ac insignibus declarauit. Horum
 illud celeberrimum, quod in ingenti potabi-
 lis aquæ penuria, qua christiani in eruendis,
 secandisque marioribus distenti, laborabant,
 ascendit in propinquum collem vbi vidit a-
 gnum candidissimum dextero pede humum
 validè percutientem, educentemque riuum
 copiosum, quo præsentis siti abundè subuen-
 tum, & in posterum labori occursum, quo
 conuehenda fuerat vnda à loco sex milliarijs
 ab ea commoratione distante. Huc huc
 exempla Moyse, qui percussit petram in Ho-
 reb, & fluxerunt aquæ, & torrentes inunda-
 uerunt, & bibit omnis populus, & iumenta,
 & pecora eorum. Ast non in eluione illa

Exod. 17.

beneplacitum Deo est, sicut in ista scaturigine, quam gregis Christi Pastor ad sitim pro fide Christi æstuantium sedendam precibus impetrauit. Ibi vexatus Moyses populi rebellis clamoribus, iussu indignantis Domini filicem percussit, ictu vehementi tanquam signo indignationis diuinæ aduersus nequitiam gentis murmurantis, hic misericordia tactus Clemens erga Christi famulos patienter tribulationem tolerantes, dignus est habitus, cui a quarum, fontiumq; creator agnum ostenderet, qui vnguis fodicatione fluentia proliceret ad irrigandam collis faciem, & arida fidelium pectora recreanda.

Petræ Horeb, & circum iacenti oræ manfit nomen tentatio, ac iurgium: Colli Clementino ritè aptatur vox, consolatio, & benedictio. Quæ deinceps aucta est, cum vulgante per vastam regionem miraculum adeo luculentum fama indigenas ad illud videndum excitauit, & inde capta occasione Clemens turbam innumerabilem ad Christi fidem traxit, & eam ardenti amore, erga ipsum inflammavit, vt breui septuaginta templis vero Deo erexerint, & contractis idolis vexillum crucis Bosphorum, Cimmerium, Euxinum, Mœoticam paludem in sui admirationem, ac venerationem traxerit. Quæ vbi Traiano Romæ renunciata fuere, actus inrabiem, mittit eò Præsidem Aufidianum, quo currentem Euangelij rotam minarum, ac penarum obicibus sufflaminet, & gliscentis christiani seruatoris flammis, sistere si ne-

queat, cruoris effusione restinguat. Vt eo
 pervenit non imparis à Domino crudelitatis
 minister, obstupuit tantam inaniam Deorum
 stragem, ac tam vberem Idololatrarum ad
 Christum accurrentium segetem. Et cum
 aduerteret ægrè retardari posse barbaræ gētis
 spōtè iam fidē amplectentis cursū, remedium
 à Clementis internecione petere constituit,
 quòd eo sublato tanquam fonte, arescerent
 riuuli prædicationis, quibus vetera, ac no-
 uella fidelium germina inspergebantur, &
 succrescebant. Iubet ergo Præses immanis
 Clementem capi, & ad mare deduci, alli-
 gataque ponderosa ad collum anchora in
 profundum demergi. Accurrerat ad littus
 copiosa Christianorum multitudo, & horta-
 tione Cornelij, ac Phœbi insignium marty-
 ris discipulorum, mixtas lacrymis preces
 summo numini obtulere ne pateretur corpo-
 ris pontificij dispendium per vndosos vortices
 ferri, aut à marinis belluis deuorari. Neque
 verò irrita fuit humilis, ac feruens deprecatio
 etenim mare contra vim naturalis impetus
 ad tria milliaria retrocedens commodum
 præbuit illis iter, vt sicco vestigio eo progre-
 derentur, vbi templum angelico ministerio
 fabricatum, arcam marmoream martyris
 conditorium, & anchoram ipsi hærentem
 reperere. Atque vt patentius esset miraculū
 incredulis Ethnicis, qui non aderant quando
 conuersum est mare retrorsum, recurrente
 annuatim submersionis die, recurrebat pro-
 digij renouatio, ad quam intuendam curiosi-
 tate

tate ducta effundebat se agminatim gentilitas tota, & sepultam in freto infidelitatem relinquebat. In quo solemnī concursu illud etiam mirabile contigit, quod relictum in sacello puellum, vel parentum in curia; vel casu alio dormientem, regurgitantes ad littora fluctus non extinxere, ideoque redeuntes anno sequenti parentes consueta miraculi die, incolumem, ac vegetum in eodem quo obdormierat loco, post integrum annum inuenere, suavi adhuc delinitum sopore, & nulla penitus parte corporis offensum. Eorū porro qui varijs vexati morborum generibus ad sepulchrum illud angelicum adibant, seu deportabantur, & sanitati restituebantur, maior est numerus, quam ut facile queat recenseri. Longe verò maior erat eorum qui tam fulgido miraculorum splendore exciti eorum auctorem agnoscerent, & ad eum colendum conuerterentur, adeo ut quingenti per dies singulos lustralibus aquis tingerentur, nequicquam obsistente, & fremente Adriano, cui Idololatriæ, excidium, & Christianæ fidei fœlix progressus per litteras nunciabatur.

Porro quantæ molis fuerit tanta conuersio, ex gentis illius feritate constare potest; sed diuinæ potentiæ æque facile est, dummodo velit scytham, & barbaram, ac mitiorem Romanum ad fidem vocare, trahereque. Quales autem Pontus Euxinus homines gigneret, educaretq; placuit Tertull. describere, ut describeret Marcionem. (Illum, inquit, gentes ferocissimæ inhabitant, si ta-

men

L. i. adu.
Marc.

men habitant in plauſtro . Sedes incerta ,
 vita cruda , libido promiſcua , vt plurimum
 nuda &c.) Parentum cadauera cum pecudibus
 caſa , con uiuiſio conuorant . Qui non ita de-
 ceſſerint , vt eſc atiles fuerint , maledicta
 mors eſt . Nec ſœ mine ſexu mitigantur ſe-
 cundum pudorem : vbera excludunt , pen-
 ſum ſecuribus faciunt : malunt militare , quam
 nubere &c.)

Quæ portenta , ac ſœditates purgata bap-
 tiſmo ſunt , & prædicatione , curaque paſto-
 rali aboleri in dies coepta , tandem miracu-
 culis inſequentibus obitum veſtigia vlla non
 reliquere . En quales habuit Propagatores
 fidei Virginitas ? dignitate videlicet ſupremos
 nobilitate primos , ſapientia ſplendidos , ſan-
 ctitatē coruſcos , martyrio inclytos ? Coete-
 rum æquum fuit vt Roma recuperaret de-
 mortui corpus , quod viuum ſuo in ſinu alue-
 rat . Itaque poſt aliquot ſæcula Cyrilli Sla-
 uorum Episcopi opera Romam trāſlatū fuit,
 & in Baſilica ſuo dicata nomini collocatum ,
 populi concuſſu colitur , vna cum S. Ignatij
 martyris Antiocheni : Funde roſas martyri
 Roma , funde lilia Virgini , appinge coronas
 Pontifici , ſculpe palmas triumphatori ; incide
 Agnoſ gentium ſoſpitatori ; & memorabere ,
 amatum , ac inuitatum Clementem cum ſi-
 tienti populo ad bibendum ab agno cœleſti
 venam aquæ aperiente , vt innoteſceret in eo-
 rum deſcriptum albo Vicarium ſuum , qui
 ſequuntur Agnum quocunque ierit .

Per-

C

*Peruersæ cogitationes separant à Deo
&c. In maleuolam animam non in-
troibit sapientia, nec habitabit in
corpore subdito peccatis. Sap.*

Ibi est cogitatio tua ubi est affectio tua,
Ibi cor tuum ubi est desiderium tuum &c.
Si mala cogitas Spiritus Sanctus disciplinz
effugiet fictum, & auferet se à cogitatio-
nibus sine intellectu, eritque templum
Dei, spelunca Diaboli, quoniam quem
Deus deferit Diabolus arripit. S. Bern. de
Incarn. Dom. c. 3.



S. Nicolaus Episc. Myr.
*Cum Virginitas secum sororem habuerit elemosinam in
eam nulla aduersa poterunt . . . S. Chrysost.*

IN hoc nimirum si in aliquibus aliquando
 Præfulum Sacrorum , suarum pompam
 diuitiarum explicasse Virginitas ambit. Con-
 ceptus eius in vtero materno fructus fuit o-
 rationis parentum , qui Patara in Lycia ge-
 nere , & opibus clari , sed prole cassi , sterili-
 tati remedium precibus impetrarunt . Vix
 eductus in lucem puer , & baptismo lustratus,
 radijs micare cœpit sanctitatis . Nondum
 esse didicerat , & ieiunare sciebat , quip-
 pe bis in hebdomada , feria videlicet
 quarta , & sexta semel tantum sub Vesperam
 lac sugebat infans in incunabulis edentulus ,
 neque vlla nutricis arte lactari , secus quam
 reliquis diebus soleret , quibus puerorum
 more sæpiusculè labellis papillas premebat .
 Qualem putas egisse vitam aperta rationis ia-
 nua , qui adhuc clausa , culpæ incapax , à
 poenitentia illam & à ieiunio auspicatus est ?
 Nimirum adolescentiam non modo discipli-
 nis exultam , & ab omni alienam leuitate ,
 sed pietate , abstinentia , precandi studio nus-
 quam intermisso decoratam , & virtu-
 tum ornatu sacerdotio dignam reddidit ;
 ad quod hinc libens , ut Christo se arctius ad-
 stringeret ; inde illibens , quod se indignum
 reputaret , patruj materni Episcopi suasu con-
 niuentibus parentibus promotus est , Quem
 gradum non honori , sed oneri deputans pri-
 stinæ exercitationi habenas laxauit , victum
 antea tenuem magis contraxit vestitum ad
 vul-

P. Antonius
 Beatus noster
 scripsit
 volumē inte-
 grum de e-
 ius vita.

vulgarem tunicam, & pallium haud abfimi-
 le arctauit, qualia videlicet apud honestos
 regionis Sacerdotes in vfu erant, nil singu-
 lare, nisi fortè munditiem præferentia. Vi-
 num mensæ interdictum; plumis, & omni
 mollitudine lectus destitutus; precationis,
 ac lectionis sacra designata horæ, plures, &
 quod supererat: tempus, beneficentiæ, in
 pauperes, in Orphanos, in desolatos impen-
 debatur. functis in communi Prouinciæ pe-
 stilentia parentibus, non tam hæres, quam
 dispensator bonorum factus, in egenos illa libe-
 raliter distribuit. Et accidit in hac erogatio-
 ne factum memorandum quod calasse ipse
 nocturnis tenebris arbitratus, in luce meri-
 diana fama vulgavit, & super testæ prædica-
 uit. Cuius erat Patrarum haud ignobilis, & for-
 tunæ bonis abundans, sed quæ humanarum
 rerum conditio est postmodum ad eam ege-
 statem prolapsus, vt neque haberet vnde
 tres filias forma elegantes, & nobiles aleret,
 nedum matrimonio opportuna dote locaret.
 Et o duram necessitatem, deterrimo consilio
 nundinationem de earum pudicitia facere
 meditatus, propius facinori aberat; quando
 Nicolaus re ad se delata sacculum plenum pe-
 cunia in conclaue per fenestram de nocte
 iniecit, quo reperto, apertoque mirificè exhi-
 laratus parens; quod dotem pro vna filiarum
 iospèranti, ac immerenti diuina prouidentia
 suppeditasset; indoluit vehementer de con-
 cepto flagitio, & in melius mutata delibera-
 tione, desperare desijt. Verum cum Nico-
 laus

laus secundo idem facisset, ac tertio, deprehensus ab obseruatore est, ac pro benefactore intima cum gratiarum actione agnitus, & pro Sancto, vbi se deinceps dedit occasio prædicatus. atque ita trium puellarum pudori consultum est, & honoratis coniugijs, pellicatus periculis occursum. Inter hæc ingens visendi sacra Palestinæ loca cupido animum Nicolai incessit, & conscensa naui per mare tranquillum sulcabantur vndæ secundo cursu haud absque ingenti vectorum lætitia, quæ repentino nuncio turbata est. Quippe Nicolaus horrendum spectrum obiectum nigerri-
mi Mauri incuitus est districto gladio minitantis, & nauigium subuertere connitentis; intellexit vir Sanctus impendere tempestatem, inuidia Dæmonis concitandam, & Nauarum, comitesque monuit, ne imparati fluctibus opprimerentur: Et ecce paulo post validos ventos exsurgere, mare exasperari, lignum concuti, & fumentibus vndis tantum non absorberi: nec arte nautica vitari posse exitium, sed precibus Nicolai, qui diuinitus illud præuiderat auertendum, plerosque omnes conclamare, & ad ipsum confugere, vt quantocyus propitiare supplicatione numen festinet: nec inanem fuisse spem declarauit exitus, quanto namque ardore licuit, se dedit in preces Sacerdos Sanctus, & orare perseuerauit donec cessauit tempestas, & facta est tranquillitas magna, ac naus incolumis ad Palestinæ littora appulsa est. Inde reue-
re reue-
sus in patriam, cum ingenti desiderio

in remotam aliquam eremum secedendi, vbi
 procul à turbis, & humanis congressibus soli
 Deo viueret, & quæreret faciem eius sem-
 per, monitus est diuinitus de solitudine cogi-
 tationem, vt deponeret, & eò inflecteret,
 quò paulò post cœlesti indicio inflectendam
 doceretur. Interim honoris pondus, quo gra-
 uabatur in patria à conciuibus, & plausum
 popularem inique ferens, Myram Lyciæ Me-
 tropolim contendit, & Charybdim vitasse-
 ratus in scyllam incidit. Etenim id tempo-
 ris mortuo Myræ Præsule prouinciales Epi-
 scopi ad comitia cò conuenerant, vt alterum
 in eius locum ad plura suffragia subrogarent:
 sed instar eorum omnium fuit Dei monitum
 vni eorum reuelantis suæ esse voluntatis, vt
 eum eligerent, qui mane sequenti primus
 templum ingrederetur Nicolaus nomine.
 Reuelationi respondit euentus; cum enim sa-
 cer ille cœtus postridie ante solis ortum con-
 uenisset, vt ingredientem obseruaret, primus
 occurrit Nicolaus, qui numinis adorandi æ-
 dem sacram adire summo mane consueue-
 rat. Omnium ergo Episcoporum consensu
 abducitur, & Myræ Episcopus renunciatur.
 Quam dignitatem admittere quidem inuitus
 cogitur, sed quia ad eam virtutes omnes Præ-
 suli necessarias attulit, tam excellenter tra-
 ctauit, vt Deo miraculis concurrente admi-
 rationi esset populis, & ipsi Imperatori Con-
 stantino venerationi summæ, quam in dies
 augebat fama rerum ab illo gestarum, & mi-
 rabiliū, quæ per ipsum operabatur Deus:

Inter quæ non postremum, quod cum tres tribuni ac Duces, negotio pro quo missi in Phrygiam ab eodem fuerant fœliciter confecto, Constantînopolim reuersi per inuidorû calumnias in carcerem coniecti, & ob falsas criminationes tandem morti adiudicati, ad opem Nicolai longè absentis in præsentî desperatione confugiunt, & eam assequuntur. Nocte quippe fatale mane antecedente, quiescenti Imperatori, & Ablauio Urbis Præfecto: sistit se Nicolaus, & seuerè mandat, vt inson-tes liberent, pœnasque minatur ni statim pareant; & paruere sine mora, ac libertati tres Tribunos è mortis faucibus creptos asseruere: Hi deinde missi sunt cum muneribus pretiosis ab Imperatore ad Nicolaum, cui nomine ipsius gratias agerent, & preces eius apud Deum demissæ poscerent. Atq; hæc id temporis euenire, quo Maximiliani, & Diocletiani persecutio deferbuerat; nam ea vigente exilio, & carcere damnatus erat Sanctus Episcopus, quod impijs eorum mandatis posthabitis non desisteret fidem Christi prædicare, pro qua mori fœlicitati ducebat. Non diu post celebrandum fuit Nicænum Concilium à 318. Patribus coactum, quorum vnus Nicolaus, qua erat sanctitate, doctrina, auctoritate cum Cœlestibus familiaritate, mirificè causam Catholicam aduersus Arianam impietatem promouit, & ad stabiliendam Christi diuinitatem ex sacris litteris ea protulit, quibus conttradicere non nisi per impudentiam, & ignorationem nequirent Aduersarij.

Auctoritate
sum. Pont.

Inde ad suam reuersus Ecclesiam porro per-
 rexit virtutibus , & miraculis olarere, quæ ab
 antiquis scriptoribus collecta accuratè perfe-
 quitur P. Antonius Beatillus noster in volu-
 mine de vita S. Nicolai . Tandem & ipsam
 viam vniuersæ cārnis ingressurum mors pa-
 ratum per omnia inuenit, at hanc præuertē-
 tes Angelos inter illa verba in manus tuas cō-
 mendo spiritum meum exeuntem animam
 suscepisse , & ad patriam beatam adduxisse .
 Sequentia signa declarauere . Corpus hono-
 rifico sepulcro cōditum , & miraculorum
 numero , ac magnitudine à Deo illustratum ;
 Inter quæ illud eximium, quod extemplo sca-
 tere cœpit oleo flagranti, ac humanis infirmi-
 tatibus saluari, hodieque fundere perseue-
 rat è tumulo in templo Barij Appuliæ vrbe ,
 quo translatum est post annos septingentos
 septuaginta quinque, ingenioso furto à Bar-
 riensibus Mercatoribus cō appulsis , qui di-
 stractis quas aduexerant mercibus omnem
 conatum , ac industriam adhibuere . vt exu-
 uias illas sacras de sepulcro magnifico aufer-
 rent , & secum Barium adsportarent . Sux
 porro cupiditati effodiendi pretiosum thesau-
 rum obtendebant imminens Turcarum peri-
 culum , qui vastata circum regione , & Myra
 occupata timebantur in religiosa templa , &
 lipsana sæuituri , si quando, vt non raro ac-
 cidit, vexandi christianos libido, & furor bar-
 barus ferocissimos animos inuaderet . Certè
 quidem iam tum desolatum templum ab eo-
 rum ingressu , antiquam frequentiam, & cul-
 tum

tum populorum , & præsentem solitudinem
ingemiscebat; nam & Monasterium plenum
antea monachis , quatuor duntaxat nume-
rabat , & peregrinorum concursus om-
nino cessauerat , vt minus difficile proin-
de fuerit corpus inde transferre , & mi-
nus periculosa rapina , quam sibi licitam , &
Diuo caram haud dubijs argumentis conie-
ctabant mercatores illi , ideoque audaciores
redditi ad rapiendum , astu & violentia vsi
aduersus Monachos pauculos eorum se cona-
tibus opposcentes .

Clausula esto fauor , ac protectio , qua ca-
stitatis amantes tuetur , & amat Nicolaus , vt
sponso Virginum in primis caros . Prolixi esset
seris per exempla vagari , vnus meminisse
pretium est operæ perquam congruentis , vt
pote adolescentis Selectorum Coronæ adne-
ctendi , quam narratio nostra Virginitati cõ-
textit . Bernardus hic est non ille Clareuallen-
sis Abbas , sed Augustanæ Ecclesiæ Archidia-
conus Ricardi in provincia Gebenensi Dyna-
stæ Sabaudi , nobilitate , ac potentia clari fi-
lius , qui Parisijs ad litterarum studia missus
ita se illis impensè dedit , vt tamen pietati , &
Dei timori , amorique primas concesserit . Vt
que adeo in ytrisque profecit , vt de conse-
cranda creatori Virginitate deliberarit . Hu-
ius parens instructorem adiunxerat Arsenium
alterum probitatis , benignitatis , ac morum
grauitatis sibi haud ignotæ . Huic tanquam
vnice caro consilium suum aperuit Bernardus
minimè veritus adiutorem se in executione

sanè ardua habiturum, quem in educatione
 habuerat veluti Angelum Thobiæ directore.
 Neque falsus opinione est; Audito namque
 pij discipuli proposito nimium, quàm gau-
 sus pius Magister, impedimenta quidem de-
 cumana, & obices prope ineluctabiles præ-
 uidit, sed cessura omnino Dei inspirantis po-
 tentiæ non dubitavit. Itaque non modo de-
 liberationem laudauit, & tanquam de cœlo
 missam maximi faciendam verbis grauissimis
 confirmauit, sed insuper comitem se fore
 promisit, & quocunque Deus vocaret secu-
 turum: esse opus supra vires humanas, sed
 diuinis perfacile; ad eas recurrendum; &
 quia per illam regionem increbuerat fama
 miraculorum frequentium per Sanctum Ni-
 colaum patratorum, vnanimi consensu eius
 se tutelæ commendauere. Ipso duce, ac pa-
 trono prosperum rei exitum sperauere. Et
 sanè vt cœlestem partum elideret in semine
 Stygius veteraror, qua vi, qua astu machi-
 nas opposuit, quibus inchoatæ turris euange-
 licæ initia quaterentur; at superno auxilio, &
 fraudes elusæ, & arietes disiecti sunt: gra-
 uius à parente periculum subortum, cui de-
 clinando opus miraculo fuit cæteris haud ab-
 simili, quæ passim multis iam sæculis, locis-
 que Nicolaus edere perseuerabat. Reuocato
 ab Academia Parisiensi Bernardo sponsam no-
 bilitatē clarā, forma splendidā, dote opulentā,
 agnati quæsierant, & nuptijs opportuna iam
 parata erant omnia, præter iuuenis consen-
 tum, quem pater minacijs, Mater blanditijs
 ore-

oretenus extoresfrant , nam mente à coniugio aliena repositum manebat consilium Virginitatis , quo impellente , cum modus euadendi laqueos , vndique tenso non suppetere , humanitus , ad Beatissimæ Virginis , & Sancti Nicolai sui patróni opem implorandâ confugit , quam statim præsentem sensit ; nâque eadem nocte , qua clauso cubiculo , & arbitris omnibus remotis preces ex intimo corde fuderat , quiescenti Sanctus Episcopus apparuit , iussitq; bono esse animo , euasurum impune è pedicis , quas auida successionis affinitas ad altiora aspiranti tetenderat . Augustam Prætoriam fuga clancularia abeundum , modo & comitatu mox indicando ; inter quæ monita videri desijt , & experrectus adolescens nil de veritate ostenti , & promissi hæsitans , lecto se eijcit , actisque Deo gratijs prolixam exarat epistolam parentibus , qua certiores de cœlesti vocatione ad cœlibatum facit : acquiescere diuinæ voluntati suadet : memoriâ erga ipsos obligationis , vbi vbi terrarum futurus sit , seruaturum : tristitiæ parcant , & benedictionem vice indignationis impédant , & his affinia , quibus vt finem fecit vix obfignatis litteris , en repente Sanctus Nicolaus cum tutelari Angelo sistit se vigilantem eadem forma , habituque , quo dormienti conspiciendum se dederat , & ad discessum vnâ secum inuitat . aperitur cubiculi fenestra , & quia in præruptam , altamque rupem descensus est , per eam demittit se , & placidè deducitur fortunatus Iuuenis inter æthereos comites

medius, ac per vias prorsus sibi ignotas institutum iter paucis horis absolute, cui ementiendo vix dierum spati a satis erant. In ipso quippe diei exortu, quo Ciuitatis portæ referantur, ingressus Augustam Bernardus ad Archidiaconi proxima nocte de aduentu à S. Nicolao præmoniti, diuertit hospitium, & perbenignè exceptus est; Ipsi verò duces Cælestes ad patriam, vnde venerant reuersi.

Reliqua verò planè miranda, quæ virgineus Iuuenis in vîta, & morte sua effecit, monumentis consignauere scriptores graues ex quibus particulam decerpimus, quæ instituto nostro congruit, non tam historiæ conscribendæ, quàm lilia Virginum è floridis historicorum viridarijs colligendi gratia.



C

*Omni custodia serua cor tuum, quia
ex ipso vita procedit. Prouerb. 4.*

Vas electionis in cuius ore Christus resonabat,
macerat corpus suum, subijcit seruituti;
& tamen cernit naturalem carnis ardorem
sue repugnare sententiæ, vt non quod
vult, hoc agere compellatur, & quasi vim
patiens vociferatur, & dicit. Miser ego
homo, quis me liberabit de corpore mor-
tis huius: Et tu te arbitraris absque lapsu, &
vulnere posse transire, nisi omni custodia
seruaueris cor tuum. S. Hieron. epist. 4.
ad Rustic. Monach.



S. LVDOVICVS EPISC. Tolosanus
 Fælices qui in hoc præfenti sæculo nequam aduenar se
 et peregrinos exhibent, immaculatos se custod. ab eo.
 S. Bern.

S. Ludouicus Episcopus Tolosanus.

Quanquam ò Religio Seraphica exaltata
 es, vt Cedrus in Libano, & ad honoris
 culmen ita euecta, vt Cœlum tan-
 gas; illud tamen supergressus Ludouicus tuus
 in ancipiti reliquit, plus ne splendoris à tuo
 sole acceperit, an in te refuderit ex suo. Il-
 lud certum summo Numini libitum Franci-
 sco pauperi, & humili submittere Reges, ac
 Principes, qui colla sponte subderent legibus
 eius, & regales coronas, ac purpuras postha-
 berent lanis, & funibus eius. Hos inter San-
 ctus Ludouicus Episcopus Tolosanus eminet,
 cuius gesta præclarissimæ graues scriptores
 monumentis consignauere, nos strictim
 pauca attingemus, quæ Virginitatis honori
 deseruiant, & castimoniam desiderium lectori
 iniiciant.

Carolus primus cognomento Martellus Nea-
 polis, ac Siciliæ Rex, Sæcti Ludouici Galliæ Re-
 gis Frater, Carolum Secundum genuit, ex quo
 Ludouicus noster ortus est. Mater illi Maria
 Regis Hungariæ filia, & soror trium Regum
 Sanctorum Stephani, Ladislai, Henrici, ac
 neptis Elisabethæ Hungariæ, pariter Sanctæ.
 Quale germen ex quali semine? Ad annum
 salutis 1275. reijciunt eius ortum; sed de
 hoc, sicut & de natali solo controuersia est;
 quippe natum Brincolæ, quæ est arx in Pro-
 uincia haud procul Marsilia, asserunt plures;
 alij Nuceriæ Paganorum, seu Saracenorum
 malunt; sed labor est hic in tenui, litis di-
 rem.

Sur. tom. 4.
 ex s. Anton.
 p. 3. tit. 84.
 Chron. s.
 Franc. p. 2.
 lib. 6.

remptio ; me iuuat sententiam priorem sequi eundem locum natiuitatis, & mortis existimantem : illa certa, & grauiora . Cœpit ab infantia mores exprimere patrui Sancti Ludouici Regis, in cuius gratiam nomen ipsi ad iustiales vndas impositum . Nondum rationis affusserat lumen, & orare consueuerat, adhuc nescius quid esset oratio : Oderat blanditias Regijs pueris debitas, & à delitijs in medio deliciarum aulicarum abhorrebat, & quod supra puerilem teneritudinem est, amabat asperitatem, & carnis mortificationem, adeo impensè, vt septennis molli strato contempto, humi cubitarèt quod custodes, & ipsa Regina parens affirmauere . Procul à pueritia leuitas omnis puerilis in verbis, in aspectu, in incessu . Nihil illo erga Deum religiosius, erga maiores obsequentijs, erga pares, qui pauci erant, amabilius : vt puer adhuc præferret virum grauem, ac maturum, nisi quod grauitas in eleganti iuuenili forma nescio quid iucunditatis maioris, ac admirationis, quàm in adulta parit . Crescebat cum virtute eruditio, quàm ingenio, ac diligentia; quàm cura, & instructione præceptorum quæsitissimorum, quorum fuerat curæ commissus . Ita foeliciter in Regia paterna domo properabat ad adolescentiam pueritia, cum ecce turbine bellico turbata publica pax, & cursus studiorum Ludouici interruptus . Quippe inter Petrum Aragoniæ Regem, & Carolum Regis Galliæ fratrem, ac Ludouici aui exorta discordia, degenerauit in atrox bellum

nauale potissimum , cui finem tandem dedit victoria à Petro relata , cum alijs nominibus memoranda , tum verò quod Carolus Secundus Ludouici pater captus , ac Barcinonæ Petri Urbem deductus est . Non diu post composita inter binos Reges pax , hac inter alias conditione , vt dimisso Carolo , obfides darentur tres filij eius ; quorum maior natu erat Ludouicus annorum tunc vix quatuordecim . Fuit captiuitas hæc honorata filijs , quia redemere paternam ; & quia stirpis regiæ , affinitate Regum illustris , ac proinde non destituta commodis , quæ meritis debentur Principum , & à Victore Rege non negabantur .

Certè quidem Ludouico iam tum diuinorum meditationi assueto non adeo grauis fuit vt animum turbaret , Prouidentię Numinis in aduersis acquiescentem , & valde etiam tolerabilem reddebat virorum religiosorum doctrina præstantium , consuetudo , ac familiaritas , quæ non solatium modo ; sed & fructum afferret maximum doctrinæ , ac pietatis . Hos potissimum ex ordine Minorum Franciscanorum selegerat , vt Magistris vteretur , & conscientię arbitris , tantumque sub eorum disciplina proficiebat , vt theses philosophicas , ac Theologicas propugnare palam , & oppugnare esset idoneus . At præcipua ipsi oblectatio sacrorum Bibliorum , quæ manu propria descripsit in integrum , & auro minioque eleganter ornata secum tulit in Italiam , & Bibliothecæ Senensi fratrum Minorum

norum, dum illac transfiret, dono reliquit. Tenuit captiuitas annos septenos, quos bonus adolescens non in litterarum modo studijs, sed & in varijs pietatis exercitamentis traduxit, quibus priuatim, ac publicè, quoad fas erat captiuo, præludebat gloriæ, ad quam summus Imperator æterno destinato paraue-
 rat in cœlo, & in terra. Præter tempora contemplationi designata horas Canonicas ex rîtu Franciscano recitabat, & Sanctæ Crucis officium expansis brachijs in honorem Dominicæ Passionis percurrerebat. Voluptas illi Nosocomia inuisere, ægris inferuire, egenis benignè subuenire. Curauit aliquando leprosos omnes Barcinone degentes in vnum locum congregari, vt eorum pedes ablueret, & alijs modis solaretur. Hos inter vnus erat, vt statura procerior, ita & morbi fæditate, horribilior: hunc duo principis fratres natu minores, ne aspicere quidem absque nausea sustinebant. At verò Ludouicus huic maiori cura præsto esse, lauare, tẽgere, cibos ministrare, solari verbis humanissimis, die insequenti: feria videlicet sexta hebdomadæ sacratioris, quæsitus est per quam studiosè Semigigas hesternus ille leprosisissimus, & nusquam inueniri potuit; nec ex vano facta cõiectura maiorem fuisse homine, qui leprosum repræsentauerat. Non omittebantur aliæ patiendi occasiones spontè quæsitæ, præter illas quas secum fert exilium a patria, à parentibus, ab amicis; nam ieiunijs, cilicijs flagris castigabat corpus suum, non tam vt

redigeret in seruitutem , minimè rationi , & legi diuinæ rebelles ; sed vt Christo conforme fieret , in cuius meditanda passione multum temporis infumebat : Ideoque vt peculiare beneficium adscribebat diuinæ prouidentiae , quod abstractum ab vberibus ; & delitijs aulae paternæ , lacte consolationis internæ nutrirer , quam litterarum scientia , orationis studium , carnis afflictatio , piorum hominū familiaritas suppeditaret . Qui laicus adhuc , & adolescens sæcularis tam liberè , tamque liberaliter vela pandebat auræ desuper spiranti , quanta putas alacritate , ac promptitudine regendam , impellendamque eidem permisit nauem Sacerdotij , ac Episcopatus , vt ipsam ingressus est ? Sed immensa heroicorum facinorum spatia prospera nauigatione , conficientem cymbula nostræ orationis non assequitur . Amat iccirco littora , hæretque terminis ; quibus adolescentia Ludouici definita est , ac proposita ad imitandam sub vexillo castitatis merentibus .

Ludouicus proles Regum , specie corporis pulcherrimus , animo pulchrior , nunquam in verba non pudica laxasse linguam deprehensus est ; colloquia non honesta ita horruit , vt fama inter aulicos esset , cauendum esse eo audiente , ne proferrentur , quia sine increpatione , ac stomacho non excipiebantur . Oculorum tam seuerus custos , vt in nullam vnquam fœminarum etiam affinium coniecisset , cum nulla , matre , & sororibus exceptis , licet honestissima , remotis arbitris locutum

tum Io. XXII. Pont. M. in diplomate canonizationis, testatum reliquit, Ne matris quidem pientissimæ exosculari volentis, labrum admoueri passus est ori suo, & opponenti repulsæ maternitatem, per quam liceret, decerentque natorum oscula, reponit, Ita est, atque vt parentem amo, venerorque; sed mulier tamen est Maiestas vestra, & basia muliebria Dei seruis interdicta sunt. Experta antea erat austeritatem persimilem Regina Franciæ consobrina ipsius, cui similia Urbanitatis officia de more gentis tentanti, non indulgit, sed succensenti affinis, osculo labia, vultumq; subduxit; & norat profectò honestissimum illud esse, & prorsus indecori vacuum; sed inciuilis videri maluit, quàm delicatus, si tamen hoc est delicatum esse ibi culpam timere, vbi culpa non est. Certè doctrinam hanc non ab aula, non ab aulicis. non à moderatōribus, sed à Cœlo, & Cœlitibus hausit, & adolescentes docuit quàm cautos, imò & quàm seueros custodes esse oporteat, si mollem castitatis rosam illasā velint. In hoc quod subijcio plures, opinor, habebit admiratores, quàm imitatores.

Diuisa lux cuius est mentes hominum illustrare, & corda succendere amore æternorum; ostenderat illi mundi vanitatem, ac vitij fœditatem, virtutis, gratiæ cœlestis, Virginitatis pulchritudinem, splendorem, præmia, ad hancq; amplectendam vehementer impellens eò prouexerat, vt sæculo valedicere, & religiosum S. Francisci Ordinem ingredi

di omnino constituerit, & voto deuinxerit, si-
ne illud graui pressus infirmitate, siue incolu-
mis in orationis ardore emiseric, à Deo immis-
sam cogitationem exitus comprobauit. Vo-
luisse statim post liberationem à captiuitate
anno 1295. in octobri executioni mandare;
sed ne faceret obstitere Patres Ordinis Mode-
ratores cauti Regem parentem offendere; vt
verò aliquando rescinderet suadebant proce-
res, amici, consanguinei ijs argumentis, qui-
bus vti consueuere, qui terrena sapiunt, &
deliberationes istiusmodi deliramenta ducūt,
illo in primis, quòd ex amplissimo Regno, &
Campo bonorum, ac illustrium benefacto-
rum, quibus Reipublicam Christianam, &
Regnum suum iuuare poterat, se ad angu-
stias claustrorum arctaret, & sceptro in ru-
dem saccum mutato, sibi vni, vel paucis ad-
modum prodesset, quod improbarent pru-
dentes omnes, & superi non probarent. Car-
olus quinimò parens pollicebatur Regnum
ipsi cedere, si paratæ sibi sponsæ Reginæ nup-
tias non respueret: sed festucæ, ac nuge istæ
ludus erant adolescenti in omnibus serio, ac
diuinitus edocto; ille trabalis obex inelucta-
bilis, qui à Vaticano aderat. Etenim Mars
filix Præsule functo, Bonifacius VIII. tum
Ecclesiæ Catholicæ vniuersæ Præses, Ludo-
uicum nostrum perinuitum, ac reluctantem
pro imperio suffecit; nempe audita fama
sanctitatis, ac religiosi propositi, cui e-
xequendo à sacris ordinibus, quæ Romæ,
quæ Neapoli susceptis, aditum fecerat, create
Epi-

Episcopum nolentem potuit, qui volens Sacerdotio inauguratus ad tyrocinium Minoritarum iter meditabatur, & coactus est infusæ ceruices submittere, quas voluntariè diademati subtraxerat. Ast huic etiam nodo suus inuentus cuneus. Non ante Episcopi insignia induit, quàm obtenta à Pontifice facultate solemnia Religionis Franciscanæ emitteret vota, excipiente illa publicè in templo Aræ Cœli Fratre Ioanne à Muro Generali Ordinis Ministro; neque prius illum excepit Tolosa, tiara, & paludamento decorum, quàm viderit Roma, in humili Minorum habitu binos inter Cardinales per plateas suas ad summi Pontificis benedictionem prodeuntem. Obstupebat affluens turba, & collacrymabatur præ teneritudine ad spectaculum antehac non visum adolescentis modesti iuxta, ac formosi, qui contempta ampla Regni hæreditate, paupertatem vouerat, & Regio vestitu cum vili habitu commutato pedester ad Vaticanum progredi gestiebat.

Hac publica suæ professionis testificatione mundo exhibita, non est cunctatus Tolosam versus itineri se dare, quo confecto sine pompa, & sine magno sumptu, exceptus est sicut Dei Angelus à populis sibi, ac posteritati plaudentibus, quod pro Antistite Regem, Sanctum Ciuitas Tolosana habere meruisset, Quam inierit in Episcopatu vitæ rationem, quomodo Pastorale munus explenerit, quomodo se erga proximos, erga seipsum gesserit, vt compendio absoluiamus, cuncta non
lau-

laude solum, sed admiratione plena sunt, quæ
 aucta in immensum est miraculis in vita, &
 morte patrat, inter quæ memorantur in
 diplomate Pontificio sex mortui ad vitam re-
 uocati, quibus Chronographus Minorum ad-
 dit decem alios non sine graui virorum fide
 dignissimorum testimonio, quibus prodigia
 illa innotuerant, Miraculis tam grandibus
 adiuncta excellens vitæ sanctitas Ioannem
 XXII. permouere, vt Principum, ac popu-
 lorum supplicationibus annueret, & in San-
 ctorum Catalogum referret anno sui Pontifi-
 catus primo, salutis 1317. septimo idus Apri-
 lis, ab obitu Diui 19. iuxta sententiam pro-
 babilem, quod annos vixerit 23. cum dimi-
 dio, in quo scriptores dissentiunt, vt apud
 relatos auctores videre licet, quos concordēs
 tamen in eo habes, quod ardenti vitæ priua-
 tæ in Monasterio degendæ, desiderio, Roma-
 num iter aggressus, spe facultatis à Pontifi-
 ce impetrandæ, repentina febris correptus in
 memorato Brincolæ Castro sistere coactus est
 vbi inualescente morbi vi nouit diuinitus vo-
 ti se cōpotem effectum, vt nimirum & o-
 nere Episcopatus, & corporis sarcina libera-
 retur, & triduo ante designauit diem infir-
 mitatis vltimum, & gloriæ æternæ primum.
 Ea die auidissimè aduentum sponsi præstola-
 batur, & quanquam nunquam imparatus
 obuiam illi exisset, tamen sollicitius curauit
 se sacramentis, & precibus muniri, & in pri-
 mis sacro pane pro viatico confortari. Ad
 eius conspectum collectis summo ardore spi-

ritibus, lectulo se eiecit, & humi prostratus pro ara extemporanea sui cubiculi, reuerenter adorauit, ac sumpsit. Inde gaudijs intimis delibutus inter gratiarum actiones, & suauissima cum Deo colloquia purissimam animam ipsi reddidit Christo sequestre offerendam, cuius effigiem cruci suffixi ad vltimum vsque spiritum manu prætere, & petere osculis non destitit:

Eodem temporis articulo vir pius, ac religiosus donis multis cœlestibus, & reuelationum in primis, eximie cumulatus, vidit Angelorum coronam obeunti occurrentium, & hilariter psallentium. Ita fit cum ijs, qui sancte, & castè Deo seruierunt.

Plaudite hic Ludouici imitatores, & qui vias Agni impolluto calle calcatis. Ex ore sancti pulcherrimus pullulasse nos conspectus est, rosam referens, & odorem affans suauissimum. quid hic? nisi lingua Virginitatis laudatrix, ac testis? & perseverant prodigia in Asturiæ principatu Diœcesis Ouetensis, vbi Sacerdote operante ad Sacellum Diuo dictum, germinant flores pulchritudinis miræ, qui decerpti ab adstantibus adhibentur ad morborum curationem quàm frugiferè. Dum funus Brincola effertur Marsiliam, vt moriēs testamento edixerat, delapsi cœlitus radij corpori ne insedere, an è corpore, veluti Sole prodire? quod nihil terrenum præter suam molem habuit, totum Cœleste à Virginitate redditum est. In eadem processione, vel supplicatione potius, valido ventorum statu funalia

nalia extincta sunt ; Non tulit cœlum infu-
 riam ; statim mirabiliter rursus accendi per-
 spexit turba comitâns, ac splendide micare,
 quoad in templo fratrum Minorum Marfiliz
 conditum in sepulchro est , quod Deus mul-
 tis miraculis decorare pergebat , donec trans-
 latum est Valentiam anno 1417. iussu Petri
 Aragoniz Regis victoris, & Valentiz in tem-
 plo Principe locatum , vbi hætenus fidelium
 concursu , ac veneratione colitur .





S. ANDREAS

D

*In omni vita tua dilige Dominum ,
qui te fecit Eccl. 7.*

Dilige Dominum Deum tuum toto, & pleno
cordis affectu: Dilige tota rationis vigilātia,
& circumspectione, dilige, & tota virtu-
te, vt nec mori pro eius amore pertime-
scas. S. Berm. serm. 20. in Cant.



S. Gregorius Nazianzenus

Quanto sanctior est Ecclesia in his membris ubi
Virgo est Corpore, et spiritu.

S. Aug.

S. Gregorius Nazianz.

Rutilum scilicet Orientalis Ecclesiæ
 sydus , quod insolito splendore
 doctrinæ , ac sanctitatis orbem terrarum
 in sui traxit admirationem. Scripsere vitam
 eius veteres Græci , latiniq; è quibus hausisse
 testatur se Baronius , quæ concessit in com-
 pendio Greg. XIII. dedicato. Patria viro Na-
 zianzum fuit , non adeo clari nominis vr-
 bs , vt Arianis Sancto infensis obscuritatem
 obijciendi occasionem præbere potuerit . Pa-
 rentes illi Gregorius , ac Nonna , à quibus an-
 tequam nasceretur Deo dicatus est. Mater si-
 quidem Annæ quondam sterilis exemplo pol-
 licita creatori est , si masculam prolem con-
 cederet , eius se obsequio , ac seruituti dica-
 turam. Exaudijt Deus orationem suæ famulæ,
 & per nocturnam quietem vultum nascituri
 pueri ostendit , ac nomen imponendum in-
 dicauit . Non potuit non esse foelix partus ,
 quem foelicitas præuertit ; nec educatio non
 optima , quæ educatores habuit patrem Na-
 zianzenæ Ecclesiæ Præsidentem , & matrem ,
 quæ & à sanctis ipsa genitoribus pietatem
 hæreditariam ad mariti domum attulerat.
 Mater verò (ait idem Gregorius) iam olim ,
 & ab ipsis proavis Deo consecrata, pietatem
 instar necessariæ cuiusdam hæreditatis , non
 ad seipsam tantummodo , sed ad liberos quo-
 que deducens, ex sanctis primitijs verè sancta
 conspersio &c. liberi nempè fuere ipsemet ,
 atque Cæsarius, cuius, veluti sancti mentio est

in Martyr
 Maij 9.

Ora. in laud
 Cæsarij, f. 97

in Romano martyr. Febr. 25. sicut & Corgoniae sororis 9. Decemb. & amborum laus vberissima in orationibus Gregorij.

Erat is puer raræ indolis, & adeo ad virtutem propensæ, vt nihil præferret puerile præter ætatis mollitudinem, quæ facile se formari pateretur ad mores bonos, doctrinamq; annis puerilibus congruentē, & ad illorum incrementa succrescentem, tam foeliciter, quàm ipsi met explicare licuit Apologet. 1. versus finem. A iuuenili (inquit) ætate accersitus fui, atque ad Deum à vulua ipsa proiectus, maternaque pollicitatione in munus oblatus. Ac postea periculis confirmatus sum, simulque cupiditas creuit, & ratio concurrit, omnia ei, qui me in sortem accepit. atque seruauit, dono dedi, opes, famam, nominisque splendorem, bonam valetudinē, litteras, ipsas ex quibus dūtaxat hoc commodi tuli, vt eas aspernārer, atque aliquid haberem, cui Christum anteferre.

Ac suauia mihi extiterunt oracula Dei non secus, ac fauus mellis: & prudentiam inuocaui, & sapientiæ addixi vocem meam. Aliaque etiam hæc adiunxi, nempe iræ moderari, linguam frēnare, oculum coercere, ventrem regere, gloriamque humi manentem calcare &c.

Et hæc quidem opera fuisse gratiæ alumnum suum ad gloriæ fastigium prouehentis; ac quàm singulari amoris significatione, ac prærogatiua supra vulgarem sui communicationem illi se fauorabilem præstiterit, operæpre-

pretium fuerit , ac lectori iucunditatis, non alijs , quàm eiusdem referre verbis , ac testimoni- De calamit.
um omni exceptione maius huc trans- Animæ suæ
ferre . fol. 811.

Puer eram , nec admodum puer , verum eâ ætate , qua virtutum , ac vitiorum imagines in animo inscribuntur , mensque nondum firmam , & solidam cogitationum formam , habet , sed alienis primum institutis , ac moribus informatur . Et quidem parentes mei eam haud quaquam malis coloribus depingebant, nimirum ad optimum quodque in virtutis genus erudientes . Eximia enim illi , atque omnibus hominibus admirabili virtutis laude florebant, concordibusq; animis pietatem colebant , ac non minus morum integritate , quàm senectute , atque annis humanæ vitæ modum excedebant . Et mox.

Ac mihi in somnis aliquando huiusmodi quiddam videre visus sum , ex quo facile in Virginitatis amorem exarsi, Virgines duæ in propinquo stabant candidis vestibus indutæ . ambæ formosæ , atque eiusdem ætatis , ambæ incomptæ, atque inornatæ, ac proinde ornatæ . Ornatus enim contemptio mulieribus elegantiam decusque conciliat: non auro, non hyacintho collum earum decorabatur , non sericæ illis vestes , non tenui , ac molli lino septæ erant : non fucis iuduti oculi sublucebant , non quidquam eorum quæ libidinis sciendæ artifices in mulierum formis excogitarunt . Non flauæ comæ humeris diffusæ
gum

eum lenissima aura colludebant. Quin po-
 tius egregiæ vestes Zona substringebantur, se-
 que ad talos usque demittebant. Ad hæc
 velo, non modo caput, sed genas quo-
 que ipsas obtexerant, oculosque in ter-
 ram defixos tenebant. Quin utrique non pa-
 rum venustatis afferebat, oris verecundia,
 ruboreque tincta facies, quantum quidem
 trans earum vestes mihi prospicere licebat.
 Atque insuper, ut rosa folliculis suis, sic v-
 triusque labra silentio premebantur. Quarum
 ex aspectu mira sanè voluptate perfusus sum.
 Sic enim mihi persuadebam eas humana cõ-
 ditione multo maiores, atque augustiores es-
 se. Hæ porrò quoniam me aspectu sui exhi-
 laratum senserunt, erga me quoque beneuo-
 lentia affici, meq; perinde, ac filium suum
 amplecti cæperunt. Percunctantique mihi
 quæ nam essent, & vnde venissent, altera
 Castitatem sibi nomen esse dixit Altera Tem-
 perantiam, quæ Christo regi adfistentes cœle-
 stium Virginum pulchritudine delectaren-
 tur. Atque ad me conuersæ. Age inquebāt,
 fili, mentibus nostris mentem tuam, & faci-
 bus facem iunge: Ita futurum est, ut exiguo
 quodam, ac singulari splendore præditum in
 cœlum feramus, ac iuxta immortalis Trini-
 tatis fulgorem collocemus, Hac oratione
 habita per cœlum ferebantur, oculisque ipse
 volantes insequabar, sed hæ non nisi in som-
 nis mihi conspicuæ erant. Diu verò animus
 meus graui huiusmodi, & præclaro noctis si-
 mulachro, candidæq; Virginitatis imagine oble-
 cta-

etabatur . Ac mihi iam tunc earum sermo
 in mente colligebatur , cum virtutum , ac
 vitiorum cognitio hominibus verè , planèque
 imprimitur , ac mens cupiditati ducem se
 præbebat , nocturnæque visionis pulchritudo
 obscurior aliquanto cernebatur . Quemad-
 modum autem occulta quædam ignis scintil-
 la stipulam aridam internè depascens statim
 collucet , flammaque exigua in magnum de-
 inde incendium creseit ; sic ego cum noctur-
 no viso incensus essem confestim amor spleh-
 duit , atque in omnium oculis emicuit , ut-
 pote qui in intimis animi recessibus occultari
 iam non posset . Primum itaque cum his
 hominibus vitæ consuetudinem contraxi , qui
 matrimonij vincula fugerant , seque à mun-
 di contagione abruperant ; ut Christum Re-
 gem animi pennis sequantur ; Hinc non sine
 magna gloria pedem efferentes . Hos ego sin-
 gulari amore , ac toto pectore complectens
 spei cœlestis duces habebam . Ac postea gra-
 ue matrimonij iugum à me submouit ad ex-
 celsam videlicet eorum , qui perpetua virgi-
 nitate florent , classem , ordinemque aspirans
 cœlestes enim omnes naturæ cōiugij , pertur-
 bationumq; animi expertes viuunt . Deus pri-
 mum , deinde Angeli prope eum stantes , qui
 primi puri Dei radijs penitus collustrati , mor-
 talibus postea lucem suppeditant . At qui di-
 plici natura , nempe ex anima , & corpore
 constant , ij carne cum imagine diuina pu-
 gnante , coniugium expetunt , atq; ad cor-
 porum sationem proclives sunt . Cœterum

Chri-

Christus præstantiorem partem ducens longè à carne eam remouit, & ab impostore mundo abstractam cum immortalibus mentibus, quæ à matrimonij vinculis liberæ sunt, adiunxit. Ergo amoris ego desiderijq; stimulis incitatus eo tendebam, nec vestigium in terra figere iam sustinebam Mihiq; idem accidebat, quod ijs, qui lactis, vel mellis dulcedinem quoquo modo degustarunt. Sic enim ipse quoque degustata chori illius suauitate, nullo iam modo adduci poteram, vt ad acerbum illum cibum, hoc est, pestiferum animæ vitium, quod in hac vita nascitur, accederem. Non iam conuiuia, vt quæ iuuenili ætati curæ esse solent, non mollis vestis, non delicata coma, non turpium, atque obscenorum verborum inuenuustus lepos, non petulantes risus, non inimici carnis æstus mihi arridebant. Quin etiam scopulos, & montes. & hinnientes equos, & canum venaticorum greges alijs missos feci, excussa quæ omni huius vitæ beatitudine, temperantiæ, ac frugalitati collum subieci. Quæ quidem mei curam gerebat, me amabat, me ad amplissimam gloriam prouehabat, me denique in Christi manibus accuratè collocabat: illud in primis, quod mare Parthenium ingressum, vt Athenas nauigaret còorta sæua tempestas nauem Reginam cum vectoribus demergebat, ni precibus suis, ac absentium parentum ad portum incolumis appulisset illi quippe per quietem videre filium in eo periculo Demonum imperitantem, ac comprimentem.

Eo-

Eorum vnus, & sanè præcipuus, quorum se familiaritati delectatum testatur, Basilius Magnus fuit, alterum Orientis iubar: qui contemptis mundi oblectamentis, & carnis illecebris totum se Christi seruituti addixit, & in sublimioris Philosophiæ studia abdidit, ac ad miraculum in ea profecit Cū ipso fuit deuinctus amore adeo tenero, atque constanti, vt vna vtrique anima videretur duo corpora ferens, vti ipse loquitur oratione in laudem Basilij, in qua plura de fructu, ac iucunditate amicitiae istius sanctæ profert in lucem, quæ si reticuisset, tenebris damnata, alioqui digna æternæ lucis, posteritati incognita perpetuo fuissent.

Æqualitas conditionis, ætatis, propensionis ad virtutem, studiorum similitudo, & communicatio copulauit adolescentes Athenis discendi causa commorantes: Ponti solitudo, & conuietus planè angelicus, cœlestis sapientiæ opibus oppido diuites altissima paupertas aluit, diuinus amor ad præclarissima facinora præparauit. Ambos, inquit, eorum æmulator Barónius, à frequentia & con-

ad annum
363. t. 4. f. 146

turbatione hominum subduxit diuinus spiritus, atque in desertum locum impulit, & in Pontica solitudine, velut in pharetra sua sagittas electas abscondit, vt opportuno tempore educeret ad faciendam vindictam in nationibus. & increpationes in populis, quarum altera fulguris instar, sic iaculatus est cel-
sam turrim, mentem magnam, superbiam ipsam, atque fastum Imperatoris Apostatæ

extollentem se aduersus scientiam Dei, vt
 ignominiosè illa prostratus, conuersus sit in
 fabulam, & opprobrium, expositus omnium
 derisionibus, atque sibilis: alteram vero ma-
 iorem stragem idem diuinus spiritus aduer-
 sus hæreticos paraturus exacuit &c. Porro qua
 ratione exacuenti spiritui parandos se exhi-
 buerint, ab eodem Nazianzeno Epistolio ad
 Basilium dato audire præstat. Quæ prius, in-
 quit, de Pontica commoratione scribebamus,
 ioco non serio scribebamus; quæ autem nunc
 scribo, admodum serio scribo. Quis me eo
 statu rerum collocabit, quo pristino illo die-
 rum mense eram, cum tecum incredibili vo-
 luptate afflictarer (quandoquidem molestia
 spontè suscepta oblectationi minimè volun-
 tariæ præferenda est) quis psalmodias illas, &
 pervigilia dabit, peregreque ad Deum per-
 orationem profectiones, atque illam velut
 materiæ, corporisq; expertem vitam? Quis
 fratrum eorum, qui à te dii efficiebantur, at-
 que in cælum subuehebantur concordiam,
 animorumq; connexionem? quis virtutis cer-
 tam, mutuamq; prouocationem, quam
 scriptis legibus, ac regulis obfirmauimus?
 quis accuratum diuinorum oraculorum stu-
 dium, lucemq; in ipsis ductu, atque auspi-
 cijs Spiritus sancti inuentam, aut, vt mino-
 ra, & leuiora dicam, quis diurnas operum
 vices, & lapidicinas? quis arborum consitio-
 nes, & irrigationes? quis Platanum illam au-
 ream, & Xerxis Platano præstantiorem, in
 qua non rex mollis, & eneruatus sedebat,
 sed

fol. 703.

sed Monachus afflictus, & debilitatus? quam ego plantaui, Apollo rigauit, hoc est tua excellentia, Deus autem in honorem nostri prouexit, ut seduli nostri laboris monumentum, apud vos conseruetur, quemadmodum virga illa Aaronis, quæ floruerat, in arca, seruata esse commemoratur, & creditur. Sed hæc optare quidem perfacile, cæterum consequi non perinde facile. & mox. Ipse quidem te magis quam aerem spiro, idq; solum uiuo, quod tecum sum, vel præsens, vel absens per animi simulacra &c.

Tenuit autem hæc exercitatio contemplatione, & actione mixta annos tredecim, quos ex Breuiarij Romani narratione in studijs sacrarum litterarum consumpsere, illarum sententiam non ex proprio ingenio, sed ex maiorum ratione, & auctoritate interpretantes. Ex illo Eremitæ veluti modio eductum in candelabro Ecclesiæ perinuitum posuerunt. Præsules, quos hæc tangebatur cura, & honores. Et primum quidem Salsimorum Ecclesiæ præfecerunt. Tum ad Nazianzenam; denique ad Constantinopolitanam euexere, cui sponte deinde cessit, ut seditionem inter Episcopos ortam sedaret; quod luculentum fuit humilitatis, & caritatis exemplum quo toleratos inexacta vita labores, & præclarissima facinora decorauit.

Maij 19.

Quæ verò in hac rerum, ac dignitatum vicissitudine contingere, quam strenuè grassanti hæresi Arianae obstiterit; quam promptè, intrepideq; exorienti Macedonianæ vigilantia præ-

prædicatione, scriptione frænū iniecerit, quā sollicitē commissos sibi populorum greges à vitiorum labe purgare sategerit, & subinde ipse in suis testatur libris, & vberiori stylo prodidere, qui munus scribendi vitam eius sibi sūpsere. Nobis ea attingere sat erit, quæ affinia castimoniarū sunt, & eius amorem Lectoris animo ingenerare queunt. Illud non prætermiserim, quod iuuenes præsertim sapientiæ studiosos afficiet erga Diuum de Rep. litteraria benemeritum: cum enim impius Iulianus vsum elegantium librorum Ethnicorum Magistrorum Christianis interdixisset, ne pueris, ac adolescentibus facultas vlla reliqua superesset liberalibus disciplinis animos excolendi, perniciosam legem frugifero labore elusit, & à rerum altissimarum commentatione stylum demisit ad amœnam tragediarum, & comædiarum scriptionem: & heroicis, ac Iambicis, alijsque generibus versuum elegantissimorum, conuestitam poesim produxit in scenam, tanquam matronam festis ornatam diebus, eò grauiorem ethnica, quòd fabulis & inanibus fictionibus carens, sententijs è sacra, & morali philosophia desumptis constaret, iuuaretque legentis animum, & dictionis melle pelliceret adlegendum. Eodem, aluberrimæ medicinæ antidotū occursū veneno à pestiferis poematū Apollonij riuus manante in pectora malè cauta, & hæresim instillante Macedonianam admoventi labra, ac dulcedine carminis trahi, decipiq: se patienti: opposuit enim Gregorius non minus iucunda,

& verò longè præstabiliora poemata, quæ palam exposuisse fuit, idem quod detraxisse è manibus iuventutis librum hæretici fascina-
 menta; & virtus propinantis, & eorum vice
 aperuisse catholici auctoris codicem salutem,
 vitamque afferentem: & visa est diuina pro-
 uidentia parare voluisse præiis ante malis, &
 Ecclesiæ calamitatibus remedium, ac solamē
 ab hoc sole profecturam. Quippe præter in-
 genij acumen singulare, & ad omnes discipli-
 nas capeffendas idoneum ipsi collatum, cupi-
 dilitatem, ac facilitatem discendi indidit, &
 opportunitatem, quæ didicerat publice do-
 cendi fecit. Siquidem emenso studiorum
 cursu publicus lector Athenis electus est. Inde
 scribendis libris totum se impendit.

Horum, & aliorum librorum quibus sæ-
 culum suum illustravit indicem, retextit S. Hie-
 ron. & meritò effert, quippe constat non-
 modo optimi Rhetoris, oratoris, ac Poetæ
 partes expleffe; sed & litterarum sacrarum
 interpretem egisse, ac Theologiæ profunda
 adeo foeliciter penetrasse, explanasseq; vt co-
 gnomento Theologus audiret, quod nulli al-
 teri, nisi D. Io. Euangelistæ contigisse proditū
 memoriæ ætas illa cognouerat: vt meritò pro-
 inde à S. Basil. vocetur organum benedictum:
 (per quod scilicet Sanctus Spiritus diuinas re-
 sonabat, laudes) puteus profundus (in quo
 coelestes sensus, & arcanorum mysteriorum
 notitia latebant) os Christi, quia per illud
 Patris Verbum sapientiam eructabat. Inter
 quæ ornamenta, & veluti stellas animati cæ-

L. de script.,
 Eccles. fin.
 vbi se disci-
 pulum illius
 fuisse glori-
 atur.

fol. 141

fol. 87a.

li splendoris radios eiaculabatur super cœleste sydus Virginitatis, cuius adhuc pueri in præcordia instillauere amorē Diuæ illæ binæ, quæ se quiescenti visendas obiecere, vti supra memorauimus; & cuius florē illibatū à se seruatum testatur ipse, vbi de seipso, Corpore inquit, Virgo sum, an autem etiam animo haud certo scio. Quod non alio sensu intellige, quam quo dictum à sapiente est haud fas esse mortalium vlli gloriari mundum, castumque habere cor; siquidem, neq; cæli, neque stellæ mundæ in conspectu altissimi; cæterum ab omni carnis inquinamento immunem seruasse animum argumento est impressū illi à teneris vnguiculis diuinitus castitatis desiderium, & instituta à pueritia sanctissime vita, vt innuisse in decursu narrationis istius licuit, & repetere pro coronide libet, quod magnum momētum habeat ad imitationem apud eos, quos partheniæ festiuitatis candidatos esse delectat. Tales enim Virginitas amat, & ab ijs amatur, qui carnem domant, qui post concupiscentias non eunt, qui armis ieiunij, & orationis se muniunt, qui a lectione sacra lucem consilij, & robur ad certandū aduersus hostes spirituales acquirunt, vti se fatetur hausisse Gregorius verbis hisce. Fuit quōdam illud tempus, cum inter iuuenes, & æquales meos nullus mihi robore par erat; ac me Christus, & fide adamante ipso durior præditum, & validissimis armis vndiq; septū, atq; munitum aduersus hostem in certamen educebat. Et quidem ego diuinis oraculis euol-

De silentio
in ieiun.

euoluendis mentis puritatem collegi, ex sacris
 nimirum litteris spiritum exprimens: quarum
 lectio hoc mihi præstitit, vt amaram profa-
 norum librorum, qui antea fucata, & non-
 nisi fictis coloribus inducta, pulchritudine
 animum meum demulcebant, falsuginem
 expuerem. Ad hæc carnem meam ætatis flo-
 re lasciuientem, & æstuantem multis, &
 crebris laboribus attriui. Ventrîs satietatem,
 vicinamq; rabiem sustuli; oculos temperantię
 adiumento palpebris infixi, iram absumpsi,
 membra deuinxi, risum deplorauî. Omnia
 Christo cesserunt, priora omnia conciderunt;
 Terra mihi lectus fuit: asperrima vestis mem-
 bra contexit, peruigilias etiam, & lacryma-
 rum imbres adhibui, iuterdiu labori hume-
 ros subiunxi, hymnis tota nocte concinendis
 corpus instar statutz defixi, nullam omnino hu-
 manam voluptatem, ne in animum quidem,
 & cogitationem admittens. Atque hoc mi-
 hi quondam vitæ institutum erat: caro quip-
 pe feruebat, cuius cura omnis in hoc versa-
 tur, vt hominem cœlesti ascensu prohibeat.
 Quin etiam grauē diuitiarum molem abieci,
 vt onere omni excusso, leuis ad Deū ferar &c.

fol. 35.

Atque hæc quidem (memorata videlicet
 supra) Christi beneficio mihi contigerunt.
 Quid autem postea accidit? calamitatum flu-
 ctibus æstuaui, non modo ab hæreticis, sed
 etiam à Cœpiscopis excitatis, quos cedendo
 non resistendo sedauî, vt Ecclesiæ Constan-
 tinopolitanæ paci consulerē rapidissimis ma-
 nibus præda fui (nam & lapidibus à pseu-

Epist. 57.

do Monachis inter verenda sacrificia appetitus (corporis morbis oppressus sum) inter quos reponit ipsemet podagram . Cum pastoribus minimè amicis commercium habui) quales fuere Episcopi sibi in Cōstātinopolitano conuentu aduersantes, & singulariter Maximus Aegyptius , qui baptismo, & sacris ordinibus , ab ipso initiatus, insuper commensalis , & minister effectus; subdola machinatione benefactorem suum de sede exturbare , & ipsi suffici tētavit, & exturbauerat, ni Theodosius Imper. impiæ machinationi obstitisset . Pergit ipse suas narrare calamitates , quarum illa quod filijs orbatu fuerat, ansam dedit aliquibus de filijs carnalibus interpretandi, cum de spiritualibus accipere cogant testimonia, de sua Virginitate à se prolata , & ab alijs gestorum vitæ eius narratoribus, quorum vnus consensus est eum à nuptijs alienum semper fuisse , & à puero purissimum cor sapientiæ despondisse .

Baron. ad
ann. 389.

Itaque post varias sæculi iactationes, ac tempestates nihil habuit antiquius quam vt Cappadociæ Aranzum paterna hæreditate ad se deuolutum repeteret , ibique, Deo , Musis, & seipso frueretur , quod sibi per triennium concessum est , quo exacto consortio beatorū dignus placidissimè diem clausit extremum , & æternitatem carentem sine inchoauit in patria , ad quam plenis votis diu aspirauerat ætatis ann. 95. vt nonnullis placet , vel 65. vt alijs, quibus Baronius adstipulatur .

An. 379.

Eius imago venerationi in templo fuit ex-
posi-

posita; & miracula multa ibidē in secutis, inter
quæ illud memorandū, quod cū Constantinus
filius Leonis Armeni, iussu Michaelis Balbi Im-
per. exsectus vocem amisisset, magna fiducia
opem eius imploravit, & prouoluit in
genua ante imaginem illam diu orasset, simul
inrexit, simul vocem recuperavit, & linguam
in gratiarū actionē, ac Dei laudationē resoluit.

Cedren. in
Michaelē
Balbo
Baron. ad
ann. 389. &c
823.

Narrant honores superstiti, ac vita functo
ab Oriente toto illi exhibitos, præsertim ab
Imperatore Theodosio Ecclesiasticę scriptores
historiæ, sed nescias an ullus illi æquandus
quæ Gregorius XIII. Pontifex Maximus me-
moriam Græci Antistitis apud Latinos extare
perennem voluit, ac gloriosam. Quippe ve-
neranda illius ossa Constantinopoli à moniali-
bus S. Basilij barbarorum urbem occupantiū
impetum, furoremq; fugitantibus Romam
translata, & diū in D. Mariæ Campi Martij
asseruata, idem Pontifex in sacellum magni-
ficentissimè à se extructum transferenda
mandauit: quæ translatio peracta est tanta
pompa, ac solemnitate, vt speciem præsefer-
ret veterum triumphorum; diuinitate verò
pignorum quæ gestabantur, absq; compara-
trone superaret. Ibi frequenti fidelium con-
cursu colitur, & Basilicæ Vaticanæ cœlo
duntaxat magnificentia cedenti decus augeat
corpus sacerrimum; animus inter Gregorios
cœlestes fulgens pro abolendo schismate Oriē-
talium Numen supremū apprecatur, & exau-
ditū iri pacis amatores Catholici speramus.

Baron. ad
not. Martyr.
Iun. 11. & 9.
Maij.



D

*In fide uiuo filij Dei, qui dilexit me
& tradidit semetipsum pro me
Galat. 2.*

Disce ò Christiane à Christo, quemadmodum diligas Christum . Disce amare dulciter , amare prudenter, amare fortiter . Dulciter ne illecti : prudenter ne decepti : Fortiter ne oppressi ab amore Domini auertamur . Ne mundi gloria , seu carnis voluptatibus abducaris , dulcescat tibi sapientia Christus . Ne seducaris , spiritu mendacij , & erroris , luceat tibi veritas Christus . Ne aduersitatibus fatigeris , confortet te virtus Dei Christus. S. Bern. serm. 20. in Cant.



Iacobus S.R.E. Cardin. Archiep. Vlyssip.
Virginitas ab initio palmam principatus accepit. S Chrysol.

*Iacobus S. R. E. Cardinalis Archiep.
Vlyssiponen.*

Laudabunt alij quod laudauere scriptores celebres clarum genus Lusitanorum Principum à splendore nobilitatis, à rerum gestarum gloria, à potentia armorum, ab amplitudine populorum: Mihi vero inter vetera, nouaque decora splendidiora foelicitas obijcitur, qua meruere Ecclesiæ catholicæ suppeditare nomina ad sacros fastos augendos idonea, & purpurato eius Senatui prouidere viros, qui acceptum à purpura honorem virtutum heroicarum fulgore illustrarent, Collige te calame, & ad vnum de pluribus attende qui iuuetæ florem præcidi à mortis falce maluit, quàm Liliū Virginitatis à Cupidinis sagittis vulnerari.

In vits Pontif. sub Callisto III
Boz. infra.

Iacobus hic est Ducis Bragantiæ natus, Eduardi Regis Lusitaniæ nepos, qui in aula paterna pueritiam, ac adolescentiam litterarum, ac pietatis studio tam diligenter excoluit, vt eam purpura dignam reddiderit, quæ ambire ambientia se decora regiæ haud dedignatur. Decoratus illa est à Callisto III. Sum. Pontif. & cum ea titulus delatus S. Mariæ in Porticu, quo delectatus vehementer est, tanquam boni ominis clientelæ sanctissimæ Reginæ in se tuendo. Incredibile dictu est quætopere probata sit à christianis Principibus, atque adeo à Purpuratis patribus inaugurationi hæc, & quam magnam spem fructus in Ecclesiam emanaturi excitauerit. Ea propter
liceat

licet ætate iunior , Episcopus Vlyssiponenſis creatus eſt, quòd morum grauitate , prudentia, integritate , ſapientia canos diceretur habere ſenſus ſenioribus Præſulibus æquandos ; ipſe verò nobilitate , educatione , regali indole , nulli poſthabendus . Longum eſſet per omnes virtutum partes excurrere, quibus Luſitaniam primum , vbi natus , & altus eſt ; dein Italiam , per quam peregrinatus moras traxit , in ſui admirationem rapuit : Vnum eſt , in quo paucos habuit ſimiles, niſi quàm adſimilatus ijs, quos Virginitas ad noſtrâ, hoc eſt ſuam feſtiuitatem aduocauit. Agebat annum quintum ſupra vigefimum, quo tempore in iuuentæ flore medullarum calor irruit , & libidinum incendia bulliunt, vt loquitur S. Hieron , & ipſe rigidus caſtitalis amator in morbum incidit qui per conſuetas periodos adeo ſe intendit , vt ſuperatis medicamentis quæſitiſſimis; pudorem arti , deſperationem medicis, triftitiam domeſticis crearit. vnicû ſuperſeſſe dicebatur remediû nō à vulgaribus pharmacopæis petendû, ſed à reconditis Cypridis apothecis ſperandum , ſi iuuari ſe hoc præſidio puriſſimus iuuenis pateretur : Vt inſinuatum hoc à medicantibus eſt , & à familiarium non nemine audenter propoſitum , inhorruit primum , & expauit ad conſilij ſœditatem ; tum reſumpto ſpiritu . Ego ne , inquit , propter modicam vitæ corruptibilis uſuram , quæ nobis cum formicis communis eſt , illibatum hætenus florem caſtimoniæ inquinabo ? Apage remedium.

exe-

Epist. 22. ad
Eust.

execrandum : Auertat Deus à seruo sanctissimæ suæ parentis grande piaculum : Pereat corpus tandem aliquando periturum, & tabo absumendum ; integrâ maneat pudicitiaë gēma, e vase fictili in cœlestes thesauros transferenda . Ita statuit, & à proposito dimoueri non potuit eligens potius mori, quam fœdari . Cura ipsi sollicitior, de munimine Sacramentorum, quam de salutis corporeæ remedijs, & iucundior de cœlestibus cogitatio, quàm de vitæ incolumitate, cui tandem concessit omnibus officijs perfunctus, quæ ex ritu Ecclesiæ migraturis exhibētur. Ad meliores abiit relicto posteritati pudicitiaë exemplo quod admirari queat, ac imitari iuuentus ingenua debeat .

Sepultus est Florentiæ vbi morbus morsque occupauerat, ac in templo S. Miniati honorificè sepultus, hodieque sepulchrum hoc epigrapho ornatum visitur ; cuius primum carmen licentiam ne indicet auctoris, poetæ iudicet.

Regia stirps, Iacobus nomen, lusitana propago

Insignis forma, summa pudicitia :

Cardineus titulus, morum nitor, optima vita

Ista fuere mihi, Mors iuuenem rapuit .

Quod autem ait, Regia stirps, non sic intelligendum, quasi Regis Lusitaniae filius fuerit sed Regij sanguinis ; & ita nepos dicitur a

Scri-

Thom. Bo-
zio de sign.
Esc. l. 11. fig.
48. c. 6.

Scriptoribus vitarum Pontificum, & Cardinalium apud Giacconum in Callisto III. & Harimber. in Callisto item III. licet à nonnullis appelletur filius Regis Lusitaniz; nemo enim Lusitaniz Regum qui anno vlllo sæculo quandringétesimi supra millesimum, quo vixit Iacobus noster, & mortuus est numeratur, qui filium genuerit Iacobum nomine.



E

Panem de cælo præstitisti illis Sap. 16.

Quotidie Eucharistiæ communionem percipere, nec laudo, nec reprehendo: omnibus tamen dominicis diebus suadeo, & hortor, si tamen mens sine peccandi voluntate sit
S. Aug. l. de Eccles. dogm.

Car-



ROBERT · BELLARM · S · R · E · C ·

Candida uita est carnis incorruptio, et flos virginitatis
S. Gregor.

Cardinali Bellarmino Sacerdotum gemma adhuc priuato familiariter vsus sum in Collegio Romano vbi adolescens Philosophiæ operam nauabam, & ipse scribendis libris horas à Pontificio Clementis VIII. obsequio liberas impendebat: contigit deinceps mihi post annos aliquot cum eodem iam purpura decorato agere, ac semper ab eo discedere cum voluptate mixta admirationi, quòd in eius verbis, vultu, gestis altius quid humanitate nostra suspicerè: nec diiudicare quid nam illud esset satis apertè valerem, quoad eo functo incidi in libellos typis donatos, quibus Cardinales plures super eius virtutibus ampla locuti, id singulariter clarè enucleabant, quod ego in nube præceperam, neque repræsentare ad viuum poteram: coniectabam tamen radium illū esse purissimi pectoris, qui se se per rimas sensuum etiam cœcutientibus proderet, Euasit deinceps in scientiam, certamque notitiam coniectura pristina, quando ex eiusdem testimonio confirmatum inaudi, quòd nunquam vel semel in vita sua etiam puerili mentitum se meminerat, namq; tam alienus à mendacio, ac inanis gloriæ leuitate erat, quam sunt reliqui mortales ad ea propensi vitia, ni labis primigeniæ radici cœlitus mœdela adhibeatur. & profecto ne vanitate coargui eius dicta possent, videri voluit summa veritas ad loquendum de rebus proprijs impellere, quæ

vir humilitatis christianæ amator , & cultor egregius, silentio amabat inuoluere . Id cum alias haud semel accidit ; tum verò cum Archiepiscopum Capuæ ageret , & in peruigilio Sancti Gregorij Papæ ad habendam exhortationem Seminarij alumni à Ioanne Antonio Cangiano Sacerdote eorum Rectore inuitatus libenter auauit , & initium concioni fecit à similitudine , quæ sibi cum Sancto Pontifice intercedebat, vt ostenderet gratiam sibi occasionem oblatâ de laudibus eius differendi . Porro similem se dicebat in vitæ genere , ac instituto , quod quemadmodum ille monachus , ac religiosus fuerat ; ita & ipse adstrictam votis vitam annos haud paucos in Societate exegisset . Ille à claustro eductus , & in Senatum Purpuratorum adlectus ; se pariter è Collegio Rom. euocatum ad aulâ Pontificiam, & ad idem fastigiû perinuitum licet , euectum : Illum scribendis ad Ecclesiæ utilitatem voluminibus insudasse, eique cœlestis doctrinæ pabula in longam prouidisse ; se item ad eius defensionem contra hæreticam prauitatem plusculum studij , ac laboris in controuersijs concinnandis posuisse . Denique Sanctum Gregorium Virginitatem à cunis ad tumulum detulisse illibatam , ac floridam, se quoque virginem esse , qualis de matris utero in lucem prodierat . Quæ dum candidè simpliciterque effabatur , loci moderator vir grauis , & prudens pudefactus , vultum rubore obduxit , & oculos pauimento defixit , quibus paulò post erectis , conspicatus est faciem

ciem, frontemque dicentis tanquam solem
splendentem, cuius lucem non ferens addu-
cta tantisper palma vultum obtexit, eaque
paulò post reducta perdurasse vidit cum splen-
dorè tanta mora, quanta satis erat ad abolen-
dam omnem vani spectri suspensionem, & fi-
dem testimonio asserendam, quod solus Car-
dinalis de se ipso dare potuit, atque ab eo da-
ri Deus largitor castitatis voluit: & ostentum
quidem confessario conceditum Io: Anto-
nius de illius consilio, taciturnitate texit,
quoad superstes inter mortales Bellarminus
vixit, vbi verò ad immortales migravit, iure
iurando euentus seriem denarravit sponte, li-
bensque cum de vita & gestis illius disquisi-
tio fieret tabulis procurandæ apotheosis inse-
renda. Verum superuacanea iam tum erat
omnis occultandi cura, prudentiæ velata no-
mine, quod publicæ notitiæ fama diuini mi-
nistra beneplaciti faciebat; siquidem dicenti
ad populum Capuanum de suggestu in tem-
plo principe aliquoties; frons, caputque irra-
diabant illustrius, quàm vt negari posset etià
ab ijs, qui graui supercilio inusitata istiusmo-
di metientes, anilibus deputant fabulis, si
audiant interdum narrantes; ludibria censent
si oculis percipiant: certè inter talia non repo-
suere haud semel conspectos in vultu Bella-
rmini radios; sed frequenter, & quidem
vsque à diebus iuuentutis, cuius partem docen-
do & concionando consumpsit in Belgio, vbi
testium decades reliquit asserentium visam
à se flammam capiti concionantis adlaben-

tem, & modico illapſu totam ſplendore
affundentem. Mèruit omni tempore Colle-
gium Romanum velut hortus Virginis Dei-
paræ alere irriguo ſatu lilia candoris eximij,
ſed fortunatum in primis fuit illi triennium,
quo Bellarminum cultorem habuit, ꝓ ac Re-
ctorem, Gonzagam Aloyſium alumnum,
& excultum cum alijs quorum nomina erant
in libro vitæ, & nunc animæ ſunt in cœlo.
Hos amabat Bellarminus, vt pater; ſed Gon-
zagam, cuius regebat conſcientiam, & ſen-
tiebat fragrantiam caſtitaſis, tenero comple-
ctebatur affectu veluti materno, & tacitè ve-
nerabatur vt Angelū ſub humanis artubus la-
titantē aberat autē ab errandi periculo in iudi-
cando, quia liber fuit in omni vita ab affe-
ctionum pondere, quæ plerumque iudicium
inuertunt, aut à recto tramite rationis detor-
quent; & inſigniter æquitas hæc, & rectitu-
do iuſtitiaſ comēs, & gratiaſ proles enituit in
magiſtratu, quem totum ratio purgata vitijs,
& diuinæ gloriaſ amor ſibi vendicarunt.

Quis verò dignè efferat, aut recenſeat vir-
tutes alias, quæ Virginitatem Bellarmini de-
corabant, & inuicem ab ipſa decorabantur?
Habuere & ipſæ laudatores ſuos, ſed qui eas
expertī ſumus & oculis noſtris aſpeximus,
quæ illi ſcriptis prodidere imparia eſſe
factis celiſioribus iudicamus; neque totum
Bellarminum illis exprimi, ſed adumbrari.
Vt enim qui ſolem nunquam aſpexiſſet, vel
luminibus captus, vel obſcuro loco detentus
cui nec radius vnquam illuxerit, pulchritu-
di-

dinem, ac splendorem eius ex aliena relatione non caperet mente, qualem oculorum repræsentaret intuitus, Ita qui cum Bellarmino versati non sunt, nec cum audiuere loquentem, aut facientem vnquam videre, assequi legendo nequeunt virtutum præstantiâ, quibus homini ornando natura, & gratia cōuenere. Mirabamur moderationē animi, ac mansuetudinem, humilitatem, orationis studium obedientiam, paupertatis amorem, patientiâ, sobrietatem, sed in primis iunctam prudentiæ simplicitatem, cui nunquam mihi contigit simile quidpiam inter mortales experiri, vt proinde sæpenumero mente attentius illâ contemplanti visum sit meritò de Bellarmino vsurpari posse, Non est inuentus similis illi, sanè quo vltèrius candor animi, ac sinceritas, quæ simplicitas est Euangelica, progredere-
 tur. vix inuenient, qui monito Saluatoris diligenter auscultant. Estote prudentes, sicut serpentes, simplices sicut columbæ. Quibus ornamentis omnibus à religiosa educatione Societatis comparatis, auctisque in dignitate Cardinalitâ addidit alia quæ propria illius sunt, sed præcipuè liberalitatem, ac misericordiam in pauperes generis cuiuslibet, tum Romæ, vbi pluribus annis degens operam suam grauissimis variarum Congregationum patribus probauit; tum Capuæ vbi Archiepiscopum triennio egit, & veterum vrbis Præsulum, sanctorum sæcula reuexisse passim acclamabatur; vtrobiq; egenorum præstitit patrem, adeo profusè, vt in illos effundere omnia,

præter quæ ad honestam familiæ sustentationem necessaria erant ; imo nec ijs quidem parcere nouerat, sed diuendi Oeconomo mādabat ; quod si quando deficiente pecunia mendicus , vel uidua , vel pupillus eleemosynam rogaret , atque exhausta erogationibus supellectili locus venditioni non superesset , mutuò alicubi quærebatur , vt egentium necessitati subueniretur .

Vsu aliquando venit vt Cardinalem in propinqua Collegio Romano domo habitantem negotij , & officij causa conuenerim : ille familiarem olim in priuata vita sibi notum humanissimè admissum in intimum conclauē duxit , & nihil immutata pristina facilitate , inter rerum multarum colloquiū ita affatur . Pater , plerasque iconas eleganter è parietibus pendentes indigitans , videtur ne tibi ornatus hic , & copia imaginum Sanctæ paupertati dissentanea ? Neganti in eo quidē gradu , ac statu videri : a tqui , inquit , aperiā tibi candidè consilium meum . Mos apud Cardinales obtinuit , vt aulæis cubicula conuestiāt , & hīc mihi haud semel ingeritur à familiariū plerisque ad singularitatem vitandam , & dignitatis decus tuendum , quod decolorari hac nuditate dictitant ; quibus ego elegantius vestiri parietes , ornarique decentius Sanctorum imaginibus , quàm sericis operimentis respondere consueui , & amorī paupertatis honestā excusationem obtendo , ne fatear nudorum corpora contegendo impendi , quod muris insensibilibus subtrahitur . Adde quod imagines

nes istæ donaria sunt eorum , qui causas apothecæos virorum sanctitate insignium promouent , & meum patrociniū in earum procuracione deposcunt, gaudentq; vehementer quoties appensas ante meos oculos intuentur , tanquam æstimationis meæ argumentū, ipsis gratissimum; in quo multum momenti est ad caritatem mutuo consouendam: Vt nihil interim dicam de affectu , quem excitari in meo corde sentio ex aspectu vultuum , & Sacrorum Mysteriorum , quæ pictores omni artificio expressere, vt pietatem coloribus exprimerent. Quis aulicorum aulæ præferens triplicem hunc funiculum solūisset paupertatis , caritatis , deuotionis nodis illigatum; Benè est, eadem mensura illi remetiuntur homines probi , ac Sancti, qua mensus est ipsis dum viueret; suam quippe imaginem in pinothecis, in aulis honoratis reponi amant Reges, ac Principes , velut herois Ecclesiæ Catholicæ propugnatoris Chrysostomis , Ambrosijs , Hieronymis comparandi , & spes , ac expectatio communis; non vulgi modo , sed & sapientiorum est fore aliquando, vt discussis legitimo iudiciorum tenore vitæ actis , & quæ adnotata sunt gratiarum donis superstiti adhuc in terris, & ad sanctiores translato cœlitus concessisse , colenda ad aras appendatur: quo sanè tempore inter lilia , & rosas , ceu congrua Virginitati Ieroglyphica , vernabit, imo inter sydera desuper splendentia fulgebit, nisi solè depingi æquius postularét sapientiar , ac sanctimoniar merita , quibus orbem

terrarum, & plura in futurum sæcula collustrauit, vt merito in ipsum cadat, quod de Sancto Basilio, S. Gregorius Nazianz. scriptum reliquit in hæc Verba.

Laudatur apud Dauidem solis pulchritudo, & magnitudo, & cursus, & pernicitas, & vis ac facultas; quippe qui sponsum nitore, gigantem magnitudine referat, ac longè, latèq; progrediendo tantam vim habet, vt ab extremis æquabiliter extrema collustret, nec locorum interuallis calor ipsius vilo modo minoratur. Basilio itidem (Bellarmino itidè) pro pulchritudine virtus fuit, pro magnitudine Theologia, pro cursu perpetua virtutis agitatio, continuisque incrementorum gradibus ad Deum ferens; pro viribus denique doctrinæ semen, ac distributio &c.

Rerū præclarissimarū seriè digestā habes apud vite scriptores latinè Petrā Sāctā. Italicæ Iacobū Fulgat. in ijs multa supra ordinariū naturæ cursū, quæ superstiti, ac sancto sanctitatis opinionē cōciliauere. Relata eorum plura sūt in legitimis tabulis publica auctoritate confectis. Mihi libasse libuit, quæ proximè Virginitatē attingūt, vt sicut gloriosa victorijs ab Imperatoribus, ac Principibus, eius alūnis aduersus armatos hostes prodijt, ita triūphis clara prodeat à purpuratis Patribus contra peruelles Ecclesiæ hereticos eius impugnatores.

Quis enim dubitet primæ magnitudinis, at lucis astrum singulari prouidentia numinis excitatum, vt suæ splendore sapientiæ tenebras dispelleret sectariorum, mendaciarū,

de -

delegeret nouatorum , auitæ religionis ius, possessionemq; à turbatoribus tueretur . En quales suppetias militanti Ecclesiæ Iesu Societas suppeditauit ? suum videlicet filium , sua institutione , sua educatione , sua excul-tum disciplina , suis imbutum moribus , idest cœlestibus : & rependit filius opti-mus parenti optimæ , vicem optimam , qualis à sublimi pietatis , à doctrinæ , à di-gnitatis culmine manare potest affluenter ; vt nouit Mundus , defensionem in persecu-tionibus , & æmulorum criminationibus , vt testantur tribunalia, in quibus ita se amantem iustitiæ ostentabat , vt innocentiam suæ ma-tris , & intrepidè ubi opus erat , ostenderet, & à calumnijs maleuolorum sæpe sæpius factā tectā præstaret. Insuper cōsolationē in cōsilijs dandis , in adhortationibus domesticis subin-de habendis plenis spiritu sapiētiae, & caritatis Adde humanitatem in officijs paterni amoris priuatim, publicèq; exhibēdis, vt experti sunt qui Romæ , vel inquilini, vel peregrini nostri versati sunt cum eo viuente . Nec tacenda honoratio Sanctissimi Parentis, ac fundatoris Ignatij: cuius amplificandæ occasionem omi-fit nullam , & illam spontè , prompteq; ar-ripuit , quæ cultui deinceps liberè , palamq; dando initium fuit . Etenim anno 1599. pri-die eius diei qua memoria obitus Diui reco-litur, pro amore , ac pietate in ipsum , sua-quidem sententia inter magnos Religionum Instructores in cœlo collocatum , opportunū duxit habere de eius laudibus sermonem , &

anteuertit vota multorum, qui vehementer etiam atque etiam illum optabant, nec petere adhuc ausi fuerant. Vulgata rei fama conuenere ultra quingentos in templum Professorum, ibique à prandio audiuerunt Bellarminum de sella ad dextrum earum maioris aræ posita loquentem de excellentia sanctitatis, ac virtutum, Ignatij tam piè, tamque magnificè, ut plenè stupore, & consolatione mutua testificatione diceret alter ad alterum non hominem, sed Angelum de Seraphino sermocinatum. Aderat & Cardinalis Baronius, illud nostri æui miraculū, ne singulari in oratorem amorì deesset, & audiret laudes eius, quem dilaudatum amplissimè, dilectumquè unicè à suo Sancto Philippo Nerio non nesciebat. Hic secundum concionè diuino, ut creditum est, instinctu afferri ad se postulauit S. Ignatij Iconem; allatam consensu lignæ scalæ gradibus supra sepulchri proiecturam appendit; tum descendens flexis genibus una cum Bellarmino aliquantulum ante illam orauit, & humum exosculati abiire benedicentes Dominum, qui nouum dedit hominibus Saluatoris exemplar. Hinc patefactus aditus cultui publico Sancti Ignatij, qui deinceps à summis Pontificibus probatus est, & à Deo confirmatus miraculorum multitudine, & granditate. Contigit mihi tum Philosophiæ cursum in Collegio Romano emetienti latissimæ, ac pientissimæ scenæ interesse, & cœlestem audire sermonem, quem fideliter memoria com-

pre-

prehensum ad verbum latinè versum mihi-
met descripsi, & hastenus inter libellos alios
manuscriptos adseruo, veluti gemmam pre-
tiosam fortè non alibi adseruatam. Erat au-
tem thema sermonis, elegit eum Dominus,
& ornauit eum, stolam gloriæ induit eum.
Vnde argumenta ad ostendendā mirabilē Igna-
tij sanctitatē deprōpsit. Deniq; pignus amoris
Bellarminus in suam parentem societatem
tota vita seruati, extare voluit in morte, à
qua non alibi occupari se sustinuit, quàm in
eius sinu. i. in domo probationis ad Quirina-
lè, nec alium hæredem, quàm ipsam institue-
re, idest professam domum, paupertinam
pauper, ac iccirco paupertatis potius, ac vir-
tutum quibus affluebat gloriæ, quàm diui-
tiarum, quas nullas fermè misericordia in-
egenos reliquas fecerat: sed instar opum, ac
opulentæ hæreditatis eius venerandę sunt exu-
itię in sepulchro magnifico repositę, quod ex
marmore lapidibusque variegatis erectum
voluit Odoardus Cardinalis Farnesius, vt sui
in Bellarminum amoris perenne monumen-
tum, cum alijs nominibus spectabile, tum
hoc maxime quod opus sculpturę est Equi-
tis clarissimi Bernini alterius nostri sæculi
Praxitelis, aut Phidiæ, aut vtriusque. Suppo-
sita est aurea Epigraphes brevis, ac simplex;
an quia quicquid adderetur laudis prolixioris
parum est, an quia solum nominasse Rober-
tum Card. Bellarminum nimium, quàm
multum est?

R O B E R T O

Cardinali Bellarmino Politiano
E Societate Iesn

Marcelli II. P. M. Sororis Filio

Odoardus Cardinalis Farnesius

Sui erga virum, quē Patris loco semper coluit

Amoris nunquam morituri

Monumentum posuit

Obdormiuit in Domino anno sal. MDCXXI

Ætatis suæ LXXIX.



F

Oculi Domini contemplantur uniuersam terram, & præbent fortitudinem his, qui corde perfecto credunt in eum 2. Paralip. 16.

Iustorum fortitudo est carnem vincere, proprijs voluptatibus contraire, delectationem vitæ præsentis extinguere, huius vitæ aspera pro æternis præmijs amare.
S. Greg. lib. 7. Moral.



B. Petrus a' Luxemburg. S.R.E. Card.
Virginitas nubes, æra, sydera, Angelos transcendens
Verbum Dei in ipso sinu patris inuenit. S. Ambr.

B. Petrus à Luxemburgo .

DEbetur huic quoque in parthenia festi-
uitate locus, cuius natales, infantiam,
pueritiam, adolescentiam suis decorare in-
signibus natura, gratia-favor humanus certa-
uere. Galli suum asserunt, Gallobelgæ suas
in eo habere partes ambiunt, non neganti-
bus Gallis; Parentes etenim habuit Guido-
nem Luxemburgicum Lignacij, & Roascij
Comitem summum militiæ Gallicæ Præfe-
ctum, & Mechtildem, seu Mathildem Ca-
stillonensem, quæ comitatum S. Pauli in Pi-
cardia, & Fiennæ dominium pro dote attu-
lit. Anos eius inter illos numerant Belgij,
Galliæque annales, qui Cæsares Germaniæ,
& Reges Boemiæ peperere. Porro Gallobel-
gis communem esse adolescentis huius im-
mensam laudem, cum ex eorundem relatio-
ne constat; tum verò Philippi cognomento
Bonæ Burgundiæ, ac Brabantiæ Ducis testi-
monio, patribus Concilij Basiliensis innotuit,
quibus supplices libellos dedit, ut apotheo-
sim eius commendatam haberent, tanquam
consanguinei sui, quem Deus vitæ sanctita-
te planè singulari, & miraculorum innume-
rabilium patratiōe, honore illo dignum o-
stenderet, sed postremum inter decora ange-
lici iuuenis natalium splendor habendus, ter-
rena isthæc sunt, & nihili pensi ab ipso ha-
bita, quem cælum suis ornamentis insignire
properauit. Puellum adhuc quinquennem,
Virginitas sibi mancipauit, & voto deuinxit.

De illo scrip-
tores annal.
Eccles. ad an-
num Christi
1381. quo o-
bijt. Ciacco-
nius tom. 1.
in Clem. An-
tip. & eru-
dus Victo-
rel. numerat
plures, qui de
eo scripserunt.

ani-

stimulam statim, ac radius exorientis rationis pulchritudinem suam ostendit, & in amorem suum rapuit. Adiunxit se illico misericordia in pauperes, quibus benefacere, quando aliter non poterat, pia surreptione dapū domesticarū, industrius prouisor subueniri satagebat. Et placere sibi anxiam pueri sollicitudinē prodigio declarare Numini summo aliquando libitum, cum deprehensus à patre in fragranti commiserationis furto, quod coopertum, ad mendicum defererebat, interrogatus curiosus, quid ferat, respondit lepidiuscule. Rosas: mādāte patre reduxit extēplō puerulus velum, & (ò prouidentiam) dimensum illud exiguum in rosas vernantes conuersum est, tam inopportuno rosis tempore, quàm opportuna miraculo caritate: arripuit parens obstupefactus flores, atque vt cœleste in suū natum amoris pignus, gemmis pretiosius, apud se seruauit. Alias ne egenus opē flagitās frustra ad se confugisse doleret, cum nihil aliud esset ad manum, à parente donatum anulum aureum detraxit è digito, & cautē, nè quis aduerteret, in manum rogantis iniecit. & erant quotidianæ largitiones istiusmodi, quibus pueritia profusis erogationibus adolescentiæ præludebat: cum enim mirificos in litteris humanioribus progressus fecisset, missus est ad celebrem Academiam Parisiensem, vt ad grauiorum disciplinarum cursum aggrederetur. Id loci laxare licuit, ex paterno penso suæ sustentationi dedito, habenas liberalitati, & largas elemosynas in pauperes di-

sribuere. Cumque pietatis opèribus singularis
 accederet in litteris profectus, modestia quo-
 que aderat ætati congruens, prudentia æta-
 tem superans, studium orandi, mortificatio
 animi, & corporis, frequens Sacramentorum
 vsus; vt si intra religiosa claustra fuisset edu-
 catus; vna erat vox sapientum, ac vul-
 garium hominum sub angelica corporis
 forma, qua oculi alliciebantur, cœlari men-
 tem pulchriorem, quàm diuina insideret, re-
 gèretque lux. Neque latere potuit Clemen-
 tem Septimum Auènione Pseudopapam agè-
 tem. publica commendatio, famaue nobi-
 litatis, Sapientiæ, ac probitatis Petri; ideoq;
 decimum agentem annum pingui sacerdotio
 ditatum inter canonicos Parisienses adscribit:
 Biennio post Archidiaconum Carnotensem,
 designat; mox Metensem creat Episcopum,
 & non diu post quindennem purpura cardi-
 nalitia insignit, ijs principibus plaudentibus,
 quibus à partibus eius in schismate standum
 esse videbatur. Ad nullum verò dignitatum
 istarum gradum, nisi perinuitus trahi se pas-
 sus est, cogente nimirum imperio eius, cui
 Gallia tota, Hispaniæ magna pars, & alij
 plerique principes tanquam legitimo Pastori,
 vt ipsi quidem rebantur, obedientiam præ-
 stabant, præstandamque optimo adolescenti
 persuaferant. Ascenderunt cum ipso ad Car-
 dinalitium verticem, quæ diu secum habita-
 uerant Humilitas, Pœnitentia, Oratio, Mi-
 sericordia, cæteræq; virtutes, quæ virgi-
 neum pectus occupa-uerant.

Etc-

Etenim primum ad suum Episcopatum ingressum, quem magnifica pompa decorare, plerique omnes Episcopi soliti erant, insolentē quidē ipse esse esse voluit, sed celeberrimū reddidit, & Cæsarū triumphis, inuidendum. Quippe reiectis curribus, equisque phaleratis, & toto sæculi calcato fastu, a sella insidens Civitatem intrare non erubuit, & à Christi Hierosolymam ingredientis imitatione pastoralia munia auspicatus est. Quis putas fuit circumfusæ multitudinis sensus? quæ admiratio? qui clamores? iidem planè qui & turbæ obuiam Saluatori euntis, & exclamantis, Benedictus qui venit in nomine Domini: tacentibus interrim, neque præ stupore loqui valentibus ex nobilitate præcipuis, qui iudicio præpollebant, & miras, ac insolitas progressiones ab inusitato initio præuidebant. Neque verò falsi sua opinione sunt, nisi qua præstantium facinorum mox sequentium magnitudine superata est. Etenim quis in ipso adolescentiæ limine prudētiā tantā sperasset, quātā ostēdit in familiæ compositione, in Ecclesiæ, & diacessis ad formam apostolicam restituendæ quæsitissimo studio, ac diligentia; in negotiorum ad suum munus spectantium tractatione, dexterritate, solertiaque, & nihilo istis inferior adeo profusa in egenos eleemosynarum largitione, ut arca exhausta post eius obitum assèdumtaxat viginti ex amplis redditibus inuenti sint? Verum quam liberalis, & humanus fuit in alios, tam parcus, ac seuerus in suum corpus dominatum exercuit: antiquam abstinentiæ

tiæ consuetudinem à primis annis seruata, in
ieiunia rigidiora vertit, vt suo arbitratu viuere
licuit? quotidianam verberationem ex di-
ro flagello adiunxit, atque ne vlla pars tem-
poris vacua dolore, & cruciatu abiret, cilicij
fetarum asperrimarum gestatione diuexabat;
neque vt rigorem hunc vitæ indulgentia ali-
qua, aut sensus oblectatione temperaret, ad-
duci poterat: sed eius vice orationis suauitate,
& intima cum Deo familiaritate recreabat
animum, & quicquid otij à publica admini-
stratione reliquum fecerat, diu, noctuque
precationi dabat. Eius siquidem præclarum
donum à pueritia vsque consecutus fuerat,
quando Christus Dominus in cruce pendens
aspectabili forma visendum se præbuit, & suæ
suæq; passionis amorem tam altè cordi infi-
xit, vt ius in corpus, dominiumq; conces-
serit: mirum proinde non fuit mirabilia ab
ipso in vita præstita, & post mortem mira-
cula patrare perrexisse multitudinem tam
frequentia, vt ultra quadraginta mortuos ad
vitam eius intercessione reuocata perhibean-
tur. Quæ diligenter conquistæ, & examine
virorum sapientissimorum expensa in bina-
ternaue volumina digesta sunt, quæ hodieq;
in Cælestinorû Monachorû cænobio Auenione
dicuntur asseruari, in quibus sanè cū diuinæ
beneuolentiæ fauor luculenter enituit, tum
verò effati sui veritatem Christo Domino
declarare libuit, & stare promisso exaltationis
ei, qui se humiliauerit. Iam verò qui in
tota vita Humilitati operari summo opere stu-

duerat, eius morte specimen dedit sæculis omnibus memorandum. Inuasit illum febris laboribus fractis, & pœnitentiam ipsam in lectulo paupertino decubentis, ac victorias in dies de morbo referentis inuenit: Exigua ipsi, aut nulla de corpore sollicitudo, & quod mirere, ingens potius etiam tum illud vexandi ardor, adeo ut moriturus flagris cædi à famulis optauerit, & quâ prece, quâ imperio obtinuerit. Testamentum condidit non quo hæredes consanguinei instituerentur, cum omnia bona pauperibus erogata essent; sed quo suas exuias Paupertati, ac Humilitati intimis superstici familiaribus relinqueret. Ultimæ suæ voluntatis esse declarauit, ut siue Parisios, siue Auenionem corpus deferretur, in communi pauperum cæmeterio sepeliretur; neque alia efferretur pompa, quàm rudi obtectum panno, & tribus cereis; quamquam amicorum rationibus, precibusque cedens, augeri ad duodecim permisit.

Inter hæc venienti domino occurrit lætus, & Sacramentis Ecclesiæ munitum spiritum, in sinum eius emittit Nonis Iulij 1387. Fûnus paratum quale parari iusserat, & quamuis propinquis ægrè erat tanta demissio; religioni tamen ducebatur testamentarias tabulas inuertere, & magnificè pro familiæ, & dignitatis splendore sepelire.

Defertur igitur cadauer ad D. Michaelis ædem Auenione, in communi cæmeterio cõdicitur, tanquam de plebe quispiam, sanguis:
Im-

Imperatorum, & Regum. Verum enim vero qui humilia respicit in cœlo, & in terra, Deus non est passus sepulchrum istud inglorium manere; sed illicò reddere gloriosum cæpit miraculis tam multis, vt intra bien-
nium vltra nongenta sint numerata. Propterea primates Antistites suarum partium duxerunt thesaurum absconditum effodere, & in marmorea arca conditum crate ferrea circummunire. Exinde Maria Regina Hierusalem vulgo dicta, ligneo operimento in tabernaculî formam circumdari curauit, quod pedetentim in sacellî elegantiam migravit, templo ipsi, cuius est pars, inuidendi. In eo vt colatur tanquam Beatus Clemens VII. Verus Pontifex singulari diplomate concessit, atque vt festi celebritas augetetur consules Auenionenses, ac Cælestini Monachi, nuncios cum libellis supplicibus ad Vrbanum VIII. Pont. Max. dimisere, qui facultatem peterent diem festum Diuo, ex Ecclesiastico ritu cum octaua celebrandi.





S. IOANNES



Fides sine operibus mortua est Iacob. 2.

Mors fidei est separatio caritatis, credis in
Christū, fac opera Christi, vt viuat fides tua
fidem tuam dilectio animet, probet actio,
Non incuruet terrenum opus, quē fides coe-
lestium erigit. S. Bern. serm. 25. In Cant.



Robertus Nobilius S.R.E. Card. Diacon.
Sola Virginitas Dei nouit consilia, S. Hieron.

*Robertus Nobilius S. R. Ecclesiæ
Cardinalis .*

ET hæc quoque Montis Politiani laus est
 eximia , quòd vno sæculo solum eius ,
 flores , fructusque fudit Ecclesiæ Romanæ
 haud parcè , quorum singuli singula possent
 illustrare sæcula. Videre purpurati Patres cen-
 turix vnus spatio in suo Senatu splendere
 radios doctrinæ , prudentiæ , sanctitatis , Ri-
 cij, Taurisij, Bellamini , qualium Deus Im-
 mortalis , caput : & eodem persensere fra-
 grantiam honestissimorum Roberti Nobilij
 adolescentis sensuum canorum, quos ni nota
 esset Patria , de Cœlo delapsos diceremus ; &
 quia nota est , æmulam cælo dicimus , & ne
 verbo adsit inuidia , dilectam Cœlo citra in-
 uidiā appellare Cœlites concedunt. Quippe
 Cœlum dedit Sydus hoc ad splendorem Mon-
 ti Politiano; hoc Romæ ad ornamentum cō-
 modauit ; sed breui ad gaudia æterna repetē-
 dum. Pater illi Vincentius Nobilius filius Lu-
 douicæ de Montibus Sororis Iulij III. à quo
 summis Præfecturis bellorum aliquoties ad-
 motus est , tanquam Eques prudentia , forti-
 tudine , magnanimitate præstans , & illis ho-
 noribus apprimè idoneus : Mater Magdalena
 de stirpe Comitum imperialium Montisacuti
 enixa illum est die quinta Septembris D. Vr-
 bano Episcopo Mart. festa , ann. 1541. & in
 templo principe Montis Politiani vnda Sacra
 lustratus , ac Roberti nomine fuit insignitus .

In vit. Pont.
 t. 2. ad ann.
 1513. sub Iul.
 III. referuntur
 multi qui scri-
 psere de illo.
 vitam inte-
 gram com-
 posuit Franc
 Maria Torri-
 gius Rom.

Vbi aduertit genitor in puero penè adhuc infante ingenij scintillas quasdam magnæ olim lucis indices , iunctamq; ijs indolem ad virtutem propensam, non est cunctatus optimos illi præceptores quærere , à quibus bonis literis , ac moribus informaretur . Eatenus sub illorum cura profecisse Roberto contigit , vt decennis linguæ latinæ , Græcæque peritiam sit indeptus . Quo tempore coram auunculo Pontifice orationem habere iussus , eam sibi opinionem , ac beneuolentiam elegantulus orator conciliauit , quæ tres post annos splendide declarata est . Nimirum in Collegium Cardinalium tum adlectus est an. 1553 Decemb. 22. ad quod lex sanguinis , & agnationis admouebat ; virtus , doctrina pietas, in illo ætatis flore gratior , pertrahebant. Eam ob causam adulari se minimè sunt arbitrati grauissimi quique ex eo Senatu patres , quibus solemnîs fuit promotionis istiusmodi commendatio ; quos inter Cardinalis Polus , vir in paucis memorandus , haud ignarus adolescentuli excellentiæ , ex magna spe , ac expectatione bonorum facinorum , quæ cœperat edere ; non verebatur appellare Sacri Collegij decus , & exemplar Collegarum : & Cardinalis Rodolphus Carpenfis alterum Senatus purpurati iubar , admiratus in præclaro adulescente grauitatem , prudentiam , sapientiam , natum dixit ad Romæ , & Vaticanî mores suo exemplo, consilioque conformandos . Idem erat iudicium , & effatum Card. Valerij Veronensis Episc. aliorumq; S. Caroli

roli in primis ; Qui vt veritati obsequerentur, virtuti thura adolebant laudationis. Ipse porro factis pergebat probare se laudabiliorē. Nequā verba laudatorum exprimerent ; hæc enim vernantes in vere adolescentiæ flores extollere ; illa maturos in iudicij, prudentiæque senilis fructus contemplantibus obijcere : vtraque adolescentem habere parem, aut nullum, aut rarum, vtraque imitandum iunioribus, mirandum Senioribus commonstrare.

Fons donorum omnium (quis ambigat) diuina fuit gratia, quæ præuenit candidatum suum in benedictionibus dulcedinis, & supra iuuentæ, imò & humanitatis metas euexit alumnum suum ; sed adiutores quoque voluit in opere perpoliando inagistros artis in sua schola enutritos, & à se instructos. Horum vnus Ioannes Polancus fuit, hoc est vir omni disciplinarum genere ornatus, & vitæ, mōrumque integritate eximius, tanti ab Ignatio factus, vt comitem in regenda Societate voluerit, in eo pretio ab Ignatij successore Lainio habitus, vt à secretis adlegeret, & quod maius est in Tridentino Concilio inter eos adscitus fuit, qui sententiam de grauissimis rebus diceret, quod ab eo præstitum, summa cum Patrum approbatione ob doctrinæ soliditatem, nec minori cum iucunditate propter sermonis elegantiam semper auditus. Eo igitur disciplinæ interioris Magistro, & conscientiæ arbitro vsus est Robertus per annos aliquot, qui vt vidit animum ad alta natum, & cœlesti sapientiæ capiendæ
supra

supra vulgarem captum excellenter idoneum
 non vulgarem in eo regendo rationem inire
 stituit, qua maiorem clientum suorum par-
 tem regere consueuerat, aut quæ magis con-
 sentanea teneræ videretur ætati; sed altius
 spectans, diuino ductui suum submittendum
 censuit, & ita indicare viam, vt currentem
 sequeretur potius, quàm præiret; neque tam
 incitaret, quàm concitatè properantem mo-
 deraretur. Inductus est volens, libensq; ad exer-
 citia spiritualia S. P. Ignatij peragēda hoc est
 ad fontes aquæ salientis in vitam æternam, ad
 quos nemo accedit illotus, qui nō recedat ap-
 primè lotus, nemo mūdus pura labra proluit,
 qui sitim terrenorū nō extinguat; vt mihi pro-
 inde videatur (si licet nō minima componere
 maximis) simile quid sacramentorum vsurpa-
 tioni cōcessisse Deus sanctæ istiusmodi exerci-
 tationi, quod quēadmodū illa, si ritè obeantur
 ex certa Christi pollicitatione gratiā conferūt;
 ita hæc si iuxta præscriptū regularū paucarū
 tenorē transigantur, ex eiusdem Indulgentia
 nusquam fallente exitu, quā morum emen-
 dationem, quā feruoris incrementum pro-
 accedentium captu, conditioneq; secum affe-
 runt: proinde libellus illa continens verè au-
 reus, vtpotè diuino instinctu; & Virginis Dei-
 paræ ope compositus, ab Apostolica Sede me-
 rito est approbatus, & à primis Ecclesiæ Cā-
 tholicæ capitibus mirificè dilaudatus. Ad
 hunc igitur euoluendum, & scita salutaria
 breuiter exarata longa meditatione pensitan-
 da, abdixit se Robertus in Conclauē à turba,
 strepi-

strepituq; semotum cum solo Polanco duce,
 ac instructore agens, vt passer in solitudine
 dies plures, & pleramque noctium
 partem in rerum diuinarum contemplatio-
 ne suauissimè consumpsit; & sanè tam ingenti
 cum fructu, vt Angelum induisse, & te-
 gere sub purpura crederetur. Sed nec latero
 diu valere scintillæ amoris erga Deum, &
 proximum, qui succensus in eo secessu est,
 & ardere toto deinceps tempore perrexit.
 Orandi, meditandi, conscientiam discutiendi
 vsum quotidianum, eundem planè retinuit,
 quem scholasticis nostris in Collegio Romano
 familiarem esse nouerat, & diebus singulis
 Dominicis, festisque reliquis, sicut illi
 solent, ad sacram Synaxim accedere: in summa
 sensuum custodia viuere, animo semper
 in cælum erecto, etiam cum ad hominum
 congressus, conuersationemque descenderet
 cogeretur, & eatenus hæc vniendi se dilecto
 suo cupiditas excreuit, vt cum amoliri cuncta
 impedimenta studeret, venerit in mentem
 abdicare se facultatibus, atque adeo dignitate
 ipsa cardinalitia, & vicem eius Societatem
 Iesu ingredi, ac in humilitate, Paupertateq;
 crucis mortificationem amplecti, vt
 Domini gloriæ, ac proximorum salutis impen-
 se vacaret. Neque verò per ipsum stetit,
 quin consilium, vt ipse putabat, de Cælo,
 missum, executioni mandaretur; siquidem
 Polanco illud aperuit. sollicitèquè vt admit-
 teretur institit, nec prius fores pulsare destitit
 quàm inexorabiliter occlusas esse intéllexit.

Patres enim bona candidati laudata voluntate quàm tacitè intra se mirabantur, haud obscure demonstraere, & quæ inde secutura essent dispendia, offensionesquæ, si rem adeo arduam nequicquam tentaret; & quæ vice versa compendia diuini honoris, & sacri Senatus bona sperarentur, si ab eo, ad quem elatus erat, gradu, lucere Ecclesiæ, & hominibus prodesse perseveraret. Spè igitur omnì ingressus in Societatem præcisâ, reliqua illi tum fuit cura eam, quoad liceret, imitari, & ad eius normam omnem vitæ suæ rationem componere; ideoque summam constitutionum, & regulas apud se habere faciliè impetrauit, & eas legere, ac intelligere interprete Polanco studuit. Deliciæ illi cum viris Societatis versari frequenter domos eius inuisere, prolixos cum ijs sermones miscere, qui tamen de superis, de vita æterna plurimum ferebantur. Nihil illi, præter externa, de nostro deerat, cor, mens, lingua, affectus de medulla Societatis Iesu illi compacta; Et quam profiteri habitu religioso non permittebatur, imitari Christiana operatinne nitebatur. Ita perfectioni propriæ impensè vacare, vt alienæ salutis obliuisci non sustineret, opem afferre miseris, afflictos solari, erga pauperes tam munificum esse, quàm celsus annuus pateretur, ac si peccandum erat, tolerabiliorem esse liberalitatis excessum, nimia cautione in retinendo existimabat, Detrahebat mensè quod misericordiæ dabat, eamque frugalem semper amabat, & aliquo-

ties

ties in hebdomada esurientem, qualem ieiunia moderata deposcunt. Paupertatis etiam decus, quantum fas esset in illa bonorum affluentia consecrari: censuum Ecclesiasticorum summa in Vincentium parentem ante reiecta, ne cogitationem quidem de pecunia admittebat, nisi quò misericordia ad eleemosynas pauperibus erogandas; aut amor scientiæ ad libros coëmendos, impellebat: horum namque lectionem etiam creatus Cardinalis non intermisit: sed humanioribus litteris, & Dialecticæ, quas ad purpuram attulit, grauioribus Philosophiæ, ac Theologiæ partes adiungere honorificum duxit, mysticæ præsertim qua contemplationem cœlestium iuuari assererebat. Quibus in studijs occupatus ludos, & spectacula etiam inuitatus declinabat, & leuandi laboris, recreationisq; alicuius captandæ causa, septem Urbis Ecclesias, & Martyrû cryptas lustrabat; in ijsque pia meditatione hilarato animo vegetior corpore domum reuertebatur.

Mos illi, & voluptas in ijs Ecclesijs diutius immorari, Martyrum facta mente recolere, & familiaribus suis recolenda proponere consensu suggestu, & habito de Sancto illius Ecclesiæ patrono breui sermone ad imitationem eius incitare. Sacris concionibus frequenter intererat, Lainij verò vix vllam omittebat & domum rediens in ipso curru deductis cortinis adnotabat capita præcipua; quæ deinde in cubiculo commodius exarabat.

Aduersus domesticos singulari studio fere-
ba-

batur . Conuenire hunc , & illum priuatim , & monitis opportunis instruere: publicè quin etiam interdum omnes conuocare , & ex pio aliquo libello accommodatum tempori argumentum feligere , quod ipfemet recitaret, & scholijs breuibz illustraret. quo fiebat, vt benè , christianæque viuendi documenta non tam tradere , quàm à sapientibus tradita recitare videretur, eoque inuidiæ, ac suspicio vitabatur imprudentiæ, quod Cardinalis, & adulescens plurium familiæ virorum quos eruditione , ætate, prudentia graues seligebat, præceptorem ageret. Quamquam tanta cum modestia , ac venustate munus id vsurpabat , vt iuuenta , & dignitas adderent gratiam , ac iucundè, vtiliterq; lecta , in animos audientis coronæ illaberentur .

Illud pro sua auctoritate liberè , disertèque profitebatur , locum in sua aula minime habituros diuinæ legis transgressores ; gratissimos sibi fore quibus grata esset Sacramento- rum frequentia, timor Domini, linguæ custodia , modestia , pax, concordia : qua diligentia effectum est, vt speciem quandam Religiosæ domus palatium eius induerit, quod moderatio , grauitas , circumscriptio elegantius , quàm peristromata exornarent. Neque vlli exosa iam erat hæc discipline domesticæ regula ab eo amata, à quo se amari tota familia animaduertebat , tum alijs indicijs non paucis ; tum verò hoc quod singulis diebus Sabbathi commensalem illam volebat, & cū accumbenti ministrare ipse gestiebat memor
Sat-

Saluatoris exempli, & dicti, ego in medio vestri sum sicut, qui ministrat, Quo fiebat vt non in aula solum; sed & in vrbe percrebuerit Robertum angelicam vitam æmulari, & non modo à factis, sed & à verbis audiendis, quæ illis dissentanea essent prorsus abhorrere. In sui porro custodia ita fuisse attentum domestici testabantur, vt ne famulorum quidem opera vellet vti, quibus fas esset in vestiendo, exuendoue partem vllam corporis intactam aspicere; ideoque, & vespere, vbi cubandum, & mane quando surgendum fuerat, ministras dumtaxat suas manus adhibebat, negata etiam oculis facultate vertendi se, vel ad ipsa crura, plantasue nisi obtectas: in quo, & reuerentiam præstare suo tutelari Angelo rebatur, & procul arbitris liberius deuotioni indulgebat, cui meditatione rerum diuinarum, & passionis Christi Domini pabulum delectabile ministrabat. ad huius etiam refricandam memoriam preces horarias ad normam Romanam digestas percurrerebat, atque vt eius imitationem exprimeret, flagris asperrimis in corpusculum sæuiebat, ac alijs modis affligebat, quorum vnum inconsulto confessario excogitarat, humi videlicet cubationem porro continuandam, si Polanci consensus accederet, quem sperabat indicata facilitate pænæ huius aliquoties repetitæ citra valetudinis periculū, & explicata fructus magnitudine, quem ex corporis castigatione percipiebat. Verum irrita postulatio fuit, & feruor tantummodo commendatus; pru-

prudens quippe Magister, vti in moderanda immodica afflictatione, cupiditate cilicij, & verberationis, ac ieiunij vsu ad certam rationem reducendo cautus fuerat; ita in Cheumenia isthac concedenda inexorabilem se præbuit, & seruantur adhuc apud Nobiles Codex Passionis Caristi, & Domini libelli quibus auditas Lainij cōciones adnotabat; ciliciū quo thoracem totum inuoluebat, & id generis alia quædam ipsi quidem vsualia, sed à cæteris iam pro lipsanis sacris æstimata.

Ita in studio perfectionis foeliciter currentem, & longè plus spatij emensum in ipso flore adolescentiæ, quàm vulgares athletæ in senio confecerint, inuadens ægritudo propinqua metæ præmonuit, & in vltimam induxit scenam, in qua Patientia non minus luculenter suas ageret partes, quàm cæteræ virtutes in præcedentibus egerant suas. Non solum febris venis incubuit, & artus immoderato calore torrefecit; sed aliis comitata morbis sæulens, sex menses decumbentem exercuit, Grauis admodum excruciat dolor ex ulcere lateri proueniens, cui incumbere, mors, & obuerrere tormentum erat. Id tamen tanta cum animi æquitate ferebat, vt nec indignationis, nec querimoniæ signum vllum vnquam dederit. Quinimo alacritate vultus, macie iam, & pallore confecti latitiam exultantis animi de morte imminente ostendebat, & liberari se gaudebat à molestiis vitæ, quas sæcularium conuersatio ipsi inuitabilis, & inter mortales commoratio pri-

pridem incolami pepererant. Cogitatio eius
 omnis de diuinis, cura de remedijs nulla, to-
 ta consolatio frequenter sanctissimam Eucha-
 ristiam sumere; idque primis quidē mensibus
 deiectis humi de lecto genibus, quod diebus
 postremis cum vix ossibus hærens, ac spiritū
 ægrè trahens, præstare nequiret profundissi-
 ma reuerentia, & animi demississima suppli-
 catione compensare studebat. Summa illi de-
 lectatio de Domini misericordia, & de cœ-
 lesti gloria loqui, & loquentes audire, ideoq;
 religiosos viros assidere sibi optabat; Polan-
 cum in primis, quem vltima vitæ die facta
 confessione rogauit, vt Patribus, fratribusq;
 Domus, & Collegij Romani se vehementer
 etiam atque etiam commendaret. Qui illi
 erat ab epistolis vir grauis, & moratus scrip-
 tum reliquit, de medicorum consilio reme-
 dium à coniugali officio accessurum, morbo
 periculoso Inane commentum, & adolescenti
 angelicæ assueto vitæ omnino præposterū,
 ac vel ipso cogitatu horridum. Iacebat exa-
 nime corpus, & languidos artus mors vicina
 quassabat, flebant adstantes, & largis imbri-
 bus ora rigabant, ille solus lætitiā vultu,
 oculisq; præferēs collecto spiritu verbis æter-
 nitatem sonantibus solari mærentes conabatur
 vel hoc potissimum, quod tam iucunda esset
 illa migrationis hora, quantam in omni vita
 nunquam existimasset futuram. soluebantur
 interim postrema officia cum inter extremos
 anhelitus erupit in hæc verba: Humilitas, hu-
 militas, humilitas, & palma pectus pangēs

se peccatorem fassus intentis in Christi imaginem luminibus, placidissime expirauit, manfitque vultus post animæ discessum Serenissimus. Neque vana fuit eorum coniectura, qui putauere humilitatis Clypeum obiectum retundendo fortè telo inanis gloriolæ, quam custodiæ legis diuinæ, & candoris Virginalis cogitatio nolenti exeierat: verum quæcumq; demum causa postremi conatus fuerit, index fuit amoris erga dilectam à Christo virtutem cuius ne in morte quidem obliuisci potuit: & arrha fuit gloriæ cœlestis, quæ nulli verè humili denegatur. De eius obitu, vt nuncius ad Paulum IV. P.M. delatus est, illacrymasse tenerè dicitur, & Robertum Angeli nomine decorasse. Et spiritus quidem auolauit in Coelum inter centum quadraginta millia receptus eorum, qui in conspectu throni, & agni tenent citharas, & cantant canticum, nouum, quod nemo alius canere potest, quia Virgines permanserunt; Corpus verò ad D. Petri in Monte Aureo tumulo honorifico cõditum, & Epitaphio decoratum, quod huic insertum loco compendium dictorum est, haud ingratum lectori futurum.

*Iesu Christo Resurrectionis, & salutis
Auctori.*

Roberto Nobili Politiano Sacræ Romanæ
Ecclesiæ Diac. Card. qui 13. annos na-
tus ob egregiam virtutis indolem ab Iulio III
Pont. Max. eius magno auunculo Patribus Vni-
uersis approbantibus in amplissimum Colle-
gium cooptatus, ardentissimo cum esset Re-
ligionis, ac litterarum studio, semestri tabe-
summa patientiâ cōfectus, dum se iucundissi-
mam mortem sentire affirmaret, suosque
extremo spiritu mirificè consolaretur in cœ-
lestem vitam quàm assiduè meditabatur cō-
migravit XVI. Cal. Feb. MDLIX. Vixit Ann.
XVII. M. IV. D. XII. H. XVI.

Vincentius Pater filio opt. ac dulcissimo F.

Suum etiam Elogiū addere libuit Catharinæ
Sfortiæ in æde S. Bernardi ad Thermes Diocle-
tianeas, vbi elegans extructum est Nobiliū Sa-
cellum, statuis marmoreis gentilitijs, circum-
quaq; ornatum, & sepulchro in pauimento
splendidum, quo pars ossium Roberti à Mon-
teaureo translata est.

Roberto Nobili Diac. Card. adolescenti

Innocentiæ, Sanctitatis

Rarissimi Exempli

Catharina Nobilis Sfortia Fratri dulcissimo
ac desideratissimo

Vixit An. XVII. Obijt An. MDLIX.

I 2

S. Tho-



S. THOMAS.

G

*Siue manducatis, siue bibitis, siue quid
aliud facitis omnia in GLORIAM
Dei facite 1. Cor. 10.*

Accumbens mensæ, ora: estans panem, largitori gratiam rependito: bibis vinum, memento eius, qui illud tibi dedit ad lætitiā, & infirmitatum solamen: tunicam induis, gratias agito benigno datorj: suspicis in cœlum, & syderum pulchritudinem, procide Deo, & cole eum, qui cuncta hæc in sapientia condidit. Pari modo, oriente sole, & occidente, in somno, & vigilia, Deo gratias age, qui hæc omnia ad tuum commodum creauit, & ordinauit, vt creatorem agnoscas, ames, & laudes.
S. Basil.



S. Thoma De Aquino
*Castitas Angelos facit. qui eam seruauit Angelus
est, qui perdidit Diabolus* S. Ambros.

S. Thomas Aquinas.

N Vnvera stellas cœli si potes , & numerabis Dominicanæ familiæ decora multitudine innumera , magnitudine admiranda. Non inuenies inter illas Thomam Aquinatē , quia Sol est : imo inuenies , quia sine Sole non sunt Stellæ . Ex infinitudine laudum eius pauca hæc accipe ex vulgatis , & grauibz vitæ eius scriptoribus .

Landolphus comes Aquini , & Theodora nobilissima coniux parentes fuere S. Thomæ Aquinati . Quibus alius repetere originem iucundum est , agnatam Imperatoribus faciunt . Partus eius Eremicolæ vaticinio præuentus est , Bonus hic cognomento dictus , matri prægnanti prædixit parituram infantē , qui fratrum Prædicatorum ordini nomen daturus , & doctrinæ , ac Sanctitatis Luce Mundum esset illustraturus .

Infantia præfagio in B. Virginem Cœli Reginam fuit illustris ; cum enim chartulam fortè obuiam manuprehendisset , & nutrix balneo admotura cōnaretur detrahere , adeo validè digitulis complicatis adstrinxit ; vt sine læsione auelli per vim non posset . Parens blandimentis extorsit , & explicatam curiosius intuita , salutatione angelica exaratam inuenit . Repetenti secundum abluitionem infantulo libens restituit , isque auiditate plusquam puerili emansam deglutiuit , vt si melimella vorasset , Profecto ciendo appetitui papyrus , & characteres non erant ; neque pa-

latum suapte natura ad delectabilia prouum,
in frustulum insulsum inhiasset ; sed voracitas
extemporanea indicauit qualis esset fames, &
cuius cibi suo tempore degustandi.

Illustriorem adhuc pueritiam reddidit pro-
digium alterum, quod fama vulgatum, &
pictorum arte repræsentatum, vt quid inso-
litum, ac mirandum monumentis scriptorum
insertum obijci Lectori sine temeritate po-
test. Produunt puerum quadriennem insigni-
ter ad misericordiam erga pauperes propen-
sum, erogare solitum quicquid dono acci-
peret ; insuper, & pio furto frustra panis surri-
pere, vt eorum subleuaret inopiam. Vsu ve-
nit aliquando, vt Landulpho Patri onustus
id generis analectis, fortuito obuius interro-
garetur, quid gestaret in sinu, cui puer, ro-
sas, inquit, & aperto sinu volenti videre, ro-
sas apparuisse vernas tempore non verno.

Speciosa isthæc, & diuina extra limites hu-
manitatis posita, nec humano quærenda stu-
dio ; illa salutaria, & optanda in puero, mo-
rum facilitas, indoles ad parendum modera-
toribus procliuus, ad pietatem flexilis, ad di-
sciplinas habilis, modesta, quieta, à leuita-
te ; à garrulitate, à scurrilitate, & lusibus
aliena : quæ talia mirabatur in S. Thoma
Monasterij Cassinensis Præsul, cuius custodiæ,
ac educationi creditum quintum agentem
annum parentes eius voluerant, & propterea
idem auctor illis fuit, vt è septorum sacrorum
vmbra eductum, & Neapolim reuocatum
tradarent instituendum grauioribus studijs

præceptori minimè vulgari, sed qui ingenio, ac eruditione præcelleret, futurum enim alio-
qui ut supra Magistrum discipulus emeretur :
Ita traditus disciplinæ Petri de Hibernia cele-
bris ea tempestate Philosophi, eos faciebat in
scientiarum naturalium progressus, qui Ma-
gistrum ipsum, ac sodales, atque adeò Urbē
totam in admirationem traherent. Pueritiam
ergo Deo caram, Angelis amabilem, homi-
nibus mirabilem transmisit Thomas adole-
sentiæ donis amplioribus cumulandæ.

Initium illi datum ab ingressu in ordinem
Prædicatorum in quem veluti annulum au-
reum, ac splendidum libuit diuino artifice
gemmam pretiosam inferere in solem Mundi
illuminatorem olim migraturam. Sed quan-
tæ illi in operis præclari aggressione difficul-
tates superandæ; quas caro, & sanguis, ma-
ter, ac germani peperere? mali Dæmones
adauxere? Prætermitto cæteras, quæ con-
stantiam in tuèdo proposito Religionis osten-
dunt, vnam me silentio inuoluere Virgini-
tas non patitur, quod præualido adolescen-
tibus ad imitandum stimulo, & exemplo ad
vincendum in studio Castitatis certantibus
esse queat.

Raptum per violentam manuum iniectionem
Parisiis proficiscentem, fratres instigan-
tematre in arcem castri S. Ioannis abducunt,
& in cubiculo includunt obferatis foribus, ne
pedem efferret, quo modo si reus sceleris la-
tomias mereretur: lacerauere religiosas vestes
quibus ipsum oblucentem per vim, & sum-
mam

mam inhumanitatem exuere nequicquam
 tentauerant. Non fuit genus, vel minarum,
 vel illecebrarum, quod intactum relinqueretur,
 quò animum tyronis exagitarent, vexarentque,
 si fortè mutarent: ast impares fuere
 conatus omnes constantiæ, ac spiritui intus
 agenti, & suum clientem robóranti. Stetit in-
 trepidus ad ictus omnes, adeo vt oppugna-
 tores blandi, seueri, occulti, manifesti, tan-
 dem fessi desperatione cederent, ni extrema
 tentare malus genius persuadebat. Quæritur
 adolescentula paræ cum pulchritudine auda-
 ciæ, & ad pelliciendum astutiæ, amplæ fiunt
 pollicitationes, si victrix de pugna infausta
 redeat, & athletam Christi irretitum laqueis
 suis in conclauis relinquat, rursus reuisura.
 Incessit procacula telis armata cupidinis,
 quibus peteret pudicum iuuenis cor, & feri-
 ret, vt aliorum consueuerat lenocinio blandi-
 loquentia, osculo. Verberauit primis eiacula-
 tionibus aerem, & in cassum ibant blanditiæ
 faci, astus, nec tamen destitit, quoad arcu
 sæpe disploso tandem extremam cutim Virgi-
 nei pectoris titillatione modica vellicauit, nõ
 vulnerauit. Enim vero ad eum sensum hu-
 manitatis adeo exarsit ira in se, in pellicem,
 in erebum pudoris amator inclitus, ac stre-
 nuus, vt arrepto per summam indignationem
 è vicino foculo titione ludibrium illud impu-
 dicitia fugarit; & è cubiculo eieterit. Abacto
 è suo conspectu mōstro in pariete sacris imā-
 ginibus casso, signum salutare deducit, & an-
 te illud procumbens se dat in preces, gratiasq;

pro

pro relata victoria creatori ex intimo corde agit, Virginitatis conseruationem ardente deprecatur, neque lacryinis præ teneritudine finem ponit, quoad irrepens sopor non ille germanus mortis, sed vitæ comes, alternantium cogitationum fluctuationi, & artuum fatigationi quietem placidissimam inuexit. In ea visendos se obijciunt duo Angeli stolis albis amicti, & mira formositate fulgidi, dextris hinc inde nodosum cingulum præferentes, qui & missos se à Deo asserunt, vt solentur, & acceptam, exauditamque orationem, qua castitatis perpetuæ, ac illibatæ donum postulauerat.

Ac ne dubitandi de nunciij veritate facultas esset in posterum, vterque tam valide cinctu illo lumbos perstrinxere, vt præ ingenti dolore expergiscens clamore magno domesticorum aliquot propinquiores exciuerit, qui illicò accurrerunt opem laturi, si quid sinistra fortè contigisset, quod amoliri oporteat. Hos metu vacuos iubet esse; sed causam cælat clamoris, quam neque vnquam vlli mortali aperuit, nisi fratri Reginaldo Achat suo fidelissimo, quem, serò licet, idest sub vitæ finem, certiore fecit, ne secretum luce dignum tenebris ignorantie obuolutum lateret posteros, quibus honori debuerat, & vtilitati deseruire. Et non fuisse hoc inane somnium qualia non rarò humanas illudunt mentes, argumento haud dubio sunt. Primò quia præcincta cingulo non ficto latera euigilaas

gilans reperit, & exuere deinceps in reliqua
vita religioni duxit. Deinde quia illo tan-
quam vinculo religatus est adeo arctè insitus
filijs Adam concupiscentiæ fomes; vt nusquā
deinceps, ne hilum quidem, extra fines ho-
nesti mouere se sit permissus, neque adole-
scentiæ, aut reliquæ ætati esse infestus, quam
liberam ab omni prorsus nō contagione mo-
do, sed molestia carnis traduxit tranquillissi-
mè Thomas, ideoque Angelici nomen pro-
meruisse perindè est, ac vitam Angelicam,
superis adsimilem spiritibus egisse. Duco ego
fœlicitati inspexisse oculis, & libasse oscula
sacro illi cingulo, quod asseruatur Ver-
cellis in Pedemontio inter Lipsana Patrum
Prædicatorum, vt cœleste monumentum, ac
figillum Virginitatis Diui, opere angelico cō-
textum, nodis crebris distinctū in colorē sub-
fuscum (præ vetustate ne, an materiæ igno-
tæ speciei, qualitate) vergens? Longitudo
quāta ad obuoluenda iuuenilia latera satis su-
perque est. Latitudo auricularis semidigi-
tuli magnitudinem non æquat. Ex illo velu-
ti prototypo conduntur exēplaria de lino, vel
serico adamussim expressa, & attactu eius
sacra; quæ armamenta sunt aduersus rebel-
lantis sensus incursiones: Atque hoc vnum
dumtaxat nobilissimæ victoriæ egregium fa-
cinus proposuisse adolescentibus operę pretiū
est visum, cætera quæ gessit, scripsitque de-
narrasse labor, & cura fuit aliorum, qui San-
cti Thomæ vitam ex instituto quā vulgari,
qua.

quà latino stylo eleganter prodidere. Summa esto (si summæ sit capax immensitas) ritè congruenterque pectori eius affingi solem, , quòd in religiosis claustris fulserit , vt sol disciplinæ , ac obseruantie nitore . Ab exedris, cathedrisque Academiæ fuderit sapientiæ radios ; suggesta templa concionum luce colustrarit ; Remp. litterarium scriptorum copia , doctrinæ soliditate, inuentorum profunditate , ingenij splendore , ac fœlicitate iuuerit; Ecclesiæ Catholicæ vtilitatem, ornamētum , præsidium exemplo , sanctitate , miraculis tulerit ; orbem vniuersum naturæ , & gratiæ donis affatim cumulatus in admirationem traxerit ; in Ciuitate Hierusalem superna cum Augustino , cæterisque Doctoribus splendeat in perpetuas æternitates , vt qui ad iustitiam erudiuit multos , Reges , principes , nobiles , ignobiles , religiosos , sæculares , doctos , indoctos , senes cum iunioribus , nec est qui se abscondat à calore eius : Cantet ibidem canticum nouum cum 144. mil. qui sequuntur Agnum , quocumque ierit .

Et quia tam pretiosa sunt quam rara , id genus cingula, quæ pignora Virginitatis Deus esse voluit , moneor id loci opportunè insere-re, quod lectori nouisse iucundum, & est nobilissimæ nationi Hybernicæ gloriosum. S. Colmanus Patre Duaco Connaciæ in Hybernia Principe genitus , ab ineunte ætate cum virtutes omnes , tum in primis animi corporisque virgineam puritatem coluit. Eius vitam

& res admirabiliter gestas prosequitur. Seuerinus Ketinus in Historia Regum Hybernæ, & ex varijs auctoribus colligit Eugenius Colganus Franciscanus in Actis sanctorum item Hybernæ. Huius viri Dei cingulum tanquā pudici, quod succinxerat corporis attractu sacratum in pretio a posteris habitum, & auro gemmisque cælatum in hunc vsque diem apud Illustrem, & perantiquæ nobilitatis familiam de Oshiaghnesij. velut sacrum patrimonium, & auitæ virtutis symbolum in summa veneratiane asseruatur, de quo inter multa, & admiranda, quæ per illud exhibentur curationum genera, illud insigne, & continuo memorabile occurrit, quod frequens experientia comprobauit. Quilibet enim quantumcumque corpulentus, aut obesus, qui virginitatem seruauit illibatam, potest illo sese præcingere, & circumcludere: qui verò Virginitatem in aliquo violarit, vtoumque sit vel minor ætate, vel gracilis, aut strigosus corpore, nunquam illud sibi ita obducere potest, vt in eo se concludat: ita scilicet castissimorum lumborum beati viri cinctus dedignatur alios, quàm illesi pudoris florem redolentes intra se admittere, aut illorum lateribus aptari. Obijt S. Colmanus 3. Februarij, circa annum Domini 592. ita prædicti Auctores.

Quibus insuper cura fuit aliorum non paucorum gesta recensere, qui gentilitiam nobilitatem virginitatis candore maluerunt, quam

quàm nuptijs decorare , vt nihil deesset ad
 gloriam euangelicæ perfect'ionis generosæ
 genti , cui tantum superest roboris , constan-
 tię , fortitudinis in auita fide aduersus recen-
 tes sectarios asserenda, vt æquare immensam
 laudem primorum Christi militum meritò
 censeatur .





S. IACOBVS MINOR

H

Humilia valdè spiritum tuum, quoniam vindicta carnis impij ignis, & vermis Eccl. 7.

Ista tria semper in mente habe. Quid fuisti, quid es, & quid eris. Quid fuisti, quia sperma foetidum. Quid es, quia vas stercoreum. Quid eris, quia esca vermium: similiter imagineris Inferorum poenas, S. Bern. in formula vitæ honestæ.



S. FRANCISCVS XAVERIVS.
Indiarum Apostolus

Nuptiae terram replent, Virginitas Paradisum. S. Bernad.

Sancta Romana sedes, cuius effata sunt
 oracula, cuius firmamentum, numen
 adfistens est, vt amplissimam segetem virtu-
 tum, ac miraculorum S. Francisci recogno-
 uit, ac immensa animarum lucra mirata
 est, celsissimo Apostoli titulo decorandum
 censuit, & Apostolum Orientis in sacris fastis,
 ac diplomate Canonizationis nominauit: qua
 breui appellatione prolixam laudum planè
 singularem copiam complexa est, quæ à sa-
 cra rituum Congregatione maiori ne diligen-
 tia expensæ, an stupore approbatæ in ambi-
 guo est. Seligo è vasto rerum gestarum cam-
 po pauca quædam quibus constet Virginita-
 ti etiam à suo heroe accessisse honorem huc,
 vt Apostolica nominetur, quia meritò ille A-
 postolus nominatus est à nomenclatore aber-
 rationis nescio,

Prima adeo causa, à qua cæteræ ducunt
 originem, cur dicatur Apostolus, diuina fuit
 electio, quæ in se ipsa latens, & sensui hu-
 mano minimè peruia, signorum tamen osten-
 sione se prodit adeo manifestè, vt illi refraga-
 ri temeritatis sit, ac amentię non ferendæ.
 Talis fuit quæ consecuta est tempore à Deo
 designato Missio ad Indos cum Apostolici Nū-
 cij prærogatiua, quam Christi Vicarius Pau-
 lus Tertius nil de ea cogitanti per Ioannem
 Tertium Regem Portugalliæ obtrusit.

Et auget fidem Ignatij in paucis san-
 ctissimi arbitrium, atque delectus, qui

cum nihil nisi consulto prius luminum patre aggrediretur, in hoc grauioris momenti negotio cum selegit è socijs quem à Deo electū peculiari instinctu nouerat ad facinus Apostolicum aggrediendum, ac perficiendum. Et compertum est Franciscum Xauerium esse quem S. Thomas Apostolus venturum ex Europa prædixerat successorem sibi, eo planè tēpore quo mare crucem à se erectam exundatione pertingeret, allueretq; & hæc fama antiquissima ab indigenis transmissa per traditionem ad posteros, tum vires accepit, cum fretum simul transgressum est littus antiquū; simul aduentauit Europeus concionator, qui iacta à S. Thoma fidei semina longa superstitione propemodum suffocata, Verbi calore excitet, & rursus educat in claras Euangelicæ legis auras:

Accedit vaticinium alterum sororis Franc. sanctimonialis sanctitatis opinione celebris, sine ambiguitate asserentis, olim ipsum fore Indiarum Apostolum, ac eapropter parentem monentis curaret diligenter adolescentem literarum studijs sedulo nauare operam, gentium conuersioni opportuè profuturam. Apparuit insuper Venetijs commoranti S. Hieronymus Ecclesiæ Doctor, & de Indica profectione non diù post subeunda certiore reddidit. Quinimo Deus ipse ad cor eius nunquam non loquens, dum vna cum socijs publicæ animarum vtilitati totum seipsum impendit, inculcare interiori voce nō cessabat de Apostolo Paulo effata illa. Vas electionis est mihi

mihi iste, Ego ostendam illi quanta oporteat illum pro nomine meo pati: Nec alteri quā sibi ipsi occini cantilenam hanc interna quadam luce cognouit, nec obscure quando Indum opem à se petentem per quietem vidit, & aliās gestare sibi pondus grauantis humeros Aethiopis somnians visus est ac, superstes defatigatio mansit, quam experrectus non sentire non potuit.

Alia signa sui Apostolatus numerat S. Paulus, in quibus si gloriari voluisset, hic alter Paulus, non fuisset insipiens. Signa tamen Apostolatus mei facta sunt super vos (inquit ep. 2. Cor. 12.) in omni patientia, in signis, & prodigijs, & virtutibus: Patientia sanè Xauerij, quam latum habuerit campum metiri libet ex ijs in quibus exercitam affirmat suam Paulus eiusdem epistolæ capite præcedenti. In periculis videlicet fluminum, quæ transnanda sæpe fuere, in longo peregrinationum cursu, non paucioribus, quā centenis milliariorum millium constante; sed tum maximè periculoso cum toto bimestri famulatum præstitit Equiti Meacum properanti, onustus sarcina apparatu sacro, & pijs libellis compacta, nudus pedes algore, & crebris offendiculis laceros, transibat omnes, vt præeuntem assequeretur, quem tingere salutari bus vndis discupiebat.

Periculis latronum.

Sive cū piratæ maria infestates occurrebant; siue cū nationibus efferatis occurrebat ipse, vt Euāgelio imbueret; siue cū bis in manus præ-

donū trucidandus fœda proditione datus est ,
ad quod pertinent .

Pericula ex gentibus .

Tetra, horrida, infanda? A multitudine Bungen-
fiū Bonziorū coniuratione facta vix non est in
frusta dissectus. Ad necem quæsitus ab ijs quos
veræ vitæ parturiebat , aufugit in syluam , &
arbore conscensa tectus frondium velamine
noctem orando consumpsit . Alias contra
superstitiosum Idolorum cultum inuehens di-
strictos in se idololatrarum gladios adeo non
horruit, vt Dei fiducia, ceu clypeo protectus,
eluserit . In Amangucij regis aula palam lu-
dibrijs exceptus , & velut insanus reputatus
est . Alibi venena illi parata, tensæ insidiæ ,
dispositæ sagittæ, iniecti lapides, proiectum lu-
tum, lœdoria , contumeliæ , iniuriæ, oppro-
bria aggeratâ ab Ethnicis, à Saracenis, à per-
fidis Christianis, à plebe infima , à puero-
rum gregibus , à nobilibus, à Sacerdotibus, à
profanis, ab omni hominum genere, non in
oppidis duntaxat, & confertis vrbibus, sed &

In solitudine.

A peregrino ad lucra animarum in-
hianti , quæ fuit vspiam amata , vel
quæsitâ solitudo ? Imo vero quæsitâ , ac in-
uenta cum in Mauri iusula saxorum grandi-
ne appetitus ab incolis Gentilibus eorum
frequentia se subducens ad flumē propinquū
fugit , & obuiam trabem, ceu leuem virgam
manu præhendēs ad aquas deducit, atque illa
conscensa ad alteram ripā adnauigar , & ictus
crepitantium saxorum solitudinis beneficio
de-

deuital. Verum quando non fuit solus cui vrbes, populi conuersatio, Eremitæ præstare comoda, neq; mentem à Dei vnione abstrahere? Quod si solitudinis otium diurna negotia perturbabant, nocturnum compensabant silentia, quibus cum Deo loqui, & familiariter agere summa illi voluptas erat; neque tamen suis hæc solitudo periculis caruit, nam larvæ tartareæ non medo quietem hanc strepitu, & incondito clamore turbare, sed intrepidè in oratione perseverantem fustibus verberare. Neque tamen eatenus sæuire permissi fustigatores improbi, vt rabiem explerent, ac attererent, sed victi orantis constantia B. Virginis ope roborata, delusi recedebant. Non defuere etiam periculis, solitudinis pericula.

In falsis fratribus.

Franciscum, quem clarum miraculis nationes gentium suspiciebant, quem prodigè erga genus humanum beneficum adamabat Oriens, admirabantur populi, venerabantur nationes, tremebant inferi, honorabant superi in portu Sanciano ultimo terræ angulo ægrotum, rebus omnibus ad vitam, & curationem necessarijs destitutum comites omnes derelinquunt.

Quinimo, & antiquus hospes, eius familiaris terga vertit, & in tuguriolo sine cibo, sine lecto, sine medico, destituit. O inhumanitas etiam barbaris detestanda? Potius dixerim o prouidentia prædicanda clementissimi, numinis, cui libuit in extrema subsidiorum humanorum inopia, suæ beneuolentiæ

diuitias elargiri, & cui martyrium denegarat, simillimum Regi martyrum in morte reddere, cui sitire se proclamanti ne poculum quidem frigida porrectum est.

Affinia fuere, quæ ad vellus aureum conuersionis gentilium vela pandentem inuasere pericula perplura, & decumana.

quid man, si

In Mari.

Communia illa fuere: ventorum flatus, ac agitatio frequens nauigiorum: tempestates horridæ, ac tetra: Sirtes, Charybdes, scopuli, prædonum incurfus; piratarum. Incurfiones, ac impetus, & mala cætera ab infido elemento timenda, è quibus protegente se Deo incolamem haud semel euasisse litteris ad socios perscriptis testatur. Illa peculiaria. Triduo naufragus, & vndis huc illuc circumuolutus, & tantum non absorptus, ad litus tandem eiectus, ac duplici alij naufragio reservatus, & in neutro demersus, vt dicere cum Paulo posset. Ter naufragium feci. Et fecisset sæpius, ni precibus interdum, alias imperio, aliquando sacris lipsanis tumentes fluctus compressisset, vt iam increbesceret fama nullam perituram nauem, quæ Franciscum veheret, & contenderent inter se nautæ, vt vectorem in suo quisq; nauigio haberet. Sed quid si cui mare, & procellæ obtemperabât, infernus insidias, & necem machinabatur? Cum enim ardore Christi in Iaponia prædicandi Ethnico prædoni se se credidisset, quod nauclerus non adesset alius, conatus est Dia-

bolus per Idolum loquens, causam infortu-
niorum, quæ in nauigatione acciderant, in
caput infantis reijcere; vel vt perderet; vel
saltem ingressum in Iaponiam præpediret; sed
frustra laborauit; nam ipso Assumptæ Virgi-
nis festo, agitatediū celox portum Cango-
nimanum tenuit, inde in urbem Sasumæ pe-
dem intulit Xauerius, & quæ fortunata ho-
spitalitas Paulo Iaponio cessit, in domo sua
terra, mariq; iactatum excepit, & humanis-
simè habuit: felicior, quod eo doctore pri-
mus Iaponum baptismum recepit, & exem-
plo præiuit multitudini innumerabili reliquo-
rum, qui salutaribus vndis lustrati sunt, &
quidem Francisci dextera ad plurima millia.
Vt certaret inter se fructus ex labore colle-
ctus, ac labor ipse, vter magnitudine exce-
dat; certum tamen hoc sit quod procuraba-
tur.

In Lib. & Arumna.

Quotus enim dies; quota nox; quæ hora
vtriusque vacuum labore Xauerium vidit?
prima adeo cura erat animorum lucrum, co-
cione, cathechesi, sacramentorum admini-
stratione comparandum: hanc excipiebat
corporum seruitus, pauperum, diuitum, no-
bilibium, ignobilium, quocumq; occasio se da-
bat, aut necessitas postulabat: & obibat libes
abiecta quæq; munia, omnibus omnia factus
vt omnes Christo lucrificeret. Qui, feruor
animi ad compendia istiusmodi semper inten-
ti in Nosocomijs, & ægris vbicunq; tandem
lacerent curandis eluxit, quoniam & lecto-

ster-

sternere, & curare vulnera, & pamos ablueri, solari, interdiu, noctuq; adfistere, & omni caritatis officio præsto esse, etiam cum malè valeret ipse, dummodo stare posset, suarum ducebat esse partium seruire, quod erat alienarum. At hæc inter priuata forte censebuntur si cum publicis conferantur laboribus quibus Reges, ac dynastæ, & integræ prouinciæ ad Euangelium sunt tractæ, & sudoribus eius irrigatæ: Orientalis plaga maxima ex parte superstitionem exiit prædicatione eius exculta, & assiduis excursionibus fideli regnum ampliatur. In ijs ludus erat hyemis rigor æstatis ardor, fames, sitis, vigiliæ, vt addi possit merito.

In vigilijs multis.

Etenim sola necessitas, & hæc extrema intermittere cogebat vigilias, si intermittere dicendus est, qui binas, sumum ternas horas quieti cederet, vel humi cubitans, vel incommode fessitans, vel in duro strato decumbens, & leuissimo somno continuans orationem, vt ex suauissimis cum Deo colloquijs sæpius ab obseruatoribus auditis, liquebat: Neq; raro euenit, vt hoc modicum leuamen lassatis defatigatione artubus debitum negaret cum ad ægrorum solatium erat excubandum, vel sanis egentibus, subueniendum: & quamuis nec manducanti, neq; bibenti, prolixa non erat opus dormitione, ipsa tamen abstinentia vires imminuens corporis laborum tam grandium molestiam, ac sensum augebat. Namque

In fame, & siti, in ieiunijs multis.

Auspiciatus est seruitutem Dei Parisijs vbi se formandum spiritualibus exercitijs Ignatio credidit; cum enim sociorum nullus, qui ea obierit inuentus sit, qui saltem per integros tres dies, & eo plures omni prorsus cibo, potuque non abstinuerit, Franciscus iam tum ad facinora generosa grassans, ieiunius septem dies, noctesq; meditando transegit, prorsus incibatus, vltcrius tracturus, ni magistri, ad ducis Ignatii imperio cibum capere iussus esset. Inde Venetias cum sodalibus ex condicto proficiscens; Romam versus, per vias asperas, ac ultulentas hyeme perfrigida, solemne Ecclesiae ieiunium in dies illos incidens eo rigore seruauit, quo maiore vix tolerasset eius vita emendicato sustentata. In itinere ad Indos largum comineatum à Rege Lusitaniae constitutum repudiat, & viaticum cum fiducia in Deum commutat, ac eleemosynà à vectoribus corrogata parcissime victitat: parcius adhuc apud Indos plurimum barbaros, ac immisericordes exiguo obrizæ dimenso semel in die contentus à diuina virtute vires, ac robur impetrat ad labores immodicos tolerandos. Cum ad S. Thomæ sepulchrum 150. millibus passuum Nagapatano distans, inuiseret, naus oborta tempestate in obuium portum compulsa, consistere coacta est, quoad reddita mari tranquillitas commodum nauigationi fecit. Id loci Xauerius totos septem dies ieiunius mansit, vt iure iurando affirmauit qui curam eius gessit in toto illo maris tractu.

Neque solum in ieiunij tolerantia eluxit patientia, sed etiam.

In frigore, & nuditate.

Aduersus temporis iniurias: æstus, frigora, pluuias, glacies, ventos vilis lacerna ad tegendos artus, non ad fouendos retenta; reliquorum vestimentorum vicem supplebat feruor caritatis, & amor patiendi ab ipso exercitiorum fonte haustus, & prodi cœptus cum alias sæpe; tum luculenter in illa peregrinatione, de qua supra retulimus, Parisijs Venetias; quæ vt esset asperior ad frigus, & nuditatem nouo inuento lacertos, & coxendices funiculis adeo arctè constrinxit, vt ad intima carnis pene trauerint, & tumorem, saniem cruciatum; desperationem vitæ induxerint, ni deficiente medicaminum remedio, sodalium preces salutem attulissent: nam manè sequenti incolumem se aduertit Franciscus: tumor resederat, funes profundè demersi foras emerferant, nodi soluti, leuia solum mali vestigia cuti hærentia manserant absque dolore vlllo, diuinæ beneficentiæ indices, stupentibus omnibus, quibus hesternum periculum innotuerat, atque adeo Chirurgis ipfis, qui præ horrore admouere manum, ferrumue laniæ illi nequaquam ausi, miraculum euident prædicabant. Nudis pedibus & rudi canabina tectus immensa Orientalis plagæ spatia peragrauit, & frequentia reliquit vestigia suæ nuditatis signatas sanguine semitas, ac flumina, quæ eruentatis spinis, ac filicibus plantis transnare oportebat; vt nihil

interim attingam de cruore, quo cæsa flagellis membra madebant, siue hoc pœnæ genus in memoriam Christi passionum sumebatur per noctes quàm creberrimè; siue ad conuersionem peccatoris cuiuspiam per diem in semotis syluis; siue vt carnem iam vitijs, & cōcupiscentijs mortuā immolaret Christo hostiā viuentē, ac purē; siue alios ob fines, hoc vñ affecutus est, vt signum sui Apostolatus daret patientiā eximiam, ac prorsus admirādam.

In Signis.

Huic accenset Paulus in signis, ac prodigijs, hæc sunt miracula, & prodigia quibus doctrinæ à se traditæ veritas confirmabatur.

Sane Xauerij miracula tam multa in dies, & horas patrabantur, vt cupiditas inceserit Episcopo Malacensi innumerum illa redigere quæ in ora suæ diæcesis subiecta fama vulgabat: Et cum ad octingenta adnotasset, & multiplicari passim inaudiret, cessandum, ab eo labore satius duxit, quòd excreceret in immensum. Certè quæ inter illa maximum est mortuorum suscitatio, ad aliquot decade recensent publicæ tabulæ legitimè sedis Apostolicæ auctoritate confectæ, & ab ea approbatæ, eorum qui vitæ, quæ excesserant à Xauerio restituti sunt, quod ægrè in paucis sanctorum diarijs reperiant, qui S. Martinum, Turonensem Episcopum trium mortuorum suscitatore egregium mirantur, & in cælum laudibus extollunt. Percurre elementa cuncta quibus vniuersitas conflat orbis, & nullum inuenies miraculis Francisci vacuum. Si cœlum

lum spectes , Crux mira luce coruscans inde demissa à terræ dehiscantis fouea excepta est impendentis persecutionis index; siquidem Insulæ Ceilanæ Rex sexcentos trucidari iussit, quod fidem Christi hortatore Francisco essent amplexi, nequicquam adnitentibus Ethnicis eam effodere , ac diffindere , quo prodigio commota ingens multitudo Gentilium virorum , ac mulierum nomen dedere Christo; inter quos filius Regis natu minor secutus exemplum Maioris, qui particeps martyrij prius interfectorum factus fuerat : posteriori adhæsit sobrinus principum istorum duorum, & alij Regiæ cohortis primarij per plures .

Vim eius pariter sensit ignis cuius incendio ac flammis voracibus domus non paucas liberauit . Perpluit aer aceruos cineris , pumices accensos, & lapides flâmatos super Tolensem ciuitatem , & defectionem eius à Christo , & à Lusitanis vindicta mulctatam indicauit. Idem blandiri sæpius est visus, cum spiritu eleuâte in altû liquidû præbuit iter Frâc. corpori , vt si incorporeæ menti præbuisset .

Obsecuta est vnda maris toties sedatis tempestatibus, siue eius imperio tranquillaretur , siue eius precatione falsedinem exueret, siue ablatam Christi crucifixi signum æneû Cancrî chelis tenaciter apprehensum ad littus per vortices, spumantesque fluctus deuolutû restitueret: siue naufragum firmiter apprehensa tabula periculose circumactum post tridui iactationem incolumem terræ reddiderit, quo

toto

toto tempore Franciscus alibi degens, ac laborans, clienti se inuocanti adfuit, ne caret miraculo beneficium in mari præstitum ab eodem qui alibi verè præsens iuuandis animis corporibusq; impensè vacabat.

Terra de sinu suo cadauera mox in saniem, tabemq; vertèda eripi, ac in lucem effeeri eius imperio, aut precibus non semel experta est: quæ tremore concussa eius nutu ad propriam stabilitatem redijt; quæ sudore eius madefacta, cruore respersa, vestigijs assiduo calcata, & sanctificata fuit.

Ast non in alio magis eius obsequela, ac veluti reuerentia enituit, quàm in tuendo, ac conseruando cadauere: cum enim à mortalium ceterorum corporibus tributariam corruptelam mortì debitam exigat, tellus dissoluat compagem membrorum, in puluerem carnes resoluat; in Francisci corpore malignari permissa non est; Sed primum quidem in tumulo sepultum per menses quaternos mansit incorruptum; dein verò fossa profunda demersum, & humo obtectum, post menses sexdecim exhumatum, ne modicè quidem violatum, sed viuido colore, & succo odorato flagrans inuentum est obstupente natura tota, & virginitate illèsum suū domicilium conseruante: conuenit autem inter vtramque pergere in mirabilium ostensione per iter illud totū quod è Sanciano portu Goam usque delatum est in triumphum, sacrum depositum, & experta primum est Vrbs Malacensis, quæ à grassante pestilentia est

est liberata, vbi intra sua moenia excepit mortuum, quem viuentem eiecerat incolamem.

Vt autem magis explicet Apostolus signa, ac prodigia sui Apostolatus numerat: quarto loco Virtutes, quod in illis eluceat potentia quædam à Dei omnipotentia deriuata, quæ ad omnes quidem miraculorum operationes se protendit, sed cum in eorum pluribus nihil inueniat, quod aduersetur; in alijs prauos homines, aut Dæmones obstantes, ac reluctantes habeat, tunc maxime virtutis, ac potestatis insignitur appellatione, quod vires suas deprimat, & alienas deprimat. De vtrisque victorias retulit innumerabiles Franciscus, sed in istarum parilitate, valde dispar fuit certandi genus, & vincendi modus. Nequitiam, obstinationem, ignorantiam hominum expugnauit orationis assiduitate, concionum frequentia, hortationum seruire, afflictationum, & sacrificiorum oblatione: stygios verò aduersarios, dominatione quadam desuper concessa, imperio, contemptu cedere compulit, & parere coegit. Adducebantur ad ipsum haud raro qui à spiritibus immundis vexabantur, & curabantur omnes.

Vix pedem in Mauri insulam intulerat, & primo sermone inuitare populum ad audiendam Euangelii legem occœperat, cum tremere, ac hiare terra, indeque erumpentes auditi stridores, ac eiulatus conquerentium spirituum. Tu nos Francisce aduris, & de nostri regni possessione deturbas. Neque segnius irri-

irritabant animos spectra flammis præcincta
 per aerem volitantia forma aspectabili, quàm
 clamores inconditi ferientes aures, vt testes
 essent spectatores tam sanctitatis aduenę præ
 dicatoris, quàm improbitatis inquilinorum
 perfidorum, qui de obsessorum corporibus
 pellebantur. Quid non clamarent miseri cū
 de Regnis, ac prouincijs, tam multis sugaren-
 tur? cum sua templa dirui, Idola comminui
 conspui, conculcari cernerent? cum Reges
 Reginasque cum suis vrbibus, ac populis eri-
 pi de sua potestate, & transire in Regnum
 adoptionis filiorum Dei, suis ingratijs aduer-
 terent? nec illum lædere sui debellatorem
 quirent, nisi perrarò permitterentur singulari
 prouidentia rabiem suam magis ostentare,
 quàm explere, & sæuire baculis, flagellisq;
 ad exercendam viri patientiam, non ad per-
 dendam vitam gentibus necessariam.

Quod si sub virtutum appellationem ca-
 dant, vel renocentur cœlestes habitus gratiæ
 comites, & animi decora, satis esset vno ver-
 bo affirmare illas esse Apostolicas, si quid sit
 esse Apostolicum dignè concipi, aut plenè
 calamo posset explicari: cum verò vires hu-
 mani ingenij huc non pertingant, reliquum
 est, vt miremur Xauerij caritatem adeo
 grandem, vt eam non æquarent acta, quo-
 tidiana passionisque perpetuæ desiderantem,
 videlicet pro amore Dei facere possibilia, &
 impossibilia, aut pati passibilia, ac impassi-
 bilia conuersio Orientis Indici ad Christi fi-
 dem, & postmodum generis Turcarum vni-

Rom. 8.

S. Hier. l. de
scripi. Ecc.

uerſi : denique mundi totius , & hominum ,
 quorumlibet ſalus , ſames erat cui obſonandæ ,
 neque prouinciæ , neque nationes ; ſufficiebant .
 Patiendi vero pro Chriſto ſitim non
 extinxiffet tribulatio , non anguſtia , non ſames ,
 non nuditas , non perſecutio , non gladius : quæ cum animo verſaret , clamabat
 confidenter . Plus , Domine , plus ; Et quid
 plus ? Ignis , crux , beſtiæ , confractio offium
 membrorum diuiſio , totius corporis contritio , &
 tota tormentorum Diaboli in me veniant ,
 tantum Chriſto fruor , cantabat Ignatius Antiochenus ,
 & reſpondebat hic noſter martyrij candidatus .
 Plus Domine plus , & tamen , quid plus his
 tormentorum humana , vel diabolica barbaries inferre
 poteſt ? Sed nullus eſt diuino amori limes , nullus
 in diligendo modus , non exſaturari prædiſ , quas
 inhiantes cælo , quærit ; non terreri pœnis , quas
 ſitienter pro Chriſto appetit .
 Hæc tam ſublimis in Deum , & proximum
 caritas eorum duxit virtutum cæterarum ,
 quarum princeps , ac Regina eſt , & ad eius
 excellentiam illarum dignitas , ac ſplendor
 metiendus eſt . Sed infinitas argumenti præclariffimi
 imponendi ſinis admonet eò tantum ſpectantem ,
 vt Apoſtolicum ſortiatur decus , ac nomen Virginitas
 Xaueriana à poſſeſſore ſui , quem vt Apoſtolum Eccleſia
 prædicat , ac veneratur . Neque tamen finio , niſi , &
 Prophetiæ , & linguarum doni ſtriſtim mentionem
 facio , quæ duo lumina in Apoſtoliſ fidei fundatoribus
 ſplendide nituere . Et primo quidem futu-

futura prædixit , quæ sciri solum à Deo poterant , & cui Deus reuelare voluerit . Animorum secreta penetrauit , absentia tanquam in conspectu posita vidit , atque hæc adeo frequenter eueniebant , vt vulgo vocaretur Franciscus Antonomasticè Propheta . Et siue lata prænunciaret , vt victorias Christianorū prosperas nauigationes , & incolumitates , remunerationes pro bonis operibus ; siue tristitia , ac infausta minaretur , vt morbos , bonorum amissiones , ominosas mortes , naufragia , & id generis infortunia , euentuum nunquam fallens veritas , prophetiæ spiritu prædicta ab illo esse certo demonstrabat .

Linguarum dono affectus est , vt à populis tam seritate similibus , quàm linguis dissimilibus , non intelligeretur modo , sed eleganter vernaculo ipsorum sermone vteretur non sine admiratione , quod homo peregrinus eloquentia suos sapientes patriotas superaret , Et erant vltæ centena idiomata regionum , quas perpeti excursionē visitabat , erudiebaturq; ad fidem . Augebatur verò admiratio , cum multi docti , indoctiq; ad ipsum accurrerent , & curiosius de varijs quæstionibus interrogarent , quod cunctis vni eo responso apprimè satisfaceret , ac ea propter per plures diuinitatem in miraculo agnoscentes manus dabant , & corda Christo confirmanti signis , quæ per verba ab ipso missus Franciscus vera esse demonstrabat . Quæ talia cum copiosa legere gestorum miraculorum prolixius in publicis tabulis canoni-

zationis exarantur , quarum pars præcipua
 recitata est coram Gregorio XV. P. M. à Card.
 de Monte in consistorio ubi de ipso Sanctorum
 Catalogo adscribendo deliberatum est ann.
 1622. Martij 12. cum S. Ignatio, & ipso mi-
 raculis claro , & hoc in primis , quod Xau-
 erium miraculorum patratores , & alterum
 Thaumaturgum precibus, industria , lacry-
 mis , cultura , Ecclesie peperit , ut haberet
 in eo recens exemplar veteris disciplinæ , ac
 sanctitatis in quo spectaret, & erubesceret hæ-
 resis suam detestabilem ab illa difformitatem,
 glorietur Ecclesia Catholica in sanctis suis se
 que in illis agnosceret hæredem fidei, carita-
 tis religionis à Christo Domino institutæ ab
 Apostolis propagatæ , à Petri successoribus in
 sua puritate, splendoreq; conseruatæ .



I

Infelix ego homo, quis me liberabit de corpore mortis huius Rom. 7.

Habes o anima mea inimicum domesticum, hostem amicum, aduersarium propinquum, qui tibi malum pro bono reddidit; & sub specie amicitiae crudelior existens inimicus his omnibus, & infinitis alijs bonis te priuauit. Hic hostis salua reuerentia, est caro infelix, & misera, multum tamen tibi dulcis; & dilecta S. Bouau. in soliloq.



S. PHILIPPVS NERIVS.
*Virginitas adulescentiam decet, iuuentutem ornat.
Senectutem amplificat.*

S. *Philippus Nerius*.

ET hoc quoque priuilegium tibi concessum, Roma, vt continuata à tui conuersione ad Christum, serie, alas in tuo cōplexu homines; qui Spiritu Sancto pleni, virtutum heroicarum splendore illustres, mirabilium operatione conspicui, fidem tuam verè apostolicam illustrent, confirmentque; spuriam hæreticorum obfuscent, ac elidant. Non ab eo longius, vt exemplis veterum, ac recentium effatum comprobem, Ante oculos habes Philippum Nerium, quem Florentia genuit; ad litteras, ac pietatem educaſtā Roma, ciuium tuorum, ac externorum educatorem, magistrum, Patronum habere meruisti, Ecclesiæ Vniuersæ nouum decus, ac iubar suppeditasti. De quo vtpotè fragrante Virginitatis flore, cum aliqua verbis attigero, plurima sensibus complexus videbor ijs, qui non hospites in vitæ eius historia sunt; paucapaucis; qui adhuc superstites de ore superstitis fluente sapientiæ, ac sanctitatis potauere. In quo, vt mihi commodum, ita tibi, lector, non erit, opinor, incommodum, vel ingratum inuisas legere, aut lectas relegere, quas olim in spiritualibus opusculis nostris inseruimus, excellentias, & velut argumenta Duliæ erga Diuum proposuimus. illarum.

Prima est electio diuinā ad eminentem Sanctitatis gradum iam tum ab ineunte ætate manifestis indicijs comprobata.

Secunda, orandi studium, & assiduitas ad sublime contemplationis donum prouecta, qua cœlestes spiritus mentis lumine. & affectus ardore æmulatus, totas plerasque nōctes in amica conuersatione cum Deo, iucundisq; colloquijs traducebat. Hinc.

Tertia, flamma illa caritatis erga ipsum usque adeo in pectore flagrans, vt in fornacem verteret, in qua, & præcordia depasceret, & cordis repagula loco moueret, & costas adiacentes penè disrumperet, vt instar prodigij fuerit in tanto æstu vitæ incolumitas, præsertim continuis laboribus attritæ. Nam.

Quarta est Amor penitentiæ vehemens, qui ad afflicendum corpusculum innoxium cōpellebat, vix, vt vnquam illi vsualem, & facilem cibum pro necessitate vitæ sustentandæ indulgeret; sæpe ad triduum omni penitus refectione abstineret, præter cætera ciliciorum, & verberum cruciamenta; vt vnum se de illis faceret: de quibus Apost. semper mortificationem Iesu in corpore nostro circūferentes.

2. Cor. 4.

Quinta zelus animarum quo copiosum earum numerum Christo adiungere, verbo diuino pascere, sacramentis reficere, monitis salutaribus instruere impensè curabat.

Sexta, Misericordia erga miseros, qua ipsorum indigentiam larga eleemosynarum erogatione subleuabat, tam accepta superis benignitate, vt Angelus hominem simulans stipem de manu eius accipere sit delectatus.

Septima, Humilitas, & animi demissio, qua

qua se de fæce peccatorum, & de plebe vilem domuncionem reputabat, & ab aliis repudari vehementer optabat. Hinc est, quod sui contemptor, vel subinde se offerentes, vel arte quæsitæ occasiones, quàm libens capiebat. & oblatas Ecclesiasticas dignitates, etiam supremas constanter recusabat, maiores diuitias æstimans honore sæculari, improprium Christi; de omnibus autem rebus illius bonis.

Octaua, Castimonia adeo illibata, vt Virgineum decorem nunquam amiserit. tam cautè, diligenterque custodita, vt à labeculis etiam exiguis immunis fuerit; tam ardentè in alijs adamata, vt sordes aduersarias vel ipso olfactu persentisceret, & abolere Sacramentorum vnda etiam atque etiam tageret. Ideoque mirum non est hæc odoris fragrantia allectam Cœlorum Reginam suæ copiam præsentia frequentè fecisse, ac beatos Angelos humana indutos specie ad eum, visendum ventitare consueuisse, & suauissimis alloquijs recreasse.

Nona, virtutum istarum cumulum, committatæ sunt gratiæ gratis datæ, quo pretiosiores, eò & vtiliores credentium cætul. Prophetiæ lumine mens eius illustrata futura longè antequam euenirent, præuidit, & cordium secreta, occultasque cogitationes penetravit; ideoque in martyrologio Romano additū illi singulare Elogiū: (VIRGINITATIS, & Prophetiæ) dono insignis. Aegros per plures attactu, aut prece persanauit; nec desuere vita functi, quos vitæ restituit. Vidit

mul-

multorum animas corporibus solutas inter
splendores Cœlum conscendere, & Sancti
Ignatij Loiolæ sui per familiaris frontem, vul-
tumque radijs coruscantem conspexit; ac
veneratus est, haud semel.

Decima, Inter cætera inclyti herois enco-
mia, quæ longius persequi huius loci, & otij
non est, connumeranda Oratorij institutio,
quod instinctu planè diuino ad immensum
Romæ, atque adeo Ecclesiæ totius bonum,
ac decus, erexit, & tam aptis ad pietatem
legibus temperauit, vt viris Deo factis spe-
culum sit sanctitatis, & morum; laicis verò
fons aquæ salutaris, vnde pocula salutis hau-
riant; & animorum campos larga irrigatio-
ne fecundent, vt verè dici possit, **Gloria
Domini plenum est opus eius.**

Eccl. 42.

L

*Adoleſcens loquere in cauſa tua vix ſi
bis interrogatus fueris, habeat ca-
put reſponſum tuum Eccl. 32. ideſt
paucis multa complectere, & in ca-
pita reuoca.*

Verborum adoleſcentem, & ſtudentem
eloquentiæ cum ſapientiæ ſit inanis, non
aliud, quam iuſtitie hoſtem reputes S.
Bern. l. 4. de confidente med. Studioſum
eloquentiæ vocat non Rhetorem, ſed va-
niloquum, & multiloquum, & ſciolum.



B. ALOYSIVS GONZAGA Soc.^{ti} IESV.
*Angelica plane uita Virginitas; et qui non nubent, neq. nubentur, erunt
 sicut Angeli Dei. S. Bern.*

Beatus Aloysius Gonzaga Filius Gratia Diuina.

Cogitanti vocare seruum, imò Gratia
mancipium propter absolutum ius ar-
bitrij in eam translatum, vel potius ab
ipsa praeueniente occupatum salua libertate,
venit in mentem Christi Domini consolato-
rium ad Apostolos alloquium, quo non ipsos
modò, sed etiam futuros in longum discipu-
los suos affari voluit. Iam non dicam vos ser-
uos, sed amicos. Quamuis enim ex Sapien-
tis oraculo nescit homo vtrum amore, vel o-
dio dignus sit; & Paulus ipse vas electionis ore
Christi pronuntiatus nescium se suae iustifica-
tionis fateatur; Tamen Augustino arbitro, est In psal. 149.
quidam modus in conscientia gloriandi, vt
noueris fidem tuam esse sinceram; noueris
spem tuam certam; noueris caritatem tuam
esse sine simulatione &c.

Et qui gloriari hoc modo potest in Domi-
no, habet Spiritum Dei in semetipso claman-
tem, Abba Pater, & testimonium reddentem
Spiritui suo, quod sit Dei filius. Hunc
habuisse Beatum Aloysium facile apparebit
ex contentione naturae cum gratia, & opera-
tionum vtriusque cum principio à quo ma-
nant, vt constet eas duce, & auctore spiritu
gratiae fieri, ad quas vel non propendet na-
tura, vel suis viribus non attingit.

Et primò quidem parentem benignam fe-
stinavit agere Gratia, vbi natura nouercam
se ostendebat in ipso exortu puelli: Quippe
ge-

genitrix eius D. Martha Tana Santena Cardina-
lis Ruuerij cōsōbrina, Cherio Pedēontijoppido
illustri oriūda, precibus à B. Vagine petijt,
impetrauitque conceptum prolis, quæ se di-
uino obsequio in aliquo religioso cœtu con-
secraret: Deinde verò partus tempore grauissi-
mis pressa doloribus, quibus in vitæ discrimen ipsa, foetusque vocabatur, cum medi-
camentis nequicquam proficientibus, de ma-
riti Ferdinandi Gonzagæ Marchionis Castillio-
nei, & Imperij Sacri Principis consensu, votum
concepit B. Virginis Laurétanæ inuiscendæ, &
infantis, si incolumis auras aspiceret, oppor-
tunè sistendi. Fauit de Cœlo Virgo, & Gra-
tia ancillari supplici Dominæ non est cun-
ctata. Prodiit in lucem puellulus, & in ipso
egressu priusquam totus aluo materna funde-
retur, obstetrix diuino obsecundās instinctui;
Lustralibus absterfit vndis, & purgatum à la-
be primigenia accepit in vlnas, vt Sanctifica-
tus in utero dici posset, & ante Sanctus, quàm
totus natus. Quis sapiens non intelligit in-
præpeti anllis diligentia obsequio anticipatæ
diuinæ beneuolentiæ fauorem? aut quis tam
ināspiciens casus, fortunæue dandum iudicet,
quod Gratia iam tum fuisse proprium auctor
eius haud obscuris indicijs declarauit? Vix
solutis linguæ retinaculis articulare voces cœ-
perat, & summa cum delectatione Sanctissi-
ma Nomina idemtidem repetebat; & quod
obseruatam à gynæceo infantis custode, per
aulam spargebatur, vt primum incedendi
concessus vsus, colligebat se tenellus in aggu-
lum

lum quempiam remotum ab arbitris, ibique oratiunculas recitabat, & aliquandiu flexis geniculis perseverabat: & dum scalas ascenderet in singulis gradibus Mariam Dei Matrem salutare gestiebat. Verum quod omnem excedit vim naturæ ab anno ætatis septimo, quo cum rationis primi radij mentem illustrent, Incipientium, ac proficientium metas prætergressus, Perfectorum, statum attingit in eoque progressus est usque ad diem occasus, teste Cardinali Bellarmino, quo confessario utebatur, & cui vitæ suæ totius seriem Sūma cum Synceritate retexuerat; confirmantibus item alijs tam domesticis, quàm externis, quibus noti erant mores pueri, impuberis, puberisque ab omni leuitate puerili alieni, & Sanctitatem potius, quàm grauitatem senilem redolentes. Videre hoc haud absque admiratione aulæ principales Regis Catholici, Magni Ducis Etruriæ, ac Mantuani Ducis sui consanguinei, in quibus puer, ac adolescens versari iussu paterno coactus, impressa reliquit modestiæ, prudentiæ, virtutum supra ætatem excellentium, vestigia. Neque tamen animi decora cuncta peruidebant, quæ sub equestri habitu, & vestium nitore delitescebant. Renouentis secum quid moliatur, aut præstet quod summo opere Regi, Reginæque Cœlorum arrideat, incidit cogitatio de Virginitate, quod sit illis acceptissima: hanc Cœleste lumen comitatur; impulsus sequitur ad eam offerendam; votumque perpetuò obseruandi, & agebat

tunc

tunc annum ætatis octauum . Fructus inde
 manauit fomitis innati sopor, & tanta depref-
 ſio, vt ne minimo quidem ſtimulo carnis,
 aut titillationi, aut turpi cōgitationi locus in-
 tota vita ſit relictus . Quæ prærogatiua ſin-
 gularis eſt, ad ſtatum angelicum gratiæ eue-
 hentis hominem, & Sanctiſſimæ Triadi pri-
 mo puritatis fonti adiungentis, adeo conceſ-
 ſa paucis, vt ne Apoſtolus quidem Paulus,
 qui de reuelationibus, ſublimiumque arca-
 norum viſionibus gloriari poterat, immunis
 fuerit à lege membrorum repugnante legi
 mentis ſuæ; & inſcëllicitati duceret hunc pri-
 mi parentis inobedienciæ reatum in ſe deriuat-
 um ad ea trahere, quæ voluntas detestabai-
 tur; Sed qui ſua mūnera vnicuique, vt vult,
 diſtribuit Deus, adoleſcenti dedit quod Apo-
 ſtolo negauit, & in vtroque ſuę prouidentię
 deſtinata compleuit. Decebat quippe innu-
 meris adoleſcentum cohortibus gymnaſia ſo-
 cietatis per Orbem ſparſa frequentantibus,
 hoc etiā inter alia ad contuendam caſti-
 moniam adiumentum ſuppeditari, vt habe-
 ret exemplum, in quo nobilitatem, ingenium,
 doctriſnam amaret; Et angelicam puritatem
 admirata, vel imitaretur non lædendo ſuam,
 vel deplorando amiſſam, & damna eiꝯ pa-
 trōcinio reſarciret.

*Mortificatio carnis , & animi
passionum .*

Fortunatum gratiæ alumnus cui lacte
eius degustato desipere naturæ oblecta-
menta , amara fuere sensuum blandimenta .
Mediū pueritiæ cursū infestus disuriæ morbus
inuasit , cui abstinentiā salutarem esse Medi-
ci affirmarent . Mirum quàm latus hoc re-
medio , non tam salutis cupidine , quàm ie-
iunij amore , & eduliorum tædio sit usus . Hæc
adeo imminuta sunt pædetentim , ut obsoniū
unico constaret ouo , & potus modicissimo
vino aqua diluto . Et hoc quidem rigore ex-
ficcata noxiū humoris scaturigo , & sanitas re-
stituta , ac ciborum parcitas familiaris reddi-
ta , & ipsorum sapore suauior . Retenta igitur
aliquantò laxior , ast ieiuniorum apud fi-
deles consuetorum lege seuerior , strictiorque .
Accedebant afflictationes aliæ verberationū
ac ciliciorum , quorum cum copia in pater-
na domo deesset , calcaria radiata lateribus
adstringebat , quæ & stantem , sedentemque
excruciarent , & incedentem fodicarent , ac
eruarent . Quàm asperè in se flagellis sa-
uiret aduertit qui eum de ostij rima non co-
gitantem obseruauit municipij præses , aduer-
tit & Marchio parens , qui postridie cadentem
se in suo cubiculo vidit , & eò ingressus res-
persum pauimentum sanguine lacrymis com-
mixto adspexit . Frigoris & æstus mirè patiens

nec ignem quærebat hyeme , nec loca frigida æstate . Relicto cubili ad orandum surgere , & solo tectus indusio , nixus genibus in summis algoribus plures horas orando transigere , consueuerat , & interdum animi delitijs affluentem deliquium propemodum exanimabat . Sanè in regione perfrigida vix thermoclinijs , & stragulis arcent aeris acrimoniam , homines robusti , ac vegeti , quàm delicatus adolescens semiuudus tolerabat . Neque verò rigorem hunc vitæ austerioris relaxatione consuetæ dynastis , aut recreatione amœniore temperabat ; apage lusus , venationes , conuiuia , spectacula , quibus si adesse aliquando ex decoro , aut parentis arbitrio necesse fuerat , aliò mens auolabat , hoc est in Cœlum , vbi gratia primitias spiritus à primis annis religauerat . Augustæ Taurinorum aliquando commorantem inuitarunt nobiles aliquot viri ad aulam primarij equitis choreis , ac saltationibus ea die destinatam ; transeundum erat ante Sacellum , vbi corpora Martyrum Thebæorum Solutoris , Aduentorij , & Octauij asseruantur , hic rogata à comitantibus venia mansit per aliquot horas genuflexus quoad redirent , immotus ; vt mihi iidem denarrabant , qui testes oculati , & comites viæ fuerant , quando pro ara conditoria flectentem reliquere ultra progredi renuentem . Quippe ab anno ætatis duodecimo orationis , & contemplationis donum cœlitus acceperat adeo insigne ; vt maiorem diei , noctisque partem in ea insumeret , & ita cum

cum hominibus versaretur, ut Dominum prouideret in conspectuo suo semper, & profanis interesse festis mors illi, ac infernus videretur. Argumentum meditationis plurimum redemptionis nostræ Myſteria ſuppeditabant; Sed inde gradus ad diuina attributa fiebat Bonitatis præſertim, Sapientiæ, ac potentia, ad quarum intimam cognitionem Magiſter Spiritus ducebat mentem lumine claro perfundens, & affectum tanto calore afficiens, ut cor in liquidiffimas ſolueret lacrymas. Et quamquam ſecreti cautus, obicem erumpere conantibus opponeret; intimos tamen familiares, & ſamulos à cubiculo cælare non poterat, ne fletus veſtigia in veſtibulis, in oculis, in pauimento aduerteret: ut iccirco curioſitate ducti per rimulas ianuæ clanculum obſeruarent ſæpius quid ageret ſuus herus, vel in quo tam multas horas ſolitariuſ abſumeret, & aſpexere quod deinde teſtati ſunt duodennem puerum ante Crucifixi ſignum prouolutum, modo manibus expanſis, modo ante pectus decuſſatis, diu gemere, ſuſpirare, miſericordiam implorare, & mox hæſere defixo in Cœlum vel humum obtutu à ſenſibus abſtractum, ut nec curſitantes per cubiculum ſeruos aſpiceret, neque pulſantes fores audiret: cuius rei conſcij fuere etiam externi ciues, quos ſparſa in vulgus fama permouit, ut curarent commodum per domeſticos aditum ad pium ſpectaculum clam admitti, & maiora ſuis oculis cernebāt, quæ amplificata alieno ſermone antea arbi-

trabantur. In qua tam intensa, tamquam assidua exercitatione plures horas de die precationi dabat, & noctu aliquot somno detractas in eadem incredibili consumebar cum delectatione. Hinc conscientiae puritas ab omni labe peccati lethalis semper immunis, & cauta venialium, praeter ea leuissima sine quibus humanitas nostra non transigitur. Et nihilominus vitae austeritas tanta quantam, robusta corpora aegre sustineant. Sensuum custodia adeo exacta, ut in religioso viro exactiorem non disideres, Sacramenta exomologeseos, & Eucharistiae tam deuota, ut à Sancta Synaxi rediret hinc amore Christi flagrans, inde terrenorum odio, contemptuque refrigerens, ut grauis ipsi esset hominum conuersatio, & permolesta quin etiam ad vitae conseruationem necessario corpori praestanda seruicus. In aula Catholici Regis sesquiannū inter ephebos honorarios detentus, ne semel quidem in vultum Mariae Imperatricis obtutum intendit, cuius pulchritudine multo plures intueretur ex longinquis etiam regionibus ventitabant, ut reliqua fileantur virtutum exempla, quibus amabilem se magis an venerabilem sodalibus adolescentibus redderet, haud facile iudices: fane grauioris iudicij aulicis adeo probata fuit modestia iuuenis ut foelicitati ducerent Philippi Principis alii in Regia Marchionem ad sua obsequia, cuius praesentia norma esset morum optimorum, conuersatio censura malorum. Et quod mirere vehementer, in paterna domo, ubi

libertati locum ampliores, quam in extera
dominium autum prebet, adeo seuerè sen-
sum continuit in officio, vt. in parentem
suam foeminam pientissimam contorquere
oculos vix auderet, etiam cum familiariter
inter se colloquerentur.

Dum tenellus adhuc impubes Aloysius gi-
ganteis passibus ad Euangelicæ perfectionis
metam contendit, S. Carolus Borromæus Ar-
chiepiscopus Mediolanans: Apostolico nomine,
auctoritateq; Prouinciam visitans Castillionē
peruenit. Hunc reuerentiæ, & officij gratiā
inuisit, & amanter exceptus diutius præter
morem detinetur, quod linguam paucis a-
dultorum notam à puero non sine admira-
tione audiuit, arcanaq; pectoris confiden-
ter aperientem mirificè dilexit, & consilia
petentem opportune instruxit, ac inter cate-
ra ad frequentem Eucharistiæ sumptionem,
hortatur, ac illico persuadet. Nam quæ ante
hac erat insolita, postmodum in vsum indu-
cta est summo cum sensu pietatis, & præpa-
ratione, quanta posset maxima, quam fru-
ctus non impar sequebatur, & hic optatissi-
mus, quem denarro.

Vocatio ad Societatem Iesu

Impletum est & desiderium piæ parentis de
quo narrauimus, & filij optimi prædictio,
qui non ignarus materni voti non in alium, c
fratribus, quam in se ipsum casuram sortem
pronuntiauerat. Statuit igitur ab Aegypti

deserto , ad terram promissionis (vti vocabat) religiosi status commigrare ; Sed quem potissimum ex ijs , qui disciplinę obseruantia in Ecclesia florent, sacris cœtibus , eligeret , anceps valde in deliberatione fluctuabat , & lumen à Patre luminum postulabat . In ipsa Assumptę Virginis festa die accessit ad sacrā Synaxim ea gratia , vt eius ope certior de diuina voluntate fieret , & ei se religioni addiceret , quàm maximè sibi congruam esse superna inspiratione intelligeret:& ecce in summo precationis ardore , veluti si sonantem auribus vocem perciperet clarè , distincteque monentem audit: Ingredere Societatem Iesu . Qui assuetus erat locutioni interiori Spiritus se dirigentis , non dubitauit huius illum auctorem esse , & liquida voluptate ab eodem fonte manante ; delibutus, morem gerit hortanti , & voto se Societatis ineundæ obstringit . Atque hæc causa fuit deliberationis arduæ , cætera incitamenta quædam fuere ad constantiam : in exequenda tuendam ; vt pote quod eius Institutum florens hætenus primæuum decus retineret , quod voto ad dignitates occluderetur aditus : quod iuuentutis in litteris , & pietate instituendæ tam multis inuentis , modisque abundaret , quod tam solerter animorum salutē incumbat , & ad Indorum Ethnicorum conuersionem cohortes trasmittat insignium athletarum , qui sanguinem pro Christo fundant , & fieri posse , vt vnus aliquando istorum sit qui martyrij candidati eò mittuntur. Et horum
qui.

quidem cogitatione solabatur propositum suum adolescens nondum annorum sexdecim; cæterum ne exequeretur statim, obstitere obstinatè Marchio parens, principes amici, vel affines; viri doctrinæ, ac virtutis fama clari; & ipsi tartarei Spiritus omni arte, & astu abusi, ut impedirent suo hosti bonum, quantum manaturum ex victoria prævidebant, inuidebantque; & occurrebant malo quod inferendum certò sciebant suis castris, si semel vexillum hoc castitatis, ac sanctitatis in theatris scholarum per orbem vniuersum erigeretur. Iccirco luctandum strenuo Christi militi fuit cum aduersarijs per triennium: Sed cum nullo acrius, quàm cum parente omnem mouente lapidem ut à proposito Filij voluntatem dimoueret. Hinc terrere minis, inde blanditijs, ac promissis amplis illicere; in omnē se vertere pugilem, ut arcem robusti pectoris expugnaret. Sed contrà accidit, nam nati constantia, ac prudentia; vel potius Dei manus cum illo, diffectis cunctis paternæ oppugnationis machinis, victoriam retulit, ac triumphantem ad Mōtem Quirinalem deduxit, ac in D. Andrea asceterio collocatum gratiæ magisterio erudiendum commendauit. Qui à sæculari ad religiosum statum attulit animum tam insignibus excultum virtutibus, ad quam sublimen perfectionis verticem peruenisse in eo putandus est? Si metiri hanc decet ē legum obseruatione, qua salus, & incolumitas vitæ spiritualis constat, & profectus augetur, ad

mensuram plenitudinis sanctorum, nullam
 unquam violasse deprehensus est regularum.
 Totum tyrocini biennium, & quod insecu-
 tum est studiorum tempus meditatio rerum
 diuinarum, & mortificatio absumpsit. Do-
 num orationis cœlitus ipsi collatum adeo ex-
 cellens, vt non solum à communibus auo-
 cationibus quibus etiam perfectorum homi-
 num mens obnoxia est, liber esset; sed etiam
 ita affixus cœlestium contemplationi hære-
 ret, vt exiisse extra se videretur: Vel inter
 epulas in triclinio sedentis in sublime sic fe-
 rebatur animus, vt anagnosce sententiam ali-
 quam de Dei amore pronunciante pectus in-
 tumesceret, vultus ardore suffunderetur tam
 aduertibiliter, vt sinistri aliquid suspicati ad-
 fidentes subuenire laboranti, plerumque fa-
 tagerent. Si in arido vernabant rosæ, & in
 comestione panis sagittis diuinis cor peteba-
 tur, quid in viridi factum putamus cum sta-
 tis horis se dabat in preces, & rore cœlitus
 pluyente oppido rigabatur? Certè quidem in
 ægritudine postrema compertum est, vbi
 corporis afflictio animi functionibus haud le-
 uiter incommodat, integram noctem in cō-
 templatione magnitudinis cœlestis gloriæ
 ita transegisse, vt modicam horæ partem
 transactam arbitraretur. Potissimam occu-
 pationem vitæ, ac passionis Christi medita-
 tio sibi vendicabat, nec abesse ab illa poterat
 memoria beneficentiæ ineffabilis Sacramenti
 Eucharistiæ à cuius sumptione horas aliquot
 immotus in grátiarum actione perstabat, &
 hanc

hanc per dies proximos ita continuabat, vt reliquos nouæ ad eandem præparationi daret, atque ita nullus hebdomadæ dies à pia hac industria vacabat. Et hæc vna alarum erat, cui perpetuus in cœlum volatus nitebatur; altera illi respondens castigatio corporis, & iugis mortificatio adiungebatur, de qua multa, & magna breui complectar, cum dixerò tantam fuisse, tamque asperam, quantam esse licuit per moderatorum indulgentiam, & per immensam conformandi se Christo passo cupiditatem. Quicquid detrahere de cibo communi permittebatur in lucro reponerat, & prandia ex pane cibario, & frigida, si concederentur delitiæ computabantur. Obseruatum non raro est à iuratis, testibus vix vnā, vel alterā vneiam excessisse in cibo per dies cum sui iuris esset; vetitum enim, cum sub alieno in religione viueret; quod facile credent quibus experiri datum est. qualia sint interna pabula quibus Deo amata quedam pectora saginantur: neque inficias ibunt, qui absq: vllō cibatu hebdomadas, ac menses integros exegisse Sanctos aliquot insignes non ignorant.

Amisisse dixisses gustum omnem edulij cuiuslibet, si conuiuiam habuisses; nimirum menti superna voluptate affluenti despiebant terrena cibaria, & cum nausea, ac fastidio sumebantur. Vice versa cilicia, catenulæ æreæ, flagra, diuerberationes. & quicquid tormenti temporis, vel hominum iniuriæ, morborum, & molestiæ inferunt, tam delectabili

liter sorbebatur , quàm viuide experebatur
 ludus erat catechesi rudes , ac pueros viciatim
 instruere; mantica humeris imposita eleemo-
 synam pro pauperibus corrogare: nosocomia
 adire ; ægrotis ministrare , viliora quæque
 ministeria in illis promptissime obire , & exi-
 guum repræsentabat quicquid pati contin-
 geret , vehemens desiderium fundendi san-
 guinem pro Christi fide , quam disseminare
 apud Nationes barbaras habebat pro votorum
 suorum summa . Neque verò extetna hæc
 exercitamenta tanti æstimabat ; quanti cul-
 tum interiorem , & solidarum virtutum or-
 namentum , cuius necessaria pars est affectio-
 num moderatio , & perfecta ad rationis nor-
 mam conformatio : sed in Aloysio ita sibi
 gratia ius passionum vsurpauerat , easque
 sibi subiecerat ; vt intemperies nulla , motus
 inordinatus nullus reliquus esset , qui com-
 primeretur , nisi fortè patiendi ardor , & seip-
 sum deprimendi , nimium quàm studiosa ,
 sollicitudo . Sanè amor honoris insitus ani-
 mis à natura , & pertinaciter hærens vsque
 ad mortem , ne fibras quidem primigenæ la-
 bis pœnas , in pectore illo improperiorum fi-
 tiente , retinebat ; quia salutare sui odium ,
 atque contemptus radices altissime fixerat , &
 nec laudes iam proprias ab ingenij præstan-
 tia , à familiæ nobilitate , à morum probita-
 te debitas , ac delatas æqua aure sustinebat ;
 quin etiam cum indignatione quadam si pro-
 ferrentur , audiebat . Contra verò opprobria ,
 dedecora , contumelias , & quicquid huius

generis malorum mundus auersatur, ac refugit; amabat ipse; optabatque vehementer: & quia adolescenti Religioso in summa veneratione intus, forisque habito, rara, aut nulla istiusmodi perferendi se dabat occasio, inueniebat ipse modum, quo illius defectum, utcumque compensaret in victus, vestitus, habitationis incommodis, deteriora, quæ in illis sunt, aut casu occurrentia complectebatur auidè, aut non occurrentia inhianter quæritabat.

Libet ex pluribus, quæ in dies dabat exempla vnicum proferre. Missus Mediolanum à P. Claudio Acquauina Generali, quæ negotij, quæ valetudinis gratia, exceptus est in Braydeusi Collegio; ut si Angelus de Cœlo aduentasset, & in destinato soli ipsi cubiculo collocatus, obtentu valetudinis ea solitudine indigentis. Vbi per dies aliquot in illo commoratus est, aduertitque cæteros sodales non initiatos sacris, binos, ternos associari, iniquè ferens hoc sibi priuilegium deferri, ut incomitatus commodius degeret, tam aptè superiori persuasit dignaretur in aliud commutare, ut additis ad excogitatas rationes precibus, quod postulabat sit affectus; & erat hoc quod proponebat non cubiculum, sed angulus domatis semotus, obscurus, teter, scalæ lignæ, quæ perpetuus descensus, & ascensus domesticorum est, subiectus rumoribus, & foriculi potius, quam hominum receptaculum; & illud tamen amatum ab habitatore suo magis, quàm am-

pla Palatia, & aurata conclauia à suis. In quo euentu Collegium illud sapientiae, ac virtutis illustre domicilium, agnouit diuinæ prouidentiae beneficium; ut quemadmodum Auentinus Romæ nobilitatus est tugurio, & scalarum gradibus, qui tegumen præbuere Alexio in paterna domo peregrinanti; Ita Brayda nobilitanda fit Sacello, in quod propediem vertendum est tuguriolum illud angulare cælo gratum, vbi imminentis mortis reuelatione præmonitus est Aloysius, ut restatur imago illic appensa Angeli Caluariam obtendentis ad facti memoriam tuendam. Eodem anno Romam reuocatus dum studia Theologiæ persequitur, & specimen excellētis ingenij Collegio Romano exhibet, excellētiora caritatis vrbi præbet laborabat documēto, illa id temporis pestilentia, sicut, & aliæ pleræque Italiæ ciuitates; cui vt subuenirent pro sua parte nostri Patres, præter alia caritatis munera, adibant frequentes Nosocomia, & illic decumbentibus sedulo ministrabant. Datum est infirmis Aloysij precibus, tristis, ac laboridsi Ministerij particeps ut fieret, quod dum ardentè obit, & horridiori cuiq; operam præstat, morbo eius inficitur, & decumbere cogitur ægritudine, quæ fuit vltima meta, & plana, expeditaque ad æternam quietem via. Sed quàm decoris illa pressa vestigijs, quàm honorificis emensa gradibus? Versus est decumbentis lectulus in aram victimis patientiæ, humilitatis modestiæ sacratâ, & cubiculum dixisses angustum templum, vbi

vbi thimiama ardentium votorum cœlestis patriæ, & thus piarum precum, ac aspirationum die nocteq; adoleretur. Iacebat languens viribus penè prostratus, & vigore nihilominus animi præpotente languori, surgebat, & humi deiectus furtiuas horas orationi dabat, quoad Infirmarij aduentu interpellaretur. Repebat ad Crucifixi signum in mensa locatum, & osculis sacra vulnera insatiabiliter petebat: Cum verò intendente, se morbo exsurgere per debilitatem, & imperium moderatorum amplius non liceret, crucifixum semper ad manum habere voluit, cum eo dulciâ miscere colloquia, apprimere pectori, vlnis amplecti, admovere labris, totus in Crucifixum verti. Et quia minus ipsi compati, ac assimilari se rebatur, ni morbi molestiæ necessario tolerandæ cruciatus adderetur aliquis spontè susceptus, rogabat Patrem Prouinciæ præsidem, vt quoniam ipse semet dimouere iam brachia nequiret, iuberet, permetteretue flagris humeros cædiper fratrem aliquem, haud dubio, aut iussioni obtemperaturum, aut supplicanti sibi obsecuturum. Inuisebatur à multis, quia cunctis erat admirationi virtus eius, & sermo cū illis de Cœlestibus dumtaxat, nemoque ex eius verbis, ac exemplo abibat inde non melior. Robertus Bellarminus id temporis Collegij Rector, & confessarius Aloysij, ægrè ab eius latere diuellebatur, quem non diu post à se diuellendum non ignorabat, tum quia ex morbi malignitate instare finem vite faci-

lè conijciebat; tum quia coniecturam firmabat asseueratio certum illi diem, idest finem octauæ solemnitatis Corporis Christi, designantis ægri, quæ planè, vt optauerat, in feriæ sextæ initium incidebat, Passioni Christi Domini dicatæ, quam ille incolumis intimo affectu recoluerat, & in corpore representauerat.

Venit illi in mentem aliquando Bellarminum interrogare, censeret ne aliquem intactis Purgatorij flammis recta in cœlum contendere? Cui Pater, cur id de plerisque non crediderim, quos Deus è vulgo fidelium secretos, & in suam adscitos amicitiam muneribus cœlestibus cumulauit? Neque vereor, fili mi, eorum te accensere numero ob causas tibi, mihiq; compertas, ob eamque potissimum, quod te à grauiori qualibet culpa hætenus seruarit immunem. Quo responso mirifice letus de Beatorum felicitate meditari orsus, noctem omnem Ecstasi absorptus in suauis contemplatione, traduxit, & sensibus restitutus, mansit defixus in Cœlo, quò paucos post dies euolauit. Munitus est Sacramentis Ecclesiæ, mira cum pietate, & gaudio susceptis: Benedictione insuper, quamuis non quesita, Greg. XIV. Pontif. Max. impertitus: post suaues adstantium Sociorum amplexus inter Crucifixi oscula sacris psalmodi hemistichijs, & nominibus Sanctis Iesu, & Mariæ, mixta intentis in ipsum luminibus placidissimè emisit spiritum, ab Angelis ad eorum coetus deferen-

ferendum, qui sequuntur Agnum quocumque
ierit i

Agebat annum 23. nondum ad sacros ordines promotus, ut planè optauerat, quod illis indignum se existimaret. dies erat 21. Iunij anni 91. supra M.D. quæ celebris in sacris fastis æternum erit. Antequam capulo componeretur corpus, dum paratur de more ablutio, inuentus est Crucifixus pectori adhæreas, quem tribus postremis diebus, uti suauissimas delitias sinu adstrinxerat; & genua callis extuberantibus conferta, quæ diuturna humi pressio extulerat. Et resecta sunt illa tubercula, ac habita pro reliquijs à nonnullis, qui vix digitorum abscissione abstinabant, ni pudor, & pœnæ timor absterruisset. Funus elatum religiosa modestia, ut cæterorum, qui apud nos sepulturæ mandantur, sed ingens populi concursus magnificum effecit. Ut enim sparsus est per urbem rumor Aloysium Gonzagam obiisse diem, exciti ad templum viri primarij plures, vel recordatione sanctitatis, vel impulsu numinis seruum suum honorare ab illorum veneratione incipientis, osculari manus, admouere rosaria; eius patrocinium implorare: populares quin etiam plura quasi frustula vestium abscindere, capillos, & ungues euellere, extrema digitorum forcipibus incidere, carnibus, quin etiam non parcere: & inuentus est minimus dextræ digitus duobus articulis detruncatus, quisquis ille fuerit, qui piam rapinam molitus est, miraculis sanitarum paulo post initium datu-

ram

ram : & subducendum fuit periculis maiori-
 bus corpus , ac irruenti turbæ , quæ industria,
 qua violentia subtrahendum , & sepulcro cõ-
 dendum . Nulli ad eam diem in Romano
 Collegio , quantavis Sanctitatis existimatio-
 ne functo , peculiaris exequiarum honos
 præter communem cunctis exhibitus. Aloy-
 fio visus est exhibendus , & de Claudij Ac-
 quauinæ Vniuersi Ordinis Præsidis consensu ,
 capsâ lignea inclusus , providente in posterû
 Deo ne confunderentur eius ossa mortuorum
 catastæ , quæ non diu post fidelium cultui sa-
 cris ariserant exponenda , & à summatibus ,
 omnisque conditionis hominibus summa au-
 ditate expetenda . Incipiente Deo Sanctum
 suum mirificare signis , ac prodigijs honori-
 ficientius haberi cœpta , & varia translatione
 mutata , quoad miraculorum copia , & glo-
 ria in dies coruscante , à Paulo V. Pont. Max.
 Beatorum numero adscriptus est , & sacellum
 constructum , ornatumque elegantet ad os-
 sium , quæ reliqua erant , partem excipien-
 dam , vbi pia deuotione à frequenti populo
 coluntur , & beneficia multa , ac sanitates im-
 petrantur , vt appensæ tabulæ , & splendentia
 anathemata , eorum indices , testantur , non
 Romę dumtaxat , sed alibi per orbem Chri-
 stianum vniuersum ; vbi arę Diuo eri-
 guntur , & profusæ beneficentię fundun-
 tur radij varijs corporum , animorumque
 morbis curandis salutaris ; & vulgatissima
 res est innumeris testimonijs firmata mihiq;
 comperta , oleum lampadum ante eius ima-
 ginem

ginem ardentium presens esse remedium aduersus malorum cohortes, quę mortalitatem nostram impetunt, vt Italia, Gallia, Hispania, Germania, & alię Europę Prouincię experiuntur in dies, vt nihil dicam de Indię, ac noui Mundi Regionibus vastissimis litteris illic morantium, & Nuncijs illinc ad nos vētitantium fide haud dubia, hodieq; cognoscere perseueramus. Nimirum apud nationes omnes gratissima est lilij nostratis fragrantia, & Virginitatis amenitas barbaros etiam demulcet, & ad sui amorem, ac venerationem allicit. Vbique verò Echo polisona responsat voci de tuba aurea Sacre rituum Congregationis Romę dimissę. (Aloysius Iuuenis Angelicus.)

Sed & Martyr ab eadem proclamatur eo videlicet sensu, quo religiosa vita in rigida corporis, animique mortificatione traducta, martyrium à SS. Patribus nominatur.

Huic tam excellentis gratię copię quanta respondeat in cœlo gloria nobis fidei principijs innixis arguere licet; vñ de sponsabus dilectis verbo in clara mentis illuminatione demonstratum est: Fuit hæc Magdalena de Pazzis Florentina Carmelitani Ordinis Sanctimonialis vitę sanctitate celebris, & dono reuelationum admiranda. Nulla abibat ipsi dies, qua non pateretur ecstases, ac raptus ad thronum Trinitatis beatificę, in quo videbat arcana verba, quę lingua eructabat, vt poterat, & amanuenses excipiebant,

ut gemmas, ne cum sonitu perirent digna cedro, & si quæ est arbor cedro pretiosior.

Igitur die quarta Aprilis anni salutis sexcentissimi supra millesimum cum de more raperetur spiritu, & gloriam Aloysij cerneret, in has exclamationes erupit, quæ verbatim adnotatæ sunt, & scripto consignatæ, sicut alia plurima, quæ fari consueuerat; ita illa ad verbum; interpolatim.

O quam ingenti gloria fruitur Aloysius Ignatij filius? nunquam equidem tantam credidissem, ni mihi demonstrasset Iesus meus.

Mihi certo quodā modo videretur non esse tantam gloriam in Cœlo, quantam video in Aloysio.

Afferro Aloysium magnum esse Sanctum.

Habemus in Ecclesia Sanctos, quos illi inferiores esse in gloria ego existimo. (Allusio erat ad sanctos quorum reliquiæ in templo monialium asseruantur,)

Vtinam totum mundum obire possem, profectō ubique clamarem Aloysium Ignatij filium magnum esse sanctum, Vtinam omnibus hominibus manifestare possem gloriam eius, ut Deus in ipso glorificaretur.

Tanta ipsi gloria collata est, quia interna fuit eius operatio.

Quis pretium, ac præstantiam internæ operationis explicet? nulla externæ cum hac comparatio.

Aloysius inter mortales degens apertum os tennit ad conspectus Verbi, hoc est prompto

pto corde, animoque immiffas à Verbo infpirationes fufcepiffe, easque executioni mandaffe :

Aloyfius Martyr fuit incognitus, qui enim te amat, Deus meus, tam excelsum, ac infinitum amabile nouit effe bonum, vt grauius fit ipfi martyrium minus te amare, quam defideret, & quod non ameris à creaturis tuis, fed potius offendaris,

Martyrem etiam feipsum fecit, affidua videlicet Crucis gellatione, ac mortificatione.

O quantum Deum in terris amauit! & ideo nunc in Cœlo fruitur Deo fuma cum amoris plenitudine.


Sagittis petebat cor Verbi adhuc mortalis, & nunc eadem sagittæ in corde immortalis recipiuntur, quia communicationes illæ, & confortia, quæ actibus amoris merebatur iâ plenè percipit ac fruitur, & hæ sagittæ erant.

Ad amouendam verò omnem leuitatis fufpicionem delata ad tribunal facrum vifio est & primùm Archiepifcopi Medicei, qui postmodum creatus Summus Pontifex Leo XI. fuit appellatus, iuffu difcuſſa, ac probata, tum ſucceſſoris eius in Epifcopatu Alexandri item Medicei auctoritate confirmata, inſerta tabulis remiſſorialibus pro Canonizatione Florentiæ quæſitiſſimè deſcriptis, ac demum Romæ typis excuſſa anno 1636. Ac cætero qui ſuum momentum narratio habet à teſtimonio Sanctimonialium: & ab eadem Maria Magdalena, quæ vñà cum illis quæ adſtabant loquenti in raptu, Archiepifcopo ſumma,

Reſertur in
vita eiufd.
Beate ſcrip
ta à R. D.
Vincentio
Puzino p.
p.c.69.

tum humillitate fassa est reuelata sibi diuinitus , quæ de gloria B. Aloysij hic descripsimus , & caruisse illusionum periculo reuelationes eius , cum aliunde constat , tum verò maximè , quòd in Apostolico diplomate , quo inter Diuas refertur , commendantur .

Testimonium hoc cœleste est , illi consonum , quod dedit sacra Romana Rota , vt retulimus ; nimirum admirata singularem prærogatiuam puritatis animi , & corporis , non habuit cui congruentius compararet , quàm Angelis , & illustri titulo decorandum censuit Aloysium **IUVENIS ANGELICI.**



M

Modestia vestra nota sit omnibus hominibus ad Galat. 5.

In omnibus motibus vestris nihil fiat, quod cuiusquam offendant aspectum, sed quod vestram deceat sanctitatem. S. Aug. in regul. 3.



B. STANISLAUS . KOSTKA .
Polonus Societ^{is} IESV .

*Quid pulchrum eius, nisi frumentum electorum,
et unum germanus Virgines . Zach . 9 .*

B. Stanislaus Kostka .

SI cognomen aliud Beato libeat indere, vocetur Dilectus Virginis Beatissimæ : huius nempe delictum fuit, & totæ, ac mellitæ delitiæ Regina Cœli. Dedit orbi hanc rosam amore rubentem, hoc lilium candore nitens, Hunc Hyacinthum odor, in fragrantem Massonia nobilis Polonicæ ditionis Prævincia, & commodavit Austriæ; Romam transmissit Viennæ Austriaci Imperij Regiæ: Roma post breuem commorationem cœlo restituit. In illa parentes habuit Ioannem Kostkam, & Margaritam Kriskam splendore antiqui generis illustres, ac opibus pollentes, Kostouiz oppidi Dominos; & incolas, iuxta nobilitatis morem extra vrbes degentes Ibi ad tertium decimum vsque ætatis annum quàm accurate, ac piè fuerit educatus, mores eius indicauerè, vbi extra patriam studiorum causa dimissus, in exterorum sodalium cœtu versari cœpit, Viennæ videlicet Austriæ, vbi ad contubernium nobilium adolescentum cum Paulo fratre natu maiore admissus; modestiæ singularis, ingenij, ac diligentis specimen constanter dedit; atque vt erat forma eleganti, ac amœna, animo compositus, ac suavis, mirum, quàm magnam inierit apud contubernales gratiam, Cum autem eorum domicilium precario à Ferdinando Imperatore concessum, aliquot post annos dissolutum esset, quod ædes suas Maximilianus repetere,

ret, ad priuata hospitia, & plurimum hæreticorum, ob Catholicorum penuriam, diuertere coacti sunt conuictores omnes. Neque Catholicum nancisci Paulo contigit, à quo seiungi Stanislaum nefas erat. Duplex bono adolescenti in hoc hospitio erat tormentum, feruida hospitis heresis, & frigida germani fides ad mundi hilaria propensi, & malè verbis asperis, imò, & verberibus se excipientis; & maior hoc pœna; quod neutri malo mederi posset. Exercebat nimirum Deus tyronem suum patientiæ velitationibus quem ad prælia maiora parabat: Reddebat benedictionem pro maledictis, honorem pro contumelia, obsequium pro contemptu, quia spiritu iam tum Evangelico imbutus, contumelias beneficia reputabat.

Interim orationi impensè vacare, eique plures noctis horas concedere rebus diuinis interesse, oblectamenta sensus deuitare, ieiunio cilicijs mortificatione varia virgineos artus vexare. Quæ tametsi in abscondito faceret, & secreta vellet; Deo tantum manifesta malens, tanto mentem eius lumine perfundebat, vt abstractus à sensibus sæpè hereret immobilis, & minimè aduertens obseruaretur à circumstantibus Ecstasis, ac vulgaretur passim in Vrbe, quod nobilissimus Polonus pateretur diuina. Idque potissimum, cum sacro relictus cibo se in Christi vulnera sui oblitus abderet:

Inter hæc pietatis exercitamenta immissa ipsi cœlitus est vocatio ad Societatem Iesu, quam

quam ubi multa precatione , & corporis afflictatione probavit à Deo esse, statuit abdicatione saeculo nomen illi dare, & propositum voto firmavit . At ne Arcanum confessorio aperiret , pudor ingenuus per menses aliquot obstabat , quoad desiderij præpotente flamma , fractare cum illo ardentem de ingressu coepit . erant obices amoliendi , & ille in primis ineluctabilis , quod à parente facultas impetranda, & ea non impetrata; neque admissionem à Societatis Præsidibus sperandam .

In hac contentione , & ardore conficiendi negotij fixa cogitatio , & huic addita carnis afflictio , fraternaue vexatio permolestæ , causa fuere ægritudinis non tam periculosa , quàm euentis nonnullis memorandæ . Namque decumbenti obtulit se Monstrum Tartareum sub nigri molossi schemate , oculis igneas scintillas vibrantibus , & rictu diducto , ac profundo hiatu faucium , ceu deuoraturus irruit , certè præfocaturus , si permissus à Dominatore Deo fuisset . Terrere gigantem poterat tetra illa , horrendaque beluæ species , non adolescentem in Dei protectione commorantem . Agnouit ille protinus sub habitu terrifico spiritum ; cane , & angue tetriorem contegi , & sibi præsens inuocatione numinis , & signo crucis triumphalis , bestiam non semel , sed ter insipientem abegit , elusit , ablegauit .

Amœnum , iucundumque, quod sequitur . Intendente se morbo , intendebatur fames diuini panis ; sed quis curasset afferri ? hospes

ne hæreticus : Siquis affuetus porcorum ,
 An frater rerum spiritualium incuriosus , &
 aliò distractus ? Neuter horum , sed sancta
 Barbara suo clienti subuenire prompta. Lege-
 rat pridem in eius actis singulare hoc benefi-
 cium à Dīua suis clientibus concedi ; vt absq;
 diuino Viatico de vita minimè decedant ; ideo-
 que ab illa hora patronam sibi delegit , &
 eam proxima communione sacra rogauit ob-
 nixè , vt in eorum adscriberet numerum ,
 quos tanti muneris participes sua interces-
 sione facit . Tunc igitur venit in mentem
 pristinæ postulationis recordari , eamque no-
 uo seruiore instaurare , euentu sanè foelici .
 Nocte quippè intempesta , familia tota alto
 sepulta somno , vigili ægroto apparent Ange-
 li bini clara luce corusci sacrum panem dese-
 rentes , & cum ijs Sancta Barbara , quomo-
 do si communicaturo præsto esset , & ad di-
 uinum spectaculum expauentem erigeret ,
 confortaretque . Accedunt ad lectum , vnde
 se proripere æger ad pauimentum maluisset .
 Ast summa demissione animi , ac veneratio-
 ne compensans , quæ non dabatur fracto
 ægritudine corpori , poplite inclinato ,
 à porrigentibus hostiam . sacrosanctam
 sumpsit , quo sensu nouerint Ministri
 Angeli , nobis coniectura vix assequi li-
 cet .

Et tunc quidem vitæ auctorem speciebus
 obuolutum sacris de manu suscepit Angelica,
 postmodum verò absque velamine puerum
 Iesum in suo lectulo à Beatissima Genitrice

col-

collocatum amplexu fouere , & suauari meruit , & conclamata salutem momento recuperare ab eo , quem quotquot olim tangebant salui fiebant . Atque vt cumulus beneficio accederet benignissima Parens sub digressum mouit , in societatem filij sui , vt ingressum vrgeret . Additæ sunt currenti alæ , & volabat incunctanter ad Religionis verticē si Prouincialis aures , animumque flectere licuisset . Sed prudentem , & cautum incommodorum præuisorem , haud obsequentem habuit infimis precibus suis . Quid faciat miser candidatus ? confugit ad opem Deiparæ Sanctissimæ , ac inter precandum venit in mentem Franciscum Antonium Lusitanum Sacerdotem clarj nominis , & doctrinæ Ecclesiastæ id temporis in aula Maximiliani Cæsaris ad Hispanos Italosque , quæ erat linguarum peritia , agentem , conuenire , & de sua vocatione , voto , & difficultate à P. Prouinciali sibi opposita certiores facere , si forte modum illam superandi suggerat , vel consiliū in maxima ambiguitate pro sua prudentia præbeat . Facile aduertit vir sapiens , cui iam nota erat adolescentis virtus ex aliorum sermone , agi illum Dei spiritu , & ardorem ingrediendi societatem in corde ipsius succensum ab illō , qui ignis consumens est , & animasse tum contentus ad bene sperandū , in aliam diem responsum distulit , quod Deum ipse precibus consulisset . Stetit promissō , & redeunti Stanislao suasit adire Cassanum Prouinciæ Superioris Germaniæ moderatorem ,

& eo recipere inter suos renuente , in Italiam ad Franciscum Borgiam Generalem Romæ degentem se conferre : fieri vix posse quin alteruter ex ijs Dei seruis , agnita vocatiōis excellentia , post habeat turbarum periculis diuinum placitum , & eo fortasse minorem fore inuidiam , parentumque indignationem , cum intellexerint post longæ peregrinationis labores extorrem adolescentem conuictu , & religione donatum . Arrisit Stanislaο consilium , & capta , quam asperitas fratris offerebat occasione , deposito honesto habitu , viliorē rusticano affinem induit , & summo mane audito sacro , & Eucharistia sumpta , firmat prius emissum votum , & viæ se mandat , certus non redire in patriam , & tamdiu peregrinari , donec inueniret locum à Deo sibi paratum in Societate : Viaticum illi spes in Deo , comites virtutes , dux Angelus , & Sancti tutelares , iter arduum , & facinus audax suo fauore prosequentes , vt indicijs minime ambiguis declaratum est . Statim enim ac apparere Viennæ Stanislaus desijt , frater & hospes transfugio cognito , seu ex litteris à fugiente relictis ; seu ex Maga hæretico indicante viam , quam inierat , vt creditum est ; Extemplo curru equis Sagitta velocioribus tracto insequitur cunctique propius abessent à loco , quò diuerterat peregrinus ; consternati equi concidunt , nec flagro , clamoreue se propelli ultra patiuntur ; stupet autiga hætenus nihil tale expertus in bestijs suis ; mirantur & Vectores , ac horrore pleni Viennam

nam vnde venerant, reuertuntur, Persequē-
 ti interea suum iter Stanislao contigit in tem-
 plum à Lutheranis obsessum ingredi, cui forma
 hæctenus externa manserat priscæ catholico-
 rum non absimilis. Hic cum refici diuino pa-
 bulo expeteret, responsum habuit quale ab
 hæretico expectari, & angere vehementer
 famelicum poterat. Porro suam sortem do-
 lenti, & desiderio recipiendi Christum æstuā-
 ti, rursus vt olim ægrotanti, bini Angeli in
 iuuenili specie conspicui cœlestem cibum
 porrexere, quo mirificè recreatus tandem Di-
 lingam vbi Canisius attinebatur, peruenit
 incolumis. Huic litteras Viennæ à Patribus
 acceptas dedit in manus, quibus de conditio-
 ne, virtute, vocatione ad omnem leuitatis
 suspicionem auertendam præmonebant; ta-
 met si indoles ipsa, & quædam in vultu, ac
 sermone emicans pietas, ac sapientia validius
 testimonium erant ad fidem faciendam Spiritus
 in purissima illa anima diu inhabitantis, &
 ad sublimia prouehentis: Neque tamen pru-
 dentia duxit Canisius illum statim tyronum
 numero adscribere, aut habere delicatè, vt
 ætas, ac educatio nobilis postulabant; Sed
 altiora spectare suetus, consultius fore arbi-
 tratur ad probandam constantiam, virtutem-
 que vernilibus officijs in conuictorum hospi-
 tio tantisper addicere, dum tempus quid a-
 gnati mouerent, ostenderet, & candidatus
 crucis mortificationi paulò post in tyrocinio
 obeundæ, paulatim assuesceret. Huic oneri
 humeros, viresque corporis & animi tam-
 prom-

promptè submitit, vt si Regi cuiusdam opera
 præstanda esset, & tanta hilaritate, diligen-
 tia, studioque, vt in munus vilitate splen-
 deret nobilitas seruientis, & domesticorum
 oculos, ac amorem ad se pertraheret, & ni-
 hil iam desiderari videretur quò minus tyro-
 num Prouinciæ Germanicæ coronæ, tanquàm
 monili infereretur. Sed debebatur Romanæ
 ex æterno decreto, & Canisij consilio, eò pro-
 pendentis, vt amoliretur pericula, rumores-
 que ab affinis impendentes: & libentissimè
 Stanislaus ibat, vt longius abesset à Domo, &
 cognatione sua, & propius à terra Sancto-
 rum, idest Romano solo Principum Aposto-
 lorum, & Martyrum innumerabilium san-
 guine irrigato. Cum duobus ergo sodalibus
 Romam dimissus totum illud iter pedes emē-
 sus, eò peruenit oppido fessus, sed tanto cum
 gaudio, vt defatigationem delicatos artus &
 ante hac illam non expertos prementem,
 comprimere ipse maluisset, quàm fateri. Sed
 ægrè dissimulari potuit, quæ vultui, oculisq;
 inerrans se prodebat lassitudo. Ideoque vt con-
 spectus à Borgia Generali fuit, ac auditus, hu-
 maniter primū exceptus, tū quiescere ac recrea-
 ri iussus quoad vires ex longa peregrinatione mil-
 le ducentorum milliariorū Italicorū quassa-
 tas reficeret. Interim vir sanctus, & singulari
 probandorum spirituum dono præditus; non
 ex litteris modo Canisij, sed ex peculiari men-
 tis illustratione nouit Stanislaum adolescen-
 tem esse Deo in paucis dilectum, & à turba
 mortalium ad excelsa electum, Itaque vt re-
 crea.

creatum vidit à labore quinto Cal. Nouemb, anno 1567. die SS. Apostolis Simoni, & Iudæ festo, ad tyrociniū admisit incredibili sua, & domesticorum lætitia, quæ cumulata est, vt explicare cœpit radios suos virtus non supra ætatem modo tyrōnum; sed supra vulgarem sanctitatem veteranorum corusca.

Vt erant initijs illis tenues prouentus, & incommoda habitatio sociorum in Vrbe, non capiebat domus vna Nouitios omnes, quibus numero non exiguo, insignes naturæ, ingenijque dotes, vel ornamenta alia, aditum vulgo obstructum aperiebant. Aliqui in Professorum ædibus ad S. Mariæ à Strata, in collegio Romano aliquot, maior pars ad S. Andree in Quirinali sub suo quique Magistro ad religiosam vitam instituebantur. In ijs tribus domicilijs fundamenta perfectionis non tam iecit, quam iacta olim in sæculo ita promouere perrexerit Stanislaus, vt consummarit in breui. Verum postrema probationis palæstra domus Quirinalis fuit. Communia illius documenta sunt orationis, ac mortificationis assiduitas, cultus interior quæstissimus, grauitas morum, silentium, tota denique exterioris, interiorisque hominis reformatio. In quibus omnibus cum Stanislaus excelleret, & præiret cæteris, aliqua insuper collata ei sunt diuinitus, quæ aliorum nemini concessa; puta summa in orando attentio ab omni prorsus euagatione libera, & tanta cum dulcitudine spiritus coniuncta, vt totus in Deum colliquesceret, qui.

quin imò quod cæleri nulla ratione poterat ; ita sæpe incalescebat ardor pectoris , ut temperandus linteis frigida madefactis esset , nec nimio æstu suffocaretur ; Idque haud semel à se factitatum narrauit mihi Pater Leonardus Magnanus Taurinensis eius cum conuictus , & Valetudinarij curatoris adiutor . Atque hæc quidem foelicia incendia horis meditationi sacræ destinatis pati solitus erat ; sed alijs quoque extra illas continenter de Deo cogitabat , & veluti naturali impetu absque vlllo labore suauissimè in ipsum ferebatur . In procliui est existimare tanta , tamque pretiosa munerum fluentia à Christo capite per aureum Beatissimæ Genitricis aqueductum in Stanislaum manasse ; cuius in illam amor ac teneritudo non alteri similior , quàm filij aduersus matrem , & matrem sæpe medullitus vocitabat . Huius reuerentia , & obseruantia ab æstimatione metiendâ , quam cognitio excellentiæ Dei parentis , & Cælorum Reginæ pariebat . De ipsius celsitate frequenter cogitare mel erat cordis : de ipsius clementia in genus humanum loqui necesse erat in ore ; & cum sensus intimos magnificis verbis exprimeret , lepor nescio quis fluebat è labijs , quo veluti lacte inspergebatur sermo , & recreabatur auditor : Ingenium in inueniendis ipsam colendi modis exerebat , inter quos vnum gratissimum putabat varias obire mortificationes in memoriam earum , quas sui amantissimi Iesu pertulit passionum , ut hoc etiam nominæ amplior illi potestas à

Magistro fieret consuetas augere corporis afflictationes, quibus fræna laxabat auidè, quomodo si pristinæ culpæ essent expiandæ, à quibus nihilominus immunem diuina gratia præseruarat, à lethalibus videlicet omnibus, à leuioribus etiam ex parte maxima; sed solenne diuino spiritui est per lacrymarum, & afflictionum vada in porrum perfectionis eos prouehere, quos per falsas sæculi vndas incolumes, ac puros scelerum, ad læta Religionis littora adduxit, maioribus donis cumulandos. Ideo cohibendus erat ardor celebres pœnitentes æmulantis, & pro innata generositate assequi posse cum diuina gratia existimantis. Neque tamen eò se abripi patiebatur, vt genus mortificationis vllum inconsulto moderatore subiret, quia obedientiam, & Instituti regulas amissum actionum suarum fecerat, à qua ne latum quidem vnguem aliquando defflechteret. Optabat vehementer vt religiosi status excellentià à mortalibus suo momento penderetur, vel eò maximè quòd Paradisus quidam est bonorum spiritualium thesauris redundans, & perpetua Numinis laudatione, ac seruitute procul à mundi contagio cœlestem Hierusalem referens. Loquebatur de hoc beneficio tam sapidè, tamque iucundè, vt nec lacrymas ipse sistere posset ex intimo sensu eliquatas; nec audientes dissimulare gaudium, quod sua eloquentia pariebat, humilitatis præsertim condita sapore, qua se ineptum Societatis Novitium, & Angelorum, vti appellabat

cœtu, quibus cum versabatur, indignum suæ æstimatione reputabat. Ast æquiori fides habenda arbitrio, virorum sapientum, & grauium, quibus nota erat, penitusque perspecta adolescentis conscientia, & profusa in ipsum diuinæ largitatis beneficentia. Horum, quippe haud hæsitans opinio vna erat, apicem virtutum Stanislaum attigisse, & deesse nihil quod in ipso desiderarent, superesse plurimæ quæ mirarentur. Reliquis etiam admirationi erant quæ singulariter elucebant in ætate iuuenili, prudentia in dictis & factis, mixta hilaritate maturitas, & splendens interdum in vultu nitore, nonnullorum oculis conspicuus, internæ lucis index, qua mens eius Patri luminum arctissimè iuncta radiabat.

Ah quàm cito, amæna Paradisi vireta, ab horto Quirinali vestrum flosculum repetistis. Sed benè est quod super mortalem eius partem terris relictam rogatis hætenus & vestri iuris, vestraque curæ sacras exuias esse ostendere perseueratis. Post decem mensium euolutum circulum à die qua tyrocinium inchoauerat, obiit Stanislaus, vel potius abiit ad Virginum, sequentium Agnum, cohortem, annis immaturus, merito ac sanctitate longè maturior. Piget vocare mortuum, quem non vexauit infirmitas, non cruciauit dolor. non affecit tristitia; Non funesti libitine nuncij terruere. Leuis quædam commotio in S. Laurentij die festo, quem menstrua sanctorum sortitio patronum per Augustum obtulerat, tentare cepit, & paulatim
in

in febrim migravit ; Sed ita leuem , vt non
 nisi de ridiculo mors timeri ab ea videretur .
 Ipse tamen serio bis , terque disertè pronun-
 ciauit fore illam vltimam , quæ spiritui in cœ-
 lum anhelanti aditum factura erat . Ea pro-
 pter optare se vehementer etiam atque etiā
 sacris omnibus Mysterijs , ac precibus com-
 muniri , & impensè flagitare , vt liceret humi
 abiecto ea suscipere , & sic aduentum sponsi
 præstolari , in eiusque sinum exhalare spiri-
 tum : negatum id primum à Rectore fuit ,
 sed iteranti preces eatenus indultum , vt pa-
 uimento culcitra sterneretur , & solatium hoc
 postremum ad superna cubilia properanti
 concederetur Dominum Maiestatis , quem
 Angeli procidentes adorant sub speciebus la-
 tentem , quanta posset humilitate animi ; &
 abiectione corporis venerari . In eo situ vt
 Sacerdotem conspexit sanctum panem præ-
 ferentem , exultauit spiritu , & pallore faciei
 in purpuram verso , refluuit caro eius , vt
 qui ad præsentiam amici longè optatissimi
 medullitus lætantur , ac hilarescunt . Exiguū
 quod supererat spatium inter preces , & pia-
 cum cœlitibus colloquia traduxit , cum Cru-
 cifixo potissimum , cuius effigiem manu te-
 nens , & oculis iucunditatem spirantibus oscu-
 lis impertiebat , à plagis sacris pedum exorsus
 veniam peccatorum ceu si grandia patrasset
 apprecans ; tum ad manus progressus de be-
 neficijs , & singillatim vocationis ad Societa-
 tem gratias agebat , ad latus verò descendens
 cor suum in illo reponebat , & in manus Do-

mini commendabat spiritum suum . Secundum hæc oblatam , quam colere sanus con-
fueuerat , Sanctissimæ Virginis imaginem exosculatus , vt mater esse in ea hora digna-
retur , intimè deprecabatur . Inde ad alios
celestes conuersus præsertim ad eos , qui sin-
gulis mensibus in consueta apud nos fortitio-
ne obtigerant , patrocinium omnium implo-
rauit . Tandem altera manu Rosarium cum
granis piacularibus , altera accensum cereum
tenens leniter inter Sanctissima Iesu ac Mariæ
nomina expirauit , non aduertentibus ; qui
adstabant , migrationis mōmentum , quod
perseueraret viuus in ore color , & in oculis
vigor , nitorque venustas in vultu amænè
renidens , vt pateret non tam morbi vi raptū,
quā nūquam periculosus à peritis medicis erat
habitus , quā coelestis Agricolæ amica ma-
nu collectū qui gratificari Reginae Matri vo-
luit , & eius Assumptionem flosculi sibi ama-
ti donatiuo decorare . Excessit tertia hora
post mediam noctem , qua ex probabili cre-
ditur olim ad Beatissimæ Virginis tumulum
descendisse Christum ; & comitantibus Ange-
lis in Cœlum assumpsisse ; & increbuit rui-
mor haud ex vano ad ipsum pariter non tam
in agone positum , quā in placida expecta-
tione , & suauī collocaione cum aliquo sibi
tum apparente , ad quem hilarem , serenum-
que oculorum intuitum & suorum labiorum
motionem dirigeret . Funus elatum magno
concurſu nostrorum , ac externorum , quos
fata sanctitatis Nouitij ad D. Andream exciuit.

Corpus in arca lignea præter ordinarium morem Societatis conditum , per annos plures integrum , ac incorruptum seruatum à Virginitate , insecuræ reuelationes gloriæ obeunti statim collatæ , & miracula non pauca, quibus permotus Clemens VIII. Pont. Max. peculiari diplomate Beatum vocauit , ac Indulgentiam certam in die obitus concessit Sacellum Beatissimæ Virginis in Polonia inuisentibus : quæ prælusio apotheosis est habita , & incitamentum Paulo V. successori , vt facultatem faceret exponendi Iconem publico cultui in templo Diui Andreæ , cum tabellis votiuus , & lampade, ac facibus collucentibus , indeque manauere initia celebritatis quotannis repeti solitæ solennioris sacri , & Vesperarum de tempore, magno cum populi concursu , & quod maius , Venerationis Beati per orbem Vniuersum , ac præsertim per amplissimum Poloniæ Regnum ; fauetque numen piæ, ac generosæ nationi , quæ digna facta est vt videat renouata suorum sanctorum priscore miracula , sui ope Beati in dies patrata finitatum adeo multarum , vt diligenter adnotata , & per plurium testimonio, ac iuramento firmata in magnum volumen sint congesta , à sacra rituum Congregatione opportune discutienda , cum Sedes Apostolica votis , ac precibus nationum canonizationem postulantium , indulgendum iudicabit .



S. PHILIPPVS

N

*In omnibus operibus tuis memorare
nomina tua, & in aeternum non
peccabis. Eccl. 7.*

Consideratio huius sententiæ destructio est
superbiæ, extinctio inuidiæ, medela mali-
tiæ, effugatio luxuriæ, euacuatio vanita-
tis, & iactantiæ, instructio disciplinæ, per-
fectio sanctimonix, præparatio salutis æ-
ternæ. S. August. in spec. peccat. c. 1.



IOANNES BERCHMANS

*Florate flores quasi lilium et date odorem et fron,
detē in gratiam. Eccl. 39.*

GRates vobis ex Roma horti Floriferi Flādro Belgij, qui collibus eius apricis, amānis, manu cultis, arte expolitis, liliū recens candoris insoliti, venustatis amabilis; odoris super aromata fragrantissimi trāsmisistis. Ioannes hic Berchmannus est Flandrō Belga vester, educatione noster sanctimonia coelitū; cuius vita fusius ab ijs conscripta, quibus cum familiaris conuersatio, fidelissimæ narrationis causa fuit, hic veluti monogrammate proponitur, hē penitus ignoretur à lēctore, cui non contigit historiam lustrare suis distinctam capitibus, & coloribus exarata,

Scriptit vitam P. Virgilius Cepari-
us.

Natus est Diesthemij Brabantia oppido in Belgis III. Id. Martias anno 1599. die Sabbati Ioanne, & Elisabetha Houia parentibus honestis, & pietate magis, quam opibus claris. Ioannis inditum nomen ad lustrales vndas, siue vt auum, ac patre eo referret, siue vt Elisabethæ fieret satis, cui voluptati erat suum. Ioannem habere Præcursori cognominem: siue in destinatis diuinis fuerat appellatio hæc, magni vtriusque Ioannis Baptistæ, & Euangelistæ Virginitate sacra, & tertij huius imitatione decoranda. Habitum pro futuræ lenitatis, & mansuetudinis indicio, quod infantiam fletus immunem pueritiæ, & hanc adolescentiæ à leuitate alienam, rudimentis grammaticæ cultam, & supra quā exp-

cta-

Etaretur à puero pietate imbutam transmi-
 serit : argumenta sunt, quod septennis ad-
 huc eijcere se lecto festinabat summo mane
 ut binis, ternisue sacris ministraret, ut pro-
 ficiendi in litteris opem à Deo impetraret ;
 quod vndennis obtenta facultate à religioso
 viro Magistro, & hospite suo ad sacram Sy-
 naxim accedendi, tanta cum diligentia, ac
 studio se comparauit, tanta cum deuotione
 os, & cor intranti Domino aperuit, excepit,
 gratias egit; ut Angelum spiraret vultu natu-
 ra formoso, & gratia tum decorem augen-
 te, supra humanum elucente. Fructus hinc
 emanauere per plures, confessio piacularis sin-
 gulis saltem hebdomadis obita : donum ora-
 tionis eximium meditandæ passionis Chri-
 sti Domini non ab ullo hominum, neque per
 hominem, sed Deo docente acceptum. In-
 signis affectus erga Beatissimam Virginem,
 & varia ad ipsam colendam inuenta : vanæ
 conuersationis fuga, ut otium, quod animi
 relaxationi, & lusibus à condiscipulis dabatur
 precibus, ac litterarum studio impenderet;
 quod absque eorum offensione fiebat; siue
 quod illi virtutem in puero suspicerent; siue
 quia ipse morum candore, & amabili simpli-
 citate animos omnium demeritis, obtrecta-
 tionibus ex singularitate cæteroqui manaturis
 occurreret; id adnotatum à pluribus, cum
 iam grandiusculus in Collegio nostro Mech-
 liniensi Rhetoricæ daret operam, à no-
 bili iuuentute in honore habebatur, & ad
 consuetudinem, ac familiaritatem expete-
 ba-

batur, ut libentissimis iccirco animis in fo-
dalitium Beatissimæ Virginis obnixè id con-
tendentem admiserint, Neque minùs carus
erat Canonico Cathedralis eiusdem Ciuitatis
cuius contubernio utebatur, quem colebat,
ut Dominum, amabat ut patrem, & à quo
ipse vice versa amabatur, ut filius, non mo-
do ob indolem animi in pulchro corpore
nitentem; sed ob insignem pietatem; quæ
communes adolescentum; etiam proborum
metas prætergressa videbatur. Auxit opinio-
nem dilectionemque casus insolitus, ac me-
morandus.

Ibant uterque simul ad Virginem Aspricol-
lensem, errauere à regia via in semitas latro-
nibus infestas, cum ecce repentina tempestas
fulmine, ac tonitru horrida viatores exteret
ac penè exanimat. Canonicus confugit ad
opem tutelaris Angeli sui comitis: deuolui-
tur de præcipiti rupe saga, quæ mox in felix
figuram versa ad pedes Ioannis aduoluitur,
& oblique eum contuita, subitanea fuga se-
proripit; & videri desinit: cessat tempestas,
insequitur serenitas, & vertex turris Aspricol-
lis apparet: Canonicus acceptum beneficiū
ab Angelo, cui se commendarat agnoscit, &
inconditam illam volutationem ad pedes Io-
annis, haud dubium argumentum suæ in-
terpretationis; & Angeli aduersus ipsum be-
nevolentia proficitur: & sanè familiaritas, ac
seruitus, quæ contemptus plurimum mater
est, æstimationem, ac amorem Ioanni pepe-
tit, qui tamen cælare interna bona cautè

studebat, cœlari externa haud poterant, promptitudo ad obediendum, modestia oculorum, linguæ custodia, in victu temperantia, in studendo diligentia, Sacramentorum frequentia, & in ijs omnibus perpetua frontis hilaritas procul omni leuitate, præter cætera suo confessario duntaxat nota, oratio, humi cubatio, afflictationes corporis, in quibus excogitandis, seruior spiritus acumen mentis erat, vt secreta cruciatus in publico clam omnibus subiret, qualis erat qualibet sexta feria in sacratissime passionis memoriam, succisis calceorum soleis incedere, & sub vesperam varia stationum loca obire fallente oculos alienos superiori tegmine, ac inferiores plantas interim saxorum asperitate, & offendiculis alijs cruentantibus.

A lèctione etiam piorum librorum sibi familiari pabulum pietati parabat eò gratius, quo iucundius ad cor legentis loquebatur Dominus, & erudiebat in lege sua. Plura, quæ habet S. Hieronymus in suis epistolis de mundi vanitate ad religiosam vitam ineundam, impellebant. Quæ de Beato Aloyfio Gonzaga à P. Virgilio Cepario scripta sunt auidè percurrentes inflammari se ad eius imitationem in Societate, sentiebat; vt etiam exploraret diuinam voluntatem, auxit asperitates consuetas, addidit preces prolixiores, bis in hebdomada sacrum panem sumere institit, viginquique florenorum peculium ad vsus occurrentes seruatum in tres partes distribuit. Etiam pauperibus erogauit; alteram Louanium

nium misit pro certis sacris ad D. Petri aram maximam faciendis; Tertiam pro totidem Missæ sacrificijs in æde Beatissimæ Virginis Aspricollensis assignauit. Haud potuit non exorari obsequijs Deus, quippe tam incitata erga Societatem Iesu propensionem immisit, ut non modo fructus quos in Belgio secretos colligit vberes incitamento essent, sed & labores, & quas patitur persecutiones ad eam amplectendam impellerent: quod in ijs perferendis singularem quamdam similitudinem cum suo auctore agnosceret. Non solum igitur nomen illi dare constituit, sed & voto propositum obstringit; & quæ illi exsequendo sunt opportuna prudenter exquirat, & inuenit. Consensum in primis, parentum per litteras exposcit; at illi cætera probi, ac pii, spem domus hoc ingressu excindi, & filij longè suauissimi consortio spoliari se ægerri-
me ferentes, adnisi sunt omni conatu apud se retinere. Nec defuere cœnobitæ, qui rationum momentis agerent, ut scrupulum inijcerent inobedientiæ Deo exosæ, si parentibus, quos ille iussit honorari, immorigerum se præberet; affictos, desolatosque relinqueret. Quos ille laqueos stupeos reputans, nullo negotio contriuit, ac tandem omnibus difficultatibus superatis euolauit ad montem Dei, & in tyrocinio Mechlinensi admissus est. 8. Kal. Octobris anni 1616. ætatis 17. cum dimidio, non minori suo, quam domestico-
rum gaudio, ad quos fama adolescentis virtutis, ingenij, ac excellentiæ inter Rhetores

pridem peruenerat ; se d quæ augere haud raro vulgata solet fama , deprehensa est minime æquare præstantiam , quam consuetudo , ac familiaritas morem ostendit , quam illa sparserat . Statim enim se prodidit , non indoles modo planè aurea ; sed pietas qua veteranos etiam anteibat . Nihil illo humilior , nihil ad parendum promptius , nihil in tota familia gratus , siue cum superioribus ageret , siue cum inferioribus versaretur . Silentij obseruator seuerior ne esset , an cautior in loquendo haud facile iudicabant , qui neutram de ijs apud nos legem violatam ab eo vnquā animaduertere : nimirum cui cum Deo loqui & loquentem audire summa voluptas erat , il libens humanis colloquijs aurem commodabat : inuitus in plura verba , quam opus esset linguam laxabat ; & quia statis à refectione , horis confabulatio ad fouendam caritatem , sanitatemque conceditur , sermo ipsi semper de diuinis , & frequenter eò collimās , vt audientes ad cultum , ac amorem Beatissimæ Virginis , & Virginei Sponsi Sancti Ioseph induceret . Præter tempora orationi , examinibus conscientie , lectioni , sacri auditioni in communi designata , inueniebat ipse sua industria otij quidquam liberi ad peculiare quasdam exercitationes obeundas , inter quas hæc eximia : septies quotidie Sanctissimum Eucharistiæ sacramentum inuisere , ac adorare , & pia lepiditate B. Aloysium Gonzagam . In discessu , sui loco relinquere , dum sibi per occupationes à Sancta obedientia præscriptas redi-

redire liceret, ijs enim adesse potius ducebat
quàm propria voluntate susceptis, etiam si alie
qui sanctis; præsertim cum in actione quali-
bet Deum ante oculos haberet, eique placere
studeret: quem ad finem ephemeridum
quandam sibi confecerat, in qua diei totius
actus distribuit, modumque id præstandi de-
scripsit: & auditus est aliquando asserere iu-
gem hanc cum Deo familiaritatem imperfe-
ctionis cuiuslibet v'tandæ esse remedium op-
portunum. Certè quidem factitari à se quod
dicebat gemino documento constat, quod
viris grauibus, ac maturis satis esse videatur
ad iudicandum Ioannem non modo gradum;
Incipientium tyronibus congruum attigisse
Sed & proficientium superasse, & ad perfe-
ctorum peruenisse: quippe cui Gratia diuina
dederat alas, ad culmè perfectionis facîle euo-
landi. Alterum fuit nouitiorum omnium (&
erant ij vltra centenos) testimonium nihil
omnino reprehensione dignum in eo adnota-
re valentium: cum enim maximopere cu-
peret publicis reprehensionibus coargui, &
exagitari, ac sua errata acriter coram alijs a-
periri, domus præses tyronum Magister ius-
sit omnibus in scheda descriptos Ioannis de-
fectus ad se deferre; & illi quidem morem
gerentes schedulas attulere; Cæterum in
ijs ne leuis quidem noxa, vel næuus morum
inuentus, cuius argueretur; quod magnum
esse obseruationis regularum omnium, hoc
est religiosæ perfectionis argumentum no-
runt quibus perspectus est tyrunculorum ge-
nius

nus ad suspicandum, iudicandumque pronus, & oculus censorius ad minima quæque obseruanda; & nihilominus ex tanto numero, licet dato ad cogitandum spatio, nullus quidpiam in quo laberetur nancisci potuit. Alterum non minoris faciendum est patrum, grauiorum iudicium, quibus insuper voluptati fuit virtutes eius perpendere, quarum actus perpetuò in oculos incurrebant; cumque eas cum Sanctorum, quorum perlegerant vitas, actionibus contulissent, affirmauere nullam illi quidem ætati, statuique debitam virtutem in eo desiderari, quod omnium specimen non ex ardore quodam iuuenili, vt Nouitij assolent; sed ex altè fixa radice habitus infusi, & lupinis prudentie annos superantis emanans edere non cessaret, vt ex tota ipsius conuersatione omni loco, & tempore liquido constabat. Verum instar omnium est Instructoris eius viri sapientis, & in paucis religiosi, encemiù Ioannis superstitis in litteris ad vite scriptorem exaratum in hæc verba, Ita, inquit, semper existimaui atque etiam nunc existimo perpetuò eum respondisse gratiæ vocationis absque omni remissione, aut defectu; semperque inter nos sanctissimè vixisse.

Perfecto omnium nostrum, qui cum eo viximus, quique eum nouimus vna semper fuit sententia, vitam inter nos duxisse Angelicam, magna animi innocentia, agendi modestia, suauitate morum, admirabili honestate, tranquilla viuendi ratione, rerum auspicatarum

con-

constantia, absoluta obedientia, promptitudineque in seruiendo, singulari prudentia, excellenti feruore spiritus, continenter ob oculos posita præsentia Dei instar Angelorum, qui perpetuo sunt in conspectu Domini, verbo vno complectar plurima si dixerò Benedictio Domini super caput ejus, elegit eum Dominus ex omni carne, electo verò dedit præcepta, & legem vitæ, & disciplinæ, circumcixit eum Zona Iustitiæ, dirigens in exacta religiosæ vitæ obseruatione, & deinde magnificauit eum, & falsum fecit eum, & induit eum Dominus Coronam gloriæ &c. Ex quibus manifestè apparet haud falsum fuisse eundem patrem, quando candidatum Societatis examinari à se oportuit de vocatione, ac requisitis ad ingressum iuxta morem, & præscriptam de ijs formulam; testatur quippe visum sibi in primo illo congressu cum Angelo in humano corpore colloqui, & talem reuera à se inuentum, vbi iam admissi conscientiam intimè nouit, non absque admiratione ex insolita, & larga benedictione Dei ipsi impensa quæ vsque ab incunabulis in purissimum sancti Spiritus habitaculum formauit, ornare in tota vita non destitit.

Anno salutis 1618. coronidem tyrocinio imposuit votorum Religiosorum emissionem VII. Cal. Octobris, & Sanctissimi Euchariistiæ Sacramenti sumptione, qua præmissa præparatione coniungi ex præterita narratione potest, quo sensu pietatis, & amoris vehe-

inentia erga Deum ipse nouit, qui largitus
 est cordium scrutator Deus. Inde Romam
 ad peragendum studiorum cursum dimissus,
 collegia cuncta per quæ in itinere diuertent-
 dum fuit odore sanctitatis afflauit ita suauiter,
 ut plerique Rectorum rem christo caram fa-
 cturos se putauerint, si Generali Præposito,
 & alijs quibusdam amicis id litteris significa-
 rent. Laëreti in primis ubi quiescere biduo
 licuit cum deliciari clamculum putaret,
 suæ se cautione prodidit. Nocte quippe na-
 talem Domini diem antecedente, quamuis
 viarum longarum fatigatione fessus, & quie-
 tis egens, obtinuit nihilominus à loci Recto-
 re facultatem surgendi maturius, ut precibus,
 ceremonijsque ritû solemni peragi in eade-
 sancta solitis, interesset, ibi in angulo mini-
 me obseruabili tutum se ratus ab oculis cir-
 cumfluentis turbæ, nixus genibus luminibus
 submissis, immotò corpore, veluti extra se
 raptus, dum longas moras orando trahit, ho-
 minum conspectum vitare haud potuit, iu-
 dicia fallere potuit existimantium vnum quæ-
 dam principum esse, qui ementita veste cæ-
 lare nobilitatem vellet, quam facies decora
 non celaret. Porro ipse diuiniore inten-
 tus in eodem perseuerauit situ quoad auditò
 sacro ad sanctam accessit synaxim, & sinum
 rursus cœlestium consolationum imbrî ape-
 ruit, eoque delibutus maluisset in eodem sa-
 cello viuere, ac mori, ni necessitas aliò auo-
 casset, & obediencia Romam properandum
 monuisset. Quo ut peruenit beneficij quidē
 fin-

singularis loco habuit, & non promiscuè concessi, in Collegio Romano Sapientiæ, & sanctitatis theatro, cum florentissimis adolescentibus ad Philosophiæ studia admitti; Sed & in ancipiti fortè est, imò extra dubium est, maius acceptum à Collegio, quàm datum beneficium, quòd velut Angelum sub humanae carnis schemate in suo complexu fouere, alereque meruit; in cuius, vel vnius viuentis imagine expressum vidit perfectionis planè præcellentis exemplar; quod S. Ignatius in suis constitutionibus Dei digito, vt Pauli III. R. M. oraculi verbis vtar, perscriptis: & ex functi corpore, quòd adseruat, prodire sentit viuas desideriorum scintillas; quibus alumnorum suorum pectora ad sequenda recepta pressa vestigia, percelluntur. Non est instituti mei nec animi singula huc transferre; quæ fusè fideliterque à vitæ auctore scripta sunt: Vt ostendam qualem clientem Virginitas Romæ, ac Societati donarit, satis mihi fuerint testimonia omni exceptione maiora, proferre eorum; quibus Ioannis perspecta conscientia fuit, tametsi nesciam an maius sit multitudinis pondus, in qua sanè copiosa, nullus repertus ex omni ordine summo, mediocri, infimo, qui non miraretur virtutem iuuenis, & sanctum acclamaret. Ordior à P. Cornelio à Lapide cuius laus est in Euangelio, & in reliqua scriptura Sacra, & memoria, apud nos in benedictione ob singulares virtutes, & præcipua Dei dona, quæ propria Perfeكتورum sunt. Huic cum Ioanne, quia frequens,

quens, ac suavis consuetudo erat, quæ notitiam certam eorum pepererat, quæ scripto fusiore testata reliquit, ac iuris publici typorum beneficio sunt facta, quemadmodum, & reliqua illis affinia, quæ patres alij addiderunt. Laudat in eo virginæm verecundiam, candorem, modestiam, taciturnitatem, innocentiam, puritatem, humilitatem, obedientiam, cæteraque Dei munera, ex quibus conficit, quod mores, & actus eius Angelici potius videbantur, quàm humani.

Pater Ioannes Baptista Ceccottus vir integritatis eximie, & interioris disciplinæ magister in paucis peritus, quippe qui procul omnium sæcularium conuersatione in Collegijs Mediolanensi, & Romano sexaginta circiter annos audiendis domesticorum confessionibus, & iuuenturi instruendæ in spiritu sedulam dederat operam: hic inquam biennium quod exegit Ioannes in semoto iuniorum contubernio quod Secessum dicimus, versatus est, cum ipso familiarissimè, & non in Sacramento dumtaxat, quo horæ piantur; sed extra illud sæpius ubi conscientiæ ratio redditur multa nouit, quæ tacitus secum miraretur, præter illa, quæ palam laudabantur ab omnibus. Quale illud est non contigisse sibi toto tempore, quo conscientias direxerat quæmpiam notuisse maiori puritate, & candore nitentem, & obseruasse in eius anima, prærogatas supra vulgarem probitatem excellentes: Communibus etiam bonis ac feruentibus religiosis caruisse peccatis, leuif-

simis dumtaxat obnoxium, sine quibus humana vita à mortalibus non transigitur, ijsque perpaucis, ac non omnino deliberatè admissis, quod à Spiritu sancto animam illam dirigente recognosci par est; sicut & vigilantiam, & custodiam, qua sensus, & cogitationes in officio continebat tanta constantia, ut nunquam nisi in melius incæpta commutaret. Perfectionem in regulis nostris descriptam, quæ summa est, ac Apostolica, illum affecutum, neque visum à se aliquando, qui eas accuratius observaret. Tanquam Angelum Paradisi communi existimatione habitum, ab omnibus dilectum, & diligentem, omnes, neque in villo vitium aliquod vñquā notantem: Deesse sibi verba ad exprimendam pro merito puritatem angelicam innocentissimi Iuuenis, & gratiarum thesauros, quos in eo deprehenderat; ut iccirco non ex vano censeret columbinam animam recta in Cœlum conuolasse.

Accedit P. Thomas Massuccius Philosophiæ, ac Theologiæ olim lector, & editis de cœlesti conuersatione, ac vitæ sancti Pauli Apostoli voluminibus mundo notus. Is præfectura rerum spissualium fungebatur in Collegio Romano tum, cum Ioannes absoluto bienio, de superiori semota contignatione descendere iussus est, ac proinde suæ curæ, demandatus, ut eius propterea testificatio tanquam docti hominis, & oppido religiosi, probique, plurimi sit æstimanda. Verba istius sunt: Iuuenem nullum post Beatum

Aloysium Gonzagam, quo eum vixi, ac familiariter egi ultimo vitæ eius anno in Romano Collegio, spectabiliorem, conscientia puriorem, & perfectione excellentiorem hoc Ioanne nostro noui &c. Ascendisse ad cor altum non contentum mediocritate: excellentiam spectasse in virtutum, & studiorum profectu ad Dei gloriam & salutem proximorum. Ad hunc finem adhibuisse tanquam medium regularum obseruationem, quarum ne minimam quidem vnquam deliberatè violauit: in quo religiosa vita eius sæculari respondit diuinæ legis studiosissimæ, & omnis letiferæ labis experti; imò & venialis plena deliberatione contractæ. Proinde tria vota religiosa exanimè seruasse, neque aliquid vnquam reperisse de quo se accusaret, ne motus quidem carnis inuoluntarios, aut spectra nocturna quiescenti illudentia, quoniam mens rerum cœlestium imbuta formis, & diuino ardens amore locum ludibrijs etiam in somnis non reliquerat. Ex meditationibus quotidianis adeo clarum lumen ac feruorem ad reliquas diei actiones retulisse vt videretur in ius transisse gratiæ à virtutis fœmita errare non permittentis & id generis alia. Accedit magna testium grauissimorum nubes, adhuc viuentium, quorum alij insignem Sanctissimæ Eucharistiæ cultum, ac venerationem memorant, quam quoties per superiores licebat præter consueta tempora deuotissimè sumebat; Alij tenerum, fortem, ingeniosum erga B. Virginem, amorem prædicant;

ad

ad cuius cultum propagandum natus videbatur, cuiusque auxilio acceptum referebat quicquid boni in vita accepisset. Noules quotidie repetebat (Beata Viscera Mariæ Virginis quæ portauerunt æterni Patris filium, quod mensibus videlicet gestauit in utero puerum Iesum) Nulla dies abibat illi quin horas eius, ac litanias recitaret, præter alios multos modos ipsam colendi, quos ingenio vegeto amor, & pietas suggerebant.

Ad hæc sanctæ Paupertatis tam feruens amator, ut nihil præter Beatissimæ Virginis officium, Rosarium, & regulas apud se retinuerit, aut concupiuerit, oblatum ve accepit. In victu atque vestitu tum belle secum agi putabat, si deteriora darentur. Obedientiæ summum attigit apicem, & religiosum gestis exhibuit, quem S. P. Ignatius in aurea sua ad Lusitanos epistola coloribus planè celestibus expressit, & hæc vota bis quotidie mane, & vespere renouabat.

Auget fidem externorum opinio, & vulgata per Urbem Iuuenis fama: etenim cum parere quotidie in gymnasij, & in templis sæpe orare oporteret, non raro etiam ad Catechesim in plateas exeundum, trahebantur multorum oculi ad eum contemplandum, radijs quibusdam gratiæ ex vultus, & corporis compositione micantibus, vnde curiositas manabat sciendi quis, & cuius esset; inde beneuolentiæ aduersus illum suavis quædam affectio, & virtutis effusa commendatio Angeli cognomentum, vel Alterius B. Aloyfij

spirantis imaginis effecerat . Nec deerant qui affirmarent ex eius aspectu repressum calorem in venis gliscentem , & ad praua compellentem . Sat sermo intrebuerat pulchritudinem faciei , quam suo purpurisso modestia pinxerat , libidinis esse amuletum & stimulum honestatis : certè à tyrociniis vsque mirabantur domesticorum , per plures , quod oculi eius nescio quid superhumanum spirarent , quod intuentium corda ad pietatem incitaret , & in Collegio Romano exclamabant tacite plerique , foelicem te qui Angeli instar de Cœlo lapsi ad nos tuo exemplo excitandos venisti ; & cum lacrymis teneritudinis fitebantur , cum viderent Ioannem , excitari in suis præcordijs amorem cæstitalis . Fuit hoc insigne Sanctissimæ Matris priuilegium petenti concessum forma quadam , ac numero angelicarum salutationum ad illud impetrandum quotidie vsurpata . Sed nunquam alias luculentius hominum de Ioanne eximatio innotuit , quàm cum viuere desijt inter nos , & ad meliores migrauit .

Peraçto namque examine de tota Philosophia solemni formâ , quâ quotannis pro Metaphysicis instauratur , cum summa ingenij laude , & iudicum omnium approbatione lectus est ad theses ex vniuersa philosophia propugnandas . Atqui vt erat maiori Dei gloriæ semper intentus , & sui oblitus , vel contemptor , consuluit post porrectas Deo preces confessarium suum , expediret ne ad Dei honorem recusare , & omni conatu , non au-

tem perfunctoriè ac onus hoc, honorèue recusare : an potius silere , & quod imperabatur, sine recusatione exequi. Hoc secundū (reposuit ille) eligendum puto , atque ut cōsigitare de recusatione definas tibi suadeo. Acquieuit illico obediens Iuuenis ; & VIII. Idus Iulias ann. 1621. publicè theses ; defendit , & perfectam Scholastici Societatis imaginem sancta modestiæ eruditione exhibuit. Respirare ab ea functione consuetum est ceteris ; & fræna contentionis studiorum relaxare , quæ per triennium reducta tenuerant rigor ad metam scientiæ , & rerum naturalium cognitionis intentus ; Ast Ioannes in eodem vitæ tenore perseverans quod supererat otij à litterarijs exercitationibus ad finem philosophici cursus remittentibus , totum ad spirituales transferbat , in ijsque ita se deditit, ut abstractus à terrenis veluti peregrinus incederet , & maximo desiderio arderet moriendi , & esse cum Christo ; quæ prima fuit sponsæ vox ad nuptias Agni in Cœlum iuicantis. Altera paulo clarius vocasse visa est pridie Cal. Augusti in fortitione sanctorum postrema cuiuslibet mensis die fieri solita ; tunc videlicet obligit cuncula Ioanni verbis salutatoris inscrip̃æ , Videte , Vigilate , & orate ; nescitis enim quando tempus sit . Simul vox schedas diribentis sacerdotis insonuit , simul spiritu interius sonante didicit moneri se instantis resolutionis suæ , neque gaudium ingens inde conceptum dissimulauit ijs quibus cum animi secreta communicare sueuerat

tam asseueranter moritarum se breui affir-
mans, vt cœlitus ipsi reuelatum crederent.
Paulo post Nonis Augusti Beatissimę Virgini
ad Niues sacro leui morbo correptus est, qui à
generoso athleta neglectus emerfit in febrim,
& lecto, affixit, ac inde ad sepulchrum aman-
dauit. Infirmitatem, ac mortem euenta
aliquot pretiosam reddidere. Primò quidem
prædixit non semel abeundum sibi, & quidē
citò ex hoc mundo, & alijs salutem non de-
sperantibus, alijs longiorem fore ægritudinē
arbitrantibus, ipse familiari fratri à latere
non discedenti clarè, & absque vlla ambigui-
tate fassus est postridie mane sibi moriendum.
Atque ita vt prænunciauit enenit. Deinde
coniectantibus aliquibus ex ipso morbi gene-
re non amissurum linguę vsum, nisi cum vi-
ta, & de hoc inter se susurrantibus, Ita est,
inquit, Ioannes, sensibus integris, ac loquens
moriar, quod à Deo impetrasse non dubito;
& in hoc mutatum votum decedendi in ca-
stris inter labores iuandi milites, qui in
Belgio contra hæreticos pugnant. Atque hic
quoque non esse falsum recuperata loquendi
facultas ostendit, quam per horas ferme qua-
ternas violentus paroxifinus abstulerat. Ad
hæc Rectore Collegij Sacris operante, & sa-
nitatem Ioannis ardentè à Deo deprecante,
dixit assidenti sibi Patri Fracinsco Piccolomi-
neo cum Magistro suo, & deinde post om-
nes apud nos magistratus ad summum eue-
cto, P. Rector modo pro me luctatur, vt al-
ter Iacob, cumque à templo recta ad ipsum

visendum venisset, Ego, inquit, tantillum
 cum Domino sum conquestus, mi frater,
 quod immature nimis te nobis eripiat: Cui
 ille subridens nil respondit. Eodem die semel
 iterumque eidem Patri innuit nequicquam
 renouare Rectorem matutinam postulatio-
 nem, & oppugnari se quidem valide ab ipso,
 sed tandem cessurum voluntati diuinæ; quod
 cum Rectori retulissent aliqui, factus est in-
 tercessorem se egisse non frigide pro vita Ioā-
 nis apud Deum; nescire tamen quomodo,
 quod secreto factum fuerat illi innotuisset.
 Ast in promptu erat existimare animæ illi
 purissimæ prophetiæ lumen adblandiri, &
 pauca quæ numerauimus manifestare tam-
 quam dilectæ sponsi mox venturi, & ad vi-
 sionem beatam deducturi. Sacerdotem fa-
 miliarem rogauit adesset sibi nocte pugni
 contra Dæmonem destinatæ; Magistro item
 suo dixit Pater hac nocte luctamen instat,
 quod tertium etiam Valetudinario signifi-
 catum voluit, vt pro se Dominum precaretur,
 & re vera ingens certamen cum eacodæmo-
 ne, permissum illi à Deo, vt ex vultus turba-
 tione, & responsis ad accusantem liquido co-
 gnitum est, quorum postremum fuerat, Ab
 Satana non timeo te. quam dimicationem
 nequam spiritus paulo post instaurauit, de-
 nihilo accusans, vt perterrefaceret; sed nullo
 negotio abactus est à pugile in nomine Do-
 mini. & radijs serenitas menti, & cordi gau-
 dium de vicina morte. Vulgaria fortasse
 quis reputer animi æquitatem, ac læticiam
 hanc

hanc qua de manu Dei veluti donum clemē-
 tiæ eius ægritudineti recognouit : laudes , &
 gratiarum actiones , quas secum ipse , & co-
 ram alijs reddere non cessabat ; perpetuam
 cum ipso vnionem , suauissimas cum Beatif-
 sima Virgine , & Cœlitibus alijs colloquio-
 nes , ingens desiderium Sanctissimæ Commu-
 nionis , obedientiam erga Medicum , & sui
 corporis curatores , modestiam , hilaritatem
 comitatem , qua se inuisentum turbam exci-
 piebat . quæque ijs similia , veram religiosi
 ægrotantis formam repræsentantia ; Ast mo-
 dus , ac pietas singularia reddebant , qualia
 in insignibus Sanctis de vita mox discessuris
 minimè vulgaria iudicamus . Id etiam omit-
 ti non debet , quòd cum Viatico muniri sua
 sponte postulasset , rogatum P. Rectorem vo-
 luit , concederet culcitram super paginamento
 æterni , & veste Societatis induto panem vi-
 tæ sumere , & mori ; nimirum affluenerat ve-
 stem prins exosculari ; quàm induere , & erat
 osculum illud medullitus fixum gratitudinis
 index pro beneficio vocationis , & gratiarum
 actionis pro illo debitæ , & ad mortem ,
 vsque continuatæ . Accurrebant inte-
 rim frequentes ad valetudinarium Patres , fra-
 tresque , qui viso spectaculo illo , auditisque
 vocibus Iesum , ac Mariam inuocantis , nec
 dolori parcere , nec lacrymis temperare po-
 terant . lætus erat vultus , & vniuersis circa
 plorantibus solus ipse ridebat (ait S. Hieron.
 ep. 3. de Nepotiano) & hic noster lætabatur
 mox in domum Domini iterus fide ducere ,

& comite caritate, quarum actus totius vitæ cursu exercitos renouauit ardentissimè in morte: cum Sacerdote hostiam digitis tenente magno amoris impetu dixit. Protestor hic esse verum filium Dei patris omnipotentis, & Beatissimæ semper Virginis. Protestor me velle viuere, & mori verum filium Sanctæ Matris Ecclesiæ Catholicæ Apostolicæ Romanæ. Protestor me velle viuere, & mori verum filium Beatissimæ Virginis. Protestor me velle viuere, & mori verum filium Societatis.

Quibus affectibus suauior, sortiorque fuit insequens, quo in sinum virgineum demisit angelicum panem, & diu iunctis ad pectus manibus, corde in Christi latere reposito intimis colloquijs agebat cum illo, & tenerima iucunditate colliquefcebat. Interim intendente se morbo non remittebat deuotio, cum modis alijs, tum hoc potissimum se se prodens, quod crucis Sigillum, Rosario, è collo detracto obuoluit, pristino retento more, quo incolumis cubitum concessurus circumdare assueuerat; tum regularum codicem, in quo etiam scholasticis præscriptæ conuenerant, postulauit, ac allatum Cruci, Coronæ applicuit, & fasciculi instar manu apprehendens Hæc, inquit, sunt tria mihi carissima, cum his libenter moriar, & osculatus pectori admoquit, hæc post certamen memoratum cum Demone, repetens rursus illa esse sua arma, in sua cuique laude tribuenda eloquens in difficultate loquendi fuit: Cor

rona verò precatoria rursus iniecta collo librâ regularum cum aperiret incidit in formulam simplicium votorum, eamque recitare verbatim delectationi habuit.

Properabat mors Domino vitæ seruiens, & eius aduentum præuertentes domestici quique ac externi primæ etiam notæ non pauci videntem videre Ioannem, ac audire loquentem peroptabant. Hi monita vitæ petere, illi commendare negotia in cœlesti curia, plures benedictionem poscere, omnes preces efflagitare, Sanctissimæ Triadi, & Beatissimæ Virgini offerendas; ipse cunctos solari, salutis, ac perfectionis consilia dare, fidem quin etiam ad orandum pro ipsis Dominum obligare; morosum se dumtaxat in benedictione impertienda flexis etiam genibus deprecantibus, exhibere, quod ætati suæ minus decens iudicaret. Vox vna de cubiculo exeuntium erat. Repetit Cœlum Angelum terræ commodatum, vltius illum possidere nequaquam dignæ. Pari cum pietate extremæ vocationis Sacramentum petijt, & excepit, non animum modo, sed etiam corpus parare, ob summam reuerentiam curauit rogato Infirmario, vt pedes sacro oleo insungendos ablueret, in quo postremo officio hilaritatem vultu præferre, Sacerdoti preces præeunti promptè respondere, ijsque absolutis petere à præsentibus, vt preces alias, secum recitarent; insigniter affici, affectumque erga Beatissimam Virginem patefacere cum eius titanz percurrerentur, ipsam suam dilectissimam

matrem inuocare cum filio Iesu, & Co-
 litibus alijs, quoad Idibus Augusti añ. 1617.
 quæ feria sexta erat mane ante horam 13. pñ-
 rissimam animam reddidit Creatori, annos
 natus duos, & viginti, menses quinque, de-
 fixis in Crucem oculis, quam manibus vna
 cum Rosario, & Regularum libro arctè com-
 plectebatur. Et mansit aliquandiu color, &
 serenitas quædam vultui, qualis viuenti in-
 erat, vt gratulari videretur animę foelicitatem
 suam.

Attinebantur id temporis Professores in
 sua quique classe, & prælectione, cum repen-
 te mæstus Nolz sonitus excessisse Ioannem,
 admonet: Tunc enim uerò plerisque omnibus,
 præsertim scholarũ superiorũ magistris mors
 iusti, vt intimi doloris, ac lacrymarum causã;
 ita & argumentum obtulit digrediendi ad lau-
 des eius, & auditoribus cupiditatem iniecit
 videndi corporis, & honorandi. Eapropter
 vulgato per eosdem, adolescentis pro Angelo
 habiti interitu, confluxere ex vrbe ad funus
 tam frequentes omnis conditionis homines,
 vt se comprimerent, ac pene suffocarent.

Nullus erat qui non tentaret aditum ad ma-
 nus osculandas, aut pedes, & eo progressa,
 deuotio est, vt non modo flosculi quibus ca-
 pulus erat inspersus, carperentur; sed crux
 inter manus emicans, Rosarium dextræ ap-
 pensum, pileus, crepidæ surreptæ sint; tum
 vestes dissectæ serme ad nuditatem, imo ne
 que parcebat religiosa populi auditas disse-
 ctioni carniũ, ni per vim subtractum falsi-

set, & in sacrarium delatum cadauer. Ast promiscua turba dilapsa deferendum rursus fuit aliquoties in templū, vt satisfieret votis Illustrissimorum virorum, ac foeminarum, frui aspectu illo exoptantium; & horum, haud exiguus erat numerus, qui & oscula figere, & coronas, anulosq; carnibus admo- uere, & reliquias petere Sancti adolescentis non cessabat. Certe in tanto concursu, & im- pectu multitudinis præcisus vestibus, vnguibus, capillis deprehensus pes est digito carens mox alijs cariturus, si fallere oculos custodientium manus, quidæ valuissent: sed & e cubiculo re- cula vsuariæ à domesticis vsurpatæ ceu eius contactu, ac vsu à profanis distinctæ, ac pre- tiosæ. Inter has inuentum monile instructio- num spiritualium ad amissim disciplinæ in- terioris in constitutionibus, & regulis nostris traditæ. Hoc tanquam appendix vitæ à P. Ce- perio descriptæ appositum, sapientiam indicat & castos sensus immaculatæ ætatis in adole- scente, quæ quidem altior, quàm vt à vul- garibus religiosis ad praxim reduci queat: sed reducta à Ioanne fuit, qui ita vixit vt scrip- sit, quia viuere, & scribere vt dilectus disci- pulus ei eo didicit, qui est via, veritas, & vita, quo cesset admiratio intuentis lu- cem radiantem in iuvene, quæ illum etiam maioribus Ecclesiæ sideribus æquabat. In- clusum corpus est lignea arca, infixaque la- mina plumbea nomine eius insculpta, & pri- mum in recenti sepulcro aræ B. Aloysij, tum in communi, vbi idem Beatus aliquot

annis iacuerat . Eo religiosa pietas multorum
 præsertim Nobilium inuitante sepulchri San-
 ctitate conuenire quotidie occœpit , flores ,
 herbasque odoriferas spargere , lumina accen-
 dere , votiuas tabellas beneficiorum indices
 appendere . Neque Romæ dumtaxat , sed
 alibi per orbem dissipata Sancti iuuenis fama
 ad eum colendum , inuocandumq; gentes in-
 citauit : Et cum ipsa non superessent in-
 tam multos distribuenda , incunculas procu-
 rauere , haud absque ingenti incisorum lucro
 è quorum officinis ad myriadas multas em-
 ptorum copia exportauit . Visa pariter , &
 Miracula tam multa insequébantur, vt Greg.
 XV. iussu examinata , & approbata sint . Sed
 reseruanda eorum , & aliorum narratio est
 temporis , quo Sancta Sedes Apostolica de cul-
 tu eius publico aliquid statuatur , ad quem pri-
 uatim à singulis exhibendum spiritus , famu-
 li sui sanctificator , impellit quotquot vitam,
 & acta eius paulò attentius perpendentes, pro-
 bè norunt dignum esse & ipsum Angelici Iu-
 uenis appellatione , merito Virginitatis pror-
 sus illibatae , & præiudicio integerrimi Tribu-
 nalis , olim vti ipse est , legitimè causam di-
 scussuri .



O

Filij obedite parentibus vestris in Domino. ad Ephes. 6. si coniugas obedite in Domino, & intelligas de parentibus carnalibus, obediendum illis secundum legem Domini iusta precipientibus. Si vero cum parentibus in Domino, hoc est qui genuerunt in Domino sensum restringis, utrique obedientia conuenit illud S. Gregor. l. 4. in 1. Reg. super hac verba septem diebus expectabis me.

Victimæ sunt obsequia obedientium, quia cum hominibus pro Deo subiicimur, superbos spiritus superamus. Cæteris quidem virtutibus Demones impugnamus, per obedientiam vincimus.



Antonius Maria Vbalдинus Comes
Virginitas vi mortis potentior. S. Nissen.

Antonijs Maria Vbaldinus.

Adeste liberalis iuuentus Romani Semina-
rij conuictorum, & quotquot per Or-
bem sparsi in Ephebeis virtuti, & Sapientiae
Sacris, in viros probos, & doctos adolescentis.
Comitem Antoniũ Mariam Vbaldinũ olim in
vestris hortis, inter vestros flores vernatem, ad
virgineos translaturum coetus, sequi Agnum, vt
piẽ credimus, ac partẽ partheniẽ festiuitatis
esse, honori vestro ducite, & æmulari disci-
te. Non est animus à familiæ antiquitate
inter Sicambros olim principalis, & postmo-
dum in Etruria, & Vmbria, omnis gloriæ
splendore florentis, contubernalem vestrum
commendare: sed Christianæ virtutis, &
honestatis supra totam nobilitatem æstima-
tione præferendum exemplar proponere, in
quod eò libentius oculos intendatis, quò re-
centior eius est memoria, conuictus similior
vita, & mors illustrior. Neque vos moueat,
quod cum ministris sacris inducitur, qui ne-
que ordine vllò ecclesiastico initiatus; neque
religioso addictus, diem obiisse, cœu de sa-
cularibus vnus visus est. Etenim vt à fine
vitę initium ducat oratio, in optatis haben-
tem ingredi Societatem nostram, febris inua-
sit, vel hoc nomine minùs molesta; aut etiã
grata, quòd spem à valetudine longius dila-
tam accelerauit; nimirum cum inualesceret
in dies, & timorem non vanum mortis affer-
ret, institit eger per se, perque amicos pre-

Edita vita
Romæ à P.
Icobo Bi-
derm. lati-
nè, & ab a-
lijs Italicè.

eibus sollicitare Præpositum Generale Mutium Vitellescum, hoc postremum solatium morituro non denegaret, ut quod diu optauerat, petieratque, socijs adscribere dignaretur, ne decedat inauguratus, nec alio tumulo mortui corpus conderetur, quam quò tyrones condi consueuere, quos propediem in cælo visendos à se præfagiens animus minime ambigat. Annuit postulatis bonus pater, cui pridem nota erat indoles planè aurea, moresq; adolescentis optimi, & ex candidato tyronem fecit; atque ut eumulatus beneficium foret, non modo veste nostratè indui; sed & vota tria nuncupare concessit, quo modo concedi plerumque solet ijs, qui ante absolutam biennij probationem, totos se Deo deuouere ardenter optant, & tempus legitimæ emissionis anteuertunt, qua verè in corpus Societatis cooptantur, & Religiosi nota insigniuntur. Vix non conualuit ex læto Nuncio ægrotus, & actis per internuncios Generali gratijs, ut maiori cum apparatu diem festum, ac sibi faustum ageret, rogauit facultatem sumendi postridie Sactâ Eucharistiâ, ac impetravit; cumque cubiculum Valetudinarij in quo facebat, splendide venturo Domino ornauissent, & plurimi Sacerdotem Hostiam Sanctam deferentem comitarentur, ad eius ingressum profundè veneratus è cubili, qui surgere, & humi se abijcere, ac adorare maluisset, datam sibi Votorum simplicium formam diserte, pieque recitauit, & sacrum panem incredibili cum reuerentia, ac pietate

te fumpfit, vt continere lacrymas præ tene-
ritudine nequiret corona adstantium, quam
faceffere tamen omnino decuit ne delibuti
gaudijs intimis delitias, & fuauia cum fuo dī-
lecto colloquia, fufpiria, oscula crucifixo li-
bata inter turbaret. Vt indultum ijs abundē
fuit. Iam, inquit, o me foelicem, Nouitius
Societatis fum, apage hinc vestes & totus
habitus ſæcularis, & auferri ex oculis iuffit
tanquam ꝑrofanas, tunicam verò vilem,
qualem Nouitij induunt infimis precibus im-
petrauit, & quādiu vixit, vel in humeris,
vel ante oculos retinuit delectatus ſubinde
exofculari, tanquam rem pretioſam, & diū
multumque deſideratam: quin & induſſum
veſti conſentaneum ſibi deberi ſui curatoribus
ita ſuaſit, vt perſuaſerit; tertē precibus im-
petratum extemꝑlō induit, abiecto ſubtiliori,
quō hætenus uſus fuerat: cum habitu nouo
etiā hominem nouum induit, non quod
veterem eſſet exuendus, qui ſtolam innocen-
tiæ non exuerat, ſed quod ē probo Cōſuieto-
re Seminarij in eximium Societatis Nouiti
gratia iuuante migravit; & Veteranum præ-
tulit patientia in morbi moleſtijs perferendis,
humilitate in ſui demiffione, caritate erga
Deum, & Cœlites ſui patronos, præſertim
B. Virginem, Sanctum Ignatium, & B. Aloy-
ſium Gonzagam, in amore erga proximos in
hortatione ad contubernales, & fratrem
natu maiorem inuiſentes plena feruoris habi-
ta; in deuotione, qua poſtrema myſteria
petijt, & ſuſcepit; in morte ipſa, quæ ſan-
ctiſſi-

etissima inuocantem nomina, & ad Beatæ Patriæ fontem anhelantem non falce demerere, sed placidè complecti visa ad meliores transiit, & partem mortalem vestibus religiosis amictam, ac loculo in D. Andree ad Quirinalem conditam verecundè habuit, ne leuiter quidem virginis artubus violatis, ut deprehensum post menses octonos à sepultura est.

Fuit funus eius religiosè magnificum. Iusta soluta in templo D. Andree ritu apud nos solemni, ex hoc solemniore, quod numerosa Seminarij iuuentus tyronibus immixta, & modestiæ æmula, pars esse auidè voluit officiorum, quæ carissimo Conuictori præstabantur. Neque hoc contenta, paulò post aulam domesticam sanè amplam lugubri aulaeorum operimento vndique tectam, emblemate, & carminum varietate exornauere, quæ sancti laudes narrabant. Atque ut muta encomia viuæ vocis spiritu animarentur, in paratum suggestum adolescentes bini dicendi facultate, & gratiæ præstâtes cōscendere, quorū alter soluta, alter adstricta numeris oratione sodalis laudes persecuti sunt, quas parietibus affixa elegidia oculis subijciebant frequentissimæ, nobilissimæque coronæ etiam externorum cōconfluentium. Inde sparsa per urbem, & per Italiam raræ in ea ætate virtutis fama, fructus peperit pietatis eximios, in adolescētibz potissimum imitationis desiderium, & honestatis amorem: subsecuta veneratio est, & querendi studium res eius vsui addictas, flagella

gella, catenulas ad teneri corpusculi castigationem olim admotas, quæ manifesta fuerunt argumenta opinionis, quam superstitem reliquit apud notos, ignotosque sanctitatis, & gratiæ divinæ singulari favore Vbaldinam pueritiam, & adolescentiam prosequentis. Idque præcipuum caput fuit, quò tota laudatio publica perorantium, & priuati sermones effusè celebrantium virtutes eius spectauere: Cum enim communes metas proborum adolescentium longè excederent, & admirationis ansam paulò curiosius obseruantibus præberent, eò tandem causa insolentiæ referenda, vnde omne donum optimum in genus humanum deriuatur, in beneficentiam videlicet summi Numinis, cui excipiendæ nulla ætas, nulla conditio non est idonea, si impertiri velit. Ab hoc fonte manauere riuus quibus prima ætas rigari cœpta, flores sanctarum cogitationum, & salubrium consiliorum fructus peperit: nimirum oborta lux matutina, meridianæ præuia, vitij fœditatem patefecit, & Dei timorem adeo altè impressit, vt leues etiam offensas reformidaret. Ad eum tuendum, augendumque prædici studium, & vsum Sacramentorum adhibere instituit, non tam externo piæ moderationis, quàm interno Sancti Spiritus ductu, qui suū clientulum per vias rectas longè à distortis puerilium ineptiarum prouehere gaudebat. Exomologesi extergere labeculas animi, tanto dolore, timoreque quantus in criminoso satis fuisset ad grandes noxas expiandas. Ad

Sacram Synaxim accedere non antea per maiores licuit, quàm duodecimus subiret annus. vt semel Epulum Coeleste gustauit, esurire coepit adeo ardentèr delicias eius, vt non modo in menstua, quæ concedebatur, communionè; sed in quotidiano sacro dum eleuabatur hostia Sacrosancta temperare, haud posset lacrymis vbertim per ora fluentibus, & quod in pusione mirabantur parentes, nec inhibere audebant, qua die cibo sancto reficiebatur, amarus illi profanus erat; & præter buccam cibarij panis, nihil degustabat; reliquas prandium cæneque dapes, cum bonae ipsorum venia pauperibus erogabat. Qui rigor abstinentiæ suauior illi erat epularum lautitijs, ideoque toties repetebatur; quoties subtrahere se arte aliqua poterat communi mensæ, & sæpiusculè venationis obtentu, quo rigidum ieiunium tota die continuatum obtegebatur. Illud certè cælari, haud poterat, quod accumbens cum domesticis, escas deliciores respuens, viliores eligebat, & vniuersim à sensui amicabilibus, & ludicris, ad quæ pueri naturæ feruntur impetu, ipse pueros, & sane maior gratiæ impulsu refugiebat: ad aspera vero, & amara spontè, libenterque properabat.

Blanda quædam seruorum obsequia nobilibus Ephebis exhiberi solita seuerè respuebat, & mirabantur serui, quod cum tota familia in hyemis rigore thermoclinijs ad arandum nocturnum frigus vteretur, ipse nec foculum sibi supponi, neque lectulum calefi-

eri sustineret. Magis adhuc mirandum videtur; quod tenellus in suum corpusculum, ageret seuerum vindicem, & terga verberibus, latera quæ cinctu ferreo, quæ scilicino vexaret pœnarum auidus, & culparum inscius: sensus tam vigilanter custodiret, ut oculos etiam à familiaribus, fœminis abstineret, & ne qua suum cubiculum ingrederetur palam ediceret; linguæ verò talem custodiam adhibuit, ut nunquam in leuia, vel scurrilia laberetur, semper in necessarijs moderatione, & gravitatem seruaret. Castitatis amorem, ex nutricis vberibus suxisse videbatur, qui per dies incrementa capiens, animulam insonantem in se conuertit adeò valde, ut pretio eius agnito super aurum, & topazium æstimaue-rit; & cuncta, quæ nitorem eius obfuscare possent summo studio, ac diligentia deuinauerit. eapropter Matrem Virginum colebdam sibi præcipuò honore duxit, ad cuius tutelæ auram florem hunc tutum fore intellexerat. Quotidie preces eius horarias attentè, deuoteque recitare: & dies Sabbatinos ieiunio rigidiorè transigere; subinde ad eius opem confugere; & summa fiducia instar filioli ipsi hærere. Quæ talia prolusiones fuere in domo paterha ijs quæ Romanum Seminarium insigniter aucta videre meruit, & admirari.

Aluntur in eo adolescentes ingenui ex variâ nobilitate Italiæ plurimum collecti, & ad disciplinas liberales, ac virtutes educantur; ut iccirco earum hospitium valde honoratè audiat. Alij Athenæum scientiarum vocant ob-

affi.

affiduas literarum exercitationes. Ab alijs palæstra morum appellatur, quod in ijs effor-
mandis, & vitijs debellandis contenta mode-
ratorum vigilantia excubet. Placuit aliqui-
bus Pietatis domicilium nuncupare, quod eo
colliment patrum studia, vt ad Dei timorem,
& cultum erudiantur alumni, & ita litteris
imbuantur, vt sensus homine christiano di-
gnos hauriant, & Cœlum Terræ præferre
condiscant. Cui diligentia non potest non
respondere fructus vberimus, si minimè par-
sed in aliquibus adeo eximius, ac luculentus,
vt compensatum abundè videri queat, quic-
quid molestiarum, ac vexationum in lubrica,
ac laboriosa administratione deuorandum est.
Sanè vt exemplo in paucis splendido contu-
bernalibus; ita solatio maximis comparando,
fuit Vbaldini vita moderatoribus, ac Magistris
per triennium circiter id loci exacta. Omit-
to, quæ ingenium, ac diligentiam in studijs
Grammaticæ, quibus addictus fuit, magno-
pere commendant, satis, superque dixisse
fuerit condiscipulorum nulli fuisse secundum,
in ijs profecto; quæ ad pietatem pertinent
longo interuallo omnes antecessisse. Orandi
modum ex præscripto S. Ignatii à Cubiculi
Præfecto edoctus, & ad vsum reducere exor-
sus, alas accepit, à Spiritu Sancto, & in col-
lem thuris, id est orationis, auolauit. Præter
statuta in communi tempora precationis; plus
culum meditationi dabat, videlicet quantum
per scholasticas exercitationes fas erat, & fe-
riatis diebus horas integras cum liquidissimis

voluptate infumebat. Ea ne sodales suboleret, cauebat sedulò; sed ipsa se ceu per rimas prodebat.

Aliquando enim latere in angulo quopiam ratus, inuentus fuit à non quærentibus humi abiectus inter vberes lacrymas, & suspiria; alias genibus innitens Crucifixum manu prætendens, & exosculans; sæpius oculis in Cælum intentè defixis pectus pangere, & veniam comprecari: Nimirum cum dono contemplationis veluti superiori irriguo, donum etiam lacrymarum ceu inferius à Patre bonorum datore fuerat affecutus. Interrogatus ab amico, quæ maximè desideraret, tria sibi in votis esse respoudit, primum si solus esset, semper cum Deo colloqui; alterum, si cum hominibus, etiam in conferta turba versari oporteret, de Deo loqui; tertium ubi ubi demum esse contingat, Iesum in Cruce pendentem contemplari. Hoc quippe inter alia eius erat studium dolores Christi meditari & multa patiando; imitari.

Documento fuit pēnitentiæ rigor, quo novis subinde modis corpus atterere perseverabat, cui neque nocturnam quietem liberam, à pēna concederet, neque cibum sine abstinentia indulgeret. Ter per hebdomadam super duros asseres incubare, reliquis noctibus lignorum fragmenta linteaminibus supponere; pro cervicali, & puluillo, inæqualiter coedices disponere ne mollius, commodius ve caput, quàm artus cæteri cubitarent. Nuda latera setosis funibus obstringere cingulis cili-

cinis circumligare, & cum delicatorum hoc experimentum iudicaret, stimulos ferreos interferere, ne commodum in tormento querere videretur; qui tormentum in ipso modo quæritabat. Nam & cum foras prodeundum, & per campos excurrendum erat de more loci, vacationum diebus, arcte præcinctus cum sodalium comitatu, incedens, æriorem sentiebat ex agitatione dolorem, & ex dolore consolationem; quod placere Christo carnis displicentiam arbitraretur, cruciari recreationi duceret.

Alternis noctibus flagris se exdere, ac ferre dilacerare; namque funiculis radios, & hamos intexuerat, & catenam ipse sibi ex circulis ferreis fabricauerat, qua sæuius membrâ contunderet diuerberatione nunquam, quadrante breviorē, hæud rarō ad semissem, alias etiā ad horam productā, cum nullus adesset interpellator qui finem admoneret; quippe observabat tempus, quo sodales alto soporemersi strepitum non adverterent, Neque legem sibi positam à suæ conscientie arbitrio putaret, cui nunquam in mentem venerat edicto vetare, quod audere adolescentulam vix unquam credidisset. Vibices, & vulnera in functi corpusculo post obitum, deprehensa, testes suere lætentiæ qua illud superstes cæciderat; & accessere sociorum restimonia, quos non semel ictuum strepitus à somno excitauerat, dum nocte concubia se diuerberaret. Ut interim quotidianæ taceantur industriæ, quibus patiendi quærebantur

occasiones; & alacritas cum offerebantur,
 eas amplectendi: Idque cum aliàs frequenter
 vſu veniret; tum verò in cibatu erat, aſſi-
 duum. Ad triclinium pro appetentia tædium
 afferebat edendi, & aſſeſſoribus auidè illata,
 edulia deuorantibus, ipſe buccellas panis eſi-
 tando ingenioſè tempus, & oculos alienos
 fallebat, ſimulque aliquid ex cibis appoſi-
 tis libare incipiebat, ſimul deſinebat: qui ſi
 paulò delicatiores eſſent, ac ſapidioreſ, inta-
 cti relinquebantur, aut aſſidentibus dabantur;
 fructuum primitijs blandis palati pueri-
 lis irritamentis, penitus ſibi interdixerat, læ-
 tus eorum auctorem Deum exiguz immola-
 tionis oblatione recognoscere, ac laudare.
 Vini adeo parcus, vt pauculis dumtaxat gut-
 tulis aquam inſpergeret: quibus inſuper ab-
 ſtinebat in Beatiffimæ Virginis peruigilijs, &
 diebus omniſus Sabbatinis. rigido panis ac
 frigidæ ieiunio exactis, vt in domo paterna
 pridem aſſueuerat: Aliàs ſi pio aſtu daretur à
 communi menſa abeſſe, fruſtulo panis naturæ
 neceſſitati ſubuenire ſœlicitati ducebat, & e-
 ſuriem animi iucunditate, & vultus lætitiâ
 reficiebat. Et cum talia pateretur, & ageret,
 ludere tamen ſibi, & parum agere videbatur,
 non modo quia corporalem exercitatio neminem
 ad modicum vtilem eſſe duceret, ni pretium
 à pietate mutuaret; ſed etiam quia ad Mar-
 tyrij palmam ardentibus votis contendenti
 vehitationes iſtiusmodi leuioris armaturæ mi-
 litum exercitamenta cenſebat: eâ propter ita
 corpus exhibere Deo hoſtiam viuentem con-

nua abnegatione satagebat, ut maius momentum in passionum mortificatione, & cultu interiore poneret. Et quidem aduersus carnem, & sanguinem non erat illi colluctatio grauis, cuius pueritiam præuenerat gratia castitatis, adolescentiæ ardorem extinxerat fons pietatis, & timoris Domini à leuibus etiam culpis validè abstrahentis. Fibræ aliquot amoris proprii nondum planè emortuæ tui, germina interdum emittebant iracundiæ, ac indignationum, si quando honor, ac existimatio aliena garrulitate, iniuria uulneretur; sed istis etiam breui euulsis adeo firmiter mansuetudinis, & humilitatis iactæ radices, ut offensiones quæ uerbis, quæ factis illatas non modo ferret patienter; uerum etiam ab offensoribus veniam deprecaretur, & obsequio rependeret, ut leniret. Ut sunt aliquando adolescentes aliqui in numero magno procaces, & iracundi, usu uenit, ut eorum nonnemo pugnis impeteret immerentem, qui nihilo commotus, uelut si musca peruolasset, loqui cum eo amice perrexit: abusus illa patientia sodalis, excandescit acrius, & pugnam instaurat, pugnisque contundit. Agitur hic de tua fama, vel infamia Vbaldine, ignauum te dicent, & à tuis degenerem, tali cognomento, & conuictu nobilium indignum ni vicem reddas, & iniuriam bonæ mensura remetiare. Muhi, respondit Vbaldinus, hæc doctrina est, uel insania; ego à Christo edoctus sum percutienti dextram maxillam, porrigere sinistram, &

reddere pro malis bona, obmutuit igitur coram tundente, seiunctisque manibus ictus ceu agnus mansuetus, excipiebat, & retulit in patientia fructum; qui enim spectaculo intererant, uti proteruiam percutientis indignatione damnaueri; ita tolerantiam percussi admirati sunt, cuius animi generosam indolem non nesciebant, ac patientiæ sanctorum mansuetudini æquandæ, specimen oculis intuebantur; & cum frequens in communi consuetudine eius prodendæ occasio se daret, & latere sodales non posset, apud eos propterea pius, ac sanctus audiebat. Ast hæc etiam materiam depressendi se præbebant laudis humanæ contemptori. negabat prudentis esse externa ex facie iudicium ferre probitatis; vitia plerumque virtutis habitum simulare, ac decipere; quàm alij patientiam, ac mansuetudinem vocabant hebetudinem esse quandam, & ignauiam illis titulis indignam; eos minimè falli, qui se contemnerent, & ludibrio haberent; qui tales si quando inuenerentur, eos conuenire libentius, & familiariter agere frequentius; mirè lætus si ab iisdem morderetur, & in lucro ponens, si dictarijs pungeretur: vitare cautus omnem honoris, ansam, quæ sua bona cunctis patientia eleuando; aut mala si quæ laterent aperiendo. Ut risui exponeretur non expectato tonsore prominens ipsè capillitium inæqualiter tondibat, aut amburere non verebatur, & si iuberetur illi ceruices committere, ut de-

mitas tolleretur, abradi ad cutim pilos optabat, vt inconcinnus, cachinnis æqualium exponeretur. Si quando cum fontibus inson-tem pœna aliqua plecti contingeret, non- modo innocentiam suam non probare, ex- cusatione, aut querimonia abstinere, sed in- timo gaudio affici, & auidè deuorare, quod antea summis votis expetierat Christi oppro- bria, cum non daretur in magnis, in his sal- tem leuioribus referre. Oculos fortè coniece- rat in imaginem Christum coram Herode repræsentantem, vbi alba veste indutus, & publico contemptui expositus est. contraxit ex illo intuitu imitationis desiderium adeo accensum, vt coerceri ægrè potuerit nè foras se proderet; & quia extra Sèminarij, gymna- sijq; septa non patebat egressus, in plateas ad merces pretiosas irrisionum, & ludibriorum coemendas, cum vtriusque moderatoribus prece contendebat, vt multa aliqua inerti- bus, & culpæ reis infligi solita, publicè ca- stigarent; quæ deprecatio causa fuit ali- quando magistro suo admirandi, & sciscitan- pi cur castigari se palam, tanquam reum vel- let, qui in nullo deliquisset? Cumque torgi- uersari, aut dissimulare religioni duceret, candidè fassus est cupiditate Christum imitan- di moueri se ad postulata istiusmodi, vt sal- tem in minimis eius se discipulum probaret, quem in arduis sequi maluisset.

Hoc mortificationis intensum studium com- mitabatur orationis donum assiduâ cultum, dili-

diligentia. Vocalem à pluribus vsurpatam, multi æstimabat; at plus momenti in mentali agnoscebat, quæ paucorum est, & velut alba cornix in iuuenum sæcularium gregibus. Breuia illa spatia precibus destinata, cunctis in communi, lusus erant admissio iam à sponso in cellam vinariam cum adolescentulis, & vinum interioris delectationis affatim potanti. Vix vlla hora abibat cogitationum sanctarum vacua, & nulla prope abisset ab attentâ cœlestium meditatione libera, si liber ipse à scholasticis exercitationibus tempus distribuere pro libito potuisset. Certè festis diebus, quibus remissio ab illis otium vacandi pietati præstat, & plusculum indulgendi quieti, ac relaxationi commodum facit: ipse vberius orandi cupiditati indulgebat; namque legitimum surgendi tempus præuerrens horam plerumque, & eò amplius in meditatione diuinorum absumebat, reliquas lectioni sacræ, & præparationi ad sanctam Synaxim dabat, qua peracta diù in gratiarum actione hærebat, & diem totam in silentio, accuratiorèq; sensuum custodia exigebat, etiam cum exeundum de more loci, vel auræ captandæ foras, vel honestæ relaxationis in atrium domesticum; etenim cum alij se in risus, & hilaria effunderent, ipse cautus linguæ, & oculorum, aut tacebat, aut si auditorem nancisceretur minimè morosum, de rebus diuinis, loqui consueuerat: ideo increbuerat iam inter sodales displicere illi maxime sermone vanos, & profanos cuiusuis

generis nouitates, & si sererentur obmutescere: Vice versa iucundissimè excipi quæcunque de Deo, deque diuinis dicerentur, ad quas ipse promptissimas ferebat aures, & ora tanta copia, ac voluptate laxabatur, ut nemo illo disertior appareret. Collegerat ille quidè ex hortulis libellorum spiritalium fasciculos exemplorum, & sententiarum sacrarum, quibus inspergere colloquia familiaria poterat; ast ob continuam mentis attentionem ad Cælestia, hauserat lucem, ut liber quidam intellectus eius esset rerum sublimium characteribus inscriptus, & lingua calamus scribæ eloquia pulchritudinis opportunè proferentis. Emerat sibi ex Bernardi monito, vel potius diuinitus acceperat, tria linguæ aromata, modestiam in increpando, copiam in exhortando, efficaciam in persuadendo, atque ut istarum usus comes erat prudentia, ita pretium operam sequebatur. Insinuabat se prius dexterè in familiaritatem, quàm vel consilia daret, vel correctione emendaret: & ubi officijs, ac humanitate deuinxerat, utrumque frugifere præstabat. His suadere ut obsonij delicatioris illecebra Christi amore palatum fraudent; illis vitij sceditatem, odium, & virtutis pulchritudinis amorem ingenerare; hunc leniter monere, quod sacro indecore garriendo, vel circumspectando aduisset, proposita mysterij dignitate summam reuerentiã deposcentis; illum alteri offensum reconciliare: cum pauculis de mundi contemptu, de Christi imitatione, de animarum lucris actitare,

tare , prout vnumquemque ad ea capiendū idoneum censebat , tam cautus ne rēdium pareret , aut sermonem effunderet , vbi non erat auditus , quā attentus exemplo iuuare , quibus verba non proderant . Præcipuo verò studio ferebatur in tirones Seminarij recentes hospites , quorum animos humanitate prius delinitos , si eidem contubernio addicerentur salubribus imbueret monitis , nè perniciosi cuiuspiam alterius , vt sæpe contingit , occuparentur , maturè procurabat . Porro suus respondit industriæ fructus , totus enim ille cœtus adolescentum cum Vbaldino commorantium speciem quandam induit à religiosa non absimilem , siue ex diligentia in studijs , siue ex morum compositione , ac modestia , siue ex pietate in cœlites , siue iunctim ista spectentur . Ipse profectò forma erat Christiani iuuenis , & exemplar minimè vulgare religiosi . Castimonia Angelorum æmulus , & custos tam rigidus , vt intuitum in nullam seminariarum præter matrem , ac nutricem vnquam in tota vita defixerit , ex quò puer adhuc intellexit posse ex earum aspectu florē sistum inquinari , vt iudicium fiat de reliquorum sensuum custodia adeo exacta , vt nimia etiam videri posset , si caderet huc , ne quid nimis . Certè latinorum etiam vocabulorum significata ignorare malebat si quid turpè indicarent , quam ea notitia fœdare animam castitati mancipatam : libros autem lasciuos ne aspicere quidem sustinebat , & si in tales inciderat ; vel igne , vel exilio damna-

bat. Paupertati etiam operari cœpit, quantum per status conditionem permittebatur. Nempe ex animo omne desiderium habendi abdicare, ardentem mundum totum cum suis diuitijs, & commodis relinquere, & in omnium terrenorum nuditate Christum sequi concupiscere; Corpori autem quoad licuit ornatum, & sericas vestes interdiceret, & vulgares pannos dumtaxat, ac tunicam honestam indulgere: libenter de proprijs dare; nihil, si casu, aut iniuriâ auferrentur, commoueri. In victu delicias omnes respuit, nisi quod cœlestibus pasto, deliciæ erant fames, sitis, ieiunium, sui abnegatio.

Pluribus amorem Paupertatis declarasset documentis, si laxare fræna desiderijs per confessarium licuisset. Sed laxasse licuit obedientiæ, quæ plurimum in obseruatione scriptarum legum domus illius propfilarum enituit, & ad obseruantiam moderatorum, qui viua lex sunt, se protendit. Sibi dictum putabat, qui vos audit, me audit, & qui vos spernit, me spernit; ideoque in præsidum, ac Magistrorum persona Christum Dominum recognoscere didicerat, ac venerari, ceu si à religiosis claustris doctrinam istam hausisset. Ad eorum non modo mandata, sed nutus promptum, hilaremque se exhibebat, neque deprehensus est, vel verbulo refragari, conqueriue, nec aures querimonijs, aut detractionibus, commodare; sed vultus grauitate, vel silentio, interdum etiam fuga obloquentium se subtrahere; si intempestiua videbatur admonitio

nitio. Ipse profectò de nullo minùs honorificè loqui, etiam cuius patebant errata, vnamquam auditus est; sed excusare potius, & cõpati; quia se, vt minimum omnium, & peiorem cunctis æstimabat; ideoque honorem præuenire, obsequio demereri, ope iuuare, vbi opus erat promptè curabat, præsertim. Si laboriosa illa, & abiecta videretur; qualis erat, vt vnum de multis proferatur; quotidiana lectulorum compositio ad Seminarij leges, & consuetudinem, quæ nobilibus adolescentibus, & laboribus id generis insuetis, grauis, ac molesta accidebat; ipse quippe manum suam, & opem sternendis, componendisquæ hilariter offerre, adiuuereque, tanta dexteritate, quanta ne à diligentissimo quidem famulo quæsitior desiderata fuisset. Quin imo, & cum ipsis famulis domesticis tam modestè agere, vt iubere nunquam, rogare ferme semper consueuerit.

Quæ causa erat vt ab omnibus haud mediocriter amaretur; & inuidia iam, à virtute superata, in veneratione, vt quid maius illustri adolescente haberetur; ipse solus sui ipsius contemptor, & hostis, laudes humanas horreret, dedecora, opprobria, & cõtumelias optaret, & quæreret auidius, quam reliqui sodales, aut aulæ asseclæ ad honores, & culmina inhient dignitatum.

Denique vt compendio multa complectar sub habitu sæculari, & conuictoris toga mores gerebat, & virtutes religiosas non vulgares illas, & communes; sed quales amant qui

ad perfectionis Evangelicæ fastigium strenue
 grassantur. Ea propter Iaponios Martyres Pau-
 lum, Iacobum, & Ioannem ab Ethnicis Cru-
 ci suffixos, & lanceis transfuerberatos, & In-
 diarum Apostolum Franciscum Xauerium
 eorum Doctorem in patronos delegerat, quos
 votis, precibusque sollicitaret; ut profectio-
 nem ad Indos opportune obeundam, sibi à
 Deo impetrarent: quæ desiderij flamma, ita
 pectus succenderat, ut per os, ac sermones
 erumperet, quos ferere subinde inter aliquos
 de eorum foelicitate delectabatur, quibus
 contingeret optatissima missio, & mors in
 Ethnicorum conuersione pro Christi amore
 obita. Et erat sitis ista tam vehemens, ut
 quiescentem etiam sollicitaret: quippe som-
 niabat sæpè in viis, & plateis Iaponum ma-
 gna contentione, & labore fidei mysteria cõ-
 fertæ turbæ prædicare, & contempto mortis
 optatissimæ periculo, Christum coram ho-
 minibus confiteri, ac idolorum cultum dete-
 stari. Indiderat illi Dominus Spiritum Socie-
 tatis Iesu, vnde ardor iste manabat, & nihil
 ipsi antiquius, quàm ut in eam cooptaretur;
 & interim dum ingrediendi tempus oppor-
 tunum opperiebatur, pulsare fores crebra
 postulatione, ut quantocyus aperirentur; ad
 coelites confugere, ut ingressum fortunarent.
 Inter primas adeo curas S. ignatium eius fun-
 datorem colere, & inuocare, cuius inuoca-
 tionis tres ipse causas exarauerat in libello à se
 composito, qui post obitum in Scriniolo in-
 uentus est. Prima quod illius animæ summe

Trinitati complacita mirificè fuit ; altera , quod Sanctissima Cœli Regina eius consuetudine delectata visendam se conspicuè sæpius obtulerit . Tertiâ quod eius opera reflouerit in orbe terrarû, pietas quâ hæresum veneno extincta; qua torpotis vêterno languida. Inducta Sacramentorum frequentia , concionum vsus reuocatus , templis ornatus restitutus, & quod immenso bono Republicæ Christianæ cedit ; Iuuentutis institutio , & educatio ad mores probos , ac doctrinam salutarem speciali Dei fauore orta , ac propagata , quæ tria strictim huc relata , fusius ipse in suo Commentariolo persequitur , & copiosè explicat.

Sed nescio quâ affectus ténacitate propensus ad B. Aloysij Gonzagæ amorem cultumque replebatut ; an quia ætatis similitudo blanda beneuolentiæ conciliatrix est etiam cum cœlitibus ? an quia imitari facilius exempla recentia speraret se posse adolescentis studijs litterarum olim incumbentis ? an quia vls quædam peculiaris inest ad sui amorem , ac imitationem trahendi lectorem , facta diætaque Diui recolentem ? Nulla quippe dies abibat qua historiæ vitam describentis , partem non percurreret , quàm attentè , ac frugiferè : Sacellum ipsi dicatum in Collegij Romani tēplo frequēter visendi æqua cupido ; ac voluptas ante sacra ossa Vrna argentea sub ara cōdita diu flectere . Ibi orabat persæpe , nec auelli inde poterat , quoad dato signo ad gymnasium , vel domum redire cogeretur : mille

illl coleudi modos ingeniosa pietas suggesserat , ex quibus hic singularis , quod appetente sub adultum Iunium festa die solenni ritu celebrari solita , peruigilij plures horas in precibus ibidem traducebat ; noctem verò ita , partiebatur , vt binas horas super nudis asseribus quiesceret , an pateretur ? tum acri diuerberatione artus cederet , quam lectio vitæ Beati excipiebat , & hanc diuturna lectorum commentatio , vsque dum diluculo ad sacrum epulum in eodem sacello sumendum reuerteretur . Quibus putas ibi delicijs cœlestibus fruebatur ? quàm mellita , quam feruida cum Iesu , cum Matre Sanctissima , cum B. Aloysio colloquia miscebat ? Planè non Vbaldinum iam , sed Aloysium alterum inde discedere dixisses , si consentaneam pietati vestem gestare licuisset ; sed quod vita , & incolumitas , nō dederat mors obtinuit , profiteri videlicet B. Aloisij imitatorē habitu , ac vestimento ; quem moribus , & sanctimonia pridem expresserat , vt initio memorauimus . Hoc vnum ægrè habuit Societatis Iesu , & martyrij candidatū , quòd Iaponibus athleticis , & martyribus inclitis accenseri non licuerit ; sed vt miles delicatus de molli culcitra aduersus mortem luctaturus esset . Cæterum incredibile dictu est quanta cum lætitia nūcium eius exceperit , vt conclamatum , de salute à Medicis inaudiit , & quàm sollicitè ad eam obeundam se comparauerit . Ex Augustini monito haud decere Christianum hominem absque poenitentia decedere , totius vitę noxas

rursus coram suo confessario retexere, cum dolore voluit, & B. Aloysij feruoris memor qui in postrema ægitudine obnixè à P. Provinciali facultatem flagris totum corpus saltem aliena manu cædendi postulauit, sibi quoque vt idem concederetur obnixè precabatur: quod tam liberè negatum est, quàm quod os, genasque colaphis tunderet, vt sanus insueuerat, ad singulorum dierum errata castiganda. Inter hæc mira pœnitentię vota, & ardorem caritatis cum febrili contendente, audiebantur crebre aspirationes ad cœlestem Hierusalem, & assiduę gratiarum actiones de donis à Deo Creatore collatis, & ab hominibus, à patribus præsertim toto conuictus tempore acceptis, quoad Sacramentis omnibus munitus, non tam obiisse diem, quàm ad æternitatem migrasse visus est, quod initium narratiunculæ nostræ fuit à proluxioribus nobilium scriptorum decerp-tæ, & fide testium oculatorum, qui cum Vbaldino versati sunt firmatæ; & veluti sigillo supremi Imperatoris confirmatæ, cuius nutu factum credimus, vt corpus post octo, ab obitu menses incorruptum pij exploratores inuenerint, quò miraculo se publicè proderet Virginitas, quæ secretum in eo habitaculum sibi gratum delegerat.



S. MATHEVS

P

*Quasi à facie colubri fuge peccatum Ecs
cles. 21. S. August. serm. 250. de
temp. tom. 10.*

Dicit aliquis, Homo iuuenis sum, facio quod
me delectat, & postea poenitentiam
ago. Hoc est dicere percutio me gladio
crudeli, & postea ad medicum vado; &
nescit, quod in vnus horæ puncto vulnus
accipitur, & vix longo tempore ad sanita-
tem pristinam reuocatur.



S. HENRICVS.

Beatius est in carne uitam imitari Angelorum, quam ex carne augeri numerum mortalium. S. August.

S. Henricus Imperator.

O, Quæ solitudines, & eremos, & claustra amas heroina cœlestis, semperne ab aulis imperatorijs, regijsque exulabis? iniqua expositio: nam & has inuisit, habitatque libenter, si non eiiciatur. Testis Oriens ybi Marcianum, & Pulcheriam hospitatores habuit: testis, & occidens, ybi apud Henricum, & Chunegundam iucunde diuersata est. Quales hi coniuges, qui antequam conuenirent, à Domini spiritu conuenti, pacta societate condicunt, virginem seruare castam, & vitam Angelicam sub mortali corpore æmulari? Hic ille Henricus est, Ducis Boiorum filius, ex Gysela Burgundionum regis nata: ac vtriq; longa auorū Principū propago numeratur. In lucē editus Abrediaci haud procul Ratisbona pridie non. Maij Anno salutis cicolxxij. iustralibus vndis à Sancto VVolfango Episcopo Reginoburgico inspersus, ac ab eodem in pueritia ad pietatem informatus, eo cum fructu, qui sæculum illud admiratione compleuit. Simul enim adolescentiam ingressus est generosæ indolis specimen dedit, quam modestia, benignitas, pudicitia comites illustriorem reddebant. A patris excessu regni habenas capeffens tanta prudentia, & æquitate rexit, vt proceribus amabilis, populo gratus, Imperatori carus ex Duce rex, licet inuitus, fit creatus. Hinc post annos aliquot functo Ottone III. Imperatore in eius locum sufficitur, & à Benedicto VIII.

Sur. t. 4. die
14. Iul. Baron. in aul.
bal. Et in
martyr. ei-
tans alios,
14. Iul.

Pon-

Pontifice Romæ inungitur . Præmonuerat suum clientem per quietem Vvolfangus sexennio ante de euectione, & habuit Henricus in signum beatitatis, qua fruebatur in Cœlis. Somnum quippe intempesta nocte capienti obiecta species est Vvolfangi radiosa in D.E-meranni templo, vbi ad illius sepulcrum orare sibi videbatur, iussitque, vt in aduersam parietis partem oculos conuerteret . Paruit illico, & duas syllabas, nitidis characteribus inscriptas vidit, nec quid portenderent intellexit, nisi post sexennium quando renunciatus Impetator fuit, & Augusti magnifica appellatione à Benedicto VIII, Romæ decoratus, & primus appellatus, quia alteri qui præcesserat, non mansit nomen Imperatoris, siue quia illud præ modestia, recusauerit; siue aliam ob causam, quam alij non probantes primum vocauere, & hunc nostrum secundum; quo tamen nullus in sanctitate Imperator prior fuit, & in coniugali virginitate quis secundus fuerit? Sane diuinitus electum, non modo principum, populorumque consensus in electionem conspirantium, argumento fuit: sed etiam facinororum præstantium exitus declarauit . Inter quæ non postremum locum obtinent insignes victoriæ in varijs orbis partibus de hostibus potentissimis relatæ, non tam armatorum numero, ac robori, quam pietati, & eximie in Deum confidentie adscribende . Prima adeo illi cura in instruendo exercitu, lumen opemque à Deo querere: milites ad pur-

purgandas animi sordes, & sacram Eucharistiam sumendam, suo exemplo, & exhortatione incitare, præire prælio mutuatis à sacro psalte versibus, apprehende arma, & scutum, & exurge in adiutorium mihi. Exurgat Deus & dissipentur inimici eius &c. quibus animatae cohortes tamquam leones in aduersas acies irruébant; & conficiebant. Sane præsentem habuisse in pugnando coelstum manum clara aliquando apparitione demonstrare libitum ipsis, cum antesignanos agere conspecti sunt Angelus Domini, & patroni martyres Laurentius, Georgius, Adrianus, cuius gladio inter sacra lipsana Ratisbonæ asseruato, latus cingere dimicaturus in acie reuerenter, iuxta, ac confidenter Henricus consueuerat. Cæterum in bellorum aggressionem illud spectabat vnum, vt imperij sui iura tueretur, non vt aliena inuaderet. Ideoque non nisi lateffitus contra rebelles castra mouit vnquam, & domuisse, ac ad officia compulisse contentus sære vltius desistebat, etiam cum iustæ vindictæ nomine, victoria vti legitime posset, hoste compresso, sedatoque tumultu amabat magis ad pacis redire curas, quibus regni tranquillitati, Ecclesiæ splendori, Dei gloriæ consulere: quò pertinent sedium Episcopaliū bellorum vastitate deiectarum instauratio nouarum in vrbibus præcipuis institutio; sacerdotum collegia amplificata, aut fundata, religiosorum cœnobiū extructio. Sed erga Sedem Romanam singulariter eius libe-

ralitas enituit, cuius patrimonialia à Pipino Rege, à Carolo Magno, ac Ottone Imperatoribus collata, amplissimo diplomate confirmata æternum voluit, illudque Benedicto VIII. Summo Pontifici extradidit, quo eodem diplomate designauit annuū censum ab Ecclesia Bambergensi soluendum summo Pontifici, & mentio singillatim facta equi albi phalerati ab eius loci Episcopo offerendi centum marcharum argentearum, forte ne munus equi transiret cum grauamine alimonie, quo gratius acciperetur: & tenuit tributum pendendi consuetudo ad Leonem vsque Nonum qui pacta cum Henrico Corradi Imperatoris filio conuentione pensionem illam commutauit cum Beneuenti dominio, quo hæcenus potiuntur Pontifices, & abdicato iure, q. d. in Bambergensem Henricus donauerat Benedicto in solatium calamitatum, quas à Gregorio per vim intruso ipse expulsus sustinuerat. Quæ calamitas hoc etiam vertit bono toleranti, quod cum in Germaniam ad Imperatoris opem implorandam aduersus tyrannum Pseudopontificem descendisset perhumaniter, ac honorificè exceptus, mansit ibidem quoad Romam reuersus est inter pollicitationes amplas, quibus consona facta succedere, quando accedens Imperator ad urbem cum armato milite numerofo Gregorium inuasorem de sede deturbauit, eique legitimum Pastorem Benedictum restituit, & ab eodem vicissim Imperiali diademate coronatus est, quod paulo

Baron. ad
ann. 1109.

paulo post Odiloni Abbati Cluniacensi viro
 Sanctissimo in Monasterio SS. Bonifacij, &
 Alexij ad montem Auentinum commoranti
 dono dedit, is verò fame grassante vendidit
 vt pretio pauperes aleret. Vt mirum proinde
 videri non debeat si post annos aliquot roga-
 tus ab eodem rursus in Germaniam proficisci
 non recusauerit, vt Bambergensem Episco-
 patum recens erectum sua præsentia confir-
 maret, decoraretque ac templum in S. Ste-
 phani honorem ædificatum consecraret. Sed
 potissima causa cur ad iter longum, & ar-
 duum subeundum adduci se permiserit ea
 fuit vt Imperatorem aduersus Græcos Ap-
 uliæ fines, atque adeo Romanos infestan-
 tes exercitum instrueret, qui & Capuanū Du-
 cem pro Basilio Imperatore Constantinopo-
 litano potenter domiuit, pacemque Italiæ
 & Ecclesiæ tranquillitatem restituit autē cre-
 ditum est, non ex vano, magnam in victoriæ
 partem S. Romualdi preces haussisse, hunc
 enim in Styriæ montibus cum suis mona-
 chis eremiticam vitam agentem videre, &
 alloqui. Henricus in Alpium descensu opta-
 uit, atque ad se accedenti reuerenter assur-
 gens, o vtinam, suspirans dixit, anima mea
 esset in corpore tuo, & saluberrimis viri Dei
 consilijs auditis monasterium Amiati ad ha-
 bitandum religiosæ suæ familiæ tradidit, &
 vicem orationum pro foelici belli successu
 poposcit, quas salutare fuisse opportune co-
 gnouit. Vt victoriam assecutus est, non prius
 Campania abeundum putauit, quam mon-

tem Cassinum celeberrimum religione locum inuiseret, tum ut Sanctum Benedictum hac obsequij significatione coleret; tum ut nephritico, quo vexabatur, dolori remedium aliquod, nequicquam à medicamentis quaesitum, in eius ope reperiret. Stetit diu orans ante Dñi tumulum, ac licet deuote, pleque suam incolumitatem commendaret, dubitabat nihilominus ob varios opinionum rumores, an id loci corpus Benedicti quiesceret, an aliò esset translatum ad Floriacum videlicet cœnobium in Diœcesi Aurelianensi, ut rebantur aliqui. Verum non diu hæzere ancipitem permisit sanctus, eadem quippe nocte decumbenti inter somni, vigiliæque confinia visendum se clara luce circumfusum obtulit & certiores de sui corporis præsentia in eo templo reddidit, ac veritatis signum calculi eiectionem fore dixit, quem mane cum lotio eiectum iri non dubiter, & protinus videri desijt. Non fuisse inane somnium monstrare, lapilli tres per vretes transmissi, & sanitas restituta, cuius testes aulici fuere, cœnobitæque omnes; imo & Pontifex ipse Benedictus, qui ob id cum Henrico certauit in monasterio beneficijs cumulando, alter nimirum spiritalibus; temporalibus alter donariorum præciosorum, vterque propensa in S. Patriarcham eiusque filios affectione.

Neque verò hoc fuit miraculorum vltimum, quibus fauere cœlum suo candidato perrexerit, ut in clarissimo virtutum cæterarum

rum triumpho, suo quoque curru virginitas
 incederet, & palmas etiam suas in pompa
 magnifica circumferret. Quis crederet voca-
 tam in suspicionem violatz fidei sponsalis
 Chunegundem coniugem integerrimam, &
 pro tali habitā ab ipso Henrico, quoad te-
 nebras offundente stygio veteratore, & hinc
 aspectui illudente, inde per obrectatricē lin-
 guam venena maledicentiz fundente, mitissi-
 mi Principis præcordia felle amaritudinis, &
 angoris inspersa sunt, & vultus, ac sermo
 cum Chunegunda immutatus, haud absque
 acerrimo doloris sensu, vbi causam mutatio-
 nis intellexit? Neque tamen consternata ani-
 mo est, aut in suæ innocentiz defensione
 desperandum sibi existimavit; sed Susannæ
 exemplum imitata causam suam commen-
 dare institit Deo in ieiunio, ac lacrymis, &
 exaudita est deprecatio eius. modum nam-
 que excogitavit purgandi calumniam, relatu
 horridum & temeritati obnoxium, nisi men-
 ti cœlitus fuisset iniectus. Rogavit afferri fer-
 rum caudens (vomeres accensos alij vocant.)
 & precatioe ad eū facta, qui vertere potest
 ardorem ignis in ventum roris flantem, ob
 testatione facta coram Henrico, & alijs no-
 bilibus virginitatis vndecumque ilibate, & ne
 cogitatione quidem violatz, audacter, in-
 flammanes laminas ferreas nudas plantas im-
 misit, eas calcare tandiū perstitit innoxie,
 dum obstupefactus Henricus iussit abstinere,
 & calceamenta resumere. Referunt alij non
 pedibus calcasse, sed manibus ignitum fer-

sum tractasse, veluti rosas molliores; At in
 miraculi narratione scriptores quique conue-
 niunt, vt citra controuersiam facto congruat
 illud Psaltes, Ps. 16. Igne me examinasti, &
 non est inuenta in me iniquitas. Fama est,
 neque leui nixa fundamento Henricum diui-
 nae protectionis portentum suae obiurgatio-
 nis argumento vertisse, ac vehementer indo-
 luisse, quod in tam conspicua probitatis vxor-
 riae luce faciles aures insimulantibus dederit,
 & suspicioni aditum aperuerit, cui abolendae
 signa de coelo necessaria fuerint. Atqui in-
 promptu est existimare permissam à Deo té-
 tationis procellam, vt palam niteret pudici-
 tiae virginis margaritum, quod suo conten-
 tum splendore, latenter in vase fictili promi-
 cabat, atque vt testatissimum ad posteros
 veniret miraculum, quod Imperatoris sigillo,
 fideque publica muniretur. Accessit morien-
 tis testimonium, haereditate qualibet carius
 aestimandum; quo calatam ante hac mu-
 tuam cum coniuge continentiam solis caeliti-
 bus notam, innotescere. Insuper hominibus
 æquum duxit Henricus. Cum enim in mor-
 bum incidisset, qui fuit vitae postremus ad-
 uocari iussit quot per tempus licebat Chune-
 gundae propinquos, & vna cum illis Episco-
 pos, ac Abbates nonnullos, & lecto circum-
 stantes ita ferme allocutus est. Ego quidem
 viam vniuersae carnis ingredior; sed non prius
 abeo, quam sacramentum pando, cuius
 nemo mortalium præter Chuhiegundam no-
 stram conscius est. Calasse hætenus præ-
 den-

dentia, & humilitatis duximus, non reuelare saltem appetente morte citra diuinæ gratiæ iniuriam vix possumus. Nullus yltra timori superbiæ locus, vbi cogitatio parendi ante tribunal Christi mentem occupat, & diuinæ benignitatis propalandæ cupido ad loquendum impellit. Chunegundam virginem in sponsam accepi, virginem reddo, virginem viduam recipite. Conuenit inter nos corporum nostrorum victimam immaculatam creatori libare, & sub honesto coniugij velamine pudicitiaæ florem tegere, ac tueri: fauere nostris votis virginum parentes Christus, eiusque mater, & tamquam fratris, ac sororis consuetudo nostra decurrit. Hæere ad inexpectatam reuelationem præ stupore, adstantes, flere alij præ teneritudine, ac inrimo sensu pietatis; laudare cuncti diuinam bonitatem, prædicare potentiam, quæ sola inexorabiles conclauium regionum fores virginitati referat, vbi miraculis agere cum regibus statuit. Ipse profecto Imperator aduentum Domini in horas expectans, spei, ac lætitiæ plenus properabat in occursum eius, & dulcia ex sacro vate carmina modulans repetebat identidem: quando veniam, & apparebo ante faciem Dei. Ita postremis Ecclesiæ sacramentis, officijsque communitus inter pia vota, ac laudes efflauit animam pridie idus Iulij anno Domini 1024. Corpori sepultura data in templo maximo Bambergensi, quod ipse ædificauerat Episcopatu ornat, redditibus amplissimis ditauerat: elatum re-

gali pompa funus , & sepulcrum in mausolei formam , decusque paratum .
 Illud tam multis miraculis illustrare cœpit ; ac perseveravit Dominus ; vt tandem Eugēnius Tertius eorum fama permotus Principū multorum supplicationibus exorari se passus sit , vt de Apotheosi tractatio institueretur , eaque legitimè absoluta , sanctorum catalogo adscripsit anno salutari 1062. ab obitu 38 vt haberet orbis terrarum , quod miraretur ; Reges , ac Imperatores , quod imitarentur exemplar sanctitatis , & singularis erga Sedē Apostolicam venerationis, obsequij erga Episcopos , & Sacerdotes.

Hæc enim cuncta ab ipsis Deus exigit , quæ supra mensuram exactam soluisse gestijt Henricus aliàs non rarò , tunc luculenter in consilio Francfordiens : vbi Episcopos circumstantes allocuturus flexit genua , nec adduci se patiebatur ad surgendum quoad Vigilius Mogontinus Præsul , & conuentui Præfectus rogatum , vturgeret ; dextera erexit , & cum toto illo senatu sacro loquentem audiuit . En tibi nouum Constantinum in Francfordiensi Synodo , non dabis mihi alterum Henricum in Nicæna . Illa excelsa , ac sublimia , quæ Henricum supra humanitatem euectum , Angelis equarunt Virginitatis decora , quæ Deus arbitrio reliquit hominum , & non capiunt , nisi quibus datum est nosse , ac amare pretium eius . Certè Imperatori nostro datum fuit à coelesti Patre capere excellentiam tantam , adamare , ample-

Ati cunctis mundi delicijs præponere ;
 gloriosior hac vna redditus , quam victorijs ;
 in Italia , Germania, Pannonia, Gallia de po-
 tentissimis hostibus reportatis .

Elogium Henrici habet Romanum marty-
 rologium 14. Iulij in hæc verba .

Bambergæ S. Henrici primi Imperatoris, qui
 cum vxore sua Chünecūde perpetuò Virgini-
 ratē seruauit, & S. Stephanū Hungarorum Re-
 gem, cum vniuerso ferè eius Regno ad fidem
 Christi suscipiendam perduxit vbi Baronius
 plures refert graues auctores , qui præclaris-
 sima eius gesta scriptis mandauerē , nec ab
 ipso reticeretur pars eorum in Annalibus . No-
 bis satis est indicasse pauca, quæ gloriam . &
 admirabilitatem ostendunt Virginitatis de
 Imperatoribus triumphantis, & accensenti ip-
 sis Reges , vt mox demonstro .





Q

Quærite Dominum dum inueniri potest, inuocate eum dum prope est.
Es. 45.

Quod si per bona opera quæritur Deus, ergo dum tempus habemus operemur bonum ad omnes, præsertim quia Dominus aperte pronunciat venire noctem, quando nemo potest operari. S. Bern. serm. 75. in Cant,



S EDVARDVS Rex Angliæ.

*Virginitas est soror Angelorum, Regina virtutum, possessio
omnium bonorum. S. Cypr.*

S. Eduardus Anglia Rex.

Non ille, qui nesciuit thorum in delitijs,
 & pari, cum coniuge voluntate Virgi-
 nitatis libamen creatori obtulit, & miraculis
 clarus anno 1066. ad superos migravit: sed
 alter prior tempore, qui faciem huic suo co-
 ghomini praeiuit sanctitatis, & exemplo ad
 imitationem Castitatis incitauit. Filius hic
 fuit Edgari Regis non minus virtutibus, quam
 rerum domi, forisque gestarum gloria con-
 spicui, & Elfrida Ducis Angliae Orientalis fi-
 liae, haud absimilis à marito probitatis for-
 minae, quae vita excedens, locum fecit se-
 cundis nuptijs Elfridae exitialis nouercae E-
 duardi. Non desuere pupillo educatores bo-
 ni, à quibus in pietate, ac litteris eruditus,
 patri in Regno, ac virtute successit. Hoc ip-
 si post illius obitum tanquam primogenito
 debitum, à populorum insuper consensu, ac
 desiderio, velut raræ indolis, atque spei exi-
 miae deferabatur, nequicquam refragantibus
 proceribus aliquot, quos Elfrida malis arti-
 bus circumueherat, ut eorum ope filiolum
 suum natu minorem contra ius, fasque obtru-
 deret, & solio admoueret. Nam Sanctus
 Duartanus Cantuariensis Episcopi, & Osual-
 dus, alijque Episcopi, melioribus è no-
 bilitate non paucis consentientibus, inique
 nouercae ambitionem detestandam ægerrime
 ferentes Eduardum in Regem inunxere, ac
 legitimum Edgari successorem declarauerunt.
 Coronatus, & sceptro armatus coepit ex alto
 cla-

Baron. ad
 ar. 978. to.
 10. Sur. 10.
 3. 8. Maij.

clarius emihere, & iunctam decoræ iuuentæ
 senilem prudentiam in regimine demonstra-
 re. Pectus quippe a teneris, vsque vnguicu-
 lis disciplina cultum, & Domini timore im-
 butum, ad regnum attulit; ac tenorem, quæ
 sub prætexta erat exorsus; sub diademate
 non mutauit. Primæ adeo curæ in admini-
 stratione Religio, Iustitia, Pax, quibus sub-
 seruirent annonæ, miles, armorum copia,
 & apparatus, quæq; alia vtriq; temporis bel-
 lorum, & pacis necessaria sunt. Adeuntes ad
 se humaniter excipere, recta consilia pro per-
 sonarum conditione dare, eleemosynis pau-
 peres largiter subleuare, & id generis alia
 multa præstare ita satagebat, vt omnibus
 propriæ salutis, ac perfectionis studium an-
 teferret. Orationi ita deditus erat, vt horas
 illi assignatas non pateretur ab occupa-
 tionibus surripere: gustus angelici panis fa-
 mem illius acuebat, fames frequentiam su-
 mendi inducebat, frequentia arctam cum
 Deo vnionem pariebat. Solemne ipsi ad pru-
 dentiorum consilia in gubernatione recurre-
 re, S. Dunstani in primis, quo fiebat, vt in-
 consultum nihil, aut præposterum in aula
 Regia statueretur, quod ansam obtreñtatori-
 bus præberet adolescentiam Regis criminan-
 di, cuius cani parebant in regendo sensus.
 Quadriennium propemodum tenuit cursus
 iste, vnde regno tranquillitas, & foelicitas ma-
 nare perseuerabat, ni furijs armata Megæra
 crudeli astu abrumpebat: Alienus erat castis-
 simus iuuenis ab inanum spectaculorum lu-
 dri-

dricis, & oblectamentis, quæ maculare animam, & foedare virgineum nitorem possent: Horû vice; mos illi, ac voluptas inuifere plerûq; coenobia, quæ à patre non pauca extructa fuerant, ac ditata redditibus, ibique pijs alloquijs cum viris religiosis mentem occupationum mole grauata recreare. Exhibet etiam interdum ad venationem in syluas eo libentius, quò iucundius ea solitudine delectabatur, quæ oculis materiam obijciebat, diuinam sapientiam, ac bonitatem in arborum, quadrupedum, ac volucrum varietate, & pulchritudine contemplandi, atque laudandi. Die igitur 16. Calen. April. ann. Domini 981. paucis ex aula secum assumptis egressus, post longam excursionem ad Villam in Coph. vulgo dictam, oppidò fessus peruenit, non tam vt quiesceret, quam vt Ethelredum fratrem ibi cum Matre commorantem inuiferet, quem licet non vterinum medullitus amabat. Excipitur à Regina vidua blandissimè, & ad quiescendum peramanter inuitatur, exscendere renuenti, inter suaues amplexus, & oscula mellita decenni fratri libata, offertur poculum, nec à sitiente respuitur; sed ò scelus infandum, dum suauiter hauritur, immaniter à Sicario Nouerca Emissario pectus transuerebatur. Proripit se confestim, & concitato cursu properat redire ad comites, quos in sylua non adeo remota reliquerat; Ast sanguine vbertim defluente, & vulnere dirè excruciente in medio cursu equo dilabitur, & expirat.

Quo

Quo cognito impia Iezabel ministerium ablegat, qui cadauer alicubi condat, ne inueniri ab vlllo mortaliū vlllo tempore queat. Paret ille, & humi iacentem, infontem victimā in propinquū tuguriolū infert, & multo stramine coopertum à mortaliū oculis subtraxisse certò ratus, cædis vestigia, & sanguinem respersum vndequaque abradit, ac domum reuersus tuta esse omnia, ac tecta Reginę nunciat. Inanis assentatio. Etenim sequenti nocte lux copiosa de cœlo labens domunculam pro sepultura delectam irradiauit, & cæcam à natiuitate mulierculam ibidem quiescentem illuminauit. Hæc non tardauit Elfdritam de toto euentu certiore facere, seu vt morem gereret iubenti nunciare, si quid noui id loci accideret; siue vt gratificaretur sponte suæ dominæ miraculi denuntiatione, ac modi per lucem cœlestem patrandi, narratione. Illa timere ne, an insanire porro pergens? silentium narranti seuerè indicit, & per conscios parricidij famulos obrutas straminibus exuulas in profundam, paludem demergi mandat, si fortè etiam facti execrandi memoriā demergat, obruatque. Ipsa interim abolendæ suspicionis patrata cædis in pagum denis distantem milliarijs abscedit, & conscientia sceleratę aculeis agitur, dumq; risum foris simulat, intus timore cœclatur, qui mox nouo ostento auctus, vix non enicauit. Rursus enim lux igneæ columnæ speciem præferens de sursum dem issa paludi incubuit, & latè splendescens orę il-

lius

lius habitatores ad videndum euocant, qui diuinum aliquid sub aquis illis latere arbitrati, rimari curiosius occœpere. Horrent ac attonitis similes hærent; mox extractum corpus cœni sordibus elutum capulo componit in B. Virginis templum deportant, & non absque multa deploratione, quam possunt honorificè sepulturæ mandant. Nihil morata est diuina bonitas Innocentis Abelis gloriæ prodigijs notam facere; nam ad tugurij, vbi primum contactus fuerat, latus limpidi ssimæ fons aquæ placida scaturigine prodijt ad varia ægritudinum genera salutaris, cui diu fons S. Eduardi nomen mansit; Et ad sepulchrû in B. Mariæ tam frequentes corporum curationes in dies sequebantur, vt breui per vniuersam Britanniam, & flagitij rumor, & miraculorum fama dissipata fuerit. Ea propter communi consensu deliberatum à Dynastis, & Prouinciæ Præsulibus, vt in celebriorem locum, ac augustiorem depositum illud sacrum transferretur; & delectum est templû Monasterij VValtoniensis Scaphtoniæ Ciuitatis, tum quia ab Eduardi-abauo Elfrido ædificatum; tum quia id temporis habitaculum erat Erithæ sororis, tantæ sanctitatis monialis, vt post obitum in sacros fastos sit relata. Indicta igitur solemnibus translationis die conuenere Episcopi, & reliqui regionis Antistites cum suo quique clericorum agmine, templumque S. Mariæ ingressi, integrum Eduardi corpus, sanumque, nisi quâ ante annum vulneratum fuerat, reperere. Id loculo ritè cõ-

positum, ornatumque succolantibus humeris Sacerdotes Scephthoniam instituta supplicatione detulere. Processere obuiam VValfrida Monasterij antistita, & cæterę sanctimoniales cum Edhita sorore, ac inter diuinas laudes, hymnosq; sacros funus, vel triumphum potius comitatę sunt ad sepulchrum vsque magnifice paratum; in quo prius quàm pretiosa Sarcina conderetur, relinqui oportuit aspectui, osculis, ac venerationi affluentis populi, & vberrimis lacrymis, quā pietatis, quā doloris scelus impium tacite detestantis, ac summam Dei bonitatem in declaranda innocentis adolescentis sanctitate, & illibata sub Regio diademate virginitate collaudantis.

Quę licet connumeratis mirificis euentis abunde claresceret, aliorum insuper mirabilium splendore illustrior reddita toti Anglię Regno, atque adeo cæteris nationibus innotuit, tanta cum admiratione, vt nihil esset frequentius in ore hominum, quàm sanctitas Eduardi; genus mortis; lux de cœlo tenebras sepulture dispellens; sanitates eius intercessione testitutę; quibus initium factum, à binis ægris, qui attractis manibus, pedibusque admoti feretro in templo Scephthoniæ memorato, illico persanati multitudine inspectante amouere se inde suis viribus, & ambulare valuerunt. Quo rumore tam frequenti vapulabant aures, & scelestę interfectricis cor, quod postmodum emollitum, & dolore percussum coniecere nunnulli, quod

accurrere, & ipsa ad V Viltoniense Monasterium, confecta pudore, constituerit: Ast alij ab euentu sinistro feralis animi pertinaciam, verosimilia arguebant. Etenim equus generosus, ac permix, quo antehac utebatur prompto, & ad nutus obsequente, tunc ab illa infessus hæsit, instar columnæ immobilis, nec impelli ad progrediendum calcaribus, vel virga valuit. Horrere Regina vehementer, & diuinæ vltionis initia perferentiscere. Obstupescere affectatores, & ominosam belluæ nusquam alias refractariæ, obstinationem æstimare. Et accessit paulò post admirationi pauor, ac tremor, quando suffectus equus alter non secus, ac prior restitit; ideoque excedens infelix, rubore confecta pedibus iter conficere aggressa hilum prouehere non potuit; & ter conata mouere plantas, ter vñ occulta obistente firmata est; & gradi verita; vt proinde consternatâ animo, & pudore suffusa, consistere sit coacta, prorsus indigna conspiciere vernantem hætenus in loculo florem, quem recidi per immanem crudelitatem, barbaricque ambitiosa mandauerat: vt liqueret non penitudine criminis tactam ad numen propitiandum iter illud arripere voluisse; sed curiositate ductam, ad irritandum, pietatem simulasse.

Cæterum, vt satis desiderio, ac deuotioni populi indultū prope aram maximâ corpus honorificè conditum est ad boreale latus; ibique vnus, & viginti annorum spatio mansit, quoad loculum quotidie in sublime eleuari

conspiceretur coram adstantibus ; quibus portenti causam inuestigantibus, nec inuenientibus, non nemini suo clienri Diuus visendum se præbuit, iussitque Antistitam moneri, diuini placiti esse, vt in locum editiorem transferretur. Paruit cliens, Antistita vero Ethelredum fratrem tum Regno potientem admonendum censuit, cuius opera magnus Ecclesiasticorum, & Primatum conuentus ad conditam mutationi diem adfuit in Monasterij templo. Reseratur arca conditoria sacri depositi : exhalat illico fragrantia, qualem non Pæstani flores, non Sabæa thura, non opobalsama vlla terrena inhalarent : Attollunt infulati Præsules sacrum onus, & in loco editiore inter lipsanothecas ibidem reponunt, vbi per multa sæcula adseruatum est quoad proximè præterito seculo erupens Erebo hæresis, sacra, profanaque omnia euertit, & Regnum Angliæ, olim Angelorum, sed em fecit Dæmoniorum.

Sed relinquit in te Dominus semen, o Anglia eorum, qui non curuauerunt genua ante Baal, verè Israelitarum semen, ac martyrum qui fidem catholicam, & amorem Christi tormentis, ac sanguinis effusione Orci ministris probant. Clamat hic cum sanguine fusti Abel ad Dominum, & clamor ascendit ad aures eius respondentis, expectate modicum, donec implatur numerus fratrum vestrorum. Nimirum redituros serenos dies, & antiquæ Religionis amœnam lucem signis ostendit, nunc quidem obscuris, sed olim reuelandis i
cum

cuius reuelabitur iniquitas hæresis, & videbit gaudebitq; florens regnum restituta veræ religioni templa, aras templis, eruces, calices, imagines, triaras, luminaria aris, suum cultum crucibus, & ornatui reliquo fructum pietatis, & splendorem antiquitatis.

Interim o fortes athletæ Christi, qui in medio nationis ab hac deprauatæ, persecutionis vrgentis ferociam turbulentam, vt cū S. Cypr. loquar) stabili congressione frangitis parati ad patientiam carceris, armati ad tolerantiam mortis, rapinæ honorum vestrorū, exilij, infamationis, sustinete modicum donec impleatur numerus fratrum vestrorum, nec dubitetis præsentis tenebras confusissimæ mixtionis zizaniorum, ac sectarum in lucem purissimæ veritatis, & vnitatis catholicæ cōcessuras. Tunc licebit cum eodem S. Cypr. gratulari vobis, & veris Pastoribus secundum luporum deturbationem iucundum fuerit oves suas caulis catholicæ restitutas ita alloqui.

De lapsis
init.

Pax ecce dilectissimi fratres: Ecclesiæ red-dita est, & quod difficile nuper incredulis, ac perfidis impossibile videbatur, ope, atque vltione diuina securitas nostra renata est. In læticiam mentes redeunt, & tempestate prefuræ, ac nube, & caligine discussa, tranquillitas, ac serenitas refulserunt. Dandæ laudes Deo, & beneficia eius, ac munera cum gratiarū actione celebranda, quāuis agere gratias, nostra vox, nec in persecutione cessauerit, & mox. Exoptatus votis omnium dies venit, & post longæ noctis horribilem, tetramq; caliginē Domini luce radiatus mūdus eluxit &c.

conspiceretur coram adstantibus ; quibus portentæ causam inuestigantibus, nec inuenientibus, non nemini suo clienri Diuus visendum se præbuit, iussitque Antistitam moneri, diuini placiti esse, vt in locum editionem transferretur. Paruit cliens, Antistita verò Ethelredum fratrem tum Regno potientem admonendum censuit, cuius opera magnus Ecclesiasticorum, & Primatum conuentus ad conditam mutationi diem adfuit in Monasterij templo. Referatur arca conditoria sacri depositi : exhalat illico fragrantia, qualem non Pæstani flores, non Sabæa thura, non opobalsama vlla terrena inhalarent : Attollunt infulati Præsules sacrum onus, & in loco editiore inter lipsanothecas ibidem reponunt, vbi per multa sæcula adseruatum est quoad proximè præterito seculo erupens Erebo hæresis, sacra, profanaque omnia euertit, & Regnum Angliæ, olim Angelorum, sed em fecit Dæmoniorum.

Sed relinquit in te Dominus semen, o Anglia eorum, qui non curuauerunt genua ante Baal, verè Israelitarum semen, ac martyrum qui fidem catholicam, & amorem Christi tormentis, ac sanguinis effusione Orci ministris probant. Clamat hic cum sanguine fusti Abel ad Dominum, & clamor ascendit ad aures eius respondentis, expectate modicum, donec implatur numerus fratrum vestrorum. Nimirum redituros serenos dies, & antiquæ Religionis amœnam lucem signis ostendit, nunc quidem obscuris, sed olim reuelandis i
eum

cuius revelabitur iniquitas hæresis, & videbit gaudebitq; florens regnum restituta veræ religioni templa, aras templis, cruces, calices, imagines, triaras, luminaria aris, suum cultum crucibus, & ornatui reliquo fructum pietatis, & splendorem antiquitatis.

Interim o fortes athletæ Christi, qui in medio nationis ab hac depravatæ, persecutionis vrgentis ferociam turbulentam, ut cû S. Cypr. loquar) stabili congressione frangitis parati ad patientiam carceris, armati ad tollerantiam mortis, rapinæ honorum vestrorû, exilij, infamationis, sustinete modicum donec impleatur numerus fratrum vestrorum, nec dubitetis præsentis tenebras confusissimæ mixtionis zizaniorum, ac sectarum in lucem purissimæ veritatis, & unitatis catholicæ concessuras. Tunc licebit cum eodem S. Cypr. gratulari vobis, & veris Pastoribus secundum luporum deturbationem iucundum fuerit oves suas caulis catholicæ restitutas ita alloqui.

De lapsis
init.

Pax ecce dilectissimi fratres: Ecclesiæ redita est, & quod difficile nuper incredulis, ac perfidis impossibile videbatur, ope, atque vltione diuina securitas nostra renata est. In lætitiâ mentes redeunt, & tempestate pressuræ, ac nube, & caligine discussa, tranquillitas, ac serenitas refulserunt. Dandæ laudes Deo, & beneficia eius, ac munera cum gratiarû actione celebranda, quâuis agere gratias, nostra vox, nec in persecutione cessauerit, & mox. Exoptatus votis omnium dies venit, & post longæ noctis horribilem, tetramq; caliginem Domini luce radiatus mûdus eluxit &c.

S. Venceslaus Boemia Rex.

EN candidum, & odorum lilium è foetido; & olente caudice pullulans; VVenceslaus Virgo, & martyr candore nitens, pietatis odore fragrans martyrij cruore purpurascens ex Drahomira Lucensi, siue vt alij vocant Drabonucia impia, & ad scelera proiecta parente natus. patrem habuit Vradislau, seu VVladislaum Boemix Ducẽ; auos Borsiuoium, & Ludmillam fidei catholicę in Boemiã propagatores, quam Drahomira labefactare nitens cultores eius data occasione vexabat; & idem venenum odij per partes fundebat, quod olim rerum posita totum intemperanter euomuit. Id maturẽ prẽuidens Ludmilla pia in paucis fœmina, vt nepotes VVenceslau, & Boleslaum natu minorem perniciosę matris educationi subduceret, officiosam salutationem obtendens Pragam profecta, humanitate, modestia, obsequio lenire, ac demereri nurum studuit, vt filiolos ipsa apud se haberet, aleretq; donec adultos Regiæ paternæ restitueret. Quæ multum petere ausa est, quod magjs optabat, à genitrice impetrauit; VVenceslaum videlicet primogenitum, & ingenij mitioris, & genij ad honestatem propensioris secum abducere permissa est. Prima adeo cura fuit probos, ac eruditos magistros quærere, à quibus tenera pueri ætas litterarum rudimentis, & christiænæ disciplinæ præceptis imbueretur: tũ, verò

Baron. in
annal. ad
an. 918. &
in martyri,
28. Sept.
Sur. tr. 6.

vt

ut ex vmbra priuatæ institutionis in lucem prodiret publicæ exercitationis Budæcum transmisit ad Academicum Sacerdotem Nicetum nomine, doctrine fama illustrem, ut sub eo doctore adolescentiam virtute, & scientia excultam iuventæ, ac Regni gubernaculo pararet. Respondit auiæ votis nepotis sedulitas, & istius profectus præceptorum diligentiam, industriamque superavit. In puero, in adolescente, in iuvene nil puerile, nihil iuvenile præter ætatis florem, & indolis amabilissimæ viriditatem cernebatur, Grauis erat moribus, fronte serenus, sermone cautus, eloquio blandus, affabilitate dulcis, amator pauperum, ad omnium virtutum operæ naturæ benignitate, gratiæ beneficio proclivis: & fructus istiusmodi bonorum vultus pulchritudo, & enitens generosæ stirpis decor gratiores reddebant.

Regno admouetur VVenceslaus.

VRadislaus in egritudinem incidit, quæ postrema fuit, & testamenti, ac Regni dispositionis admonuit. Ius illius ad VVenceslaum, utpotè Boleslao maiorem deuolvebatur; sed cura gubernationis interim Ludmilæ relicta, perspectæ integritatis, atque prudentiæ, dum hæres id ætatis esset, ac virum, quæ regiminis ponderi sustinendo pares essent. Malignè tulit Dabronucia mulier superba, & ferox se pupilli matrem auiæ posthabitam, & iure, an iniuria nihili pendens

dens, inuadit imperium, quod quidem sæ-
uum in cunctos exercuit, sed aduersus Chri-
stianos in tyrannidem intolerabilem vertit.
Hos exilio, illos morte damnare; alios spo-
liare bonis; tormentis alios torquere; tygri-
dem denique in Dei cultores agere: Diu ta-
men sceptrum tenere, & habenas transuer-
sum flectere, improbæ hæud licuit, nam
primatum voluntate resignare coacta est
Venceslao successori legitimo, qui ne de-
trectaret, auia suasionē inductus est. Initio
statim, ut fratrem, matremque demereretur
infignem Regni prouinciam Boleslauiam ap-
pellatam, ultra Albiū fluiuium, in qua libe-
rè dominaretur, Boleslao assignauit, paren-
tem verò ipsi adhærentem; quibus potuit
beneficijs prosecutus est; sed placare non va-
luit. Siquidem Tymam, & Simonem sce-
lestes homines; & ad parricidia paratos in
castrum Dhetinu vulgo dictum submisit, qui
Socrum id loci commorantem improuiso a-
gressam strangularent. Alij aliter ficarios
appellant, barbaris nempe vocabulis Iuma-
nes, & Cumanes, qui promissis, & pretio
conducti impium facinus patrare non refor-
midarunt, & crudelitatem sacrilegio cumu-
larunt: quippe sacellum ingressi ubi Sacerdos
Paulus nomine sacris operatus anum vene-
randam angelico pane, & Exomologesi ad
necem se comparantem munierat tanquam
lupi præferoces agnam mitem, & innoxiam
immaniter suffocauere. Acquum, iusque
poscere videbatur, ut nefarium scelus acris

pœna vindicaretur: & non deerat, qui Venceslaum ad eam inferendam incitarent; sed prudens iuuenis momentis hinc inde perpensis, & re Domino precibus commendata; tandem satius duxit summo numini criminū vindici, curam ultionis relinquere; quam proprię genitricis vindictā agere; & pacem tranquillitatēq; publicam turbare. Diffimulato igitur dolore, ac indignatione, reliqua Christiani Regis munia exsequi institit, & catholice Religionis ante omnia cultum, promouere, templa instaurare, Sacerdotes accersere. Et quod rarò in magnatum aulis contingit, ipse sibi carnis mortificationem, adamare; cibi, potusque parcitate delectari, pernoctare in oratione, diuinarum horarum recitationi interesse, quæq; alia virorum Sanctorum propria facere, ac pati fortiter. Eam ob causam, apud Populos Famam pij principis, religiosi ducis, honesti iuuenis sibi conciliauit.

At quod iniqua æstimatio est huius mundi sapientum, quæ Dei sunt non percipientium & altius terra non intuentium, ineptum regimini plerique dictitabant, atque globulis precarijs euoluendis, quàm armis, si fors ferret, tractandis, aptiorem esse. Qua vana opinione delusus Radslaus Gurinensis, aliàs Cutmenensis Princeps nulla laceffit in iniuriâ, nulla iusta causa prouocatus; sed acquirendi dumtaxat auiditate incitus, cum ingenti exercitu irrupit in Boemiam, agros deuastat, prædas agit, cuncta in suam potestatem, dominium-

miniumq; redire conatur. At non tardus, neque segnis in milite cogendo fuit VVenceslaus, & bacchanti furori voluntarij hostis occurrere, ac impetum cohibere. Par generosi, ac prudentis Principis specimen dedit, quando præuisa multorum cæde secutura animosè Radislaum conuenit, & ad vitandū commune malum ex militari conflictu vtri-que parti impendens singulare certamen obtulit, in alterutrius dumtaxat, vel vtriusque perniciem cessurum. Conditione promptè ab Aduersario accepta, loco, horaque indicta comparent armati ambo; ast armatura longè dissimili: ille cataphractus hasta, & machæra minas, ac terrorem spirat; hic lorica supra cilicium indutus gladio succinctus, & cruce munitus intrepidè fit obuius irruenti in se aduersario; dixisses nouum Dauidem in nomine Domini Exercituum aduersus Philistæum in arenam descendere, & hostem prosternerè; nisi quod VVenceslai victoria incruenta ita Radislaum prostrauit, vt simul erexerit. Etenim hora instante pugne cum iam iam manus essent conferendæ, conspecti sunt Angeli bini miræ pulchritudinis adstare VVenceslao, & prompti ad patrocinandum, arma ad offendendum ministrare, auditaque vox minaciter insonans, Ne feri, qua perterritus Radislaus equo prolabitur, & quod mirere, adeo consternatus, vt supplex ad genua VVenceslai prociderit, & veniam de contumacia humiliter deprecatus fuerit. Quam lubenter elargitus victor, monuisse contentus ne deinceps

ceps aliena inuaderet , ne vestigium quidem hostilitatis remanere passus est . Quot, quantaq; in vno facto decora ? quantus erga suum clientem numinis Diuini fauor ? Neque verò minus admirabile quod sequitur .

Otho primus ex Germaniæ Rege , quem titulum 26, annis retentum cum imperatorio commutauit , generalia Regni comitia Var-
matiz indixit , & Regni Proceres , ac Dyna-
stas conuocauit . VVenceslao proinde eun-
dum fuit , & Regiæ voluntati obsequendum .
Moris erat antiqui , & pij à solempni sacro ab
Episcopo decantato conuentum auspicari , cui
aduenæ cuncti interessent , ac opem à Deo
publicè implorarent . Et alij quidem viri pri-
mates maturè conuenerant , ne mora fieret
litationi ; VVenceslaus autem , vt inanum ,
colloquiorum quibus otiosa conferta illa no-
bilitas interim sese oblectabat , tempus pre-
cibus redimeret , serius aliquantò comparuit .
indignabantur cæteri , & pro sua quisque af-
fectione , ac libito tarditatem interpretaban-
tur , & qui mitissimè , ab illiberali segnitie
haud excusabant . Neque Regi ipsi singula-
ritas hæc probabatur . Inter has splendidæ
illius coronæ querelas VVenceslaus aduenit ,
cui , cunctis videntibus , Rex procedit obuiam ,
& ad suum locum summo honore deducit ;
stupent omnes insolentiæ istiusmodi causam ,
ne coniectura quidem assequi , aut sciscitari ,
quisquam ausus fuisset : sed Othoni ipsi nar-
rare libuit , qui Sacramentum reuelare ho-
norificum Principi duxit , & suæ ipsius digni-
tati

tati opportunum , ne peccasse contra decorū putaretur . Fassus nempe est oculis se vidisse corporeis cœlestes spiritus sub Epheborum specie supra humanam venustatem formosorum ingredientem VVenceslaum stipantes , atque adeo illustri spectaculo ita cōmotum, vt impetrare à se minimè potuerit,quin principi subdito tanquam supremi Imperatoris aulico , & principibus terrenis excelsiori occurreret , & hōnore illo propalam dignaretur . Quinimo Antistes ipse sacris operaturus non est veritus Regis effatum confirmare , testarique ingenti se quōque horrore persusum , vt lumina in VVenceslaum venientem & comites eius intorsit, & hæsisse cogitandum vnde insolita proueniret commotio, qualem ad nullius, qui confluxerant ingressum persensisset. Quæ causa fuit vt propensissime deinceps amore in castissimum iuuenem ferretur Otho , & sponte offerre munera , muniaque non cessaret : sed qua erat hic modestia , & probitate nihil humanum petijt , quia neque optabat; sacras dumtaxat reliquias summi fauoris loco habiturum significauit ; nominatim brachium S. Viti Martyris è Gallia olim sub Ludouico Pio in Saxoniam translatis, & in templo magnæ Gorbeiz positum ; tum partem ossium S. Sigismundi Burgundiæ Regis , quem Vandalicæ fuisse nationis acceperat . Vsq̃ue adeo libenter postulatis indultum , vt non conferre ; sed capere beneficium videretur Otho , cui & alia insuper addere voluptati fuit , vt oneratum

muneribus, ac honoribus Venceslaum, amitteret, Nam & fulvum Aquilam in lino candido alas pandentem gentilitium suæ domus insignie commune fecit, & in Regium, titulum, Ducis appellationem transtulit, ac tributorum quotannis à Dynastis pendì solitorum obligatione liberavit: Et cætera quidem, ne parui facere Imperatoriam munificentiam videretur, acceptare cum gratiarum actione non renuit, Regis autem magnificum nomen, non nisi grauatè, christianæ humilitatis, quàm terrenæ dignitatis amantior, admisit.

Tam pretioso Reliquiarum sacrarum aulario mirificè letus VVormatia Pragam reuertitur VVenceslaus, nihilque antiquius habet, quàm vt magnificentissimum illis reponendis templum ædificaret: Interim dum fundamenta laciuntur venit in mentem corpus quæ Ludmille, quod in arce Tetia erat conditum, Pragam transferre, & sepulchro honorifico in templo S. Georgij à Vradsiao parente extructo reponere, Triennium iacebant ossa defunctæ in tumulo à die funeris parato, & morte, artus carnesque depascente arida, nudaque remansisse putabantur; sed custodiuit ea Dominus, & à corruptione serpauit, nam cadauer integrum planè, & suauem spirans odorem à defossoribus repertum est. Cœpit adstantes admiratio, & ingens animorum læticia foras erumpens vicinitatem totam prodigij rumore compleuit, & spectandi cupiditate succendit: factus inde turbæ cœ-

cur-

cursus, & mox translatio haud sine pompa,
 venerationem tamen non æquante, peracta
 est. Interea S. Viti ædificium vrgetur, & ad
 umbilicum penè productum amplitudine, ac
 magnificentia tanta, vt dignum inter cetera
 templa principali cathedra duceretur, cui
 suus Antistes daretur, nam antea Pragensi dia-
 cesi adnexa, idemque qui & Morauiz præ-
 rat Episcopus; & postmodum 35. iam annis
 vtramque Ratisponensis regebat. Hic per id
 tempus erat VVolfaungus fama sanctitatis
 elarius, & inter Sanctos post obitum adscrip-
 tus, à quo VVenceslaus, vt ad ædis S. Viti
 iam absolutæ consecrationem Pragam veni-
 ret infirmis precibus contendit; sed frustra;
 cū enim non esset nescius quàm insensa esset
 Drahomira filio: quamq; impotenter sanis
 illius consilijs, & religionis catholicæ propa-
 gandæ studijs oblectaretur, satius duxit ab ea
 se flamma subducere; quàm nouis periculis
 Innocentis iuuenis vitam inuoluere, & nouer-
 cale odium aduersus illum irritare. Datis er-
 go litteris humanissimis respondit sibi quidē
 in præsentiarum à sua abesse Ecclesia, haud
 licere; sed missurum tamen Sacerdotem gra-
 uem, & probum, qui Vicariam pro se ope-
 ram præstaret; Atque de cetero sollicitum
 esse vetat, vel hoc nomine, quod non diū
 post à Sancta Sede Apostolica Præses Sancti
 Viti templo fit dandus, qui Metropolitam
 agat, & nullius subditus sit Episcopi legibus;
 sed statuatur ipse Pragensibus leges, & Populi
 Boemici sit ipse Pastor, cleriq; Principes. At-

que ita VVolfangus consolatorem agens, Vatem exhibet. Missis namque ad summum Pontificem Romam Nuncijs, qui Præsulem Pragensem postularent, dum responsum præstolatur VVenceslaus, quicquid supererat à gubernatione otij totum in templo diu, noctuq; consumebat, Eò nudis pedibus inter nocturnas tenebras adire, & in oratione per-nigil multis horis adstare, mane autè sacris interesse, & ministrare; diligenter curare, ne ornamenta aris, aut necessaria Sacerdotum sustentationi decessent; quæ sibi accepta libuit diuinæ bonitati etiam miraculo declarare.

Etiam Podiulnus, aliàs Podius, fidus Achætes, & intimus aulicorum, cui sua arcana, nota esse non ægrè ferebat, cum ad templum de nocte euntem comitaretur frigoris sæuitie obriguit toto corpore; ac pedes in primis et si calceamentis obuoluti, forti, adeo gelu obduruere, vt inflexiles fierent, & incessui inepti. Contra intectus caput, plantasque VVenceslaus lætus ibat, ac illæsus glaciem calcans fumantia calore vestigia relinquebat, in quibus cum nutu eius Podiulnus pedes immisisset perinde, ac si prunis admouisset incaluerè, & commodum ad templum vsque procedere concessere.

Propter hæc clarescebat in dies magis VVenceslai nomen apud Populos sibi subditos, exterosque, & augebatur amor ipsorum, ac veneratio erga iuuenem, quem cælitus sibi datum ducè palam prædicabunt matris, fratris.

trisque præcordia: & odia in dies exacuebantur, & quidem vsque adeo vt necare infontem deliberarint; sed immane facinus, vt aliquantisper differrent, effecit rumor minime incertus initæ à pio adolescente deliberationis religiosam vitam, abdicatione sæculo, amplectendi. Quod vt cum bona Vicarij Christi Domini venia executioni mandaret, miserat ex suis nobilibus non neminem Romam, qui suo nomine ageret cum Summo Pontifice, & consensum eius, ac benedictionem diplomate obsignatam Pragam deferret; quo facultas fieret cœnobium Monachis Benedictinis instituendi, & ipsorum habitum relicto fratri Boemiæ Regno induendi. Verum dum paulò serius, quàm Drahomira ferre valeret negotium Romæ expediretur, ira stimulante, & Satana facies admouente flagitium machinatur, quod cogitare horrescit animus, exarare stylus reformidat. Pepererat sub hosce dies Boleslai fratris vxor puellulum, cuius natalitia de patriæ, & principum more solemnibus apparatu, & agnatorum concursu celebranda erant. Inuitant genitores ad diem festum Venceslaum, & blandimentis agunt, vt circumueniant, & mactent. suboleuit impia molitio sagaci iuueni cui intestina inuitantium odia, & abalictatio, vt obscura non erant, ita non poterant non esse suspecta simulate benivolentiæ repentina indicia; ire tamen haud renuit; sed priusquàm se viæ daret, accitis in conclaue amicis fidelioribus, è fenestra in subiectum atrium pro-

Spectans Sacerdotes non paucos cum Paulo
 colloquentes intuitus, alta ex imo pectore
 trahens suspiria, dixit, quam vellem vanus
 esse vates! Nam paulò post corona isthæc sa-
 cerdotum gladijs impiorum perimenda est, &
 locus sanctus profanorum pedibus conculcā-
 dus, & erat vaticinium hoc absconditum au-
 dientium oculis, solus Podiuius, quò colli-
 maret intellexit, ideoq; à proposito eundem
 abstergere suum dominum impensè adnite-
 batur. At VVenceslao certum erat promissis
 stare, & incertum, quam ob causam pericu-
 lo non occurreret; nisi quod impul-
 sum fuisse diuinum, & gratam superis ma-
 gnanimitatem, prodigia cœlestia indicauere.
 appetente igitur solemnitatis die, confесси-
 nis, & communionis sacramentis munitus
 contendit in Boleslauiam, ibi palatio Regio
 honorificè exceptus opportunè ad conuiuium
 lautè nobilitati apparatus vocatur. Inter
 symposia, & compotationes trahuntur horæ
 ad inclinatam vsque diem, sed VVenceslao
 tedium erant hilaria, aconitum epulæ, fel
 pocula, & menti à patenis, & pateris alienæ
 necis instantis horror obuersabatur, at pectus
 fiducia in Domini ope, & spes præmij æterni
 roborabat. Ideoq; nullum in vultu tristitiæ
 signum, nulla in sermone suspicionis nota,
 & quamquam conuiuijs cæteris in gaudia so-
 lutis brevis horæ instar, tempus longum af-
 fluebat, dum potant, rident, garriunt, huic
 annus est: tandem suadente nocte, & sagi-
 nati sopori se, & cubilibus donant, VVen-
 ces-

ceslaus solus suauiter in oratione excubat, & turtum se nocturna caligine ab arbitris ratus, templum ingreditur, & in conspectu altissimi effundit animam suam. Boleslaus furij percitus per exploratores monitus, orantem, ac inermem aggreditur, & carnifex de fratre factus micantem gladium super ceruices flectentis eleuans exertam dexteram totis viribus intorquet; sed quasi infandum scelus exhorrens ferrum de manu contorquentis prolabitur, & primus ictus cassus euadit. Non stupet, non horret, sed indignatur percussor marcescenti manui, & resumptum gladium in secundos impetus vibrat, ac vulnere letali fratrem conficit, nec cessat à laniena, donec efferatam crudelitatem sanguinis, atque spiritus fraterni profusione expleuit. Tum barbara feritate satiatus, ac letus quanto potest astu, & arte fratricidium dissimulat, ac postridie continuato tripudio mendacia de discessu VVenceslai architectatur, & animos procerum saltationibus, chòreis, comensationibus ad alia cogitanda auertit. Non diu post disseminari curat in vulgus diem obijisse VVenceslaum, & principatum nullo obistente inuadit. Prima adeo tyranni studia fuere defuncti amicos de medio tollere, Sacerdotes, quos illius studiosiores fuisse haud ignorabat pœnis vexare quæsitissimis; sed in Podiuinum intimum; ac familiarem acerbiter, rabiemq; exercuit truculentam, cui elidi fauces iussit in patibulo, ac per summam ignominiam de illo pendere multo tempore,

quoad in lucem Innocentis mortem , & par-
ricidę scelus gloria miraculorum eduxit , vt
mox memorabo .

Contigit
mors anno
Christi 938.
vt Baron.ad
hunc ann.
& Bellarm.
Chronolog.

Funesta nocte , qua execrabile fratricidiũ
patratum est, Danię Regi per quietem tota
tragędię series ostensa est , & in mandatis
relictum , vt ædem Christi martyri ædifica-
ret. Angeli ne tutelarıs opera ostentum ,
confictum , an ipse Christus Dominus quie-
scenti obiecerit parui refert definire . Verum
fuisse insomnium ex ijs , quę coelitus immit-
tuntur , exploratius Regi fuit, quam vt dubi-
tationi locum dare posset , aut vellet . Paruit
itaque imperanti numini , & templum mo-
lis , operisque Magnifici in honorem VVen-
ceslai Deo dicauit , per cuius parietes splen-
dens pictura facti speciem mortisque genus
representabat oculis in clara luce , quale ipsi
in tenebris, & nocturno sopore ostensum me-
minerat , ac palam testificari non verebatur.

Verum & ad tumultum martyris in Boles-
lauię templo clam sepulti coruscare miracu-
la occępere, quorum fulgorem ferre non va-
lens Boleslaus extinguere nequicquam sum-
ma calliditate curauit . Mandat extumulari
corpus , & curui impositum quàm celerri-
mę Pragam noctu deportati , & secretissimę
alibi sepeliri . Vix equi sarcinę illius pondus
persensere , & aurigę indignari regimen præ-
cipiti se cursu itineri dedere , ac interiecta
flumina siccis prope plantis transuadantes
ocijsimę Pragam peruenere: & custodes qui-
dem morem suo Domino gerendi cupidi de-
po-

fitum sibi creditum ante lucem procul obseruatoribus recondere festinabant; attamen iugales creatori deseruientes ante carcerem arci Pragensi subiectum immobiles hæserunt, nequicquam adnitente rhedario illos propellere, & prolixa cōtentaq; fustigatione ad cursum incitare. Perstiterunt eorum ingratis tanquam columnæ marmoreæ solo defixæ quoad sole latè terras illuminante concursus ingens factus est turbæ ad spectaculum confluentis, & fateri cogentis aurigam quid veheretur, unde veniret, quò pergere esset animus; quæq; alia secretam Boleslai machinationem, & fraudulentam transmissionem manifestauere. Neque tamen illico detecta vafritie mouere se loco quadrupedes diuinæ Iustitiæ famulantes; sed multitudine miraculum acclamante pars quoque lætitiæ communis ad propinquas lætomias deriuata, & nescio quo instinctu captiuorum liberatio clamore spectatorum expetita, & impetrata. Tum vacuis habitatoribus carceribus, nullo iam stimulante restaurato cursu recta equi contendunt, & ante fores templi S. Viti rursus consistunt. Insequebatur frequens agmen accurrentis populi in venerationem martyris pronissimi, quæ mirificè aucta est cum aperta capsula corpus integrum, & à vulneribus persanatum inuentum est, auriculâ dumtaxat dextera desiderata, quam Præmislaui soror eius ad limen templi ubi fuerat interfectus, repertam cruore madidam seruauerat ad multiplicanda prodigia; nam è Boleslauiâ Pragæ delata, sua

spōte capiti vnde auulsa fuerat, adhæsit in auribus olim cœlestibus cū sua compari decoranda. Cēptus inde tantus ad sepulcrum cōcursus fieri, tot indè curationes infirmitatum in dies vulgari, vt neque Sancti gloriæ obscurandæ, neque suæ infamiæ obtegendæ par esset interfectorum astutia, vel comminatio. Cedendum maiori potestati fuit, & irritati numinis vindictæ duræ cēruices subiiciendæ. Nam Drahomira non longè ab arcē Pragenſi dum currū vehitur terræ hiatu cum gynæceo & comitatu toto absorpta est, superstite dumtaxat auriga, vt testimonio casum horribilem referret. Boleslaum miserando supplicio carnis morbus exercuit, & diū conflictatum, agitatūque conscientię stimulis mors truculenta confecit. Non tamen prius quàm ab Othone Imperatore in iudiciū vocatus, & damnatus est. Quamuis enim detrectare imperium primum ausus sit, & coacto exercitu Imperatori obſistere id temporis bello contra Hunnos Augustam Vindelicorum obſidentes, occupato; nihilominus hoc fœliciter confecto, demissione infima pacem, & veniām deprecatus nonnisi priuilegiorum omnium VVenceslao concessorum priuatione obtinuit, & pēna insuper mulctatus est maleficio debita; quę qualis, quantaque fuerit non prodidere scriptores; verum vt vis grauis fuerit, grauitatem sceleris æquauerit, qui potuit nulla nisi diuinæ manus ultione compensanda? Conſeij quoque & ministri sceleris præmissi, alij præcipientes se ex editis lo-

cis in abrupta dedere, alij districtis giadij toto pondere nudis pectoribus incubuere, alij aquis se præfocauere pollutas animas cum tanto cruore orco euomuere; nemo immunis e vindicta vitæ contaminatæ concessit, nonnullorum filijs, posterisque in longum hædere vestigia auitæ improbitatis, quippe natorum nati omnes contractis plantæ alterius neruis e maternis vteris prodeuntes perenni claudicatione, & incessu deformi ludibrio fuere mortalibus, & radices, vnde malum manabat in ramos fructusq; fœditatis memoriam renouabant.





S. MATTHIAS

S

Surge qui dormis, & exurge à mortuis
Ephes. 5.

O anima mea, siue vigiles, siue dormias semper in auribus tuis, illa horribilis tuba resonet. Surgite mortui, venite ad iudiciũ, ò anima nunquam excidat à tua memoria. Ite maledicti in ignem æternum: Venite benedicti, percipite regnum. O quid potest lamentabilius, & horribilius cogitari, quam ite? & quid delectabilius exprimi, quam venite? S. Aug, solil. c. 3.



MALCHOLMVS REX SCOTORVM

Cognomento Virgo.
illi copulemur cui est nupsisse Virginibus. S. Paulini

Malcholmus IV. Scotorum Rex Cognomento Virgo.

Fuit hic Daudidis Regis filius, Henrici nepos, post alios tres eiusdem nominis quartus; eorum nulli castimonia, ac pietate secundus Dauide functo summa procerum, & populorum consensione Regno suffectus; maiorem scelicis administrationis spem, quam ætatis maturitatem attulit. Etenim impuberi adhuc ex aui designatione gentisq; lege delatum sceptrum, in quo moderando ita se gessit, ut iuuenile, nihil præter adolescentiæ florem in eo aduerteretur. Species ipsi decora, & imperio digna: Virtus superior annis, & usque adeo conspicua in dictis, factisque, ut admirationi esset populis sibi subditis, & summæ apud extraneos commendationi. Frons, oculi, vultus, collocutio modestiam, spirabant, & castimoniam, quæ causa fuit, ut antonomastice Virgo nominaretur. Cum autem ad hæc ornamenta accederet morum elegantia, comitas, affabilitas, beneficentia, diligentia in regij muneris functione, incredibile dictum est, quantum sibi amorem, apud Scotos conciliarit. At quia acceptus erat Deo; necesse fuit, ut tentatione probaretur; ac aduersis exerceretur. Prima namque regnandi initia inauspicata reddidit lues pestilentiae persimilis, quæ Scotiam propè universam inuasit, & plurimum mortibus funestavit. Consecuta hinc annonæ caritas; & fa-

mes

Ex histo-
ria Scoto-
rum scripta
ab Hecto-
re Boethio
lib. 3.

mes, quæ superstites à morbo, dirè latiquè
 absumpsit. Hac vsus occasione Sumerledus
 rAgadiæ Toparcha Tanus vulgo dictus col-
 lecto milite in afflictas, & desolatas prouin-
 cias irrumpit, & auferre à legitimo Domino,
 quanta potest armorum contentione con-
 titur. Ast fuit conatus irritus, siquidem fi-
 ducia in Deum erectus pius adolescens per
 Gillechrestum Augustian Regiæ militiæ Præse-
 ctum coplas ex reliquijs mortuorum studiosè
 conquistas inuasori opponit, & victoriam
 gloriosam reportat. Malus illi periculum,
 damnumq; ab Henrico II. Angliæ Rege crea-
 tur; etenim Londinum ad præstandam fi-
 delitatem accitus in expeditione quam aduer-
 sus Ludouicum Franciæ Regem parauerat eo
 mitem, quamuis inuitum semel deduxit. Ite-
 rum post annos paucos eodem reuocatus, tri-
 bus prouincijs, Northumbria, Cumbria,
 Handintonia spoliatur, quod istæ in memo-
 rato bello suppetias hosti Regi, vti crimina-
 batur, iuissent; Et quod deterius est, Mal-
 cholum ipsum in summum amittendi Re-
 gni discrimen adduxit, putido vulgato men-
 dacio quod iurium illarum prouinciarum
 sponte cessisset; Quæ causa fuit coniurationis
 nobilium aduersus ipsum, & obsidionis, qua
 redeuntem ex Anglia, & ad Bertham oppi-
 dum diuertentem cinxere, quoad patefacta
 Henrici nequitia non modò suæ resitutus est
 Regiæ; sed animatus insuper, & adiutus li-
 beraliter ad bellum eidem Regi inferendum,
 quod adeò foeliciter confectum est; vt ad pa-
 cem

cent aq̃uis conditionibus stabiliendam adde-
 gerit , Verum diu quietem amanti non li-
 cuit esse quieto ; rursus enim orta tempestas
 est, ac tumultus excitatus à magna nobilium
 parte , & à Præfecto armorum Augustio Cal-
 luidiano in ipsum conspirantibus, quos tamē
 tertio conflictu profligauit , capto etiam
 Præfecto , & custodiæ tradito , à qua tamen
 liberationem impetrauit , & veniam , tum
 quia signa dedit pœnitudinis non simulata, &
 recepit se militiæ , ac mundo valedicturum ;
 tum quia facile fuit Regem natura mitissimū
 ad condonationem inflecti , & à vindicta per-
 duellionis ad miserationem traduci ; ne tamē
 à clementia seiungeretur Prudentia , filium
 illi longē carissimum spontē oblatum obsidē
 accepit , & facultatem dedit ad vitam religio-
 sam , inter Monachos Sanctæ Crucis
 transeundi , quam constanter ad obitum , vs-
 que retinuit . Neque dum bellorum finis ,
 quæ à Morauis , & Sumerledo sunt instaura-
 ta : Sed illos ad internecionem expugnauit ;
 hunc verò tertio iam rebellantem captiuum
 duxit , ac Iustitiæ victimam in patibulo su-
 spendi iussit . Quo secundissimo victoriarum
 cursu fama bellicæ virtutis Regis inclyti
 longē , latēque propagata probauit pos-
 se fortitudinem , ac Iustitiam , cum pietate
 diuinoq; cultu ritē sociari . Enituit etiam in-
 ter præclara facinora insignis erga sedem Apo-
 stolicam obseruantia ad quam legationem
 selectissimorum virorum Guilhelmi Mōra-
 uensis Episcopi , & Nicolai sibi à secretis de-
 stina-

stinavit, qui suo nomine pedum osculo reuerentiam testarentur, & obedientiam pollicerentur; impediri se publica Regni administratione ne Romam veniret, & id officij sue sanctitati debiti coram obiret; optare, precarique sua benedictione impertiri, quam sibi, suisque populis summopere profuturam minimè vereatur. Erat id temporis Ecclesiæ Rector Eugenius III, ille qui à S. Bernardo Monasterio Cisterciensium ad aquas saluas vulgo trium fontium præfectus fuerat & Viterbium, tum concesserat declinandi rumoris à plebe Romana concitati. Ibi summo cum honore, ac benignitate legatos Scottos excepit, & auditis ingenti cum voluptate, quæ ipsi de virtutibus Malcholmi narrabant, amavit absentem, & habuit humanissimè in aula sua Nuncios, quoad redire volentes cum benedictione, quam petierat dimisit, & muneribus, quæ non petierant, honorauit.

Cætera quæ ad varios rerum politicarum casus pertinent, ac fusè à scriptoribus denarrantur, instituti nostri non est singillatim persequi, vnum omitti non patitur Virginitas, quod totum suum est, & eximie splendidum. Vt reddita à bellicis tumultibus pax regno fuit, ad eam firmandam Comitia generalia conuocauit Rex, ad quæ celebranda nobilitas vniuersa sacra, profanaque conuenit.

In ijs nouere Senatores, quod fama vulgauerat, de singulari Regis prudentia, ac virtutibus

tibus reliquis castimonia præsertim, quam reddebant prorsus admirandum iuuanilis ætatis, formæ elegantia, commodorum affluëtia, & cætera, quæ Principum aulæ suppetant incitamenta vitiorum. Sed nihil magis mirata est corona illa nobilitatis, quam responsum, quod castus adolescens dedit Episcopo nuptias suadenti. Quippe Arnaldus D. Andrea Præsul opinionem sanctitatis, ac sapientiæ venerabilis, Clausulam Comitijs fecit erudita parænesis qua petitis ex humana, & sacratiori Philosophia rationibus totam vim deprompsit eloquentiæ, ut Mulholmum quem Reges, ac Principes aliquot generum optabant, ad aliquem ipsorum in socerum admittendum induceret; eoq; progressu oratio est, ut necessarium id esse contenderet ad publicum regni bonum, & catholicæ religionis incrementum, quod citra piaculum contemni haud posset. Laudabilem esse cõlibatum in privatis hominibus; laudabilius in Principibus cõiugium, quo regna conseruantur. Amicitia aluntur Regum, humanum genus in pace, felicitate fruitur: præterquam quod in tuto collocatur lubricus adolescentiæ incessus, & securius teritur via mandatorum Dei: Quæque alia mollire queunt dura aduersus thalamos nuptiales pectora orator ille sacer proferbat. Pendebat ex ore mella fundentis auditor, intentusq; finē ad quem aptissimè, dixerat præstolabatur. Ast præpotuit amor castitatis illibatæ in animo, Pauli, imò Christi D. consilij

imbuto, Virginitatem nuptijs præferentium,
 nec mortalium vllum à tanto bono exclu-
 dentium. Itaque vt breui rem conficeret,
 & ansam præcideret intercessionum statuit
 secretum hætenus nulli reuelatum omnibus
 in Senatu præsentibus aperire. Vnum se eò-
 rum fassus est, quibus capere verbum ab-
 sconditum datum est, & pretium Virginita-
 tis, eamq; à teneris annis adamasse, & voto
 Deo Optimo Maximo, ac Sanctissimæ Matri
 deuouisse, quod violari sit nefas, & firmum
 ratumque esse velle. Non defuturos se me-
 liores, qui succedant in regno, cuius ex tunc
 ius omne abdicat, & in eos ad quos deuolui
 ipsi iudicauerint, transfert. Obstupere su-
 pra quam dici queat adstantes omnes ad nū-
 cium inopinatum, & quem hætenus, vt Re-
 gem coluerant, postmodum, vt quid Rege
 superius suspicere, ac venerari cœperunt. Vo-
 cabant alij cœlestem spiritum, sub huma-
 nis membris latitantem; Alij Dei Angelum,
 ad breue tempus concessum terris; & non
 diu post à cœlo repetendum. Neque falsi
 opinione sunt. Etenim post soluta comitia
 cometes in acie apparuit binorum longitudi-
 ne radiorum aspectabilis appetentis fati Mal-
 cholmi prodigium, vt insecuta febris decla-
 rauit, qua post dies quatuordecim extinctus
 est. Mors fuit vitæ consentanea, qualis vide-
 licet iustos occupat nunquam imparatos, Sa-
 cramentis Ecclesiæ munitos, inter ardentia
 vota videndi Deum, & preces illa consequen-
 tes expirauit. Indelburgi, vbi 12. cir-
 citer

citer regnarunt annis ; ætatis anno 25. sæculi
 mihi incertum non adeo sollicito istiusmodi
 dubia discutere meo instituto non conduci-
 bilia , nisi quod plerique asserunt à viuis ex-
 cessisse anno salutis 1165. Iusta apparatu ,
 quàm magnifico soluta, corpus dein delatum
 Deunformilem , & in designato Regibus se-
 pulchro conditum . Reliquit famam super-
 stitem sanctitatis , ac Virginitatis monumen-
 taq; piæ liberalitatis templum S. Andreæ in
 Kirleu ab ipso instructum , & Canonicis S.
 Augustini donatum . Alterum Abbatia B.
 Virg. quam amplis auctum redditibus Cister-
 censium sedem constiuit. Et vtraq; retinue-
 re diù decorem suum , donec hæresi grassan-
 te sunt deformata .





T

*An nescitis, quoniam membra vestra
templum sunt Spiritus Sancti*

1. Cor. 6.

Nam cum omnes templum simus Dei illato
in nos, & consecrato Spiritu sancto, eius
templi æditua, & antistes pudicitia est,
quæ nihil immundum, nec profanum in-
ferri sinat, ne Deus ille, qui inhabitat in-
quinatam sedem offensus, derelinquat.
Tertul. De cultu femin. c. 1.



S. CASIMIRVS Rex Hungariæ Electus
*Maior est victoria Hominum, quam Angelorum;
 Angeli enim sine carne uiuunt; Virgines uero in carne triumphant. S. Ambr.*

S. CASIMIRVS.

Næque regionibus Aquilonaribus suos de-
negavit naturæ flores; neque Polonicæ
inter omnes florentissimæ; munerum suo-
rum parcus dispensator regnorum Dominus
videri voluit. Quippe regia Maiestate, ac
procerum nobilitate splendidam, potentiam
formidandam, victorijs gloriosam, virtutum
insuper, & splendore sanctitatis orbi exhibuit
venerandam. Non est mei animi plures per-
censere quos longa serie annales Polonicæ nu-
merant. Instat esto multorum S. Casimirus sit,
cuius præclara gesta viri docti, præbique ad-
notauere, & posteritati fide integra transmi-
sere. Parentes ipsi fuere Casimirus Tertius
id nominis Rex Polonia, generosum iagel-
lonidis familiæ germen; & Elisabetha Alberti
secundi Imperatoris, Austriacæ stirpis orna-
menti. Hunc secundo partu enixa est foemi-
na fecunditate etiam foelix, quæ senio ma-
sculorum, septeno puellarum gauisa est.
Quinta Octobris dies, prima fuit vsuræ lucis
in vrbe Regni Principe Craconia, anno salu-
tis 1458. Natalitia gaudia duplici euentu cu-
mulata fuere. Victoria videlicet aduersus
Teutonicos equites ab exercitu Regio in
Prussia debellatos; & nuncio à Georgio Po-
cabraccio Boemæ inuasore misso, pacem
postulante exquisitis conditionibus, etiam
cessionis Regni Casimiro debiti, quas antea
ferus animus nec admittere quidem quis

Scriptit eius
vitam Zac-
charias Per-
rierius Vi-
centinus E-
pisc. Le-
gatus Apo-
stolicus in
Polonia Sur.
t. 2. die 4.
Martij.

auribus sustinebat. Quæ simul fama vulga-
uit, simul in occasionem hominis fortunati
vertit, ceu gaudijs iuncta natiuitas prospe-
ros vitæ successus portenderet, promitte-
retque.

Neque vero vana fuere auspicia: etenim
ab ipsa penè infantia, gratiæ celestis animu-
lam possidentis radij emicare coeperunt ex
ore balbutientis, cui deliciæ erant sanctissima
nomina Iesu ac Mariæ ingeminare, seu fran-
gere; ac nutricem illorum pronuntiatione
præeuntem, auidiuscule auscultare. Dein vt
articulare licuit voces, orationem dominicā,
& salutationem Angelicam memoriæ pari-
cum facilitate mandare, ac cum voluptate
recitare: genicula orabundus flectere, pal-
mulas iungere, sese ad precandum compo-
nere, vt si pietatis momenta nosset, cuius
argumenta promptè, ac delectabiliter ex-
primebat. Sexennis optimi, ac eruditi ma-
gistri curæ traditus, à quo & sapientiæ lacte
nutriretur, & moribus ad pietatem imbue-
retur; & nescias an plus ille laboris, ac dili-
gentiæ in puero formando poneret; an iuncun-
ditatis, ac lætitiæ ex aurea illius indole, &
discendi promptitudine caperet. Progressus
quippe in litteris, ac virtutibus vota magistri
superabat & discipuli vincebat ætatem, quoad
per eam licuit in priuato gymnasio Musis va-
care; & à campis martialibus abstinere, ad
quos ante pubertatem euocatus bellica tra-
ctare parentum iussu, coactus est sanè perin-
uitus. Namque Hungari haud bene de Cor-

uini

uini Imperio contenti Casimirum nondum
 tertium decimum : expletem annum in Re-
 gem de communi consensu eligunt , & per
 Legatos cum Casimiro patre strenue agunt ,
 rogantque ne filium Casimirulum ad regni
 sceptrum capeffendum mittere moretur .
 Non censuit prudens Rex capillatam occa-
 sionem , læta se fronte offerentem dimitten-
 dam esse , & copioso exercitu instructum
 Casimirum in Hungariam alijs nominibus
 prætensam dimittit , Aduentanti ad Regni
 confinia occurrit procerum indigenarum ma-
 nus , & Nitriam inter Strigoniam , & Zarno-
 uium deducit , mox regia dignitate inaugu-
 randum , ni conatibus obstitisset fortuna
 ministra numinis ad altiora suum alumnum
 destinantis . Nimirum qui rerum potiebatur
 Matthias imminentem casum ferens iniquis-
 sime quicquid habuit virium , & artis oppor-
 tune deprompsit , & nobilium animos à se
 abalienatos officijs , obsequijsq; demulfit , pol-
 licitationibus delinuit , & à voluntate nouum
 regem creandi abduxit : tum remis , velisque
 contendit , vt vndique copias , quàm nume-
 rosas summa celeritate colligeret , quò adue-
 nam Poloniam vel obsidione cingeret , vel ce-
 dere Hungaria prorsus cogeret : Nec irritus
 labor , ac sollicitudo fuit : Instructo nempe
 exercitu multitudinē , ac viribus aduersario
 superiore , Nitriam versus tetendit procul
 dubio triumphaturus , ni Casimirus de belli
 Præfectorum consilio hostis victoriam re-
 uersione in Poloniam præuertisset : à qua
 pro-

profecto ut felicitas abfuerit laus deesse Ca-
simiro nequaquam potuit; siue quia ardui
operis aggressio in paternam obedientiam re-
fundebatur, siue quia persecutio aduersus
acies longe potentiores temeritate non ca-
ruisset, cui excessu occurrendum militaris pru-
dentia distabat, ne mixta Hungaricæ Nobili-
tatis Polonæ vastationis eadumq; periculo
haud obscuro obijceretur.

Quamquam euentum minimè fortuna-
tum ad prouidentia diuinæ trutinam li-
brantiquebit facile ortum inde meliori for-
tunæ initium, & adeptionis regni longè ter-
reno quolibet excelsores. Nam Casimirus
parcs cui nuncijs in dies de successibus mit-
tebantur, iussit redeuntem filium in pago tri-
bus circiter milliarijs Cracouia distico consi-
stere, neque ad se ni moneretur recedere,
non tam ut erratum aliquod id poenæ genere
castigaret, quam ne aspectu filij, seu fortunæ
ludibrijs, subinde dolor innouaretur. At que-
cunque demum causa regiae fuerit morosita-
tis in reuocando ad penates patrios extorrem
nullius affinem culpæ, solitudo, & velut
exilium bono vertit. Casimiro animo iam
tum à terrenis alieno, & ad cœlestia mirum
quàm intento: ea propter cessante armorum
strepitu, ac negotiorum tumultu, otium
quod erat abundè rerum diuinarum medita-
tioni dabat, parca admodum recreationi,
& naturæ debito relicta parte, quam
vitæ statusq; conditio omnino detrahi, saluo
iure non patiebatur. Porro patriæ, & carorum

absentiae molestiam, assiduae cum Diuis con-
 uersationis, latitia compensabat; Idcoque
 graue ipsi haud quaquam accidit à diuturna
 pagi habitatione. Vilnam Lituaniae caput, cui
 Alexander natus minor cum imperio praeerat,
 commigrare; neque illi subesse quem rex
 praefecerat, quia alius eius consilia spectabāt,
 & ad aeterna duntaxat inhiant. Totum
 tempus ternas diuisum in partes ita exigebat,
 vt matutinum post meditationem quā sacris
 audiendis, quā Sacerdotibus perlitantibus in-
 feruendo daret. Pomeridianum iuuare ad
 se officij, vel necessitatis gratia postulantibus
 non denegare, aut otiosis confabulationibus
 abstinere, quas ne tum quidē sustinebat, quā-
 do citra, offensionem aliquam, aut decori
 violationem subducere se congressibus non
 licebat. Contra verò de rebus pijs miscere
 sermones grata ipsi voluptas, praesertim cum
 ijs, quae earum notitiam à diuina familiarita-
 te hauserant. Et parcus quidem verborum,
 ac circumspectus cum esset; adeo tamen hu-
 manum, ac mitem se exhibebat, vt amaretur
 à cunctis, & pro sancto haberetur, quod
 supererat ad vesperam vsque spatij, legen-
 do, & componendo infumebatur, & com-
 positio plurimum de sanctis erat, vac potis-
 simum de B. Virgine, cuius hymnos etiam
 cantare consueuerat tantā cum iucunditate,
 vt ex oris modulo penitissimi cordis affectus
 innotescerent.

Neque obliuiscabatur in die misericordiae
 quam mandauerat Dominus; nam & egentibus

bus

bus eleemosynas erogabat liberaliter, atque
 ut effusior esset liberalitas pretiosarum vestium,
 ac ornamentorum pretium pompæ detrahens,
 miserorum egestati conferebat, illud ex Evan-
 gelio subinde usurpare solitus Beati miseri-
 cordes quoniam ipsi misericordiam consequen-
 tur. Solari afflictos, pupillis, ac viduis sub-
 venire solatium illi erat intimum, adeo ut
 Pater, ac patronus afflictorum vulgo audiret.
 Nox ipsi die serenior abibat, redibatque luce
 desuper mentem illuminante, & calore pe-
 ctus perfundente. Somnum breuem longæ
 contemplationis horæ excipiebant: cubi-
 le pauimentum erat, nisi quæ templum
 ingressus flexis genibus in oratione ortum
 nascentis Auroræ opperiebatur. Eò quippe
 quiescente familia cum nullus observator ad-
 uerteret tacitus obreptabat nudis pedibus,
 etiam rigente hyeme. Et si quando clausis
 valuis aditus impediretur, in anteliminari
 pernoctabat, & inclinata ceruice diu, mul-
 tumque æterno Numini reuerentiam pro-
 fundam exhibebat. Victus non qualis regali-
 bus infertur mensis; sed qualem parsimonia
 apparat, abstinentia instruit, poenitentia mi-
 nistrat. Ieiunio pene continuo, cilicij iun-
 gebatur usus, & afflictationibus corporis co-
 mes ibat affectionum animi moderatio, ac
 nusquam intermissus in sensuum custodia
 disciplinæ rigor: quò fiebat ut appetitiones
 omnes rationi veluti domine obtemperarent,
 & caro ita gratiæ ductui obsecundaret, ut ne
 leuibz quidem titillationibus, aut vagantis
 im-


imaginationis spectris esset obnoxia. Fassi sunt opportunè Sacerdotes conscientiae ipsius arbitri ad tantam puritatem animi peruenisse, quæ solum angelica inferior est, nec labem se reperire in exomolgesi, quæ beneficio Sacramenti abstergeretur. Qui candor mentis tum splendide, magnificèq; se prodidit quando congregandum illi cum vitæ amore fuit, Huic enim periculum haud dubium creabat febris, quæ remedijs ingrauescens, tandem medentium sagacitate deprehensa est in vitiato semine radices posuisse, quæ nisi euellantur in virus lethale migrant, nec posse nisi eiectione diuelli. Hic quid agat feruens amator castitatis iuuenis? Consulit viros sapientes, confessarium in primis liceat ne per leges sacras Virginitatem antehabere vitæ, & mori potius quàm foedari? Quibus licere affirmantibus, Pereat inquit terrenum, ac mortale corpus, viuat coelestis Virginitas, & immortalis. Mirantibus cunctis, ac indolentibus tam qui sana consilia dederant, quàm qui absque suggererant, ipse solus diem resolutionis lætus expectabat, quæ ubi propinqua fuit, pridie horam eius crastinam prædixit, & eadem venienti sponso Sacramentis Ecclesiae munitus occurrit, & oculis in Crucifixi manibus apprehensi defixis inter illa verba. In manus tuas Domine commendo spiritum meum, placidissime expirauit quarta die Martij an. 1484. ætatis 25.

Et volasse protinus in Paradisi amœna vi-
reta columbam virgineam indicio fuere vul-
tus

tus hilaritas, amicitias, seu residentis, & beatitudinem suæ animæ gratulantis Corpori data sepultura solemnī pompa in B. Virginis sacello, quod inter aras templi Principis Sancto Stanislao Episcopo, & Martyri dicati, magnificè splendet. Elegerat hanc adhuc superstes suo cadaueri sedem, ut eo velat anathematis obsequio intimam aduersus Beatissimam Virginem pietatem, ac amorem testaretur. At qui fuit sepulchri locus, protinus in scenam miraculorum euasit, quorum plurima priuatorum commodo, aliqua in commune Reipublicæ bonum patravit, Numinis potentia, ac bonitas ad declarandam serui sui sanctitatem, & gloriam qua potitur in cœlo. Hæc inter illud memorandum, quod cum Moscorum exercitus numerosus, ac prepotens subitanea, ac improuisa irruptione fines Lituaniz ingressus vastationem, atque excidium moliretur, quod auertere per temporis angustias indigenis non licebat, ad Dñi opem implorandam confugere, ac voto facto occurrere irruenti hosti deliberauere. Et acceptas fuisse preces declarauit exitus. Etiam se visendum splendore circumfusum in aere, & ut Ducem præeuntem præbuit, eoque spectaculo animati Lituanī non plures milienis binis generosè contra milia 66. Moscorum arma conseruere, & feliciter victoriam sæculis omnibus prædicandam reportauere: & poterat miraculi euidencia fidei Romanæ, hoc est catholicæ, infensos ad schisma detestandum hæterè, pro quo abolendo Casimi-

rus viator adhuc insudauerat, & comprehen-
sor odisse signis à Deo veritatis auctore impe-
trasse videri voluit. At enimvero pseudo pasto-
rum natiuitate populorum oculos obcecât ne ma-
nifestam lucem videant, & regni celorum clauis
Sancto Petro, ac successoribus traditas agno-
scent. Vnus istorum Leo X. permotus fama
miraculorum, & vitæ à castissimo iuvene san-
ctissime traductæ, post exactissimam disquisi-
tionem, dignum duxit, qui sanctorum albo
adscriberetur, & publicis Ecclesiæ hono-
ribus colebatur. Anno à Christi D. natiui-
tate 1521.

Qui die die Marie
Mater ducit animas
Pius pater, eius regis
Cuius dei omnia



Legem colit, ut de mole
Cognitum se libere
Hanc vultu, ne propterea
Vultu ducit

Hanc vultu, ne propterea
Cognitum se libere
Hanc vultu, ne propterea
Vultu ducit

Hymnus quem in B. Virginis hono-
rem composuit, & secum sepeliri
curavit S. Casimirus Casimiri
Poloniae Regis, & Eli-
sabethae Austriacae
Filius Rex Hun-
gariae Electus.

*Repertus est Sancti Principis pectori
superpositus, dum eius sepulchrum
aperiretur. Anno MDCIX.*

O Nni die dic Marię
Mea laudes anima
Pius festa, eius gesta
Cole deuotissima.

Contemplare, & mirare
Eius celsitudinem
Dic foelicem genitricem
Dic Beatam Virginem.

Ipsam cole, vt de mole
Criminum te liberet.
Hanc appella, ne procella
Vitiūrum superet.

Hæc persona nobis dona
Contulit cœlestia
Hæc Regina nos diuina
Illustrauit gratia.

Lingua mea dic trophæa
 Virginis puerperæ,
 Quæ inflictum maledictum
 Miro transfert genere.

Sine fine dic Reginæ
 Mundi laudum cantica;
 Eius bona semper sona
 Semper illa prædicat.

Omnes mei sensus ei
 Personate gloriam;
 Frequentate tam beatæ
 Virginis memoriam.

Nullus certè tam disertæ
 Extat eloquentiæ,
 Qui condignos promat hymnos
 Eius excellentiæ.

Omnes laudent vnde gaudent
 Matrem Dei Virginem
 Nullus fingat quod attingat
 Eius celsitudinem.

Sed necesse (quod prodesse
 Pijs constat mentibus)
 Ut intendam quod impendam
 Me ipsius Laudibus.

Quamuis sciam quod Mariam
 Nemo dignè prædicet
 Tamen vanus, & insanus
 Est, qui illam reticet.

Cuius vita erudita
 Disciplina cœlica
 Argumenta, & figmenta
 Destruxit hæretica.

Huius mores tanquam flores
 Exornant Ecclesiam
 Actiones, & sermones
 Miram præstant gratiam.

Eux crimen nobis limen
 Paradisi clauserat.
 Hæc dum credit, & obedit
 Cœli claustra referat.

Propter Euam homo sæuam
 Accepit sententiam;
 Per Mariam habet viam,
 Quæ ducit ad patriam.

Hæc amanda, & laudanda
 Cunctis specialiter,
 Venerari, & precari
 Illam decet iugiter.

Ipsa donet, ut quod monet
 Natus eius, faciam;
 Ut finita carnis vita,
 Lætus hanc aspiciam.

O cunctarum foeminarum
 Decus, atque gloria,
 Quam electam, & euectam
 Scimus super omnia.

Clemens audi, tuæ laudis
 Quos instantes conspicias;
 Munda reos & fac eos
 Donis dignos cælicis.

Virga Iesse, spes oppresse
 Mentis, & refugium
 Decus Mundi, lux profunda
 Domini Sacrarium.

Vitz, formæ, morum norma
 Plenitudo gratia
 Dei templum, & exemplum
 Totius iustitia.

Virgo salve, per quam Valuz
 Cæli patent miseris;
 Quam non flexit, nec allexit
 Fraus serpentis veteris.

Cenerosa, & formosa
 David Regis filia
 Quam elegit Rex, qui regit
 Et creavit omnia.

Gemma decens, rosa recens
 Castitatis Liliū,
 Castum chorum ad polorum
 Quæ perducis gaudium.

Opto nimis ve imptimis
 Des mihi memoriam
 Ut decenter, & frequenter
 Tuam cantem gloriam.

Quamuis muta, & polluta
 Mea sciam labia,
 Præsumendum, nec silendum
 Est de tua gratia.

Virgo gaudè omni laude
 Digna, & præconio;
 Quæ damnatis libertatis
 Facta es occasio.

Semper munda, & foecunda
 Virgo tu puerpera;
 Mater alma, velut palma
 Florens, & fructifera.

Eius flore, & odore
 Retrari cupimus,
 Cuius fructu nos à luctu
 Liberari credimus.

Pulchra tota, sine nota
 Guiscunque macule.
 Fac nos mundos, & iucundos
 Te laudare sedule.

O Beata, per quam data
 Noua Mundo gaudia;
 Et aperta fide certa
 Regna sunt Cœlestia.

Per te mundus lætabundus
 Nouo fulget lumine;
 Antiquarum tenebrarum
 Exutus caligine.

Nunc

Nunc potentes sunt egeates
 Sicut olim dixeras ;
 Et egeni fiunt pleni
 Ut tu prophetaueras .

Per te morum nunc prauorum
 Relinquuntur deuia ,
 Doctrinarum peruerfarum
 Pulsa sunt præstigia .

Mundi luxus atque fluxus
 Docuisti spernere ,
 Deum quæri, carnem teri
 Verius resistere

Mentis cursum tendi fursum
 Pietatis studio
 Corpus angi , motus frangi
 Pro Cœlesti præmio .

Tu portasti intra casti
 Ventris claustra Dominum
 Redemptorem , ad honorem
 Nos reformans pristinum

Mater sancta , sed intacta
 Genuisti filium ,
 Regem Regum, atq; rerum
 Creatorem omnium .

Benedicta per quam victa
 Hostis est versutia
 Destituitis spe salutis
 Datur indulgentia .

Benedictus Rex inuictus
 Cuius Mater crederis ;
 Increatus ex te natus
 Nostri salue generis .

Reparatrix consolatrix
 Desperantis animæ ,
 A pressura, quæ ventura
 Malis est nos redime .

Pro me pete vt quiete
 Sempiterna perfruar ,
 Ne tormentis comburentis
 Stagni miser obruar .

Quod requiro , quod suspiro .
 Mea sana vulnera ,
 Et da menti te poscenti
 Gratiarum munera .

Vt sim castus, & modestus
 Dulcis, blandus, sobrius
 Pius rectus, circumspectus ,
 Simultatis nescius .

Eruditus , & munitus
 Diuinis eloquijs
 Timoratus , & ornatus
 Sanctis exercitijs .

Constans , grauis , & suauis
 Benignus , amabilis ,
 Simplex, purus , & maturus
 Patiens , & humilis .

Corde prudens , ore studens
 Veritatem dicere ,
 Malum nolens , Deum colens
 Pio semper opere .

Esto tutrix , & adiutrix
 Christiani populi
 Pacem presta , ne molesta
 Nos perturbent sæculi .

Salutaris Stella maris
 Summis digna laudibus ,
 Quæ præcellis cunctis stellis
 Atque luminaribus .

Tua dulci prece fulei
 Supplices , & resoue;
 Quidquid grauat , vel deprauat
 Mentes nostras remoue.

Virgo gaude , quod de fraude
 Dæmonum nos liberas
 Dum in vera & sincera
 Deum carne generas .

Illibata , & ditata
 Cœlesti progenie
 Grauidata , nec priuata
 Flore pudicitie .

Nam quod eras , perseueras
 Dum intacta generas
 Illum tractans , atque lactans
 Per quem facta fueras .

Commendare me dignare
 Christo tuo filio ;
 Vt non cadam , sed euadam
 De Mundi naufragio .

Fac me mitem , pelle litem ,
 Compesce lasciuiam ,
 Contra crimen da munimen,
 Et mentis constantiam .

Non me liget , nec fatiget
 Sæculi cupiditas ,
 Quæ indurat, & obscurat
 Mentis sibi subditas.

Nunquam ira , nunquam dira
 Me vincat elatio ;
 Quæ multorum fit malorum
 Frequenter occasio .

Ora Deum, vt cor meum
 Sua seruet gratia ,
 Ne antiquus inimicus
 Seminet zizania .

Da leuamen , & iuuamen
 Tuum illis iugiter
 Tua festa , siue gesta ,
 Qui colunt alacriter .

Qui multis utitur verbis lædit animam suam . Eccl. 20.

Periclitatur castitas in delitijs , humilitas in diuitijs , pietas in negotijs , veritas in multiloquio . S. Bern.

S. Emi-



S. EMERICVS.
Filius S. STEPHANI Regis Hungaria.
Virginitas est soror Angelorum S. Cypr.

S. Emericus Hungariæ Princeps.

EN radicis sanctæ, quam sanctus ramus ^{? Sur:to:6:}
 Stephanus Hungariæ Rex Sanctus, ac ^{die 4: Nou:}
 inter sanctos relatus, & Cysela S. Henrici Im- ^{& alii citi}
 peratoris soror sanctitate cum marito certans ^{a Baran:ca} tyr.
 genuere Sanctum Emericum, cuius vitam,
 obitumq; strictim è fusiore aliorum narratio-
 ne collectam, castitatis amatoribus, quâ
 mirandam, quâ imitandam propono. Na-
 talis dies, imo, & mensis solis huius nubibus
 incuriæ, & incogitantia veterum obductus,
 posteros latuit: Annus reparatæ salutis puta-
 tur 1007. Albæ Regiæ, sic appellatæ, quod
 reges suam inibi sedem vnde toti iura daban-
 tur Regno collocauerât. Ab vndis lustralibus,
 quibus à templi maxime Præposito inper-
 sus fuit, Henrici nomen in auunculi Impera-
 toris gratiam impositum infanti primum,
 vsu gentis deinceps in Emericum abiit; Ha-
 bet (inquit Ambrosius) Sanctorum editio
 lætitiâ plurimorum, quia commune est bo-
 num. Non modo enim natio Hungarica
 vniuersa signa lætitiæ dare gestijt; sed cæteri
 etiam Principes honorifica nunciorum le-
 gatione, & preciosorum munerum largitio-
 ne Stephano nouæ prolis exortum gratulati
 sunt. Quos inter acceptissima fuit Basilij ori-
 talis imperij tum potentis mixta pietati ma-
 gnifica liberalitas, qui Crucem ex auro soli-
 do, gemmisq; pretij inæstimabilis compa-
 ctam, & frusto ligni Crucis salutiferæ
 de-

decoratam dono misit . Porro Rex ipse non contentus pro susceptæ prolis beneficio temporarias gratiarum actiones Deo egisse per se, perq; omnium Ecclesiarum Hungariæ Sacerdotes, extare insuper voluit grati animi monumentum insignem Sanctissimæ Virginis Basilicam , cuius statim fundamenta posuit , & sumptu Regio absolutam monachorum S. Benedicti vsui, cultuiq; destinatam, amplo cœ nobis ad eorû habitationem auxit, & omnibus ad ornatum, & vitæ commoda necessarijs locupletauit. Neque minus illi de educatione pueri studium, qui vbi quartum absoluit annum maturè è crepusculis infantie emittere cœpit rationis radios, & iam tû disciplinæ idoneus selecti præceptoris curæ commissus , à quo lac pietatis pedetentim hauriebat . Catechesim, & fidei rudimēta pròptè didicit, neque contentus verba memoriter recitare, sensum insuper interrogatiunculis explorabat, inque mouendis difficultatibus ingenij lumina puellus prodebat ; & multa dabat indolis bonæ , ac propensæ ad virtutem voluntatis argumenta . Siquidem peccare adhuc nescius tam vehemens præcepit animo aduersus peccatum odium , vt nec audire quidem nomen ipsum peccati sine molestia posset . Et quia ad illud vitandum diuinæ gratiæ auxilio opus esse subindè docebatur , prima adeo cogitatio matutina erat , statim vt è lectulo surrexerat genua flectere , Deumque precari , vt ab omni labe tueri dignaretur ; postrema prius quam cubitum concederet ,

gra-

gratias eidem pro beneficijs agere , & erratorum veniam suppliciter implorare , idemque vt ephēbi suo obsequio addicti facerent , procurare , & qui facerent amare propensius , quod erat incitamento cæteris ad imitandum. Parentibus apprimè pijs , nihil acciderē lucundius poterat , quàm ante oculos habere puerum pupillis cariorem , qui viuendi initium à summi cœlorum Imperatoris famulatu duceret , & eius gloriæ olim propagatorem ætimum polliceretur . Rex in primis actionibus eius obseruandis paulo attentior , aduertit haud semel nocte intempeſta , & aula tota sopori dedita , clam de molli strato Emericum se subducere , & flexis genibus preces horarias B. Virg. percurrere , ac diutius in oratione perseuerare . Et verò spem , eius , & gaudium cumulauit dignum narratione visum , quod ab ipso Stephano acceptum prodidere testes omni exceptione maiores . Vsu venit aliquando , vt cœnobium S. Martini vulgo dictum à se in monte ædificatum aditurus , Emericum duceret secum , & consensu cliuo iam propior ipsum præmitteret ad primos occurſus honores accipiendos .

Monachi , quibus magno numero alendis amplos redditus assignarat , facti obuiam humaniter , ac reuerenter excipiunt , ac vice versa resalutantur ab Emerico , & osculis de more gentis impertiuntur ; sed non æqualiter omnes , siquidem pauciora nonnullis , alijs dabantur plura , vni dumtaxat , qui Maurum

rum S. Benedicti discipulum nomine referebat, libavit sapientia: quæ disparitas patri haud procul cuncta contemplanti visa est aliam habere causam, quam casum in octenni puero, qui nihil puerile præferebat in opere, ideoque sciscitatur ab eo cur adeo patenti discrimine in osculando fit usus, quod invidia fomitem coronæ illi monachorum ministrare possit, Cui Emericus candidè fassus est non sua sponte, consilioque, sed impulsu planè diuino liberaliorem se quibusdam, parciorrem alijs osculorum præbuisse, diuersitate videlicet graduum castimoniz, ad quos euectos esse, Deo reuelante didicerat: porro septem basia vni data ad Virginitatis præstantiam indicandam, quam illibatam hæctenus, pitidamq; seruabat Maurus. Et quamuis de rei veritate nequaquam rex ambigeret, cui perspecta erant erga filium innoxium Dei munera singularia; nihilominus, vt placisfaceret curiositati paucos post dies ad monasterium binis dumtaxat comitibus consocijs secreto redijt, & de nocte, cum signo ad matutinas preces vocantur monachi pariter consurgere, & illis clam, de reposito loco, velut è specula, qui se gererent ex odio sedulo obseruare: pluribus ad suas cellas reuersis persistere vigiles in oratione illi, quibus multa dederat oscula Eimer. ad hos accedens Rex salutare singulos singillatim institit, & resalutare plerique omnes officio, ac reuerentiæ duxere: solus Maurus mutus, & immotus, vt si non audiret, nec videret hominem

per-

pertransit, neque blanditijs, salutationibusue ad oculos, aut os aperiendum adduci se passus est. Delectatus ea constantia, & sancta rusticitate Rex postridie in publico monachorū conuentu paruit, & accusatorem simulans criminum nonnullorum reum obiurgat Maurum, à quibus alienum esse haud ignorabat; sed ludum seria consecuta sunt; nam criminationi fictæ silentium, & fiduciam in Deum conscientia testem obiecit; Rex autem suæ regressionis causa palam explicata Mauri virtutem laudibus euehit, neque multo tempore post Quinq; Ecclesiensi Episcopatu Antistitem designat.

Porro quæ Sanctus puer ab octauo ad decimum tertium vsq; ætatis annum egerit in libro vitæ adnotata immortalibus nota sunt, mortales coniectura assequi si studeant, mentem attollant, & sublimia cogitent, qualia insignioribus Dei Amicis contigisse legunt, quibus ab infantia supra humanitatem euectis sub humana specie vitam Deus concessit Angelicam, & sua familiaritate dignatus est. Vnum memoria dignissimum prodidere scriptores cui debita hoc loco narratio est. Attinebantur Vesprimij Stephanus, & Gylla loci amore capta, quem templi magnifici ædificio nobilitauerat. Aderat etiam Emericus, ingens itinerum parentibus solatium, nusquam sui immemor, & quæcumq; eundum, aut morandum esset semper Dei, & B. Matris memor, solemne illi erat post priuatas in cubiculo preces ad templa inuisere, non

non modo mane cum sacris Sacerdotes operantur; sed certis præterea temporibus concursu, frequentiaque populi vacuis, vbi solitudo, & quies ad orandum inuitat, & attentionem iuuat. Erat Vasprinnij vetusta D. Georgij martyris ædes sacra à Carolo Magno quondam erecta, eò libenter adibat, orationis ergo Emericus, quod singulariter propitium, ac fauens numen experiretur, & velut in horto amænissimo intime deuotionis rore perfunderetur. Contigit aliquando, vt pro ara maxima in genua deiectus, serio secum voluerit animo coelestibus delitijs delibuto, quid nam facere, offerreue posset creatori suo, quod insigniter ipsi gratum, acceptumque foret; cumq; ardenter lumen ab eo peteret, & desiderij flamma succresceret, de repente totum templi ambitum splendore perfunditur simul, coelitus intonat. Præclara res virginitas est, Proh quanta gaudia, quatinus liquida, quam mellita, à luce radiante, à voce personante in pectus iuuenile inundauere? procidit illico in terram Emericus, & gratijs summa cum reuerentia, & amore actis virginitatem vouet, ac seipsum hoc est animam, & corpus, victimam Deo consecrat ac obnixe rogat, vt quam exigere, & acceptare dignatus est virginitatis gemmam, tutari & intactam, splendidamq; pro sua benignitate seruet, cauebat autem diligenter ne ad hominis cuiuspiam præterquam confessarij notitiam secreti fauoris indulgentia deueniret, ideoque famulo adstati, quem vnicum secū

di-

dixerat seuerè edixit ne se viuente vlli mortalium, tacenda isthæc mira aperiret: vt vel hinc liqueat maximam facinorum præclarissimorum partem, quæ præstita ab adolescente angelico sunt, conscios dumtaxat cëlites habuisse.

Huius euentus ignarus Stephanus non magis nepotum, quam publicæ regni salutis cupidus, vt ei quam optimè consulere, sponsæ Emerico quærendæ adiecit animum, certus in eius prole, fidaretur, regimen continuandum Hungariæ salutare, & reipublicæ Christianæ perhonorificum. Ante omnia igitur propitium habere numen per preces, ac sacrorum virorum litationes toto regno sollicitè curat, quæ vt Deo acceptiores essent, afflictationes ipse sui corporis; & eleemosynarum largitiones liberaliter adiungit, neque virorum prudentium sensus explorare omisit, qui vbi regium consilium approbauere Emerico illud aperit, & consensum rationû momentis exposcit. Quid hic ægat probus, ac bene moratus filius à parentis nutu hætenus pendens, & in nullo refragans? Conniueat ne incunctanter? at votum obstat quo virginitatem celesti patri dicauit, cui placita terreni posthabenda sunt? obluctetur? ast per obedientiam, ac reuerentiam huic debitam nefas videtur, & inhumanum, afflictionem, mæroremque genitori humanissimo parere, turbare pacem, scandalum optimatibus vna cum rege inhianter ad nuptias istiusmodi propendentibus. In hoc fluctuan-

tium cogitationum æstu inducias à patre petit, atque interim intimo cordis affectu ad Deum confugiens lumen, & opem suppliciter apprecatur, & impetrasse declarauit euentus: certus enim nulli velificari concupiscentiæ, & fidem Sacramento firmatam inuiolatam seruare, haud dubiam concepit animo diuinitus illustrato spem, fore, vt sponsam, quæcumq; demum daretur à parentibus ad sua vota traheret, & cupiditate, quin etiam accenderet seruandi virginem castam, vt sub vno eodemque suauis pudicitie iugo connubij vinculum tolerare, officium coniugale prorsus abdicare. Atque ne illudi, sibi à sua cogitatione; & spe consequendi, quod valde optabat suggeri pertimesceret, lux quædã illapsa cœlitus efficiebat, & Dei frequens pollicitatio, quæ cum se ipsam indicaret ab omni temeritate securum obiectum consilium, commonstrabat. Ergo arbitrio Parentis, ac desiderio cedens Emericus liberam de se disponendi facultatem relinquit, promptum se esse quando, & quam velit vxorem ducere.

Quo responso letus Stephanus laudatus eius obedientia ad Crescimirum Dalmatiæ Regem nuncios misit, qui filiam eius formæ, & morum elegantia conspicuam vxorem Emerico deponcat Pannoniæ Reginam opportunè futuram: Nec laborandum diù fuit in negotio conficiendo, cuius foelix exitus in partem foelicitatis duorum regnorum cedebat: Narratum quidem hoc in monumentis Dal-

Dalmatiz à non ignobili scriptore ; sed nemo hæcenus repertus , qui tam disertè , dilucideq; factum narrauerit , vt dubitandi de veritate ansam præciderit . Iccirco aliorum coniecturæ locus relictus est , qui eiusdem cum Gysela agnationis sponsam Emerici faciant , & verò similis existimèt in eâ maximè propèdisse Stephanū , rāquā stirpem , vt gloria nulli secundā ; ita germinibus sanctitatis , secundā , quā auxere Henricus , & Ghunegūdes , tum superstites , & in diuorum post obitum fastos relati , ac æternum memorandi , quod sub Imperatoria purpura candida lilia virginittatis seruantes mundo illuserint , & carnis sordes impolluto vestigio calcauerint , Probabilitatem huic sententiæ conciliant probitas , ac imitatio nouæ nuptæ , quæ summa promptitudinē , & alacritate amplexata sponsi consilium , sacrificium sui corporis Deo obtulit , & florem virginittatis aræ crucis perlibens appendit : vt proinde nomen iunioris Chumegundæ mereatur , quam innominatam nescio quo casu , vel incuria scriptores relinquere ; & cæteroqui similem imperatrici cui parem reginam alteram , haud facile inuenias , & vix sperare queas . Et Rex quidem qui matrimonij auctor , & procurator fuerat , vt nepotes patri similes regno suo in longum prouideret , aliquanto tempore in expectatione , & cupiditate fructus nuptiarum mansit . At vbi animaduertit sponfos non modo à sæculari vanitate alienos , sed etiam ab illecebris , & volupta-

Tortius
l. de Regib
Illyr. & in
vita S. E-
mer.

tibus, quas effuse regia suppeditat, mos gentium, usque permittit, natura ipsa suadet coniugatis, subuereri cepit, quod res erat, coniuges quidem audire in vulgo; ceterum ut fratrem, ac sororem in secreto viuere; animum illos habere vnum in duobus corporibus, sed non esse duos in carne vna. Augebat suspicionem præteritæ morositatis in nuptijs admittendis recordatio; & post illas viuendi modus à nuptialibus hilarijs alienus: fuga à conuersationibus mundanorum, qui vanis confabulationibus temporis iacturam facere gaudent, chorearum, displicentia suspicionem augebāt. Parentes tamen impedire, aut arguere non audebant, quæ Deo auctore, fauoreq; fieri non ex vano coniectabant, sed in eius prouidentiam filij gesta reijciebant, qui suam ipsorum vitam, atque consilia pendere ab eadem, dirigiq; peroptabant. Tenuit cursus hic vitæ à contracto matrimonio annos circiter septem; qui prioribus additi tertium, & vigesimum ætatis conficiunt, omnino fatale, ac vltimum Emerico. correptus enim leui febricula est, quæ paulatim potentior medicamentis facta ad extrema duxit die septima non imparatum Christo Domino venienti, neque immaturum cælo; etenim munitus Sacramentis, & mysterijs postremis functus, coniungi in cælis Christo diu dilecto in terris, ardenter optabat, ac animi ardore geminatis è sacro psalte versibus depromebat. Aderant religiosi homines mox abituro, aderant Stephanus, & Cysela

pa-

parentes, & matissima coniux quā ipsis tener
 rimē cōmendauit non tā vxorē, quā sororem
 suam, & ipsorum filiam. Adiunxit verba
 ad solandos illos, & in spem diuinam erigen-
 dos, & quos sensus concierit, quas lacrymas
 elicuerit intelligi forte queat à perpēdente sin-
 gula, quæ non riuos, sed torrentes dolorum,
 ac lacrymarum aperire poterant. Filius vni-
 cus in flore iuuentē, forma decorus, gratia
 amabilissimus, sponsus Virgo, Deo, Angelis
 hominibus acceptissimus mortis falce, præci-
 ditur. Et vno ictu multorum corda sed ge-
 nitorum in primis, ac sponsæ letaliter vulne-
 rantur. Neque medicamen aliud leniendæ
 atrocitati inuentum, quam à sacris myro-
 thecijs scripturarum ad profunda, & iusta
 Dei iudicia pios lectores amandantium, in
 iisque conquiscescere suadentium. Elatum
 funus est honorificē, & corpus sepulturæ mā-
 datum Albæ regiæ in Basilica Beatæ Virgini
 dicata, vbi sepulchrum, & sacellum Regum
 tum parabatur. Stetit ostentui populi per
 dies triginta, magna frequentia conuentis, &
 pia oscula manibus libantis. Parentes etiam,
 & vidua sponsa quotidiana visitatione suā or-
 bitatem solabantur, nec satiari poterant aspe-
 ctu vultus, cuius augusta maiestas serenitate
 quadam temperata, & perseverans integra
 voces erant animæ cum Christo regnantis, &
 læta visione perfruētis: Confirmauere mira-
 cula tam crebra, atque potentia, vt eorum
 fulgore dispulsæ sint nubes doloris, & aulæ
 paternæ, & regni totius mœror, cuius luctus

in gaudium, plausumq. versa sint, obiisse
 anno à Christo nato 1032. censent nonnulli,
 alij ann: 1306. 4. Nouemb. vt Baron. ad no-
 tas martyr dici illius. Adscriptus est Sanctis
 Pastorum Ecclesiæ vna cum Sancto Stepha-
 no eius parente à Benedicto Papa Octauo,
 quem nonum plerique vocauere.

Eadem qua decessit hora reuelatum est Eu-
 sebio Metropolitæ Cæsariensi viro Sancto ani-
 mam eius ab Angelis in Cælum deportari,
 vt Chartultius, & Bonfinius affirmant. ser-
 mo est de Cæsario multos post annos ab al-
 tero eiusdem nominis quem à nota Arianæ
 hæresis purgat eruditissimus P. Aloix in tra-
 ctatu peculiari defensionis Origenis.

X

Induite Dominum Iesum Christum
Rom. 13.

Induere Christum est vndique in nobis per
 sanctimoniam, & mansuetudinem Chri-
 stum conspicuum esse. S.Chrysoft. in hæc
 verba Apost.



B. Robertus Bingenſium Dux.

Nihil animū. fidelē ſic delectat quā integrā inſuſati pudorū conſe.

St. pp.

Robertus Bingenſium Dux. St. pp.

Robertus Bingenſium Dux.

Robertus, ſive Ropertus hic eſt de quo ita Molanus ex Vſuardo die 15. Maij. Apud Bingam S. Roberti Ducis Palatini Rheni, & Confeſſoris &c. ſorto quia ex genere Palatino- rum Rheni fuit; Cæterum ex Robolao Duce Bingtonum Pagano, & Chriſtianorum hoſte natus eſt in vrbe Luhun ad formam munitif- ſimæ arcis ab ipſo redacta; è qua dominium per latè patentem prouinciam, ſermè Mo- guntiam uſque protendebat. Data illi in- uxorem Berta ſcēmina pientiffima è ſtirpe Lo- tharingæ principum cum dote amplif- ſima, haud abſque ſpe, certè non ſine ingen- ti cupiditate conuerſionis ad fidem, quam tamen hominis malus genius, & improbitas eluſit. Annus, ac dies natalis Roberti à vi- tz ſcriptore prætermiſſus facta duntaxat mē- ſione Caroli Magni Imperatoris, quo regnā- te prodijt in lucem puer, quem ſibi gratia adoptare gauiſa, ab iacunabulis educare vi- deri voluit, quoad in ipſo adoleſcentiæ flore cœlo reddidit. Triennium non excoſſerat, cū Robolauſ ſuſceptis aduerſus chriſtianos armis miſerè fuit interemptus, locum fecit matri imbuendi in filiolum pietate quem Pater iam tum ſubſannare cœperat, & ſtolidum voci- tare, quod chriſtianos mores in illa ætatula præferre yti edocebatur, oblectaretur; Mari-

to sancto Berta aliò se ad habitandum contulit, ac Lubun relicto Bringam supra Naham, seu Nauam fluuium commigrauit, ibique Ecclesia ædificata vitam instituit haud absimilem Bethleemiticæ Sanctæ Paulæ, collectis etiam pijs viris quorum opera iuuaretur in spiritu. Horum vniùs curæ Robertulum septemnem, & vsu rationis iam polentem commisit, à quo litteras, & mores principe christiano dignos edoceretur. Vix duodennis cogitanti parenti de templo ædificando respondit puer pro singulari in pauperes leuandos propensione, fore satius, & Deo acceptius pretium ædificij egenis elargiri; quo responso mirificè delectata parens intima teneritudine tacta est, quam adauxit recordatio ingeniosi inuenti, quo olim ad pauperculos amandos. fouendosq; prouocauerat: collectum namq; mendicabulorum manipulum in conspectum parentis adduxerat, & eorum intercessorè egerat tribus verbis, proluxa precatione valentioribus, Ecce filij tui. Crescebat autem cum ipso misericordia, modestia, virtutes omnes quibus Gratia diuina earum altrix ab incunabulis incrementa dabat apud Deum, & homines. Quam esset superis in delitijs, cum alijs signis compertum est à pia genitrice, tum apertè quando ipsi somnium suum velut alter Ioseph ingenue denarrauit. Vidi, inquit, per quietem senem pulchritudinis miræ in vndis pellucidis pueros abluentem, vndequaque nitentes stolis candidissimis induentem; Cui dixi. Hic ma-
nere

nere cor meum desiderat . Respondit ille .
 Nequaquam hic manebis , sed scalam tibi
 parabo , vt eo conscendas , vbi socios Ange-
 los habebis Perge porro in pauperum cura, &
 tu ipse pascere pane vitæ , & veste super in-
 dueris . qua Adam delinquendo exutus est
 Gaiusa valdè mater est dignatione cœlesti er-
 ga filium ostensa . & reputans senis hortatio-
 nem ad se quoque pertinere habitacula in
 Nosocomij formam ad ripas fluminis Nahâ
 extrui iussit , & in ijs non exiguum misero-
 rum multitudinem confluentem aluit , cui
 vna cum Roberto inferuire voluit , non de-
 dignata lectos sternere , pauimenta verre-
 re , & quicquid ad solamen decumbentium
 faceret , quamuis abiectum , & laboriosum
 obire .

Inter hæc immissa cupiditas Roberto est
 S. Alexium imitandi , & Romę sacras memo-
 rias inuiscendi . Quam vt indicauit matri, ne-
 quicquam ea inconsulta, inuitaue moliretur,
 Abnuitt illa primum, quod minime oppor-
 tunam tempori, & filio congruam peregrina-
 tionem duceret. Verum vbi rationes ipsi suas
 explicauit , & ad numen apprécandum ami-
 sit, eo ducente, eo inspirate facile assensum præ-
 buit, vel ob id maxime quod obtenderet Ro-
 bertus vix iam superesse modum alium libe-
 randi se ab importunis suasionibus nobilium
 familiarium ad sæcularia inuitantium , ni se
 ab eorum consuetudine diuelleret; quod præ-
 stari cōmodius haud poterat , quam relicta,
 quam

quàm relictâ ad tempus aliquid patria exter-
nas regiones obire, & incognita loca per
orbem, sacra visitare. Dedit ergo se viz pau-
cis cum socijs eiusdem propositi. Romanum,
vbi peruenit, nihil illi antiquius quam tem-
pla, & reliquias Sanctorum quibus abundat,
venerari; plures horas apud ipsorum sepul-
cra, & aras orando consumere; cum viris
religiosis, ac apprime Deo deuotis versari;
documenta vitæ spiritualis ab eis quærere;
Sacramentis Ecclesiæ munire animum,
nihil omittere eorum quibus peregrinantes
ad Apostolos locupletiores sacris muneribus
in patriam reuertuntur. Cum autem
eximie probitatis viro sua consilia, acta præ-
teritæ vitæ, & cogitationes futuræ aperuisset
ea gratia, vt eo duce, ac magistro in po-
sterum viam iniret, quam Domino magis
placere arbitraretur. Non aliud accepit ab eo
responsum, quam quod olim adolescens pro-
bus à Christo D. Si vis perfectus esse, vade
vende quæ habes, & da pauperibus, &c. Ve-
rum non sicut ille abiit tristis licet plures illo
possessiones habens, sed reuersus in patriam,
quâ pauperibus alendis, qua templis edifican-
dis, amplos prouentus liberaliter impendens
non amorem solum; Sed & admirationem
popularium suorum excitabat. Neque tamen
decrant ex nobilitate præcipue, qui id vitæ
genus improbant in floridæ ætatis adolescē-
te, ad hilaria, & voluptates inuitarent, &
obtruderent inuito, quæ cane peius, & an-
gue odorât anima eius. Horum importuni-
tati,

tati, & peccandi periculis, ut se subduceret, rursus exire de terra, & cognatione sua constituit, & ignotus per orbem terrarum, Sancti Alexij imitatione peregrinari. Cumque de rebus suis disponere cogitaret, illudque ante omnia curandum sibi putaret, ut optimæ parenti, quam fieri posset diligentissimè consultum esset à sua discessione, antequàm abiret peregrinationem absoluit, & in patriam peruenit beatorum. Etenim senex ille venerandus, ac amabilis quiescent i secundò apparès, Ego, inquit, antiquus dierum, qui Danieli visendum me olim præbueram veni, ut in floridum pomarium, quod tum ostenderam deducam, & fructus operum bonorum gustā. dos præbeam. Narravit matri insomnium, cui aliud paucas ante noctes absimile quidem contigerat, sed eiusdem prænuncium exitus, ac instantis filij resolutionis, quippe sopori dedita visa sibi est videre de costarum serie vnam diuelli, & in terram prolabi. Anxia, quid mali portenderet prolapsio isthæ, obitum Roberto instantem, retro illo aspectu indicatum haud dubie intellexit. Et non ingemiscere quidem non potuit amantissima parens, ast diu diuinæ volûtati acquiescere sueta, illacrymans dixit: Dominus dedit, Dominus auferet, sit nomen eius benedictum. Verum vtriusque fuisse somnium probauit ægritudo quæ mox inscuta, per dies 30. lecto in centem exercuit, & crebro ad cœlestia anhelantem confecit. vigesimumque ætatis agentem annum Paradiso red-

reddidit Corpus sepulturæ mandatum in tēplo super Nahun ab ipso edificato magno populorum concursu , quē augebat functi conditio , sanctitatis opinio , & multò maxime miraculorum frequentia , quæ per integros octo duravit annos ; & his vix non admemorandum, quod cū Northmanni in Binguonicam regionem irrupissent, & totam circumquaq; ruinis , ac cœdibus vastassent .

Bingam quoque Robolai urbem euertissent Ecclesię , ac sepulchro Roberti pepercere. Ibi Berta mæstissima vidua , quæ à procis aliquot ob formæ elegantiam , & opulentam dotem ad secundas nuptias pene cogeatur reiectis sponſis omnibus terrenis desponsata est in fide , caritate , & gratia cœlesti, cui cū selectis fœminis per annos 15. in omni humilitate , & oratione seruiuit , ac tandem prope filium exuuias deponendas reliquit .



*Quousque Domine irasceris in finem, exardescet velut ignis
zelus tuus Pj. 78.*

Nomine iræ intelligitur vindicta iniquitatis, nomine zeli exactio castitatis, ne anima legem Domini sui contemnat, & à Deo suo fornicando dispareat. S. Aug. in ps. 78.



S. SEBALDVS. Princeps.

*Virginitas tanto nuptijs prestat, quanto calum terræ, quanto
hominibus Angeli antecellunt. S. Chrisost.*

S. Sebalduſ Peregrinuſ .

Regiae ſtirpis ſoboles Sebalde
 Norica multum veneratuſ Vrbe
 Da tuam nobis memorare ſanctam
 Carmine vitam
 Te ſacris votis generant parenteſ
 Cum diu lecto ſterili vacaſſent
 Teque ſuſcepto ſtatueret caſtam
 Ducere vitam
 Natuſ hic Sanctuſ puer ergo votis
 Galliae claram properans in urbem
 Artibuſ ſacriſ , animuſque cultiſ
 Moribuſ ornat .

Reſert ex antiquiſ
 monumen-
 tiſ hæc car-
 mina Mar:
 Raderuſto.
 2. Baſilicæ
 Sanctæ fol.
 59.
 De illo etiā
 Caniſ in
 Martyr. &
 alij ſcripto-
 reſ de ſan-
 ctiſ Germa-
 niſ .

Regie fuiſſe ſtirpiſ vnanimiſ eſt ſcriptorum
 conſenſuſ ; ſed diſſenſuſ in eo maximuſ , quod
 alij Britannuſ , vel Hibernuſ , vel Scotuſ ,
 alij Danuſ , vel Dacuſ natione aſſerunt , neque
 tamen parenteſ nominant . Simplicitaſ ne
 aut incuria xui fuerit parui reſert . Regia
 proleſ fuit , nunc Ciuiſ Sanctorum eſt .

Lutetiam Pariſiorum miſſam à parentibuſ
 ante conditam licet Academiaſ , optimiſ
 præceptoribuſ in litteriſ iſtituenduſ , tra-
 dunt .

Hauſeraſ Sanctaſ vbi mente legeſ
 Patriam doctoreſ redijſti in aulam
 Regiam , quærunſ tibi mox venuſtam
 Iungere ſponſam .
 Vt dieſ lætiſ fuerat peracta
 Nuptiſ , Virgo pudibunda vultu

Ducitur celso tibi copulanda

Candida lecto

Cumque iam clausum fuerat cubile

Et quies cunctis foret alta rebus

Tu tuæ sponsæ loqueris pudicæ

Talia Verba

Nata de magno mea Sponsa Rege

Non tuum castum violabo corpus

Si placet mecum pia vota castæ

Iungere vitæ

Annuit Virgo tenero pudore

Et Deo magnas dedit ore grates

Integram Seruans generosa casto

Corpore vitam

Quæritur illi sponsa à studijs redeunti, de-
sponsæ prima nuptiarum nocte, vt alter Ale-
xius suadet, vt sibi integra Virginitate abire
permittat. Fidei (clausula perorantis est)
mutuò sint tutores Ioseph Virgineus
Sponsus virginalis, aulæ custos Bea-
tissimæ Virginis Mariæ, sub quorum testi-
monio hanc arcâ virginalis integritatis gem-
ma decoratam, perfectam arculari fi-
gura accipito, eandem præsentaturus illi
qui est flos, fructusque Virginis.

Ipsæ mox celsam genitoris aulam

Spiritus Sancti monitu relinquens

Horridam Syluam, Herciuiamq; vastis

Saltibus intras

Et per exesas caua Saxa rupes

Stratus orabas manibus supinis

Fer-

Feruidum solem, Boream, & aëque
 Passus, & imbres.

Et feras inter medias quiescens
 Sæpè montanis satiatus herbis
 Hauferas puram liquidis fluentem
 Fontibus undam.

His vbi corpus dapibus fouere,
 Mentis in puram tenuatus auram
 Sæpè diuino nitido videbas.

Pectore vultus
 Sic tribus lustris tacito peractis
 Inde Romanam properas ad Urbem
 Quam Dei Verbum monuit per orbem
 Spargere Pastor.

Incidisse in S. Richardum Angliæ Regem,
 & Filios VVilibaldum, & VVnibaldum tres
 Sanctos referunt, adduntq; inopia laboranti-
 bus alimenta cœlitus impetrasse.

Ipse mandatum recipis paternum
 Et vagus terras varias pererras
 Donec immensum peregre venires.

Lætus ad Istrum
 Hic vbi cymbis tumidis careres
 Præbuit tutam, pater alma, nauem
 Pallium, quo tunc fueras pudico

Corpore reclusus
 Moxque per vastas Nemoris latebras
 Noricam latus veniens in urbem
 Hanc docens sacro monitu, profanos

Linquere cultus
 Et Deum celsò residere Cœlo

Prædicas pœnas vitijs daturum,
 Quique virtuti tribuet beatæ.

Præmia vitæ.

Ille de casta genitrice natus
 Corporis mortem tulerat cruentam
 Tertio Phœbo, radiens sepultis
 Victor ab oris.

Venisse dicitur Ratisbonam, diuertisse ad
 humilem pauperis casam, ignem deficienti-
 bus lignis mirabiliter excitasse ad frigus hor-
 ridum pellendum, redintegrasse vitrea fracta.

Deerant Danubio pontes, & naues, sternit
 vestē, eaque consensa sicco vestigio fluvium
 trajcit.

Sylvam in ambitu sexdecim millia passuum
 continentem inter Regnosum, Pegnosumque
 amnes sitam ingreditur, & incolis legem
 Dei prædicat, ac instituit ad pietatem. Ibi
 erutus piscatori oculos restituit.

Approbas multis tua verba signis
 Scripta quæ libro reperi fideli
 Nec minus clavis hodie coruscas
 Inclyte Regnis.

Cumque iam longo fueras labore
 Fessus, & sedes meritis beatas
 Te senem nostras Deus imperabat

Linquere terras.

Spiritus sacros ubi liquit artus
 Mox boues corpus tulerant agrestes

Qua

Quà tuas Sanctas modò personamus .

Carmine laudes .

Ergo iam Cœlo meritò locatus .

Hanc velis urbem medijs arenis

Conditam Sanctis precibus iuuare

Sedulus orans .

Terra foecundo madeat liquore

Et salutare habeat calores

Spiceam gestans Cereris coronam

Fœnore multo .

Tradunt aliqui, in ipsa Sylua decessisse , & corpus iumentis impositum Norimbergam delatum in locum , vbi deinceps insignis Basilica extructa est, affirmantibus alijs Sanctū; senio confectum eò se recepisse , & in oratorio Sancti Martini , vbi Cœnobium ordinis Sancti Benedicti erectum fuit , exceptum , Sanctissime obiisse , & inde à iumentis in locum prædictum adductum .

Crebris miraculis clarum Martinus V. Pontifex Maximus Sanctis adscripsit 14. Cal. Sept. quo die 19. videlicet, Auguste migrauerat ex hac vita .

Spumet & plenis rubicundus uvis

Bacchus, & frontes tetricas relaxet

Et pecus lætis nemorosa carpat

Pascua pratis .

Prosperos seruent radiosa cultus

Astra, nec morbos subitos minentur

Paxque per nostras maneat perenni

Tempore terras .

Fata Germanis faucant triumphis,

Dum petit Turcos gladijs cruentis

Principis nostri iuuenile robur

Maximiliani

Hinc vbi nostras animas solutis

Corporum vinclis Deus euocabit

Confer, vt tecum capiamus alti

Gaudia Coeli

Hec vbi nobis pater impetrabis

Ante supremi faciem tonantis

Hic tuas semper cumulemus aras

Thure benigno.

Corpus deinde in templum SS. Petri, & Pauli translatum, & Magnificentissimo Mausoleo conditum, in summa semper veneratione fuit apud Norimbergenses, quoad Lutherana pestis cultum hunc, Deo permittente, & Diabolo furorem, insanissimis capitibus imminente, aboleuit, praefinito in Coelo tempore rediturum.



a

Ambulate in dilectione, sicut, & Christus dilexit nos, & tradidit semetipsum pro nobis in odorem suauitatis . Ephes.c.5.

Ama amorem illius, qui amore tui descendit in vterum Virginis , & ibi amorem suum amoris tuo copulauit , humiliando se, subleuando te, coniungendo lumen sue æternitatis limo tue mortalitatis . S. Aug. de catechiz.rud.

to functo Berta aliò se ad habitandum contulit, ac Lubun relicto Bringam supra Naham, seu Nauam fluuium commigravit, ibique Ecclesia ædificata vitam instituit haud absimilem Bethleemiticæ Sanctæ Paulæ, collectis etiam pijs viris quorum opera iuuarentur in spiritu. Horum vnius curæ Robertulum septemnem, & vsu rationis iam polentem commisit, à quo litteras, & mores principe christiano dignos edoceretur. Vix duodennis cogitanti parenti de templo ædificando respondit puer pro singulari in pauperes leuandos propensione, fore satius, & Deo acceptius pretium ædificij egenis elargiri; quo responso mirificè delectata parens intima teneritudine tacta est, quam adauxit recordatio ingeniosi inuenti, quo olim ad pauperculos amandos. fouendosq; prouocauerat: collectum namq; mendicabulorum manipulum in conspectum parentis adduxerat, & eorum intercessorè egerat tribus verbis, proluxa precatione valentioribus, Ecce filij tui. Crescebat autem cum ipso misericordia, modestia, virtutes omnes quibus Gratia diuina earum altrix ab incunabulis incrementa dabat apud Deum, & homines. Quam esset superis indelitijs, cum alijs signis compertum est à pia genitrice, tum apertè quando ipsi somnium suum velut alter Ioseph ingenue denarravit. Vidi, inquit, per quietem senem pulchritudinis miræ in vndis pellucidis pueros abluentem, vndequaque nitentes stolis candidissimis induentem; Cui dixi. Hic manere

nere cor meum desiderat. Respondit ille. Nequaquam hic manebis, sed scalam tibi parabo, ut eo conscendas, ubi socios Angelos habebis. Perge porro in pauperum cura, & tu ipse pascere pane vitæ, & veste super indueris. qua Adam delinquendo exutus est. Gaiusa valde mater est dignatione cœlesti erga filium ostensa. & reputans senis hortationem ad se quoque pertinere habitacula in Nosocomij formam ad ripas fluminis Nahâ extrui iussit, & in ijs non exiguam miserrum multitudinem confluentem aluit, cui una cum Roberto inseruire voluit, non dedignata lectos sternere, pauimenta vertere, & quicquid ad solamen decumbentium faceret, quamvis abiectum, & laboriosum obire.

Inter hæc immissa cupiditas Roberto est S. Alexium imitandi, & Romę sacras memorias inuisendi. Quam ut indicavit matri, ne quicquam ea inconsulta, invitaue moliretur, Abnuic illa primum, quod minime opportunam tempori, & filio congruam peregrinationem duceret. Verum ubi rationes ipsi suas explicauit, & ad numen apprécandum amittit, eo ducente, eo inspirate facile assensum præbuit, vel ob id maxime quod obtenderet Robertus vix iam superesse modum alium liberandi se ab importunis suasionibus nobilium familiarium ad sæcularia inuitantium, ni se ab eorum consuetudine diuelleret; quod præstari cōmodius haud poterat, quam relicta,


quam

quàm relicta ad tempus aliquid patria exter-
nas regiones obire, & incognita loca per
orbem, sacra visitare. Dedit ergo se viz pau-
cis cum socijs eiusdem propositi. Romam,
vbi peruenit, nihil illi antiquius quam tem-
pla, & reliquias Sanctorum quibus abundat,
venerari; plures horas apud ipsorum sepul-
cra; & aras orando consumere; cum viris
religiosis, ac apprime Deo deuotis versari;
documenta vitæ spiritualis ab eis quærere;
Sacramentis Ecclesiæ munire: animum,
nihil omittere eorum quibus peregrinantes
ad Apostolos loquutiones sacris muneribus
in patriam reuertuntur. Cum autem
eximie probitatis viro sua consilia, acta præ-
teritæ vitæ, & cogitationes futuræ aperuisset
ea gratia, vt eoduce, ac magistro in po-
sterum viam iniret, quam Domino magis
placere arbitraretur; Non aliud accepit ab eo
responsum, quam quod olim adolescens pro-
bus à Christo D. Si vis perfectus esse, vade
vende quæ habes, & da pauperibus, &c. Ve-
rum non sicut ille abiit tristis licet plures illo
possessiones habens, sed reuersus in patriam,
quæ pauperibus alendis, qua templis edifican-
dis, amplos prouentus liberaliter impendens
non amorem solum; Sed & admirationem
popularium suorum excitabat. Neque tamen
decrant ex nobilitate præcipue, qui id vitæ
genus improbant in floridæ ætatis adolescē-
te, ad hilaria, & voluptates inuitarent, &
obtruderent inuito, quæ cane peius, & an-
gue odorat anima eius. Horum importuni-
tati,

tati, & peccandi periculis, ut se subduceret, rursus exire de terra, & cognatione sua constituit, & ignotus per orbem terrarum, Sancti Alexij imitatione peregrinari. Cumq; de rebus suis disponere cogitaret, illudque ante omnia curandum sibi putaret, ut optimæ parenti, quam fieri posset diligentissimè consultum esset à sua discessione, antequàm abiret peregrinationem absoluit, & in patriam peruenit beatorum. Etenim senex ille venerandus, ac amabilis quiescent i secundò apparès, Ego, inquit, antiquus dierum, qui Danieli visendum me olim præbueram veni, ut in floridum pomarium, quod tum ostenderam deducam, & fructus operum bonorum gustâ. dos præbeam. Narravit matri insomnium, cui aliud paucas ante noctes absimile quidem contigerat, sed eiusdem prænuncium exitus, ac instantis filij resolutionis, quippe sopori dedita visa sibi est videre de costarum serie vnam diuelli, & in terram prolabi. Anxia, quid mali portenderet prolapsio isthæ, obitum Roberto instantem, retro illo aspectu indicatum haud dubie intellexit. Et non ingemiscere quidem non potuit amantissima parens, ast diu diuinæ volûtati acquiescere sueta, illacrymans dixit: Dominus dedit, Dominus auferet, sit nomen eius benedictum. Verum vtriusq; fuisse somnium probauit ægritudo quæ mox inscuta, per dies 30. lecto iacentem exercuit, & crebro ad cœlestia anhelantem confecit vigesimumq; ætatis agentem annum Paradiso red-

reddidit Corpus sepulturæ mandatum in té-
plo super Nahun ab ipso edificato magno
populorum concursu , quem augebat sancti
conditio , sanctitatis opinio , & multò maxi-
mè miraculorum frequentia , quæ per inte-
gros octo duravit annos ; & his vix non ad-
memorandum, quod cū Northmanni in Bin-
guonicam regionem irrupissent, & totam cir-
cumquaq; ruinis , ac cœdibus vastassent .

Bingam quoque Robolai urbem euertissent
Ecclesię , ac sepulchro Roberti pepercere. Ibi
Berta mæstissima vidua , quæ à procis ali-
quot ob formæ elegantiam , & opulentam
dotem ad secundas nuptias pene cogeбatur
reiectis sponſis omnibus terrenis desponsata
est in fide , caritate , & gratia cœlesti, cui cū
selectis sœminis per annos 15. in omni hu-
militate , & oratione seruiuit , ac tandem
prope filium exuuias deponendas reliquit .



Quousque Domine irasceris in finem, exardescet velut ignis zelus tuus Ps. 78.

Nomine iræ intelligitur vindicta iniquitatis, nomine zeli exactio castitatis, ne anima legem Domini sui contemnat, & à Deo suo fornicando dispareat. S. Aug. in ps. 78.

S. Sebaldu Peregrinu .

Regia stirpis soboles Sebalde
 Norica multum veneratus Vrbe
 Da tuam nobis memorare sanctam
 Carmine vitam
 Te sacris votis generant parentes
 Cum diu lecto sterili vacassent
 Teque suscepto statuere castam
 Ducere vitam
 Natus hic Sanctus puer ergo votis
 Gallia: claram properans in urbem
 Artibus sacris, animumque cultis
 Moribus ornat .

Refert ex antiquis
 monumen-
 tis hæc car-
 mina Mar:
 Raderus ro.
 2. Bavarie
 Sanctæ fol.
 59.
 De illo etis
 Canis in
 Martyr. &
 alij scripto-
 res de san-
 ctis Germa-
 niz .

Regie fuisse stirpis vnanimis est scriptorum
 consensus ; sed dissensus in eo maximus, quod
 alij Britannum ; vel Hibernum , vel Scotum,
 alij Danum, vel Dacum natione asserunt, neq;
 tamen parentes nominant . Simplicitas ne
 aut incuria xui fuerit parui refert . Regia
 proles fuit , nunc Cuius Sanctorum est .

Lutetiam Parisiorum missum à parentibus
 ante conditam licet Academiam , optimis
 præceptoribus in litteris instituendum , tra-
 dunt .

Hauferas Sanctas vbi mente leges
 Patriam doctus redijsti in aulam
 Regiam , quærunt tibi mox venustam
 Iungere sponsam .

Vt dies lætis fuerat peracta
 Nuptijs , Virgo pudibunda vultu

Ducitur celso tibi copulanda

Candida lecto

Cumque iam clausum fuerat cubile

Et quies cunctis foret alta rebus

Tu tuæ sponsæ loqueris pudicæ

Talia Verba

Nata de magno mea Sponsa Rege

Non tuum castum violabo corpus

Si placet mecum pia vota castæ

Iungere vitæ

Annuit Virgo tenero pudore

Et Deo magnas dedit ore grates

Integram Seruans generosa casto

Corpore vitam

Quæritur illi sponsa à studijs redeunti, de-
sponsæ prima nuptiarum nocte, ut alter Ale-
xius suadet, ut sibi integra Virginitate abire
permittat. Fidei (clausula perorantis est)
mutuò sint tutores Ioseph Virgineus
Sponsus virginalis, aulæ custos Bea-
tissimæ Virginis Mariæ, sub quorum testi-
monio hanc arcâ virginalis integritatis gem-
ma decoratam, perfectam arculari fi-
gura accipito, eandem præsentaturus illi
qui est flos, fructusque Virginis.

Ipse mox celsam genitoris aulam

Spiritus Sancti monitu relinquens

Horridam Syluam, Herciuiamq; vastis

Saltibus intras

Et per exesas caua Saxa rupes

Stratus orabas manibus supinis

Fer-

Feruidum solem, Boream, & quæque
 Passus, & imbres.

Et feras inter medias quiescens
 Sæpè montanis satiatu herbis
 Hauferas puram liquidis fluentem
 Fontibus undam.

His vbi corpus dapibus fouere,
 Mentis in puram tenuatus auram
 Sæpè diuino nitido videbas.

Pectore vultus
 Sic tribus lustris tacito peractis
 Inde Romanam properas ad Urbem
 Quam Dei Verbum monuit per orbem
 Spargere Pastor.

Incidisse in S. Richardum Angliæ Regem,
 & Filios VVilibaldum, & VVnibaldum tres
 Sanctos referunt, adduntq; inopia laboranti-
 bus alimenta cœlitus impetrasse.

Ipsè mandatum recipis paternum
 Et vagus terras varias pererras
 Donec immensum peregre venires.

Lætus ad Istrum
 Hic vbi cymbis tumidis careres
 Præbuit tutam, pater alme, nauem
 Pallium, quo tunc fueras pudico

Corpore tectus
 Moxque per vastas Nemoris latebras
 Noricam lætus veniens in urbem
 Hanc docens sacro monitu, profanos

Linquere cultus
 Et Deum cælo residere Cœlo

Prædicas pœnas vitijs daturum,
 Quique virtuti tribuet beatæ.

Præmia vitæ.

Ille de casta genitrice natus
 Corporis mortem tulerat cruentam
 Tertio Phœbo, radiens sepultis
 Victor ab oris.

Venisse dicitur Ratisbonam, diuertisse ad
 humilem pauperis casam, ignem deficienti-
 bus lignis mirabiliter excitasse ad frigus hor-
 ridum pellendum, redintegrasse vitrea fracta.

Deerant Danubio pontes, & naues, steruit
 vestē, eaque consensa sicco vestigio fluuium
 trajcit.

Sylvam in ambitu sexdecim millia passuum
 continentem inter Regnosum, Pegnosumque
 amnes sitam ingreditur, & incolis legem
 Dei prædicat, ac instituit ad pietatem. Ibi
 erutus piscatori oculos restituit.

Approbas multis tua verba signis
 Scripta quæ libro reperi fideli
 Nec minus clavis hodie coruscas
 Inclyte Regnis.

Cumque iam longo fueras labore
 Fessus, & sedes meritis beatas
 Te senem nostras Deus imperabat
 Linquere terras.

Spiritus sacros ubi liquit artus
 Mox boues corpus tulerant agrestes

Qua

Quà tuas Sanctas modò personamus .

Carmine laudes .

Ergo iam Cœlo meritò locatus .

Hanc velis vrbem medijs arenis

Conditam Sanctis precibus iuuare

Sedulus orans .

Terra foecundo madeat liquore

Et salutares habeat calores

Spiceam gestans Cereris coronam

Fœnore multo .

2575

Tradunt aliqui, in ipsa Sylua decessisse, & corpus iumentis impositum Norimbergam delatum in locum, vbi deinceps insignis Basilica extructa est, affirmantibus alijs Sanctū; senio confectum eò se recepisse, & in oratorio Sancti Martini, vbi Cenobium ordinis Sancti Benedicti erectum fuit, exceptum, Sanctissime obijisse, & inde à iumentis in locum prædictum adductum.

Crebris miraculis clarum Martinus V. Pontifex Maximus Sanctis adscripsit 14. Cal. Sept. quo die 19. videlicet, Auguste migrauerat ex hac vita.

Spumet & plenis rubicundus vis

Bacchus, & frontes tetricas relaxet

Et pecus lætis nemorosa carpat

Pascua pratis .

Prosperos seruent radiosa cultus

Astra, nec morbos subitos minentur

Paxque per nostras maneat perenni


Tempore terras .

Fata Germanis faucant triumphis,
 Dum petit Turcos gladijs cruentis
 Principis nostri iuuenile robur
 Maximiliani.

Hinc vbi nostras animas solutis
 Corporum vinclis Deus euocabit
 Confer, vt tecum capiamus alti
 Gaudia Coeli.

Hec vbi nobis pater impetrabis
 Ante supremi faciem tonantis
 Hic tuas semper cumulemus aras
 Thure benigno.

Corpus deinde in templum SS. Petri, & Pauli translatum, & Magnificentissimo Mausoleo conditum, in summa semper veneratione fuit apud Norimbergenses, quoad Luthe-
 rana pestis cultum hunc, Deo permittente, & Diabolo furorem, insanissimis capitibus imminente, aboleuit, praefinito in Coelo tempore rediturum.



Ambulate in dilectione, sicut, & Christus dilexit nos, & tradidit semetipsum pro nobis in odorem suauitatis. Epbes. c. 5.

Ama amorem illius, qui amore tui descendit in vterum Virginis, & ibi amorem suum amanti tuo copulauit, humiliando se, subleuando te, coniungendo lumen suæ æternitatis limo tuæ mortalitatis. S. Aug. de catechiz. rud.



S. ALEXIVS.

Virginitas hominem incorruptibili Deo simillimum facit. - S. Basil.

Sanctus Alexius.

O Agnitio nulli theatrorum agnita, in
 nulla Scena representata similis, ante-
 quam virginitas personas induceret, & argu-
 menta immutationum rara, inusitata, ad-
 miranda suppeditaret. Alexius sub coniugis
 velamine, sponsæ suæ frater; ex Ciue Roma-
 no, peregrinus orbis terrarum; ex diuite
 pauper; ex Domino ludibrium seruorum do-
 mesticorum; exul in patria; extraneus in
 domo paterna; præsens absentem quærenti-
 bus; superstes mortuum lugentibus; in vita
 silens; in morte loquens, in angulo palatii
 incognitus: quisquilijs plebis accensus; inops
 ieiunus, contemptus, in templis Angelorum
 vocibus manifestatur à Summo Pontifice, ab
 Imperatore, à Senatu, à Nobilitate, à po-
 pulo Sanctus acclamatur, & colitur; magni-
 fica honorum pompa decoratur. O prodi-
 gia inaudita! Age anime, virginitati obseque-
 re, & eius alumni in paucis clari candorem,
 atramentò saltem delineæ, ac eius gesta ali-
 qua strictim percurrere, quæ antiquitas cer-
 ta posteritati transmisit.

Alexius vnicus Eupheminiani Senatoris
 Rom. & Aglaes paris nobilitatis filius, precum
 eleemosynarum, pretio in Solatium Sterili-
 tatis à Deo obtentus, suxit cum lacte pieta-
 tem; & in ipso adolescentiæ diligentissimè ex-
 cultæ florè, iussu parentum matrimonio iun-
 ctus est puellæ genere, forma, diuitijs nulli
 post-

posthabendæ , quod plerique scriptores om-
 nes tradidere , tacito interim nomine , & a-
 gnatione ; ni fortè temporum iniuria obli-
 rata sint . In ipsa nuptiarum nocte non veri-
 tus alta , quæ coquebat animo consilia cœli-
 tus immissa aperire , & explicata continentie
 excellentia candidam columbam ad eius a-
 morem inducere , suumque corpus victimæ
 offerre Sponsis Christo , ac Matri eius Sanctis-
 simæ , impetrato consensu , anulum de suo
 detractum , Sponsæ imponit digito , & moni-
 lia addit amoris pignora , atque arrhas
 melioris in spiritu desponsationis poterant
 hæc esse vincula perpetuæ cum ipsa man-
 sionis , & abdicato iam hymenæo , cœlestio-
 ris in eadem domo conuersationis ; ast iuue-
 nis castissimi auris diuinis assueta vocibus , au-
 scultauit Deo vocanti aliò , & de vrbe , atque
 cognatione exire præcipienti . Relicta igitur
 inter lacrymas liquidissimas sponsa , mu-
 tauit habitum , ne dignosceretur , & noctur-
 nis tenebris fugam tutantibus ad Portum Ro-
 manum profectus incidit in nauem mox so-
 luturam , eaque cõscensâ Laodiceâ Asiæ pro-
 spero ventorum flatu peruenit ; indeque ter-
 restri itinere Edeffam Mesopotamiæ conten-
 dit ; quò inuitabant celeberrimæ imagines ,
 Christi Saluatoris altera ad Agabarum dono
 missa , Beatissimæ parentis altera ad aram
 nobilis templi exposita , & in summa vene-
 ratione habita . Hic diuenditis , quas secum
 Roma tulerat gemis , opellisq ; aureis , ne rerum
 cicio quidẽ retento in pauperes cuncta distri-
 buit

buit, & vnus de eorum grege factus mendicato viuere, noctem pleramque sub porticu, in precibus transigere, easque de die in attinguo eiusdem Virginis templo continuare. Peruenerant eo Cursores in varias orbis partes ad querendum filium à parentibus dimissi; sed vestium vilitas, capillus impexus, ac prolixus, macies, pallor, velum obduere, ne cogniti ipsi quæsitum oculis occurrentem agnoscerent, & cælestibus dumtaxat notus annos septemdecim humilitati, patientiæ, pietati operari pergebat, quoad Cœli Regina Aedituo Ecclesiæ quis, quantusque esset peregrinus ille per os imaginis reuelante, in notitiam publicam venit, ac certatim ab omni hominum genere honorari, ac in summa haberi veneratione cœpit. Tunc enim verò vehementi dolore ictus egregius sui contemptor, & osor honorum, Edessa exire festinat, ac Tarsum Ciliciæ urbem magnifico D. Pauli templo celebrem, adire meditans, vectoribus alijs eò tendentibus adiunxit sese; ast naus ventis resistentibus aliò impulsus, post varias agitationes Ostiæ Tyberniæ portum tandem tenuit: hunc nauigij errorem Cœlitus edoctus non casu, sed numinis cuncta disponentis voluntate contigisse nouit, & rursus Romam se vocari minimè dubitauit. Huc ingressus, vt præcipuas adiuit Sanctorum Basilicas, statuit hospitium, in paterni palatii angulo quæritare. Quid facis Alexi? ibi parentis, ibi amici frequenter videbuntur, ac videberis? an tibi cor ferreum

ut mutui conspectus lacula non figant, ac
 orbitatem suam flebiliter conquerentes, an
 eorum fletus, ac gemitus siccis oculis susti-
 nebis? venient in mentem veteres delitiæ
 aulæ, suavis affinium conuersatio, famulan-
 tium obsequia, familiarium blandimenta;
 occurreret passim in oculis etiam nolenti fami-
 liæ pompa consanguineorum, ac reliquæ no-
 bilitatis Romanæ parentes inuisentis turbæ,
 & non mœerebis solitudinem, squaloremque
 tuum, nec te præsens infortunitas anget, quæ
 præteritæ felicitatis commonebit? Nugæ
 istæ delicatarum militum sunt, & terricu-
 lamenta puerorum: fortior Alexius est quam
 ut illa expauescat sui victor, & Mundi trium-
 phator: hæret pectori lorica fidei, caput ga-
 lea salutis munit; latera gladius fortitudinis,
 ac cingulum virginitatis adstringit, animum
 in Deum fiducia roborat. Audacter igitur
 patri per urbem affeclarum stipato caterua
 ambulanti, obulam factus, humili supplica-
 tione rogat dignetur sibi pauperculo angulū
 semotum ad habitandum Dei amore conce-
 dere, & de micis, quæ seruorum suorum
 mensæ supersunt ad arcendam mortem exi-
 guam dimensum elargiri, se memorem be-
 neficii apud Deum fore in suis precibus, &
 sperare largam pro impensa benignitate ab
 illo benedictionem. O Senator bone si scires
 quis est, qui petit à te domatis angulum, &
 panis frustula, quàm auidè osculis, & ample-
 xibus saturatum pristinae habitationis com-
 modis ex templo domum rediens restituisse?

sed

sed immutatio vultus similitudinem alterius
 expreſſerat, & non agnouit filium in ea Pater.
 Conceditur tamen ad habitandum tugurio-
 lum prope ampli palatij ianuam, vbi ſub ſca-
 læ lignæ gradibus fortunatus hoſpes mundo
 incognitus, Angelis familiaris, vili teſtus pal-
 liolo, ſine lecto, ſine cibo, niſi, quâ fruſtula
 panis dabantur à famulorum aliquo, & po-
 tum fontana ſubminiſtrabat. Tota occupa-
 tio conuerſatio cum cœlitibus erat, quam,
 iucundioſiorem reddebat frequens Eucharistiæ
 ſumptio, & vehemens Deum videndi ſpes, ac
 deſiderium. Vt verò huius explendi tempus
 aduenit, à Domino præmonitus, & ad Cœ-
 nam Agni Cœleſtis inuitatus, nomen ſuum,
 parentum, ſponſæ, & vitæ ſuæ ſeriem diluci-
 dè deſcripſit in charta, eamque manu ap-
 prehenſam preſſit pectori paulò poſt in-
 gentes motus admirationis, clamoris, lacry-
 marum excitaturam. Etenim Innocentio in
 eſſe principe coram Imperatore, & infinita
 populi multitudine ſacris operante de repen-
 te vox cantum miniſtrorum abſorbens vali-
 dè intonuit (Venite ad me omnes qui labo-
 ratis, & ego reficiam Vos) obſtupuerunt cun-
 cti, & humili abiecti miſericordiam à Domi-
 no implorabant. Congeminata vox in hæc
 verba (feria ſexta Dei ſeruus de hoc mundo
 exhibit: quærite illum diligenter; nam pro
 Vrbe Romana orabit. Manſit ſuſpenſa expe-
 ctatione, ac cupiditate auſcultans turba, &
 die indiſta ad templum copioſior redijt, ſi
 fortè explicatius quidpiam de ſeruo Dei, &
 de

de loco ubi quæri iuebatur audiret, nec fraudata sua spe, ac desiderio est; dum enim celestem interpretem præstolatur, & supplex numen adorat, Ecce de aere rursus exclamantem, quærite Dei seruum in domo Euphemiani (& aderat Euphemianus) cuius cordi sagitta fuit monitum personantis Angeli, & tantum non concidit exanimis, & extra se abiit. Porro Pontifex, Imperator, Senatus, ac gens tota ad ædes Euphemianas properant, & Dei seruum humi iacentem, frustulato palliolo inuolutum reperiunt, & vultu adeo sereno, ac hilari, vt plaudere videretur animo in gaudia sui Domini ingresso. Tum folium, quod manibus stringebat, arripere, nequiequam tentant, quoad elato in aulam cadauere rogauerint Pontifex, ac Imperator demissè, dignetur laxare manum, & scriptum tolli, vt Dei voluntas in eo exarata pateat, & fiat. Paret illico mortuus, qui obedire Deo didicerat viuus, & Antistiti Chartam capienti laxat dexteram. Datur illa Cancellario, vt recitet, & sonora voce in ea contenta pronunciet, Vbi nomina Alexij, parentum, ac sponsæ inscuere, admiratio quædam vehemens, ac stupor adstantium, omnium animos occupauit; sed cognatorum tam profundè, horridèque, vt obriguerint, ac hæserint immoti, donec ad venas redeuntibus spiritibus in clamores ora, in flumina resoluerentur lumina, tum ruere sponsa, mater, genitor in amplexus. At satius est silentij egimne inuoluere, quæ exprimi nullo

orationis colore possunt. Interim fama per
 urbem totā rei nouitatem vulgante, tantus
 concursus ad ædes Euphemiani factus est, ut
 aditus educendo funeri nulla vi fieri posset;
 tandem ubi datum est per confertam turbā
 perrumpere ad D. Petri succolantibus Ponti-
 ficis, ac Imperatoris humeris delatum corpus
 est, ibique stetit in cōspectu populi per integrā
 hebdomadam acervatim affluentis ad Diui ve-
 nerationem, quam miracula in horas succe-
 dentia haud mediocriter adauxere. Inde ad
 D. Bonifacij templum in Auentino Monte
 translatum est, ibique in honorifico tumulo
 conditum, ubi per sequentia sæcula ad hoc
 usque colitur magno populi concursu, die-
 præsertim anniuersaria Iulij decima septima,
 qua se Vrbs tota in Auentinum effundit, ut
 eius exuias sacras veneretur, & scalarum,
 sub quibus per annos septemdecim delituit
 aspectu perfruatur; hac enim gratia è secre-
 tiore loco in apertum ad Ianuæ maioris la-
 tus translata sunt, ut commoditas fieret po-
 pulo auidè, deuoteque dies octo ac-
 currenti contemplandi veneranda vestigia
 antiquitatis Alexij paupertatem, humilitarē,
 breuiter prodigia mundi contemptum, ac
 sanctitatem prædicantia.

Monet me locus iste diuites nobiles inter-
 rogare, qui sua patrimonia præ opulentia igno-
 rant, qui domos marmoribus vestiunt, qui
 vno filo villarum pretinm insuunt, huic pe-
 regrino nudo quid vnquam defuit, imò quid
 non defuit, qui Christi amore omnia abdicauit

C

*Fiat cor meum immaculatum, ut non
confundar ps. 118.*

**Non dicatis vos habere animos pudicos, si
oculos habeatis impudicos, quia impudi-
cus oculus impudici cordis est nuncius S.
Aug. in regula cler.**



FERDINANDVS Lusitaniæ Prps ad mirandus
Meretur Angelorum præsidium castitas Virginalis.
S. Amb.

Fernandus Lusitania Princeps.

Ioannes primus huius nominis Lusitaniae Regum, & Philippa Ioannis Licastriae Ducis filia, ac neptis Eduardi III. Britanniae Regis parentes fuere Fernandi, cuius partui insidiae in matris utero a matris utero, quippe periculose agnanti futurum foetus immaturi electione Medici suadebant, & conuinctibus alijs, ut periclitantem seruarent, renuit ipsa strenue pharmaceum sumere unde sperabatur salus corporis, ne crearetur animula inexplatae baptismo dispendium aeternum. Prodit ergo mature partus in lucem, & quam uideo male compactus, ut cutis a carnibus abscederet, non secus ac cortices, qui a ramis diuelluntur, tamen diligentia, & arte curatus omnino conualuit, infantiamque ac pueritiam incolumis adolescentie condesti. Ut interuicere exasperunt in eo rationis condita pulchra indoles ad alta nata simul eluxit, & digna, quae a non vulgaribus Magistris excoleretur, qui socreco, excellentes ei dati sunt ut teneram aetatem litteris, ac religione imbuerent. Profecit in utrisque, supra quam sperari a genitoribus posset, sed in hac feruente ad miraculum. Dixisses lacte innocentie nutritum, & pane Dei timoris alitum, sic ille, cor, sic linguam, sic oculos in officio continebat. Sed quod in adolescente Aulæ Regiae alumno singulare prorsus est, orationis, ac penitentiae tam ardens fuit amator, ut sa-

cellum sibi construi curarit, in quo interdium, & de nocte plures horas in precibus traduceret. Vsu venit aliquando, ut triduum integrum sacre Domini Nostri anastasi praezum impransus, ac incenatus exigeret, nisi quæ panis frustulo, & frigida poculo continendus erat intra artus spiritus ne diffunderet aut langueret nimium. Per reliquos vero anni dies assiduus erat sacris audiendis, & horis canonicis ibi recitari solitis à Sacerdotibus, ac ministris, quos mercede ad eius cultum, curamque conduxerat, & ijs finitis suas ipsæ peculiare absoluebat preces, ac diu celestia meditando hærebat. Totum ferme tempus ieiunium ipsi erat, sed rigidius ac solemnius feria quarta, sexta, & sabbatho, hebdomadarum per annum cunctarum, Quadragesimæ, ac Aduentus, temporibus sæpe laxabat alijs etiam corporis afflictationibus ob Christi Passionis memoriam, ac honorem, tametsi sensus haberet rationi subditos, quæ diuinis illustrata radijs, ne rebellare inciperent, Spiritui mancipauit, & in castimonie iura redactos à iaculis adolescentiæ præcordia petentibus immunes tutata est. Et erat quidem præcipuus hic orationis fructus & iugis animi, corporisque mortificatio. Sed parum videbatur generoso Iuueni effecisse, nisi insuper aliquid moliretur, in quo suum erga Deum, & proximum amorem insigniter declararet. Nimirum ad forte certamen animi clientis sui gratia celestis armabat, & patiendi desiderio premunibat, ut Regillaf-

mi-

milia heroibus bello, & pace clavis affluenti,
 hoc decus adderet, quod ipsa sola potest con-
 ferre; & quidem geminatum ijs, qui carnem
 suam nusquam inquinatam crucifixerunt, &
 tormentis à tyranno vexatam Deo viuenti
 morte gloriosa victimam immolauere. Dum
 enim patre primum, tum maiore natu fratre
 Regni administratione occupatis, priuatim
 ipse Christianæ exercitationis officijs distin-
 gatur, largis eleemosynis egenorum necessita-
 tibus subuenit, religiosas etiam domos sua
 liberalitate sustentat, famam sancti Principis
 vel nolens colligit, quæ Romam vsque per-
 uadens, Eugenium Pontificem maximum
 perpulit, ut Cardinalitiam dignitatem offer-
 ret, & ne reijceret, suaderet; sed ex vero sen-
 su pietatis ea se indignum reputans, ut ac-
 ceptaret adduci se non est passus: vice versa
 ubi Eduardus frater natu maior & in Regno
 sancto patri successor, Mauritanicam expe-
 ditionem aduersus Maometanos adornat, &
 illi Henricum fratrem præficit, Ferdinandum
 ipsi comitem designat, licet detrectare posset
 prouinciam sibi grauem, inabilem, & pe-
 riculorum plenam; ne tamen vel refragari
 voluntati Regnantis, vel honestissimum
 fidei Catholicæ propugnadi consilium
 reprobare videretur, morem gessit, hoc etiam
 nomine libenter, quod dura & aspera passu-
 rum se pro Christi amore à barbaris non ne-
 sciret; ac proinde etiam extrema, mortemq;
 ipsam tacito quodam sensu prælagiret. Soluit
 igitur cum exercitu in ipso Assumptæ Virgi-

nis per uigilio anni salutaris 1457. Ex octo ve-
 xillo, in quo imago S. Michaelis Archangeli
 Ecclesiæ tutelaræ, seminebat, & post egregiæ
 patientiæ signa in morbo sub ipsa itineris ini-
 tia inuadente exhibita, recuperata valetudi-
 ne Tyngym appulit munitissimam arcem, &
 foeliciter cum hoste conflixit, partim cæsis,
 partim fugatis Maurorum cohortibus; qui
 nihilominus victoriæ Lusitanorum asperati, &
 prope in rabiem acti copias collegere adeo
 numerosas, ut cedere omnino viribus longè
 superioribus sinerentur. Lusitani, & iniquas
 admittere conditiones, quas Victor insolens
 proposuit, illâ potissimum, ut Septa restitueretur,
 & interim dum negotium in Lusita-
 niâ agebatur Fernandus cum aliquot nobili-
 bus daretur obfes, quoad responsum expecta-
 batur, & Eduardi consensus de arce reddenda.
 Sed præter magnam locorum distantiam,
 & itinerum difficultatem, moram delibera-
 tioni faciebat rei, de qua agebatur grauitas;
 nam & Septa ipsa per se arx est arte, ac natu-
 ra munita, & eo loco in faucibus freti Gadi-
 tani posita, ut ad impetus frangendos Barba-
 rorum Lusitaniz fines subinde infestantium,
 sit forte propugnaculum, & ad eos inua-
 dendos instructissimum armamentarium à
 Ioân. 1. aliquot ante annos armorum vi ab
 eorum iniqua possessione detractum. Ideo
 ultra sexennium tenuit restitutionis tractatio
 non urgente admodum Ferdinando liberatio-
 nis suæ causam, quam publico Regni bono
 posthabebat, & pretio potius, captiuorum-


que Maurorum condonatione , quàm Septæ
 deditione redimî curabat. Interim quàm
 acerba , quamque immanis fuerit illa capti-
 uitas , vix credant , quibus innata genti cru-
 delitas , & odium in Christianos non fuit cõ-
 perta ; Atque vt leuiorâ taceam , quæ à Sa-
 lacambala Rege primis septem mœnibus pas-
 sus est, incommoda, & contumelias. Fessam
 transmissus , vbi rerum potiebatur Lazeur-
 quius ex vili rustico tyrannus ferreus , in er-
 gastulum detruditur egrè capiendis octo per-
 sonis idoneum , cum alijs 11: exiit vestimen-
 tis , & illorum vicem penula villosa, rudi,
 centonibus confarcinata obuoluitur, pro cul-
 citra duę pelles arietinę expilatę substernun-
 tur , puluillum fœni manipulum supponunt,
 lectum reliquum humus suppeditat : pran-
 dium , & cœnam duo atri panes , quales dan-
 tur canibus , & frigida vix illimis submini-
 stratur, Ac ne inde pedem efferat etiam cum
 natura , & pudor exitum postulant , vinculis
 constringitur , neque nisi certis in die horis
 eximitur , & hortum colere , & stabula pur-
 gare. Regis filius imperiosè cogitur ; quę ta-
 men omnia summa cum animi equitate fe-
 rens, socios haud mitius ipso habitos ad patiē-
 tiam , Christi , & Martyrum exemplo hor-
 tatur. Sed non hic positus feritati finis : ad-
 duntur ferreæ pedicę , in antrum adhuc tẽ-
 trius conijcitur , quo neque lucis radius , ne-
 que sociorum vllus penetraret , nisi fortè in-
 uisente ipsum ægrotantem medico , & Sacer-
 dote Lusitano , cui singulis hebdomadis con-

scientiam exomologesi sacra aperiebat, hoc enim extremum solatium in ægritudine statim contracta, ne denegaret gens hircanis tygribus immanior, non humanitas effecit, sed cupido lucri, & restitutionis Septæ, cuius spes simul cum vita Principis interibat. Delituit in horrido gurgustio mensibus quindenis, non tam cum squalore, solitudine, inhumanitate custodum; quàm cum morbo confictans; quibus tamen malis animo superior, prolixa oratione, humilitate, tolerantia ad mortem, cui toto tempore captiuitatis se comparauerat, præludebat. Præmisit hæc tandem suos Nuncios stomachi languorem, & virium debilitatem vix spiritui continendo parem; sed misit pariter vitæ auctor suos, qui solarentur, & de carcere duplici liberarent, quippe Nonis Iunij cum ante Auroram, citius quam solet, visitaretur à Medico, & à Sacerdote periculi impendentis haud ignaris, inuentus est vultu radios vibrante pene abstractus à sensibus: illo abscedente: huic de more confessus non reticuit, quod resciri ab ipso, utpotè conscientiae arbitro, & Dei gerente vicem decebat. Venisse nimirum ad se meditationi coelestis beatitudinis impensè intentum, duabus circiter horis ante Auroram vigilantem potius, quàm dormienti, gloriosam Cœli Reginam in solio radiante sedentem vnà cum B. Michaeli Archangelo dextera vexillum crucis signo distinctum erigente, sinistra lances, uti populariter depingitur, librante, & ipsam de-

deprecante Virgine, ut quantocius æger ad Cœli palatia à tenebricoſo carcere transferretur, viſum præterea cum ipſis S. Ioannē Euangelistā vnā manu calicem, alterā codicem præferentem, in cuius externa facie scriptum enitebat. In principio erat verbum, & ipſum pariter orasse Beatiffimam Virginem, ut se ad cœnam nuptiarum Agni vocaret, ac postulatis annuiſſe benigniſſimam Matrem. Haud fuiſſe inane ſomnium probauit exitus, nam paulo poſt inter preces eiſdem Sacerdotis puriſſimam animam de corpore lōgo martyrio excruciato, emiſit ad eorum legiones, quī regnant cum Agno. Ut de obitu tyrannus inaudiſſet exclamaſſe dicitur, ſi quid boni in fæce Chriſtianitatis inueniatur; hoc totum in Ferdinando fuiſſe, numquam ex eius ore excidiſſe mendacium adnotaſſe; nunquam non repertum flexis genibus orantem ab exploratoribus identidem à ſe ſubmiſſis ad carceres; quibus attinebatur; inſignem caſtimoniam ore, verbis, moribus prætuliffe. hæc nimirum vis virtutis eſt, ut etiam ab hoſtili lingua laudes extorqueat. Et nihilominus ſæuiri in mortuum perfidus minimè deſtitit. Euiſcerari cadauer mandati, & ad nobilem Ciuitatis portam obuerso in terram capite appendi, tripudia, & choreas à proceribus ad ludibrium, & contemptum in ſubiecta area dari iubet per dies quinos. Inde repositum à ſuis in ligneo capulo duabus perticis ſubſtentato ibidem ſuſpenſum manere: & inteſtina, quidem à corpore auulſa à Luſitanis emulata,

ta, & quantum per exilium apud barbaros
 licuit, purificatione, luminibus, precibus
 honestata, donec in Patriam anno 1451.
 translata sunt industria Ioannis Aluari, & Ioan-
 nis Roderici captiuitatis solijs; & in hæredi-
 tario sepulchro Batalia condita; Corpus ve-
 rò propter eandem Ciuitatis portam appen-
 sum in capulo mansit, & clare miraculis
 capit, nam & à custodibus ipsis Mahome-
 tanis radijs vndique collustrari sæpius visum
 est, & sanitas eò accurrentibus, vel opem
 implorantibus restituta, donec insperato ve-
 nit in mentem tyranni nepoti, in patru, cui
 erat offensus despectum, exuias sacras clan-
 culario furto surripere, & Lusitanis extrade-
 re in Patriam transferendas; & fauit molitio-
 ni Deus, ac elementa ipsa, tum maximè cū
 oblectari videbantur fauorabilia se præstiterē:
 Etenim excitati turbines, & tempestates, quæ
 remoram facere nauigationi poterant, ne na-
 uis depositum illud sacrum vehens portu exi-
 ret, profuere, & incuriosis custodibus capu-
 lus à Lusitanis clam ablatu ad mare hora in-
 obseruabili deferretur, & nauigio impositus
 vndis diuino nutui obsequentibus commissus,
 ad oras, & vrbes Regni Lusitani, & tandem
 Vlyssipponem tutò appelleret, vbi Alphonsus
 Regis Eduardi filius antea præmonitus instru-
 cta ex nobilitate Ecclesiastica magnificè pō-
 pa repositis natiuo solo offibus iuit obuiam,
 excepitq; non modò vt sanguinis principem,
 hoc est primis orbis Heroibus æquandum;
 sed vt Ciuem Sanctorum, quem singularis

vitæ probitas , insignis , & diuturna patien-
 tia , castimonia absque labe ad obitum vsque
 adamata , cultaque , miracula haud pauca
 cœlitibus æquatum comprobarant . Procef-
 sit supplicatio moderante Archiep̃scopo in-
 fulato ad templum vsque maximum ; in eo
 solemnī ceremonia repositus thesaurus ali-
 quandiu quieuit , donec Bataliam translatus
 est , & in Regio Mausoleo collocatus , relicto
 in parte superna conditorij foramine , vnde
 immissæ arundines ad sacras pertingant reli-
 quias , fauente populi deuotioni numine , &
 tactu , eductis cannis sanitates concedente .
 Plura habent monumenta Regum Lusita-
 niæ è quibus deprompsit Antonius Vascon-
 cellus , & alij .





B

Declina à malo , & fac bonum p. 36.

Fide anima declinat à malo, & facit bonum;
cuncta transitoria respuit ; inuisibilia, sicut
visibilia appetit , dilectione quæque dura
tolerat ; carnis impetus refrænât : necessa-
ria proximis erogât ; summo bono sem-
per anhelat , S. Aug. l. de cognit. Veræ vitæ
c. 37. 19. vel quiuis auctor eius libri.

S. Elzearius.

Surius co. 5
die 27. Sept

SI excessit ex humanis anno salutis 1325.
 ut Baronius in Martyr. 27. Septembris as-
 serit; idque anno 18. suæ ætatis, ut commu-
 nis fert opinio; consequens est annum 1292.
 primum illius vitæ fuisse; sed quota die, men-
 sue, haud est exploratum. Illud certum,
 Ausonium Galliz Narbonensis natale solum
 celebritatem ab eius ortu adeptum, parentes
 verò Hermonganum a Sabrano, & Laudana-
 nam, Albanam, seu ab Alba antiqua nobili-
 tate claros coniuges, nouo germine sanctita-
 tis, priscum generis splendorem insigniter
 adauxisse. Radix sancta, & ramus Sanctus,
 Laudana namq; cum testimonium populare,
 & commune egregiæ probitatis habuit, tum
 verò domesticum, & graue, quod eo pluris
 faciendum, quo experimentis quotidianis,
 ac euidentibus certius. Elzearius Laudanæ
 socer, & nurus Cæcilia adeo eius probauere
 virtutem, & morum suauitatem amauerunt,
 ut proprium nomen in Bonæ Comitissæ agno-
 men commutarint. Plus aliquid addere li-
 buit Fratri Ioanni à S. Iuliano ordinis S. Fran-
 cisci Sacerdoti, & conscientiz illius arbitro,
 qui donorum cœlestium quibus affatim ani-
 mum Laudanæ Deus ditauerat haud ignarus,
 diserte pronuntiabat ad alta, & magnifica
 destinatam matrem, & gestatum in utero fi-
 lium prodigia ferre secum sanctitatis admira-
 tionem olim orbi terrarum futura Augerebat
 fidem

fidem Garsendæ Alphani, matronæ pietatis non vulgaris sensus: cum enim ipsi, ac Laudanæ familiaritas intima, & arcanorum cordis communicatio intercederet, magna de puero nascituro præfagiebat animo, & præfensionem verbis aperire gæudebat.

Erat autem Garsenda Aufisij primæ nobilitatis fœmina, quæ cum marito suo militiz laude clarò votum continentiz emiserat, & Domino in ieiunijs, & oratione seruiebat, pluribus ab ipso donis ditata, nec prophetiz, & reuelationum lumine carens.

Vt enixa est natum puerpera, acceptum, in vlnas creatori offert hoc vnum apprecans ne vnquam lethali labe inquinari permittat, optare se infanti potius æcerbum funus, quam vitam longiorem fœdatam crimine. Ad vndas lustrales impositum nomen Eleazari, gentile familie, licet alij Eleazarium, alij Elzearium nominent. Vt albescere cœpit ipsi rationis lumen simul cœpit cœlestia sapere, & radios fundere gratiz animulam suam delectabiliter inhabitantis. Si quando puellus adhuc triennis, foras à nutrice, vel gerulo portaretur, & in mendicum aliquem incurreret, indenatum transire non sustinebat: & si daretur elemosyna, lacrymis extorquebat, quod si nihil esset ad manum quod erogaretur, redeundum erat domum famulantium cuiuspiam, & inde ferenda pecunia, vel edulium aliquod pauperi ministrandum. Lustro nondum expleto quicquid dono acquirere contigerat totum in egenos effundere, blandi

illos solari, & mire latari si conuiuas interdum habere per educatores liceret. Curam eius alendi sponte susceperat D. Vvilelmus de Sabrano Massiliensis Abbas eius patruus; in qua exercenda haud facile iudices maiorem, ne voluptatem ex pueri docilitate, modestia, obedientia caperet; an admirationem ex insolitis quibusdam diuinæ beneuolentiæ indi- cijs in puero erudiendo, ac ad pietatem formando. Grammaticæ præceptis imbuendus nauo Magistro traditus specimen ingenij dedit maioribus disciplinis capeendis idonei; at nunquam promptius illud exerebat, quam cum ex sacris litteris discendum quid proponebatur. Non miror erat in Dei amore progressus: accenderat sacra flamma tam vehementer eius pectus ut vix decennis æstua- ret desiderio peragrandi infidelium regiones; fidem Euangelij prædicandi, sanguinem in eius confessione fundendi, idque vni familia- rium suorum professione monacho, probitate eximio, fateri confidenter non erubuit.

Sed o quam disparem ijs votis inire vitam Maiorum coegit obseruantia, ac debitus honor, vel numinis potius cuncta regentis nutus, prodigia coniugiorum subinde renouantibus. Carolus secundus Siciliæ, ac Hierusalem Rex missis, ad Eleazari, parentes nuncijs, qui de nuptijs cum Delphina nobilissima Virgine agerent facile assensum ipsorum obtinuit; In dicta die Massiliæ celebrata sponsalia sunt matrimonio in tempus pubertatis sponsi tum decennis, ac sponsæ duo dennis, dilato. Eo

appetente peracta cœremonia est ex ritu Ecclesiastico ipsa S. Agathæ V. M. die festa in castro Poderij Michaelis vulgo dicto. Quarta post diē Ausoniam concessere, vbi excepti magno cum gaudio, & pompa sunt, volente interim in animo maiora tota illa humanitate ac hilarijs Elzeario. His vbi finis positus, & in sua conclauia recepere se sponsi, Delphina desiderium seruandæ virginitatis aperuit, & noctem in oratione exigendi placitum non modo impetrauit; sed etiam ad imitandum induxit. Noctibus insequentibus fructum precum antecedentium experiri datum est, cum iam sponte odore Virginitatis illectum, ad propositum tuendæ eius induxit, non diu post ad votum, inducendum. Vtebantur ergo thoro non iam geniali, sed virginali; & quod mirere non solum procul omni libidinis sensu, sed intimo diuini amoris affectu amborum pectora æstuabant. Hinc exortum omnium sensus illecebrarum odium, & carnis mortificationis studium supra quam ætas, & status conditio pateretur, Tempus tum fluebat solemnī Quadagesimæ dicatum ieiunio; rigidè illud obseruauit adolescens tener, ac delicatus, insuper alias addidit corporis afflictationes, flagellorum in primis ad sanguinis vsque effusionem: vnde pallor, ac macies in vultu, quæ contegi ægre poterant Comitē habuit Pœnitentia contemplationem, ac orationis donum tanquam rorem matutinum suauiter animam irrigantem, qui paulò post excreuit in imbrem vehementem

om-

omnes eius vires absorbentem . Cum enim ,
 in locum à saltu dictum accitus vt patruj Ab
 batis primitias sacerdotij Deo offerentis , &
 nobilisequitis inaugurationi interesset , in die
 Assumptæ peragenda , noctem præuiam fe-
 stiuitati in precibus traduxit , & mane ad sa-
 cram synaxim accessit eo fructu , quem nec
 verbis à se explicari posse nisi balbutiendo ,
 ingenue Confessario fassus est . Peracta cære-
 monia solemniter in templo , assidere mensæ
 cum reliquis conuiuantibus renuit ; sed mi-
 nistrare illis institit ciuilitatis quidem specie ;
 sed re vera , quod Deo plenus , & cœlestibus
 pastus delictis , nec aspicere dapes opiparas
 posset sine stomacho , & nausea . Ne tamen
 insolentia , ac secessus in cubiculum admi-
 rationem pareret , secundæ mensæ accumbit ,
 & esse simulat ; verum flamma diuinæ amoris
 præcordia depascente , calor ingens per venas
 susus corpus inuadit , & vultum tam vehe-
 menti ardore occupat , vt febris suspicionem
 adstantibus ingeneret . Accurrit illico famu-
 latus domesticus & anxie ad lectum deducit ,
 & velut indigum quietis , ac somni auidum
 solum relinquit . Hic remotis arbitris de stra-
 to se eiecit ; & procumbens in pavimento re-
 laxat habenas lacrymis , ac suauissimo sensu
 colliquescenti diuinitate absorbetur . In qua lu-
 cis affluentia ostensa ipsi sunt ineffabilia , inter
 quæ illa profunde impressa cordi inhæseret , a-
 mor , ac æstimatio æternorum , odium , &
 contemptus terrenorum , illi persimilis de-
 quo Apostolus omnia arbitratus vt stercora ,

ut Christum lucrificiam. Hinc desiderium solitudinis tam vehemens, ut animus iam paratus ad urbium fugam sepositas sylvas, ac spelæa meditaretur ni voce desuper ad cordis aures lapsa discessionem vetabat, & timenti conuersationis humanæ pericula respondebat, sufficit tibi gratia mea; cui refragari piaculū duxit verus humilis, & solitudinis vices cōpensare quoquo modo cupidus propositum Virginitatis antea sumptum voti emissionē firmavit.

Neque minus insignis, aut frugifera fuit visitatio altera diuinissimi spiritus suum alumnum ad altiora in dies prouehentis. Sub annum suæ ætatis 17. inuiserat officij gratia, ac salutationis suos agnatos Aquis commorantes: Ibi intempesta nocte cum aula tota quieti, somporique indulgeret ipse vigilans è patenti palatij regij fenestra oculos ad micantes stellas erexit, & extra se raptus videre sibi visus est profundæ voraginis imaginem, scelerum fœdorum receptaculum, in quam demergendus erat ipse; ni benigna Domini manus ruituro subuenisset Cuius beneficij magnitudinem postmodum attentius perpendēs, hoc vehemētius angebatur, quòd impar referēdis gratijs ingratiū se victurū rebatur: Cumque acrius vrgeret dolor, insonantem rursus audiuit vocem interius, & obiurgātem quòd se mazore conficeret, & confidere in misericordia diuina iubentem; quæ nunquam permissura erat ut excideret à gratia sua. Quòd responsum ingens amoris exeeptit impetus, &

languor animi , vt olim sponsa in cantus cuius anima liquefacta est , vt dilectus locutus est . Et ecce ostentum aliud . Educitur in apertam planitiem , cuius medium magnifici templi structura decorabat . Inibi populi multitudo mystem mox ad aram accessurum sacrificij gratia , opperiebatur , quo adueniente , & sacrum inchoante personabat melodia cantantis chori . Nos autem gloriari oportet in Cruce Domini nostri Iesu Christi &c. in cuius sacri de Passione decursu flammam sensit illabi desuper cupiditate patiendi pro Christo adeo potenter animum accedentem , vt deinceps in tota vita configi ipsi concupierit , & profundere eius amore sanguinem foelicitatē duxerit : quæ causa fuit vt iniurias , si quæ inferrentur æquissimè ferret , etiam à subditis , quibus nihilominus , vultu , verbis , beneficijs humanissimum se præbebat . Quæ heroicam plane æquitatem , ac patientiam admirata Delphina iocari semel voluit vt occasionem daret arcana cordis reuelandi . Quid tu (inquit) hominis es Elzeari stipes , aut caudex videris , qui laceffitus non raro iniurijs insensibilis es , aut esse fingis ? tolerantia isthæc tua fomentum est audaciæ alienæ in insolentiam intolerabilem propediem migraturæ , ni coerceatur . Ad quæ placidissime vir patientissimus . Et quid Delphina irasci prodest , & quantum vlcisci nocet ? Relinquantur hæc mundi discipulis at Christi sectatoribus sint procul . Non ego quidem marmor sum , vt ictus iniuriarum non sentiam , neq. tam he-

bes, ut non intelligam, quàm irreuerenter agant qui me ledunt præsertim si mei sint subditi; sed cogitationem ad Christi passionem, reuoluo, & mihi occino, quamuis tui famuli te conspuant, ac cædant, aut barbam euellant quotus tamen hic despectus est eius cõparatione ad quem benignissimus Christus se demisit: Neq; prius ab hac consideratione mentem auoco, quam omnis motus resederit, & in desiderium patiendi, ac benefacta pro maleficijs reddendi commigret. Iam vero ut ad extasim illam Aquelem redeam.

Peregèrat nox cursum suum, & iã sol terras illuminabat, neq; tamen excessus iste mentis absoluerat suum: Perstabat ad fenestram immotus Elzearius, cum transiens per aulam medicus propius ad ipsum accedens salutatione iterata compellat, ast surdum alloquitur donec tertio ad altiore vocem cuiusgilans fricare occæpit oculos nocturno rore madidos & proluxa in cœlum affixione defatigatos, & quia ab illis lacrymæ adhuc fluentes per genas & vestes largi fletus indices erant, quo magis dissimulare satagebat factum, eo magis inducebatur in suspicionem medicus cælatæ veritatis ac insoliti casus, & causæ fletus.

Vsu venit aliquando ut capitis ablutionem meditati, Delphina cui soli hæc permittebatur, paratis siliis, smigmate lintheaminibus, manum iam iam admoueret, cum repente exclamat, ah Delphina cito, cito quæso te. Aduertit prudens foemina, non ignara viarum

rum Domini cum suo sponſo , viſitari illum illapſu cœleſti , & quoquo modo abſterſum dimiſit ſpiritui cum eo delitari , & delicijs ſaturare volenti . Seceſſit recta in cubiculum , quod illi in cellam vinariam verſum eſt , vbi experimento didicit quanti ſit inuitamentum ſponſi : bibite , & inebriamini cariſſimi , tota nanque nocte perpluit illi liquor de fontibus ſaluatoris , & lux in tenebris illuminauit animum & ſecreta cœleſtiora patefecit , quæ patefacere ipſe nulli mortalium præterquam ſuæ Delphinæ voluit : ipſam in oratione poſitam ad ſe vocauit appetente Aurora , & indicauit potius quam explicauit mirifica quæ viderat , ac ſenſerat , & indicaffe ſat fuit conijcipienti talia ex claritate vultus irradiante , & candelæ quàm manu geſtabat lumen ſuperante .

Eiuſdem generis eſt quæ ſubiicitur viſio . Sub annum duodeuigeſimum attinebatur Auſoiſij vna cum Delphinæ : Hanc die quadam Sabbathi orantem in cubiculo inuenit vergeſte iam in occaſum Sôle , & adiungit ſe illi ſocium , & vterque ad diem uſque dominicam in oratione perſeuerant . Obiecit ſe orantis menti non tanquam in ænigmate ſed in clara ſpecie ſolum viſioni beatæ impari Trinitas ſanctiſſima . Et modum agnouit generationis Filij à Patre , & proceſſionis Spiritus ſancti ab ytroque creationis inſuper mundi ; ſinis eius , & amor erga genus humanum , cuius gratia hæc condita fuere , & gubernantur : miſericordia ac bonitas in Incarnatione ad lapſum

primi parentis reparandum excellentia, ac Sanctimonia Virginis Deiparæ; quæ talia dum intueretur, amoris flamma gliscebatur in pectore, & adeo potenter cor vrebatur, ut præ languore corpus semimortuo affine videretur mens Angelicæ similis arderet amore Christi, ac in posterum solus illi sciret Christus, & quæ sunt Christi: Inter quæ primo loco numeranda Virgo parens, tam impensè culta, tam amanter habita, ut prouerbio diceretur in delicijs Elzearium esse Virgini, & hanc illi in amoribus. Quid plura? Garfendæ obnixè pro Elzeario preces offerenti in Ecclesia respondit Christus D. Huic adolescenti matrem meam dedi magistram, cumque anxia de responso vereretur an illusio esset. Angeli deceptoris, sequenti mane sub ipsam sacrificij horam eadem quæ nocte audiuerat verba, clara voce iterari sensit, neque ultra de veritate dubitauit; prudentiæ tamen duxit. Frater Ioanni à Iuliano Confessario rem totam aperire, qui & ipse nullam subesse mali Dæmonis fraudem pronunciauit, ut certior factus est ab Elzeario de modo quo Beatissimam Cæli Reginam colebat, & seruitute quam exhibebat.

Hæc dona gratiæ sanctificantis familiaria, & abscondita oculis mortaliū, illustriora reddita sunt à splendoribus gratia gratis datæ quorū libet pauca ex pluribus referre. Exiuerat aliquando in syluas simulatione venationis, & comitatu præire iusso, vnum duntaxat famulum chirurgiæ peritum secum retinuit, quo cum

cum Nosocomium Leproforum secus viam ingreditur. Eorum sex iacebant ita morbo deformati, ac absumpti, ut monstra horrida representarent. Labra exesa, dentes patuli, cariosi, putidi; nares truncatae, & olida scaturigine foetidae, frontis, ac genae lichenis obductae; membra reliqua squammis purulentis scabiosa; ut oculos in haec spectacula coniecit pius iuuenis, miseratione tactus accedit ad illa proxime, verbis humanissimis solatur, singulis amantissima figit oscula. Mirum dictu, sed toti nosocomio notum, ægris omnibus integra sanitas momento reddita; fragrantissimo odore domicilium respersum, atque ut foras etiam miraculi spargeretur fama, larga eleemosyna sanatis impertita abeuntem, micans radius e capite sanantis prodiens adstantibus aspectabilis, comitatus est per totum viæ tractum, quoad comites affectus est, & ab ipsis etiam videri desijt. Et ipse, quidem edixit omnibus seuerè ne se superstitè miraculum euulgarent, cæterum à lepra mundatis ad penates proprios redeuntibus quis occluderet ora, ne sospitatorem suum plenis buccis Elzearium proclamarent?

Quam luculentum quod sequitur? In ora castri Podij Michaelis supra memorati sterilis frugum annus annonæ caritatem intulerat, quæ famem, & morbos minabatur. Accurrunt ad herum turmatim indigenæ, & subsidium impèdenti calamitati implorant. Ille seposita frumenti parte ad familiæ sustentationem necessaria, quod supererat rogantibus

Prou. 19.

mutuatur quidem , contractus specie ad tempus, ast eo adueniente donat ex liberalitate contentus scēiore à Domino promisso ijs qui miseretur pauperis . Post menses aliquot absumptis primis dimensis necessitate compulsi ad eundem rursus recurrunt , & opem precibus infimis cōtendunt ad mortem arcendam . Iubet hic horreum recludi & de referuato domesticis tritico miserorum egestati subueniri . Sed cum alij super alios in dies accederent breui granarium exhaustum est ; nec erat nescius defectionis Elzearius , nec miserationis oblitus . Ideo adueniente ad commune perfugium egētium altero mandat, & huic nouissimo dari sicut & prioribus : nuncianti ancillæ clauium custodi ne granulum quidem superesse , præcipit diligentius exploret , ne forte fallatur;paret illa vt pareat, certa præteritæ erogationis , & inopiæ præsentis . Horreum ingressa acervum inuenit grani non minorem eo qui pro domus alimonia referuatus fuerat . Obstupet , miraculum Domino renunciat , non se præ lætitiâ capit . Ille silentium indicit , & Sacramento adigit , ne ante suum obitum de eo loquatur . Sed frustra premi silentio vult quod tecta , quod parietes euulgant . Resciuit itaque tota familia quod euenerat , & quem verebatur vt suum dominum, reuereri cœpit vt seruum summo cælorum Imperatori in paucis earum . Auxit venerationem reddita nobili puellæ sanitas . Nomen huic Constantia filia Ioannis Albæ annorum non plus septem : febricula lente

gen-

tentabatur, quæ postea se intendens decimam quartam diem vltimam vitæ faciebat ni manus medici melioris fatalem ictum auertebat. Arelatem sub id tempus forte venerat Elzearius vbi ægrotanti iam parabatur funus: Inuifit inter postremos anhelitus luctantem, capiti manum imponit, & in te, inquit, puellulæ Domini voluntas fiat: Tum cubiculo egressus matrem inconsolabiliter plorantem, bono iubet esse animo, & filiolæ bene esse affirmat. Illa exiliens gaudio ad ægram currit, & incolumen reperit, ac vbi narrauit modum quo perfanata fuit, esurire se oppido ait: afferuntur cibi; comedit delectabiliter, surgit e lecto perque domum, perque urbem curfitat non absque ciuium admiratione haud ignorantium conclamatam à medicis salutem eius. Verum non huic solum puellæ, sed multis alijs ægrôtis sanitatem tulit visitatio, & contactus eius, qui frequens erat præsertim pauperum, quos inuisere, verbis, & elemosynis iuuare, signo crucis communire habebat in more, & oblectatione.

Eius quoq; precibus datû, quod nauis cum copioso vectorum numero imminens naufragium euaserit. Redibant ipse ac Delphina Neapoli in Prouinciâ, & prospere marinos fluctus sulcante nauigio, turbine improuiso mare exasperatur, eoque tépestas prouexerat vt rupto malo, veloque dissecta submersio propinqua, & ineuitabilis cunctos horrore concuteret; clamore, & planctu æra reple-ret. Solus Elzearius iacta in Deum spei an-
cho.

chora intrepidus manet , cæteros erigit , & ad sperandum in Deo , vehementer hortatur . Ipse præit exemplo , & humili supplicatione pro sociorum incolumitate deprecatur : Auditæ preces , & residentibus ventis tranquillitas mari , serenitas aeri , tremmentibus pectoribus quies restituta .

At verò quanto præstat anima corpori , & Spiritus carni ; tanto æstimabilior illius salus , istius sanitate . Alias redeuntibus in Galliam , Narbonensem fœlicibus sponfis occurrere nobilium turmæ , & affinium perplures . Ex his vnus Rostagnus à Sabrano nomine eques auratus dum ruit in amplexus , & oscula suauissima , irruere sentit in pectus spiritum vehementem contritionis , ac poenitudinis scelerum suorum tanto cum impetu suauitati mixto , vt nec conuiuiscere , nec cibum capere prius potuerit , quã ad sacerdotis pedes abiectus peccatorum sarcinam multis cum lacrymâ deposuerit . Et erat vir prouectæ ætatis , sæculo mancipatus , adeo suæ salutis oblitus , vt biennium totum sacramentis inexpliatum viueret mortuus gratiæ , de qua ne tum quidem cogitabat , ni contactus ille virginei corporis letargum excussisset . Quo in genere mirabile est quod Alasia Delphinæ soror expertam se esse affirmabat . Erat hæc sanctimonialis , sed pro more temporis illius extra monasterium in palatio germanæ degere interdum permittebatur , in quo plus incitamenti ad seruiendum Deo sentire se fatebatur , quam inter sorores moniales . Permissa est aliquando Sata-

næ colaphis æstum vehementem libidinis in
 frigidis ieiunio membris excientis, neque pre-
 cibus, nec afflictationibus & lacrymis extin-
 guebatur. Venit illi in mentem flexis geni-
 bus lectum in quo Virginei sponsi quiescebāt
 circumiere quod dum præstat, tota
 illa flamma deferuet, nec deinceps in reliqua
 vita scintilla vlla reuixit in membris iam ra-
 tioni obsequentibus. Vt verò Ausoisium per-
 uentum est Garsendam de qua superius me-
 minimus lecto decumbentem reperere, cui
 cum causam sui aduentus aperuissent nimirū
 vt votum Virginitatis ea præsentē nuncupa-
 rent, incredibilem cepit animo voluptatem,
 dixitque se ardentē optasse, & à Deo postu-
 lasse vitā donec faustā hanc immolationē par
 innoxiarum turturum Domino obtulisset, &
 responsum accepisse non visuram se mortem
 nisi videret foelices coniuges hoc vinculo se
 sponte obstrinxisse. Cum verò aliquanto tē-
 pore expectassent, si conualesceret ægra, vt
 interesset sacro in quo erant vota emissu-
 ri, tandem hoc iniere consilium ad moras
 abrumpendas, vt in die Sanctæ Mariæ Mag-
 dalenæ festo illud fieret à F. Ioanne Confes-
 sario in domestico facello Diuæ Catherinæ V.
 M. dicato, in quo olim Garsendæ obiecta
 fuerat species Lapidis radiantissimi cuius ful-
 gorem non toletabant oculi, & significatum
 à Domino denotari per illum Elzearij Virgini-
 tatem radijs orbem terrarum completuram,
 ibidem igitur fælices sponsi secundum sacrā
 synaxim ad conclaue Garsendæ egrotantis,
 ad

ad conclaue Garfendæ ægrotantis pergerent, ac ea audiente vota Virginitatis certa verborum concepta formula pronunciarent. Comitabantur binos candidatos Agni immaculati sectatores Alaffia Delphinæ soror, & Iuordus eques Garfendæ filius. Qui vouentes æmulatus, & ipse continentiam suam Creatori obtulit obligatam voto.

Præter istos & excipientem F. Ioannem Dei nomine, à nullo mortalium rescitum, quod secreto agebatur, & vt alto silentio premeretur Elzearius maximopere satagebat. Descendit de cœlo amoris flamma super sacrificium istud, & inflāmauit ad laudes, & gratiarum actiones agēdas castorū, consiliorū seminatori Christo, Regi Virginum, similes ijs quas beatæ mentes eidem reddunt. Garfenda sanè plena gaudio in voces olorinas erupit. Hunc dimittis ancillam tuam in pace Domine, quia audierunt aures meæ quod diu desiderauit cor meum. Hæc multo post ingrauescente morbo reddidit animam creatori plenam meritis, statim gloriæ splendoribus replendam, vt indicio haud obscuro declaratum est. Nanque paulo post obitum inter manus, & lacrymas sponforum inclytorum, ipsi aditantium, visendam se præbuit in radianti habitu alteri per quietem, vigilianti alteri, & de sua beatitudine vtrumque monuit, quod fusius in vita B. Delphinæ denarratur.

Cæterum fructus sacrificij, & holocausti per vota consummati fuit immensus, sed quæ plane percipi nisi à percipientibus valet. Exponi

poni utcumque verbis S. Niss. potest Hom. 15
 in Cant. ubi commemoratis omnibus penè
 animi affectionibus, sed his (subdit) omni-
 bus abrais solus mihi superest qui nihil est
 horum, qui est ipsa sanctificatio, & puritas,
 & immortalitas, & lumen, & veritas, qui
 pascitur inter lilia in splendoribus sanctorum
 &c. quibus indicatur illa intima adhæsiō Ani-
 mæ Deo de qua Apostolus. Qui adhæret Do- 1. Cor. 6.
 mino unus spiritus est quæ trāsformatio quæ-
 dam est in deitatem, & depuratio spiritus nō
 modo ab inquinamento peccati, sed & ab om-
 ni affectione quæ non est secundum Deum.
 Hanc significauit aliquando per litteras Del-
 phinæ quærenti ecqui haberet, & desiderium
 ipsum videndi exponenti. Bene, respondit,
 per Dei gratiam mihi est. In vulnere laterali
 Christi habitō, si me videre cupis, ibi me
 quære, alibi non inuentura: hic vbera, hic
 oscula caritatis, hic pocula, hic habitatio scæ-
 lix; à qua videlicet ne quiescens quidem abi-
 bat, nam etiam tum somnus crebris suspirijs,
 & lacrymis miscebatur, ob continuatam co-
 gitationem Passionis, & vulnere Christi
 Domini. Immo & inter externa negotia bel-
 lorum, & pacis non distrahebatur mens à re-
 rum diuinarum meditatione, ut multis expe-
 rimentis compertum fuit, quæ prosequi longū
 nimis esset, & minime instituto nostro con-
 ducibile. Etenim & hæreditati paternæ suc-
 cedens, & populos sibi commissos regens &
 itinera à Gallia in Italiam, ac vice versa repe-
 tens, & belligerare à Rege Roberto Neapo-
 lita-

litano iussus pro status Ecclesiastici defensione, semper Christum in corde suo circumtulit, quia Christus in suo latere domicilium ubique concesserat; Et siue pareret Regibus in negotiorum expeditione maximorum, siue imperaret subditis in boni communis procuratione, Obedientiæ, Iustitiæ, Patientiæ documenta dabat, qualia à tali solum habitatore expectari poterant.

Hęc prætermitti Virginitas, non patitur quæ in eius obitu contigere. Primo quidem ut in morbum incidit haud dubia præsentione nouit esse vltimum, atque ut domino venientilætus occurreret exomologesi generali coram Patre Francisco Mayronis insignis inter Theologos notæ omnes vitæ noxas recognouit, cum tanta doloris, & fletus amaritudine, quanta in scelesto etiã peccatore desiderari vix poterat. Tum cælesti pane refectus est, & sæpius hæc sacramenta repetere gestiebat facta præsertim facultate sacerdoti in cubiculo celebrandi, vbi iacebat infirmus, quæ facultas causa erat ut Christo Domino artissime se coniungeret, quo nihil ipsi in vitâ suauius, nihil in morte optatibus contingere poterat. Deinde quod ad illam vsque horam cautissime cælaturum voluerat, tunc diuino instinctu reuelare opportunam duxit. Et adstantibus affinibus, ac amicis dixit, saluatus est homo malus per mulierem bonam quam sicut accepi virginem, ita Virginem, ac illibatam post me relinquo. Dolores incredibili patientia tolerabat, ac lenibat assidue psalmo-

modia , ingeminans illud dauidicum Domi-
 nus opem ferat illi super lectum doloris eius .
 Viatico munitus , dum sacro oleo inungitur
 verba à sacerdote prolata , ter repetijt . Per
 crucem , & passionem tuam libera eum Do-
 mine ; addiditque ; Hęc spes mea est, in hac
 volo mori . Iam modicus in pectore restabat
 calor , & luctari cum hoste stygio cogeatur.
 Immutatus vultus , & gestus oris certamen
 indicabat animi , cum repente in hæc verba
 prorumpit . Magna est uis Dæmonum; sed ea
 Passionis dominicæ virtute labefactata est; Et
 post pusillum temporis, Planè, inquit, vici, totū
 me diuino iudicio committo : & redijt faciei
 color amæus splendore micans , spiritus au-
 tem reliquit artus , & cœlum petijt , vt sua-
 fere miracula multa , & insignia quibus initiū
 datum ab dierum malorum peccatoris con-
 uersione , qui conspecta morte tanta cum
 pietate obita iuuenis virginei , altissime com-
 punctus Sacēdotem Franciscanam , protinus
 adduci curauit & in propinquo conclaui pec-
 cata retexuit grandia & plurima, qualia à no-
 bilibus opulenti in nequitia habitantibus per-
 petrari solent . Aliorum partem quæ ad se-
 pulchrum eius consecuta sunt vitę scriptores
 enumerant , Fuit illud primum in templo
 Franciscanorum Parisijs, vbi ipsorum indutum
 habitu conditum cadauer fuit: Tum Aptam
 post menses aliquot translātum, vt viuens mā-
 dauerat, & apud suos Franciscanos pariter repo-
 situm . Ibi claudi , cæci , surdi leprosi , & alijs
 affecti morbis persanantur , & quod maius est

mortui ad vitam reuocantur.

Epilogus esto elogium in Martyrologio Gallicano ab Andrea Saussaio concinnato compositum 27. Septembr.

Parisijs S. Elzeari comitis Ariani in Gallia Narbonensi in quo Deus ita se admirabile ostendit, ut in hoc vno insigniorum Sactorum miracula renouarit. Hic. n. in castris Machabæus, in Eremitio Elias, in templo Hieremias, David in palatio, Ioseph in connubio, Iob in lectulo, fortitudine, austeritate, deuotione, prudentia, castimonia patientiaque admiranda præcelluit. Denique vita in omni religione exacta, Virginitate, quam cum Delphina vxore castissima illibatam seruauit Angelis coequalis, ex aula terrena ad coelestis Regni præmia beatissimo fine euolauit, ætate florenti scilicet ab ortu suo anno 28. cum à Roberto Siciliæ Rege, & Prouinciæ Comite fuisset ablegatus ad Carolum Regem Christianissimum cognomento Speciosum. Corpus eius in habitu Franciscano, quod tertij Ordinis instituta eoluisset apud Minoritas Parisienses primo sepultum, eodem anno sicut in extremis castæ coniugis memor præceperat Aptam Iuliam translatum est, magnis in via coruscans signis diuinæ clarificationis. Atque illic tandem in æde S. Francisci depositum crebris miraculis refulget excitatis per eius inuocationem mortuis, illuminatis æcis infirmisq; quouis genere optatæ sanitati restitutis Felicem sponsum, & ipsa Delphina Sanctissima virgo subsequuta est, prorogata in puro Christi famulatu ad annum vsque 76.

mor-

mortali conuersione , die scilicet Nouembris 26. Oriente Sole , filia lucis ad perennes sanctorum splendores, regisque gloriæ desideratum conspectum emigrauit , ornata monilibus gratiæ , fidei lampade , chlamide puritatis , & corona iustitiæ . Cuius nitidæ exuuiæ , puris mariti Virginis ossibus honore eodem tumulo , sicut florido olim thalamo sociatæ , iisdem gloriæ insignibus, qua beati simul in cœlo gaudent , coruscarunt .





• S. MICHAEL ARCHANGELE
Defende nos in prelio

1573

d

Qui diligit Deum exorabit pro peccatis, & continebit se ab illis, & in oratione dierum exaudietur.

Eccl. 3.

Oratio tua locutio est ad Deum, quando iegis Deus tibi loquitur; quando oras cum Deo loqueris S. Aug. in ps. 85.



S. PELAGIVS MART:

Nulli Virginitas seruituti succumbit S. August

S. Pelagias Mart.

Sanctus Ambrosius Ecclesie Doctor admiratus in Agnete puella Romana fortitudinem plusquam virilem in tolerandis pennis, Hæc, inquit, tredecim annorum martyrium fecisse traditur, quò detestabilior crudelitas, quæ nec minusculę pepercit ætati: Imo magna vis fidei, quæ etiam ab illa testimonium inuenit ætate; nondum videlicet apta pugne, & iam matura victoriæ &c. l. 1. Idem de S. Pelagio puero hispano vsurpare licet, per quem adhuc impuberem, hoc est, annorum nondum quatuordecim, vt plerique scriptorum tradidere, fides virginæc mensis, & corporis decore speciosa, armata caritate, & fiducia in Deum triumphum egit primariæ notæ martyribus comparandum Præcessit certamen fortè victoriam illustrem, & quale à grauius historicis insertum monumentis, accepimus, in nostram indicem referre decenter posse arbitramur.

l. 1. de Virgîn.

Auctores multos refert Baronius in marty. 26: Iunij, qui viram, vt martyrium huiusmodi describere

Sub annum 21. seu vt alijs placet 29. supra nongentesimum reparatæ salutis Abderahmanus, seu Abhremanus Almanfor, tertius huius nominis Rex apud Corduhenses Maurorum dominatu pressos, collectis sui regni copijs, & nouis ex Africa aduocatis in Vasconum, & Cantabrorum prouincias per interiectos christianorum fines irrupit, & ad vallem Iuncariam (hodie Iunquaram) castra metatus tanto impetu aduersus exercitû

Ordonij . & Iunctij Garfiz Regum dimica-
uit , vt cæsis ex vtraque parte quamplurimis
victor denique ipse euaserit , ac eam Canta-
briæ partem , quæ Alaua dicitur sub sui im-
perij iuga redegerit. Inde captiuos præcipuos
quosq; secum Cordubam adductos custodiæ
mancipauit , quos inter Episcopi Dulcidius
Salmaticensis , & Hermogius Tudensis, eius-
que ex sorore (alij dicunt Sobrinum) nepos
Pelagius vnicum ex humanis præsentis cala-
mitatis solatium. Agitur de libertatis redem-
ptione , & potestas Hermegeo fit exeundi de
carcere , vt pretium conquirat ; sed ea condi-
tione , vt obsidem Pelagium relinquat om-
nibus Regum gazis sibi cariorum . Huic pa-
trui educatio, ac disciplina mores fecerat sua-
uissimos hominibus;superisque acceptissimos
Aula Episcopalis ipsi schola fuerat pietatis,
gymnasium litteraturæ, domicilium inno-
centiæ, modestiæ, pudoris, Dei timoris pa-
læstra . Et nitebāt istiusmodi gemmæ splen-
didius in forma corporis , & venustate vultus
ad miraculum elegantis . Videbatur ad eum
confinandum adlaborasse natura , vt spiri-
tui habitatori sedem dignam præpararet , ne-
que ars ad faciem Angelicam exprimendam
exemplar aptius Pelagij vultu comperisset :
Quamquam coloris illa quidem amænitate
& partium æquabilem proportionem expri-
mere forte poterat , inerrantem per illas præ-
sertim per genas , & oculos radijs nitidissimis
splendorem pictura nulla ad viuum repræsen-
tasset . Qui fulgor insolitus pelliciebat auli-
co-

corum barbarorum animos , ad amorem , & linguas ad laudes incitabat , tanquam rei inter mortales admirandæ . Neque latebant Regem sermones isti frequentes cui loqui placencia studium , & voluptas assentatorum erat ipse dumtaxat sui corpusculi contemptor Pelagius nihil pensi caduca omnia apud se reputans , carcerem verterat in sacellum , in quo velut alter Daniel captiuitate pressus summo numini preces diu noctuq; offerebat ; libellos pios frequenter lectitabat ; colloquia de rebus diuinis , vel ferebat , vel audiebat perlibens , ab omni leuitate alienus , grauis , humanus , supra ætatem prudens , concaptiuorum solitudinem . ac merorem solabatur , & coronis martyrij , ac Virginitatis mox connectendis præludebat , ad quas triennij , & ultra spatio præuisas , & concupitas , se ipsum comparabat .

Quippe Abderrahmanus inter adipalis mensæ delicias auditis , quæ adstantes de eximia adolescentuli pulchritudine fabantur , iussit illum ad se adduci , curiositate tum quidem sola videndi excitus ; Ast vbi parentem corâ se intuitus est , & sub splendenti tunica , quam inuito iniecerant Regij adulescentes , micare conspexit vultus formosissimi lucem , eius amore raptus allicere blandimentis institit ad legem Maometanam amplectendam , & honorum , commodorumq; pro se , & pro cognatis omnibus pollicitatione , ad suæ aulæ speciosa munera , ac honores inuitare . Cui Pelagius liberè , & audacter , Quicquid mihi

ò Rex, promittere, vel dare potes vanum
 est, & ego is sum cui mortale quidlibet
 vilius videtur luto: æternum est, quod spero
 à D. meo Iesu Christo, qui est Rex Regum,
 & Dominus Dominantium, quem colo, quem
 adoro, pro cuius amore, & lege, quæ sola
 vera est, mori paratus sum Debuerat genero-
 sum responsum frigidam super scatentis libi-
 dinis flammam infudisse, vt extingueretur;
 sed contra accidit, nam succensa est vehe-
 mentius, & in sartagine pectoris diu ad
 scelera assueti, incendium excitauit. Itaq;
 propior puero factus risu; suauiloquio, gen-
 narum attactu blaudiri, osculari, aliquid
 attentare, quod pudicitia horrebat, ausus est.
 Hic enimvero puritatis amator adolescens
 Pelagius ex Agnello leo magno animi, & vo-
 cis ardore apage clamat, canis, abstine polluta
 manus à christiano corpore, putas ne tuis
 effæminatis similem me? & impacto colapho
 procacis impudentiam egregie depalmaruit,
 tum tunicam, qua induerant protinus exu-
 tus in partes dissecuit, & per contemptum
 Sectæ Maumeticæ, expeditior ad palmam
 properauit. Inhorruere adstantes pueri gene-
 rositatem, & nihil minus timuere, quam
 vt efferatus tyrannus acinace caput diffunge-
 ret, aut mucrone latera transuerberaret. Sed
 seruabat Deus athletam suum ad cruciatus
 diriones, & ad palmas illustriores; ideoque
 præpotente libidine spe armata, etudelitati,
 innoxium Pelagium aulae ephebis sociari mā-
 dat, si quomodo eorum familiaritate molla-
 tus

tus flecti blanditijs posset vel ad infamem
 Maomethis superstitionem, vel ad turpem
 regis indulgentiam. Parent illi prompte, &
 in omnem se versant blandientium formam,
 ut quem rex aetate dispar nequiuerat, pares
 ipsi lenocinijs, ac malis exemplis allicerent
 ad nequitiam. Sed cum oleum, & operam
 perderent, nec hilum se profecturos spera-
 rent, monitus Rex animum ad tormenta
 adiicit, Equuleo primum exquisitè tor-
 queri imperat, & tortor quidem impigre
 exequitur imperata; Ast Pelagius dum tenel-
 li laxantur artus, & articuli torsione quassan-
 tur, vires colligit animò, & coelo affixus,
 procul ciulatu puerili, non modo virili con-
 stantia, sed & lætitia exiliens martyrum pro-
 pria, superiorem se præsentī pœna, & cupi-
 dum acerbioris ostendit, ac Iesu Christi inuo-
 catione doloris atrocitatem mitigat. Quo co-
 gnito impius tyrannus animaduertens se fru-
 stra laborare, nec posse blanditijs flecti, vel
 tormentis adigi, ut fidem Christi abneget,
 desperatione in acriorem rabiem migrante,
 mandat forcipibus minutatim concidi cor-
 pusculum infantis, & laniata membra in
 flumen Boetim (Gualdalchiuir) proiecta disper-
 gi. Mouebantur viscera spectatorum ad cru-
 delis mandati fulmen in caput innocentis, &
 super aurum amabilis adolescentis intortum
 quinimò, & satellites ipsos horror inuaserat;
 quod contra naturæ, iustitiæque leges inno-
 xio cruore manus contaminare cogerentur;
 sed iussio urgebat mandantis heri spumantis
 iras,

iras, & lanienam teterrimam impetantis.

Detrahuntur igitur ceu alteri Iosepho vestes, & virginea membra pudore, charitate, fortitudine cooperta in scena crudelitatis exponuntur: expediuntur forcipes ferreæ ad incidendum exacuata, & carnifex non vnus arreptos artus dilacerant. Hic aure, genas, & labra præcidit; alter manus, & brachia detruncat; tertius crura à coxendicibus, coxendices ab osse sacro diuellit, nec ab infanda laniena desistunt, donec à summo capite, vsq; ad ima pedum dissecuerint, Tygribus, aut leopardis immaniores lictores stygij, generis humani monstra ad distruendum pulcherrium naturæ opificium, Innocentiæ speculum, gratiæ, & Spiritus Sancti Sacrarium. Interim adolescentuli mitissimi iuxta, ac fortissimi, inter crudeles excarnificationes nulla præter hanc exaudiebatur vox. Benedictus sit Dominus meus Iesus Christus, in quem credo, quem amo, quem videre spero paulo post in cœlo: neq; cessauit ab ijs vocibus donec obtruncato capite loqui desijt, post horas tormentorum senas. Vbi erat tunc Pelagius cum tortor sæuisset, lictor incideret, carnifex trucidaret, & ipse lætus in cantica laudis, & confessionis Iesu Christi erumperet? Nempe in tuto, vt cum Bernardo loquar, nempe in petra, nempe in visceribus Iesu, vulneribus nimium patentibus ad introeundum. Si in suis esset visceribus, scrutans ea ferrum profecto sentiret, dolorem non ferret, succumberet, & negaret. Nunc autem in petra

Serm. 68. in
Canto

ba-

habitans, quid mirum si in modum petrae durerit? Sed neque hoc mirum si exuta corpore anima dolores non sentiat corporis.

Neque hoc facit stupor, sed amor: submittitur enim sensus, non amittitur. Nec deest dolor, sed superatur, sed contemnitur &c.

Obstupebant quidem spectatores prodigiosam, & veluti cum cruciatu, ac Morte ludentem, pueri constantiam, sed miseri unde illa manaret haud agnoscebant, neque fidei christianae vim, & robur in ætatis immaturæ infirmitate triumphantis Mauricis tenebris obcæcati videbant. Ideoque collectum illum membrorum fascem loculo aureo, gemmeoque dignum in Boetis fluentia proijciunt, equeam uti rebantur piscium futurum; sed providentiæ divinæ bonitas eorum opinionem, ac impietatem elusit: etenim christianorum complures, thesauri inæstimabilis reperiundi desiderio succensi, festinanere hora minimè observabili, profunda alvei explorare in quibus latere ex probabili coniectabant, & quæ contis, quæ vinatione repertum totum prope modum in nauiculam impositum in templis duobus coliocauere; caput videlicet ad D. Cypriani, artus reliquos ad D. Ginesij, ubi honorificè condita miraculis coruscare cœperunt, quod à Rege Ramiro Tertio, regis Sanctij cognomento Grassi primogenito filio Legionem translata, & in templo à parente magnificè constructo sunt recondita. Instruxerat Sanctius legationem sanè splendidam ad Abderahmanum Regem Cordubæ sub annum

959. quæ erat trecentessimus quinquagesimus tyrannis Arabum in Hispania, eique præferat Velasum legionensem episcum, cui dederat in mandatis, ut à Rege Maometano nihili reliquias Sactorum curante martyris à se necati ossa obnixè peteret. At Rex quamquàm iam capularis, & alias id temporis amicus Sanctij omnino tenuit; fortè ne alio transmitteret suæ crudelitatis monumentum: verum haud multos post dies plenus dierum, ac malitiæ, ut è viuis excessit, & Alahcam filium Regni successorem reliquit, Instaurat eum ipso postulationem legatus, atq; ut erat ingenij mitioris, & pacis cum finitimis principibus amantioris. postulatis annuit, & sacras exuias Legionem transferendi potestatem facit. Translatæ sunt; & regia pompa exceptæ per annos plures in templo prius S. Iohannis Baptistæ, tum S. Pelagij modo S. Isidori appellato quievere, donec tandem Quidam delatæ in principe Ecclesia hæctenus pia fidelium religione coluntur, quam Deus tam crebris, ac magnis miraculis fouere, augereque perseueravit, ut passim aræ, ac templa per Hispaniam in Diui honorem sint erecta, qui duplici titulo martyrij gloria dignus est, tum quod coram tyranno toto conatu ad negandam fidem adducere contendenti confiteri Christum pari libertate non erubuit; tum quia gloriose maluit mori, quam vel leui labe candorem suæ virginitatis adspergi; Ac ceteroqui si generosos impetus, & ictus ad illam, aduersus suum arabicum propugnandum

dum spectes , non minus Iosepho castissimo
 pudicum , nec minus fortem Dauide Philis-
 tæum perimente iudices, utroque certè for-
 tunatori esse Pelagio contigit , quod sangui-
 nem pro Christo fundere dignus est redditus,
 & adolescentiæ auroram virtutum heroica-
 rum radijs clarissimam in diem vertere, & æ-
 ternitati sacrare .



Sicut



c

Sicut exhibuistis membra vestra seruire immunditie, & iniquitati ad iniquitatem; ita nunc exhibete membra vestra seruire iustitie in sanctificationem Rom. 8.

Sicut ille iniquissimus est, quem ne pœnæ, quidem temporales deterrent ab immundis sordidæ voluptatis: ita iustissimus ille est, qui ne pœnarum quidem temporalium timore reuocatur à sanctis operibus luminosissimæ caritaris S. Anselm. in callud.

E c

S. Ni.



S. Nicolaus Peregrinus

In Caelo est patria Castitatis, hic advena est.

S. Amb.

S. Nicolaus Peregrinus.

Hic est, de quo Baron. tom. 11. ad an.
1194. ira scribit. Hoc anno Tranensis
in Apulia Ecclesia nobilis, magis illustratur
Sancto Nicolao cognomento Peregrino, dum
ex hac vita migrat in Cœlum 4. Non. Iunij.
Ita Deus copioso imbri gratiarum secundio-
rem reddidit eandem Ecclesiam, quæ merito
eius cultum propensiori semper studio est
iprossequuta. Plura habet de illo Urbanus II.
in Bulla canonizationis, cuius initium est.
Urbanus Episcopus, &c. Neque mirandum tibi, lector, quod Pe-
reginus obscuri generis, pauper, mendicus,
illiteratus, accenseatur Principum catalogo in
festinitate Parthenia. Etenim apud Deum
non est Iudæus, neque personarum acceptio:
diues est in omnes, & misericors: In aliquos
adeo suæ gratiæ liberalis, ut eos de pulvere
erigat, & cum principibus colloct Ecclesiæ
suæ, ac super excelsa Principum sæculi huius
extollat, reddatque venerabiles ipsis, & co-
lendos. Talem fuisse Peregrinum nostrum
suadent, quæ ex antiquis monumentis eruta,
hic breuiter perstringo. Natus est in oppido Stiri celebris in Græ-
cia Monasterij inter Epirum, & Achaiam
Prouinciæ Hellados.

Parentes illi agricolæ fortunæ adeo tenuis,
ut impar esset alendo filio, & mercedi sub di-

disciplina præceptoris cuiuspiam erudiendo, necessariz. Itaque iam octennis à matre custodiz gregis ouium præficitur, qui grex paternæ dotis summa, & totæ diuitiæ ipsius erant. In hac præfectura occupatum gratia celestis præuenire gestijt, & tanta vberitate in cor eius se fudit, vt Dei amore arderet, & continere linguam nequiret, ne diu, noctuque in exclamationes erumperet, & enthufusmo quodam sacro ætus, ingeminaret subinde Kyrie eleyson. Cuius insolentiz pertæsa mater, cum nihil proficeret corrigendo, delirio mentis adscribens, & insaniz, sanum spiritus impetum, adeo exarsit ira, vt 12. annos natum domo eijceret, quem verberibus non poterat; si fortè corrigeret expulsio, ac intellectum daret, quem minæ, ac virgæ perferare non poterant.

Eiectum paterna domo duxit Dominus in montem excelsum natali solo imminentem, ibique speluncam aptam habitationi ostendit, quam Yrsa prægrandis, horridaque incolebat. Hæc vt accedentem puerum conspicata est, præceps in ipsum irruere festinat, haud dubium dilaniatura, ni fortis Dominus inermem, ac debilem puerum suæ protectionis clypeo roborasset. Quippe impaudus stetit, & audacter in nomine Iesu Christi præcepit Belluz, abiret inde, nec regressum in speluncam vltra tentaret. Illa feritate deposita mandato obtemperauit, & aliò sibi sedem quæritans, parere in tota deserti vicinia desijt, ac liberum habitaculum Nicolao reliquit.

liquit . In eo Cœlum inuenisse sibi visus ,
 tempus omne in oratione terere , & in con-
 suetis elamoribus Kyrie eleison oblectari, qui-
 bus vasta personabat solitudo. Neque cura-
 rerum, aut cogitationum humanarum vlla,
 affixum cœlestibus meditationibus animum
 turbabat , siquidem herbæ , earumque radi-
 ces cibum , fontana potum suppeditabat .
 Huc mortalium nullus pedem inferens quie-
 tem interpellabat : Conuersatio illi cum Deo,
 & Angelis , nisi quod semel dumtaxat, visen-
 dum se ipsi obtulit venerandus habitu Mona-
 chus , ætate senex , & canus ; sed breui sal-
 uere iussum , & ad constantiam animatum
 momento deseruit , & rapido incessu in syl-
 uas se proripuit .

Interea temporis parens quâ dolore , quâ
 iracundia percita , post diligentissimam con-
 quisionem tandem subodorata Spelæum ,
 vbi filius delitescibat, curauit per liçtores pu-
 blicos inde abduci, & suspicata obsideri illum
 à malo Dæmone, more Regionis, obtulit Mo-
 nachis cœnobij B. Lucæ Abbatis , vt eorum
 precibus , ac adiurationibus liberaretur . Id
 loci pro Dæmoniaco habitus , vix explicari
 verbis potest quàm grauiâ , quamque aspera
 passus fuerit . Nunc templo depulsus ante
 valuas sistitur irrisioni plebis, & iniurijs tem-
 poris expositus ; aliàs in alta inclusus turri
 admoto ad ianuam grandis saxo exire vetatur ;
 ast suborta tempestate , & ingenti tonitru re-
 uolutum est ab Ostio turris saxum , & fa-
 cta exeundi facultate , rectâ se ad templum

contulit, nusquam oblitus consueti cantici Kyrie eleyson: Hic rursus ferrea catena restrictus amouetur, & in cellam detruditur, tanquam insaniens carcere continendus. Verum post decantatum sacrum ad preces ipsius catena soluitur; quam ad triclinium tendens, oculis accumbentium Monachorum visendam obijcit; sed ipsi obsidenti spiritui prodigium tribuentes à Monasterio ablegant, cui remedia iam vlla afferri posse desperarent. Ipse porro ijs latus opprobrijs dum Deum laudare pergit, ekstasi raptus in aera tollitur, ac in altiori templi muro collocatur, ibique occinens suum Kyrie, ab vno eorum, quorum fuerat curæ commendatus eò conscendente vapulat baculo, & immaniter ad ima præcipitatur.

Paulò post ad mare deducitur, ac naui impositus ligatis manibus, ac pedibus in profundum demergitur tanquam indignus luce, qui à tenebrarum principe possideretur. Ast à Delphino ereptus, incolumis ad littus euehitur, & periculum in aduersariorum caput reijcitur; nam ventis mare turbare cœpit tã horrendè, vt nauicula eorum naufragio proxima, eius ope euaserit statim, ac eo inuitante clamauere omnes vnanimiter Kyrie eleyson.

Demum paternam domum reuifit; inde cultrum, dolabram, & paucula ferrea instrumenta aufert, & in montem propinquum ascendit, vbi aliquanto tempore commoratus cruces de cedro format. easque in diuer-

sis locis editioribus collocat opportuna Dominicæ Passionis renouandæ memoriæ monumenta. Rursus ad eandem domum reuertitur, vt fratrem suum natu minorem, Georgium nomine, secum in montem abducatur, quod cum facile obtinuisset, orantibus ipsis descendit de Cœlo Angelus sub columnæ igneæ specie, cuius Summitas pertingere ad eius conuexa videbatur. Hæc ambos in altissimū montem subleuat, quem Oraccum indigenæ nomiuant, vt in eo, si vellent contemplationi vacarent diuinorum. Et Nicolao quidem mirè placuit locus; Ast Georgium malè habuit solitudo illa, nec detinere se fratris adhortatione passus est, ne retrò respiceret, & ad pristinam sæcularium conuersationem remearet.

Ibidem viuere perseueranti, ac sollicito vbi aquam inueniret, apparuit Angelus; & ostendit locum vbi tellurem foderet, vt fontem aquæ proliceret, et potum vitæ necessarium in promptu haberet: quam tamen non diu ibi traducturum præmonuit. Et ita paulò post euenit. Nam post dies aliquot ex illo montis cacumine descendit Nicolaus ad Cœnobium vulgo Euzerchia dictum, cuius vocem in Kyrie solito exultantem, vt percepit Abbas Theodorus, experimentum capturus, an verè Sanctus esset, vt plerique existimabant, equo indomito imponi iussit, qui statim deposita feritate mansuetum egit; mirantibus Monachis, & Dei gratiam in adolescentulo agnoscentibus, etiam si nescirent,

quod Angelus bono iusserat esse, animo dum equo imponeretur. Hic idē nocte insequente detulit in montem sublimem, monstrauitq; specum latebrosam tribus imaginibus ornatam, Iesu Christi, videlicet, Sanctissimę parentis, & S. Ioannis Baptistę Pręcursoris, ante quas ternę pendebant accensę lampades. Inde sublatum per maritima Barij, & Trani circumtulit, dixitq; Ciuitas hæc Tranensis per te decorabitur, à Domino Iesu, & celebris mundo fiet celebritate tui nominis, ac sepulchri; futurum namque est, vt à patriotis tuis in exilium pellaris, & hic quiescas. Disparuit autem Angelus, & cognouit Nicolaus, quod vĩa isthęc in excessu mentis contigissent, ac sine mora ad Oraccum reuersus est, ibique tempus in precatione, & cedrinarum crucum fabricatione, vt prius insumpsit.

Id loci pastor quidam Petronius nomine, non longē distans, serramenta suffuratus erat quibus cruces suas Nicolaus pangebatur, cumque rogatus, vt redderet, negaret à se ablata, Angelica reuelatione doctus ad latibulum vbi erant abscondita se confert Nicolaus, & furto recuperato cruces formare perrexit, per regionem illam dissipandas.

Fortē transeuntem Monasterij Stirienfis curatorem, quem Maximum appellabant, cum esset intuitus, salutauit amanter, & placidē sciscitatus est cur adeo austerē, ac inhumani-ter cum subditis suis ageret, & ad labores immoderatos compelleret. Hac ille interrogatione corrigi se ratus, indignatione commo-

tus baculo , quo utebatur . mitem adoleſcētem dirē excipit , & vix oſſibus brachiorum , & erurum non diffractis ſemimortuū humili deiectum relinquit . Hic inter gratiarum actiones , & laudes diuinas tantisper obdormiens , vidit S. Lucam Fundatorem Cænobij ſe conſolantem , & ne reputaret inſomnium , conſecuta ſanitas beneficium eſſe Diui , teſtata eſt .

Quæ deinde in varia peregrinatione per Apuliz oras contigere Dei ſamulo denarrare prolixi laboris eſt , & minimè neceſſarij , præcipua ſolū capita ſeligere ſtudenti , quæ bina in hoc genere ſtatui poſſunt , mirabiliū videlicet operationem , & quotidianam malorum perpeſſionem ab hominibus probis , improbis , & à Dæmonibus illatorum , Deo permittente , vt & in ea conformem redderet imaginī filij ſui .

Videre Hydruntini , ac Tarentini intra breue tempus , quo ſuum Kyrie cum ſimplici puerorum grege cantitando prouinciam peragrabat , liberatos ſalutaris ſigni impreſſione obſeſſos à Dæmone ; attractas vi precum ad littus naues prægrandes in alto pelago periclitantes , contracta vincula captiuitatis , quibus popularium ſuorum colla à Barbaris dirē premebantur . Et non diu poſt eruti à ſeruitute fuere , vt eruendos citra ambiguitatem ad opem ſuarum precum confugientibus ipſe prædixerat . Sed lætis iſtis mixta triſtia ſucceſſere , nam virgls , & flagellis eædi iuſſus eſt à Præſulē non nemine eum dementē

reputante, quod clamoribus personantibus Kyrie, aures obtunderet, & à duobus fratribus Ioanne, ac Rumberto, ligatis manibus pedibusque in obscurum cubiculum coniectus est, ne ulterius clamando vagaretur, Ast omni auxiliatore humano destituto opitulator diuinus non defuit: namque cubiculum immenso splendore respersum est, & funes, quibus adstringebatur, dissoluti, & ipse liber ac lætus foras prodijt, visendumque se publicè præbuit: mirantibus, verò, ac sciscitantibus, qui vinctum sciebant liberationis modum, Deum liberatorem suum fateri gloriæ diuinæ ducebat.

Obuium aliquando habuit virum Principem domo exeuntem cum magno famulorum, & equitum comitatu: cum verò manibus in Cælum subleuatis clamare cœpisset Kyrie eleison, perterriti equi crexere se se, & infessorum aliquos excussere de tergis: Horum vnus continere non potuit indignationē, ne colaphos, alapasque Nicolao impingeret, tanquam infortunij auctori: At non diu impunita mansit audacia; namque die eadem, temerarius ille equo delapsus, dexterā enormiter læsit, & adeò quassatos artus ex lapsu sensit. vt decumbere coactus post dies quindecim ad extrema peruenerit, & actum de vita erat ni vocatus ad egrum Nicolaus beneficium, pro maleficio reddens, aridam manum, & totum corpus sanitati restituisset?

In reditu ab huius domo incidit in hominem cœcum, quem persanauit, sed miraculo

lo gemino: alterum est, quod causam cæci-
tatis prophetiæ dono nouit esse parricidium
ab ipso patratum, vt pecuniam raperet diui-
tis mercatoris; ideoque à loci Gubernatore
in pœnam delicti exoculatus fuerat: alterum
quod cum lacrymis pro salute miseri Deum
apprecans in verticem præaltæ turris ab An-
gelo eleuatus certior ab eodem factus est ac-
ceptas Deo fuisse preces suas, & lumen ocu-
lorum cæco restituendum, quod paulò post
restitutum est, vbi Angelus è sublimi ad ima
reduxit, vt attactu salutarî præsto esse mæ-
renti propinquitate liceret.

Sub idem tempus in S. Demetrii martyris
templo post contumelias, & irrisiones ibidem
toleratas, palliolum suum ad Diui imaginem
appendit, rogauitque Dominum, vt alexi-
pharmacum esset infirmitatibus popu-
lorum, & exauditus est; siquidem contactus
eius medicamen fuit omni generi ægrotorum
ad ipsum accurrentium, vt Sanctus ptoinde
peregrinus passim audiret.

Auxit famam sanctitatis eius casus infoli-
tus: siquidem puer paruulus ad ipsum acce-
dens signo crucis in fronte deducto mutari se
sensit in virum, & confortatus in Domino
Dæmonia de corporibus cæpit expellere, &
omnis generis morbos corporibus infestos
perfanare: nomen huic Dulcettus, nobilis in-
ter suos conciues familiæ, exindè miraculo-
rum dono etiam apud externos nobilior.

Multa passus est per oppida, & castella
Hydruntinâ discurrens: tandem Tarantum
per-

peruenit oppido fessus , nœc ibi quietem , aus-
leuamen inuenit , sed cum nocte intempesta
per Urbis compita ad penitentiam ciues in-
uitaret , ingratum id Episcopo accidit, & ve-
luti delirantem fustibus castigatum ab vrbe
expulit .

Exul inde , ac profugus non casu , sed diui-
no consilio Tranum nobilem , ac notam te-
nuit Ciuitatem : ibi collectos pueros , & mu-
nusculis escarijs allectos , cantare docuit suū
Kyrie , & Pœnitentiam agite ; qua nouitate
commotus populus est , atque adeo Episco-
pus Bisantius Senior , qui accitum ad se Ni-
colaum interrogauit de doctrina , & vita
eius ; & ex responsis haud obscure cognouit
à Dei Spiritu intus illum agi, nec dementiæ,
vti vulgus rebatur , sed sapientiæ dandum ,
quod ab illo circumagi se fineret , & in par-
tes omnes verti. Ideoque liberam ei faculta-
tem fecit commorandi in ea vrbe . & institu-
tum viuendi cursum persequendi . Verum
non diu licuit ea facultate frui , etenim post
dies tres , quâ itinerum labore defatigatus ;
quâ verberum subinde inflictorum percussio-
ne contritus ; in sebrim incidit, & in hospitio
apud Sabinum honestum Ciuem decubuit ,
quod hætenus post attiguorum ædificiorum
ruinas , integrum perseuerat , & vel hac me-
moriam celebre est , quod formam Sacelli in-
dult erecto altari , & veneranda Diui effigie
decorato . Eò conuenit multitudo Ciuium
conditionis cuiuslibet , indolentium dolori-
bus eius, & benedictionem ab ipso postulan-
rium.

tium . Aestuanti febrili ardore allatum est
 frigida vasculum, cui cum labra arentia ad-
 mouisset , & paucillum degustasset, reliqua
 in vinum optimum conuersa est ; siue quia
 indicare Deo libuit aquam tribulationis in
 Vinum lætitiæ commigrasse ; siue quia in-
 stauratū Canē Galileæ miraculū monuit instā-
 tis horē nuptiarum agnī, ad quas dilectus Do-
 mini inuitabatur non vltra Kyrie , & Pœni-
 temini, cantaturum cum puerorum turba,
 sed canticum nouum , quod nemo nouit, nisi
 qui stolam innocentie candidam, illibatæque
 ieruauit . Igitur inter hæc gaudia , & inuita-
 menta Cœlestium 12. die ægritudinis finem
 peregrinationibus imposuit Nicolao , & ini-
 tium eternitati in futurum dedit , co-
 planè apparatu , qui responderet vitæ
 in summa pœnitentia , & sanctitate
 actę . Funus elatum ad D. Mariæ de Vrso ad
 quod honorandum tota se effudit Ciuitas, quę
 magna parte ad domum Sabini, vbi cadāuer
 iacebat glomeratim confluxerat, & manuum
 ac pedum exosculatione satiari non poterat .
 Sub Vesperam Archiepiscopus Bisantius cum
 clero suo, in loco semoto honorificè sepelien-
 dum curauit, & Deus non cessauit sepulturam
 miraculis illustrare , quæ ante illam adhuc
 exposito in medio templi corpore inchoaue-
 rat . Ea verò tam multa , tamque grandia
 fuere , vt Præsul ipse de vniuerso Synodi ad
 hoc coactę consensu Romā se contulerit ad
 Urbanum Secundum P. M. & relatione de
 vitæ sanctitate , ac miraculis in catalogo de-
 scrip-

Anno 1092
 Iun. 21.

scriptis peracta, persuaserit dignum, qui sanctorum albo adscriberetur. Præiuit, ut par est, in re grauissima, legitima discussio, secuta est apotheosis, ac diploma Pontificium, quod hodieque in Archiuio Tranensis Ecclesiæ adseruatur inter antiquas Tabulas à quibus desumpta est vitæ Sancti Nicolai historia in lucem edita ab Antonio Pauli, iussu Archiepiscopi Didaci Aluarez viri celeberrimi ex Dominicana Religione, & olim scripta Latine, ac Italicè ab alijs, quos in epistola dedicationis idem appellat.

De magnifico templo in honorem, ac Diui titulum edificato; de prima translatione corporis post annos 49. ab obitu eius; & de altera recentiori anno 1611. prolixè, & accuratè tractat idem scriptor, numeratque mira, quibus ad vtramque honorandam contendere cum mortalibus cœlites videri voluerunt.

Nihil interim de ætate certum ex ea narratione colligere licuit, quia mortis quidem dies, & annus designatur, sed natiuitatis vterque silentio inuoluitur: coniectura tamen est adolescentiæ limites haud excessisse, qualem videlicet icones antiquissimæ repræsentant, & opinio communis per sæculorum cursus propagata confirmat. Quippe simul miraculis inclarescere post mortem cepit, simul & depingi, ut adolescens floridæ ætatis colore viuido, modicè succulentus, quod mirabantur de iuvene, qui pueritiam radicibus herbarum aluit, adolescentiæ modicum cibarii

barij panis semel in die concessit, & in perpetuis excursionibus, ac laboribus pulagus vtramque traduxerat; vultum ornabat coma temporibus inerrans aliquanto proluxior, & inconditè orbiculata, iuxta suæ patriæ morè; caput, & plantæ absque operimento; vilis tunica ad genuavsq̃ue promissa fune succincta totum erat indumentum; pendebat è collo ad dexterum latus pera, qua tanquam penu utebatur ad elargiendum pauperibus elemosynas spontè oblatas, vel quæsitas, manu præferebat crucem ex illis cedrinis quas in monte fabricasse supra memorauimus. Et hæc quidem imago corporis exprimi à pictoribus, vtcumque potuit, animi porro decor, ac pulchritudo breui elogio adumbrata ab ijs est, qui eremi deserta incolentem Christi Domini Præcursori, & dira sustinentem martyribus comparauere; & dicebant de eo, qui tam multa inaudierant, vt vidisse, & alloqui ipsum licuit. Vidimus Heliam, vidimus Ioannem Baptistam in deserto, vidimus Paulum in Paradiso, vt olim in viso Sancto Paulo primo Eremita fabatur S. Antonius.



F

*Verbis tuis facito Stateram, & frenos
ori tuo rectos. Eccl. c. 28.*

Restringatur (lingua) habenzæ vinculis fra-
nos habeat suos, quibus reuocari possit.
Ad mensuram, sermones proferat libra exa-
minatos iustitiæ: vt sit grauitas in sensu, in
sermone pondus, atque in verbis modus
S. Ambros. lib. 1. Offic. c. 3.



Alexander Bertius Medic .

*Virginibus meis dabo in domo mea, et in muro meo
locum nominatum .*

S Bern. e Sac. Scrip.

Alexander Bertius Medicus Floren-
-tinus

Violanta Medicea (proh' quantæ pietatis,
 & fortitudinis in aduersis, nobilitatis inter
 Florentinas matronas). Maritum habuit Ni-
 colaum Bertium, & ipsum nobilissimum, fi-
 lium verò Alexandrum posthumum, sancto
 videlicet patre aliquot ante natiuitatem die-
 bus; sed & Cœlum ipsum ad tempus modi-
 cum terris prolem concessit in ipsa adolescen-
 tiæ Aurora repetendum. Simul lucem aspe-
 xit, simul exorta lux parentis animo, iuncta
 cupiditati nouellam partum Domino conse-
 crandi, ne quid suum in eo agnosceret. Mun-
 dus, quod Mundi Fabricatori displiceret. Pid-
 culares ad vndas Alexandri nomen sortitus est,
 quod in Magni Parui cognomen erat euehen-
 dum. Ea propter vt articulare cœpit vocem
 in verba, initium locutioni doctus est sumere
 à precibus Sacris, oratione dominica, saluta-
 tione Angelica, inuocatione nominum San-
 ctissimorum, in quæ promptè ac delectabili-
 ter linguæ retinacula frangebatur. Vix quin-
 quennis Passionis Christi Mysteria voluerit
 mente, ac de illis libenter sermones ferere:
 vt liqueat iam tum ratione præuentum, quæ
 regeretur à gratia animulæ dominium capier-
 te. Clariùs eluxere istius radij in septennio,
 quo naturæ, ac sensibus contraria anxie cœ-
 pit appetere, & cilicium ad mouere corpuscu-
 lo adhuc peccare nescio, & patiendi auido; &

edita est in
 Incem vita
 eius, ex au-
 th. suis.

natus 8. Id:
 Sept. ann.
 1593. Flor.

quia minus asperum concessum fuerat, quàm
 ut affligeret pro voto gestantis, bonis modis
 alterum paulò durius à Confessario impetra-
 uit, quo pungeretur acutè caro, & non per-
 functoriè gestaretur. Neque eo contentus
 catenula ferrea acuminata lumbos cingebat,
 ut dolorum Christi Domini, quorum medi-
 tatione pascēbat animum diè ac nocte, imi-
 tationem exprimeret in corpore suo. Et quā-
 quam Confessarij prudentia id generis petitio-
 nibus in illa etatula parèe indulgebat; negare
 tamen cuncta, quæ postulabat; nefas duce-
 bat; vel ob id maxime, quòd compertum
 aliunde haberet auctorem cupiditatis afflicta-
 tionum istarum tam ardentis, diuinum esse
 Spiritum, qui totum hunc puerum posside-
 bat, & per semitas sanctorum seniorum à
 paucis tritas, deducebat. Nihil in moribus
 eius leue; aspectus, incessus, sermo maturita-
 te compositus, sed illa usque adeo suauis, ut
 nulli grauis esset, aut onerosa, cunctis ama-
 bilis, ac iucunda, præsertim domesticis, ac
 agnatis, qui tacitè viuendi modum, mode-
 stiam, patendi promptitudinem, reuerentiā
 perpendentes, plus ne admirationis, an ob-
 lectionis caperent, ignores. Hinc est, quòd
 minus ægrè tulerint, neque flocci fecerint de-
 liberationem ab ipso initam nondum decen-
 ni, qua sæculum abdicare, & pueritiam, ac
 ætatem omnem in religioso ordine Deo sacra-
 re constituerat. Quamuis enim de ridiculo in
 communibus ac vulgaribus pueris istiusmodi
 properata consilia ineantur; quia tamen in

Ale-

Alexandro nihil puerile aduertebant præter pueritiam, & proficere illum in gratia, & sapientia quotidianis experimentis comperiebant; ideo pretiosum quid sub illis floribus inuolui coniectabant, quod suo tempore in fructus concoctum cœlestis calor euolueret. Confirmauit opinionem piū pueri verum, vale dicendi mundo, & ad religiosa claustra transeundi; cuius esse sequendi facultatē a parente instanter rogare, & precibus extorquere etiam atque etiam studebat. At prudens foemina sibi gaudens de filij desiderio in ætate immatura religionis iugo, licet aliās sonere illud sueta, tamen facultatem roganti minime annuebat, sed seriam postulationem lepida responsione eludens ad Ordinis a se expetiti præfides causam reijciebat, quos neque posse, neque velle tenellos pueros, & fermē lactentes inter suos adscribere haud nesciebat. Adiuit ille Prouincialem tum Florentia transeuntem, & tam aptē ad suadendum argumentis, ad mouendum precibus causam suā egit, vt persuadere potuerit, ni pueri ætas intempestiue admissionis monuisset. Non minori cupiditate æstuabat ad Sacram Mensam accedendi, vt Angelorum pane reficeret animam, de cuius excellentia sublimius sentiebat, quā doceretur vel piorum lectione librorum, vel proborum instructione præceptorum. Et potuisset ad sanctum Conuiuium admitti puer iam tum Cœlestibus delitijs affuetus, innocens, ac rationis validus; at ob mysterij reuerentiam nequaquam prius indul

tum votis ardentibus, quàm numerus annorum à singularitatis, ac insolentię nota educatores eximeret. Vbi verò hic expletus est, dies Purificationis Beatissimę Virginis optatissimę Synaxi destinata fuit, quę dies illi fausta, fortunataque illuxit; etenim in cibi Eucharistici sumptione intima dulcedine, ac lætitię præcordia eius exundauere, ac mens insolita luce perfusa vidit secreta Cœlestia, & suum cor amore ardens intuita est veluti in binas scissum partes quarum medium insidens Iesus amicę blandiebatur. Quis tibi sensus, quę gaudia Alexander ex hoc aspectu, ne lacrymę quidem affluentissimę ex oculis manantes exprimant; nec lingua dignę verbis explicet quę cor, Sedes Iesu effectum, expertum est. Sanę ex prima ambrosię huius degustatione tanta fames hesit pectori eiusdę repetendę, ac tantus erga diuinissimum Sacramentum amor, vt ab ara maxima, vbi asseruatur, diuellı nequiret, & iam apud ciues palam audiret Ephebus honorarius Altaris, Sacratissimę Eucharistię.

Ea propter præcipuo affectu, ac reuerentia in B. Virginem ferebatur tum alias ob causas, tum ob istam maxime quod ẽ purissimis suis sanguinibus coalitum angelicum panem Ecclesię parauisset: & quia vbi cor, ibi lingua, libentissimę de eius laudibus sermones ferebat, vel insertos ab alijs auidę percipiebat: dies Sabbathinos, & alios per annum dicatos Virgini singulari cultu celebrare in more habuit, & quā precibus, quā suppli-

plicij aliquo genere propitiare sibi Reginam Virginum per eos dies enixè satagebat, horarias illius preces quotidie attentè percurrere, formulas quasdam peculiare à se inventas adhibere, tota cordis fiducia eius se tutelæ committere, se totum illius cultui impendere, socios ad eundem incitare, nihil eorum prætermittere, quæ per ætatem, & moderatorum indulgentiam licere sibi existimabat, ut se filium, & clientem tantæ Magistris profiteretur.

In Collegio Florentino Societatis nostræ erecta pridè Parthenia Floret congregatio numero, ac nobilitate adolescentum Beatissimæ Virginis servituti se deuouentium, illamque diuersis exercitamentis pietatis testantium. In eam adscribi partem suæ, foelicitatis, & summam gaudiorum duxit Alexander, qui ubi voti compos factus est, omnes eius leges ad amissum seruare; modestiæ, diligentiæ, pietatis exemplo præire sodalibus, quibus iccirco cunctis erat in amoribus, & admiratione. Quæ ex eo cœtu dicta domum referebat, factaque virtutum Christianarum domesticis communicare ponebat in lucro; famulis quin etiam in aulam coactis, sodalitij imitatione ex pio libello, cum caput aliquod perlegisset, hortatiunculam tanto cum ardore habebat, ut lacrymas exciret, & ad flagellanda sua corpora vnâ secum incitaret. Ex diuïs, quorum patrociniò se commendatum percipiebat, vnum selegerat B. Aloysium Gonzagam, cuius gestorum lectioni velut

apis argumentosa florum delibationi iucundif-
 simè hærebat ; succumque honestissimæ tra-
 hebat imitationis ; etiam vsque ad religiosæ
 vitæ amplectendæ cupiditatem vehementē ,
 quam restringere , neque parentis constans
 in neganda facultate morositas ; neque præsi-
 dum nostrorum in suadenda dilatione argu-
 menta imminuere valebant . Ne verò desi-
 derium hoc inter leues puerorum impetus
 computandum ducerent illius conscij , graui-
 tas morum vetabat , & conuictus iam tum
 domi religiosus . Custodia linguæ , & oculo-
 rum tanta erat , vt verendum etiam maiori-
 bus , atque adeo ipsi parenti in quotidiana
 consuetudine redderet ; quippe insolitum
 quid modestiæ in oculis , in vultu , in incessu ,
 in sermone elucebat adolescentulo maius , nisi
 quæ humanitatis suauitatem in formæ elegā-
 tia spirabat . Erant procul dubio animi com-
 positi argumenta isthæc , & ab affectionibus
 inordinatis liberi ; Sed vtrunque compositio-
 nem gratia Cœlestis effecerat ; quæ vbi peni-
 tæ cor obsederit , & in sua iura redegerit , do-
 minium suum per externa documenta prode-
 re delectatur ; In vno duntaxat triumphare
 se non poterat , vt æstuantem flammam
 desiderij ingrediendi Societatem Iesu tempe-
 raret , quod in eâ egregiè de mundo trium-
 phum acturum pro certo haberet . Sed quis
 Dei amor ad tam magnum bonum impel-
 lenti legem ponat ? Vt autem quoquo modo
 eorum imitaretur exempla , quorum habitum
 atque contubernium assequi ne precum qui-
 dem

dem importunitate poterat , tempus ita domi partiebat ut suas horas Orationis suas conscientiae discussione ; lectioni insuper sacrae suas impertiret , neque interim studia grammaticae , aut humanitatis negligebat , ad quae ea gratia potissimum incumbere haud segnitè , quod sciret nulli eorum rudè patere iaditum ad tyrocinium maximopere expetere à se Societatis. Et in litteris quidem quae vi ingenij , ac diligentiae ; quae praceptorum solertia , industriaque progressus faciebat non contemnendos . In spiritu verò , ac interiori cultu quantum proficeret , testes fuere conscientiae ipsius arbitri , superiori illum ductui relinquentes , à quo & perfundi mentem lumine tam affluenti , & voluntatem affectibus adeo sublimibus imbui advertebant , ut indigus alieni magisterij minimè videretur . Etenim quis mortalium tenellum adolescentem ad hunc Sapientiae verticem pronexisset , ut de Dei potentia ac bonitate sentiret non minùs altè , quàm si dñi , multumque in diuinorum librorum lectione , ac arcanorum in ipsis contentorum inuestigatione strenuam operam collocasset ? Aut quis Angelorum , hominumue tam aptè efformasset mollè cor ad Coelestium amorem , omni terrenorum appetitione exuisset ; desiderio patiendi , & Crucem cum Christo ferendi inflammasset : per prolixam precationem delitijs delibutum in vberes lacrymarum imbres soluisset : ab omni grauiori labe , & à leuioribus etiam , quantum humanitati fas est , praeseruasset ? Ita quip-

quippe sibi attentus erat, ut minimas etiam
 labeculas deuitaret, & quicquid Deo minis
 gratum censeret cautè omitteret, aut, quod
 perfectorum paucorum est, ex duobus bonis
 id amplecteretur, quod magis ipsi placere
 arbitrabatur. Inciderat aliquando in febrim
 lentam potius, quàm periculofam, cumque
 secum volueret animo, quem ob finem pro-
 uidentia Numinis, cui nihil fortuitum, nihil
 casuale est, eam vel immiserit, vel permise-
 rit, dubitare de vestitu coepit, quo ad parentis
 nutum, vti consueuerat, esset ne ornatior, ac
 ditior, quàm Deus vellet; & illico statuit, in
 alium commutare tam simplicem, ac vulga-
 rem, quàm decori leges, & maiorum con-
 niuentia paterentur. Et breues quidem vitæ
 illius anni fuere, sed spissos & plenos merito-
 rum postrema inuenit infirmitas, quæ ab ip-
 so adolescentiæ ineuntis ingressu ad meliores
 amisit. Properabat ad decimum quintum
 ætatis annum post menses quatuor explendi
 cum inopinato fracta pectoris vena riuum
 vberem cruoris emisit, & velut exanguis iac-
 cere coactus est, ac permittere se medicis,
 quibus morem gerebat; in omnibus licet
 de morte propinqua certus, quam prævide-
 rat, ac prædixerat paucos ante dies quàm
 suspicionem eius morbus ullus iniiceret, su-
 perno duntaxat instinctu monitus. Intende-
 bat se febris, sed magis cupido vidē-
 di Deum immensum aucta fauorabili men-
 tis illustratione, quæ illi obiecit Cælestis pa-
 tris pulchritudinem, ac Maiestatem. Lan-

guebant in corpusculo vires, reflotebat in animo. Virtus, & veluti pompam in lectulo exhibebat. Nullus in magnis doloribus clamor; querimonia, aut lamentatio nulla; sed eorum vicem, aspirationes ad visionem deificam, gratiarum actiones, piæ colloquutiones cum Christo Domino, cum Beatissima Virgine, & Sanctis suis tutelaribus. Audiebantur subinde in angoribus mortis prænuntiis ex ore patientis voces istiusmodi. O Bone Iesu, quanto fuit amarior calix vester isto meo, quem libenter bibo? Et quia mortificationis habitum valens contraxerat, æger non est oblitus eius actus exercere quàm plures, nam & amarissimas portiones ex medici præscripto sorbendas paulatim ceu melleum liquorem hauriebat, & incommoda, quæcunque morbi conditio inferebat, patientissime tolerabat; relegebat assidue amaritudinem Passionis dilecti sui Iesu, quem in vita imitatus fuerat; cui assimilari in morte non frigide cupiebat. Ut ipsi conclamata à Medicis salutem renunciatum est, incredibile præsetulit in vultu exultantis animi lætitiā, & in pientissimas gratiarum actiones erupit. Protinus accito Confessario, quo frequenter incolumis, ac æger usus fuerat è Societate, generali confessione animulam columba puriorem purgare voluit, eaque peracta crucifixi Christi imaginem amplexatus tenerissime affatus est. (O mi amantissime Iesu desideria desideravi in Societate tui Nominis vivere, ac mori; tu scis, qui illud immisi-

sti; neutrum fortiri licuit, Tuus tamen totus sum, quantus sum ò Iesu dulcis animæ meæ spes, & amor.) Tenuit affectuum istorum cursus, hinc interpolata mentis Extasi, inde mali Dæmonis terrere molientis improbitate per vices interruptus, à mane usque ad vesperam, sub quam ita adauctus est, ut inundanti cœlestis consolationis torrente pene absorberetur virginicum pectus mox morituri. In hoc æstu artollens in sublime oculos, & eleuare corpusculum connitens, in Cœlum, in Cœlum exclamat, & illico residens, quâ virium defectu, quâ gaudij, & liquidissimæ voluptatis excessu bis inter famulantium manus elanguens concidit; paulò post resumpto spiritu Sanctissima nomina congeminans, rursus, eleuatis oculis in Cœlum animam eidem restituit ad agnitionem nuptias vocatam, & nuptiali veste puritatis, ac innocentiae donatam.

Neque casui dandum, quod protinus per urbem consueto campanæ pulsu ad salutandum Beatissimam Virginem insonuere, siue quia magnæ Matri complacitum clientuli suæ abitum sacro lætitiæ sonitu honestare; siue quia vita initio à Mariæ inuocatione cultuque ducto respondere par erat initium æternitatis hora illa eiusdem Matris fauore, ut piè credimus, ipsi inchoatæ. Obijt in Aprili anno salutis 1608. Florentiæ, ubi superstitem reliquit immensam sui laudem, & famam sanctitatis. Elatum funus in triumphum formam. Tetendit à domo paterna usque ad templum

Societatis Iesu pompa multitudinis innume-
 rabilis, omnis conditionis hominum turma-
 tim ex vrbe tota confluentium, quorum
 magna pars oculis conspexit, & mirata est
 vultus mutationem statim ac Limen Colle-
 gij attigit feretrum. Cum enim morbus
 grauis, & copiosa sanguinis e fracta vena flu-
 xio mirum in modum corpus extenuasset,
 mors insequens penitus à se viuente mortuus
 apparebat; sed vt peruentum ad Collegium
 est, momento redijt faciei color antiquus, &
 restoruit pristinus decor rosa pulchrior; du-
 rauitque donec vocatus illico pictor ad illum
 exprimendum manum admouit penicillo;
 tunc enim impallescere adeò visus est, vt
 ab incœpto desistere pictor sit coactus, ceu
 si dedignaretur coloribus exprimi, qui latti-
 tiam inducerat non vt pingeretur; sed vt ani-
 mus in cœlo, vti spes est, exultans gratula-
 retur corpori stationem, quàm datum non
 erat ipsi frui in habitaculis Societatis.

Triumphus pariter speciem habuit populi cõ-
 cursus ad venerationem corporis properantis
 osculantis manus, pedesque, rosaria admo-
 uentis, vestes, capillos, & vix non carnes
 præcidentis, ac pro reliquijs estimantis; &
 subtrahendum quàm arte, quàm vi fuit eorum
 aspectui, ne plura auderet in rapiendo. Mul-
 ti ad eius opem tanquam ad gratiosum Re-
 ginæ Cœlorum in varijs necessitatibus accur-
 rere cœperunt, eamque consecuti sunt, vt
 declarauere anathematis argenteis ad imagi-
 nem eius appensis haud paucis, nec destite-
 re,

re, quoad publica luce interdictum omnibus per orbem terrarum pensilibus id generis monumentis, ne audeat in re grauissima pro Sancto colere, quoad coli posse à Sede Petri legitime constitutum fuerit.

Interim tamen Illustrissimus, ac Reuerendissimus Archiepiscopus D. Alexander Martius Mediceus pro sui ratione muneris adnotari iussit plurimas, quæ sub illud tempus impetrabantur eius inuocatione, aut reliquiarum attactu, sanitates. Ea propter crescente fama miraculorum visum eidem Archiepiscopo est defodi corpus quod loculo abiectionis inclusum in loco humido iacuerat, & multorum votis illud videre desiderantium satisfactum est. Statim ac reclusus est tumulus inhalauit templum odoris inde manantis fragrantia, & quod opinabantur plerique omnes integerrimum repertum est tabernaculum illud inhabitantis olim spiritus, non exenteratum antea, neque balsamo illitum, aut odoramentis conditum; sed à Virginitate per annum ab obitu custoditum, ne mortis iniurijs læderetur. collocatum est eiusdem Illustrissimi mandato ad læuam aræ sacelli Sancti Hieronymi, & inde aucto miraculorum numero ad læuam Maioris Altaris translatum, erecto tumulo è marmore honorificè in eodem templo Societatis Iesu cum hac Epigraphe.

A. M. D. G.

Alc-

Alexandro Bertio Matre Medico

Adolescentulo Deipara percaro

Tenellulo Virginitatis Flosculo

nūquam Languenti

Cœlitibus amabilissimo

Modestia vite, morumque integritate

Hominibus admirabilissimo

Pietate, ac religione in Deum

etatem superanti

Societas Iesu suo Candidatulo

Posuit.

Vita functus est.

Anno Domini M. Sexcentesimo Octavo

Die 22. Aprilis, sub occasum solis

etatis verò suæ anno decimo-

quinto nondum expleto.

Indicem miraculorum singillatim texere
delectati sunt, qui vitam eius suse scriptam
typis mandavere; & eo confidentius, quo
notiora quamplurimis oculatis testibus, &
ab Archiepiscopo adnotata, ut ad Urbem,
mittantur legitimo Scrutinio discutienda.

Additæ insuper privatæ revelationes, ac vi-
siones singularibus Dei servis concessæ, qui-
bus obiecta species est Virginis Sanctissimæ,
& Angelorum eius iussu lectum quiescentis
floribus inspergentium; alias suum clientem
inuisentis, docentis, consolantis, semel co-
rolla floribus contexta caput cingentis, Ange-
lorum item tam in vita apparentium, quàm
in morte funeri adstantium, & id generis a-
lia;

lia ; quorum mihi enarrationem interdico etiam merè historicam , non quia vera non existimem , & consuetis in Ecclesia reuelationibus consona ; sed quod huic etiam iudicio non ausim omnino fidere , nisi accedat à maiori auctoritate firmamentum .

Libet cum S. Basilio orat. in 40. martyres , coronidem festiuitati imponere , & Sanctos Virgines eam celebrantes interpellando venerari . O sanctum chorum , o sacrum ordinem , o cuneum inexpugnabilem , o communes generis humani custodis , optimi curarum socij , precum , ac votorum inuicem suffragatores , legati apud Deum potentissimi , astra mundi , flores Ecclesiarum : Vos non terra contexit , sed cælum excepit . Apertæ sunt vobis Paradisi portæ , dignum profecto exercitibus Angelorum , Patriarchis , Prophetis , & iustis omnibus spectaculum . Viri ætate florentes , in ipso vite flore existentes , temporariam hanc vitam contempnistis , ut in membris vestris Deum reciperetis , mundo simul , & hominibus spectaculum facti , &c.

Per vos suscipiant Montes , & Principes Pacem , & Gratia adimpleatur à Sponso Virginum Iesu Christo , qui est Deus benedictus in sæculum .

L A V S D E O .

Epistola ad Lectorem; & Explicatione Hieroglyphica.

efficacissimum	efficacissimam
vireutis	virtutis
narrationum	narrationem
afficiam	afficiam
stuita	stulta
Aliquem	aliquem
seuent	seruent
In margine	deest tom. 8.
legentes	legentes
extolledam	extollendam

Errata

Corrige

Pag.		
3	Astor	Autor
4	lactz	lacte
4	Manoch.	Menoch.
6	Imaginem	Image
9	Custodire	custodire
13	Dubitas	dubites
15	spontz	sponse
19	prædictiones. Completo.	prædictiones completæ
32	quo quo Christus attulerat.	Denique Christus præconijis magnificentissimis,
30	Euangeliorum	Euangeliorum
36	culturæ	culturæ
37	vella	velle
47	facisset	fecisset
47	Nauarcum	Nauarchum
47	Palest.	Palæst.
51	Gebenese	Gebennensis
54	Absolute	Absoluit
63	sine	siue
80	antidotum	antidoto
91	Iudices	Iudicent
102	Italice	Italice
110	stimulam	animulam
131	Thermes	Thermas
127	superradz	superandæ
137	studio	stadio
141	suggesta ampla	templaq;

153	Cangonimanum	Cangoximanum
160	incolumem	incolumem
161	renocentur	renocentur
163	tristitia	tristitia
ibid.	ultra	ultra
ibid.	augebatur	augebatur
173	nesciat	nesciat
278	seminudus	seminudus
169	conspicuo	conspicuo
179	Mediolanans	Mediolanensis
ibid.	extera	extera
186.	Braydeusi	Braydensi
ibid.	dignaretur	dignaretur
ibid.	præbet laborabatur	dele laborabat
ibid.	laboriosus	laboriosus
ibid.	documento	documenta
195	nunc	nunc
224	Encemium	Encomium
230	volauit	violauit
237	continentur	continentur
147	Sacram.	Sacram.
275	domiuit	domiuit
ibid.	autem creditum	creditum autem
ibid.	salutare	salutares
277	caudens	candens
260	Francfordiens	Francfordiensis
285	Duartanus	Dunstanus
ibid.	consentientibus	consentientibus
289	euocant	eucant
290	Nonnulla	Nonnulli
292	clienri	clienti
267	rerum posita	potita
300	Radislaus	Radislaus
347	à Baran.	Baronio.
350	saptena	septena
351	Gyela	Gysela
352	adstati	adstanti
354	laudatu	laudatu
303	Vuolfangus	Vuolfangus
16	fit dandus	fit dandus
308	Iurtum si	Iutum se
318	Dirè latiq;	Dirè latèque
321	iuvanilis	iuuenilis
ibid.	Muleheb.	Malchol.
16	parænesis	parænesi
16	progressu	progressa

16 celibatum
ibid. constituit
327 Naturæ
16 potentiam
328 infantia
333 castitatis
437 peregrinus
ibid. monam.
438 Enthusiasmus
ibid. vicinia
442 Imaginabos
463 inducerat
465 specus
406 soporū
ibid. petenti
409 Accedentem
408 Aqualem
415 circumire
ibid. tolerabant
416 Hunc
419 Franciscanum
423 legi
425 Mentis
ibid. tertius
425 Cordubenses
ibid. scriptorum
428 genarum
ibid. diffunderet
ibid. diriores
ibid. mollitus
431 dignum
ibid. festinanere
432 quæ erat
437 an. 194

celibatus
constituit
Natura
potentia
infantia
castitatis
peregrinus
monum.
Enthusiasmus
vicinia
Imaginibus
induceret
species
soporū
petenti
Accedentem
Aqualem
circumire
tolerabant
Nunc
Franciscanum
legi
Mentis
tertius
Cordubenses
scriptorum
genarum
diffunderet
diriores
mollitus
dignum
festinauerat
qui erat
1094

REGISTVM.

A B C D E F G H I K L M N O P Q R S
T V X Y Z

Aa Bb Cc Dd Ee Ff

Omnes sunt Quaterniones.



ROMAE, MDCLIII.

Typis Hæredum Manelphi Manelphij.

Superiorum permisu.





